

DE PRAXI

INCOLENDÆ SOLITVDINIS

S I V E

RECOLLECTIONIS IN EA AD DIES ALIQVOT
Spiritualibus Exercitijs obeundæ,

DISQVVSITIONES ASCETICÆ,

SS. PATRV^M PIORVMQVE SCRIPTORVM MONITIS;
Ac Religioforum Ordinum sanctioni-
bus explicatæ.

T O M V S A L T E R

A V C T O R E

D. FRANCISCO MARIA MAGIO
Clerico Regulari Panormitano.

EDITIO SECV^NDA

Auctior & Emendatior.



ROMÆ, Apud Ignatium de Lazeris M.DC.LVI.
Nunc iterum Neapoli apud Nouellum de Bonis M. DC.LXXV.

SVPERIORVM PERMISSV.

Laudetur sanctissimum Eucharistiæ Sacramen-
tum; & sit benedicta semper ab omnibus
B. MARIÆ Virginis Puritas, &
immaculata Con-
ceptio.

A SANCTISSIMA DEIPARA
DEI MATRE MARIA, MVNDI DOMINA;
Hominum, & Angelorum Regina,

*Operis Auctor, vilis ac infelix homuncio, & qui planè nominari est
indignus, in vita sibi & in morte opem & patrocinium,
ac animi salutem precatur.*



IBI, ò Deipara, quæ omnium spiritualium Exercitiorum Patrona es & Magistra, qualemunque Praxin & Institutionem hanc meam, ex aliorum vfu & auctoritate depromptam, humillimè & omni corporis animique demissione, offero & dono: vt quicquid hìc rudi licèt calamo & illaboratum exscripti, digessi, & edidi in lucem; tua intercessione & gratia obtineam, vt vita prorsus ac moribus exprimere queam. A factis, scripta hæc mea longissimè discrepant: porrò dissonant exempla consilij: alios docere præsumo quod planè ipse non didici. Palam atque disertè fatear: aliter omnino vixi, quàm loquor: scilicet, ad sanctitatem instituo, qui peccatorum cœno collotenus infixus sum. Sed quò me veritam, nisi ad te vnicum peccatorum asylum, quæ potes à me vitia sic expellere, & ita mihi metipsi cor & animum immutare, vt bonus Filij tui Minister, ac dignus habitu Religiosus, & adhæc ipsa, quæ scripsi conformatus, euadam. Age, sanctissima Dei Mater, quæ indignorum hominum preces tua pietatè non dedignaris: hoc quotidie millies tua opera præstitisti, vt ex impijs ipsa redderes pios, ac è peccatoribus iustos: & cur hoc mihi impio & peccatori, non tua, etiam gratia & intercessione, contingat? Porrò, si sceleritas & impietas mea, omnium impietatem sceleritatemque superauit, tuam, tamen in me gratiam ac misericordiam non extinxit. Hanc ego, tamen non merear, reuerenter imploro: hanc humillimè postulo: hanc ex animo cupio, & ardentissimè concupisco. Speroque, per te Virginem, fore, vt in Domo Recessus tuis auspicijs à Venerabili Matre nostra D. Vrsula dedicata, in qua hodie versor, ita scriptas à me sanctorum Patrum, piorumque virorum, exercitationes obseruem, vt, si non aliorum, mei tamen ipsius quem primùm attendo, sub alterius cuiuscunque Directione, hoc opusculo, institutor efficiar. Eia me, sanctissima Dei Mater, inter eos clientes admitte, qui etsi vitij omnibus irretiti & onusti sunt, salutis suæ desiderio tamen impuls, ad te peccatorum Auxiliatricem accurrunt, vt grauem pec-

catorum sarcinā tua ope manūque adiuti dimittant; & virtutes arripiant, quibus ipsi faciliē ad Cælum eant. Excipe, & tuere me, Domina: effrāces meos sensus, & indomitā voluntatē coerce, vt nihil omnino ampliūs prāter Deum & te amem, & tuo demum munere saluus fiam. Has meas preces, has voces, momentis singulis aded ratas volo, vsque dum à te auditas, ac tua pietate etiā exauditas intelligam. Omnium sanctorum Patrum, & Religiosorum Hominum ac Ordinum merita, quorum hic monita sequor, & instituta complexus sum, hanc à te mihi gratiam intercedant, vt scripta & facta concordent; & quicquid in libro edidi, in vita & in morte à me ipso actum & opere confirmatum ostendam. Scilicet, totius vitæ meæ te Dominā & Patronā imploro: oroque, vt cū animā exhalandi ac reddendi Deo tempus aduenerit, præsentiſsimā opē tuā, contra omnem inferni aciem, etiā in obitu, sentiam: æternūque canam illud mihi suauissimū carmen:

*Laudetur sanctum Sacramentum: & sine Labe
Quæ es concepta, Dei sis benedicta Parens.*

ADM. R. P. D. FRANCISCO CARAFÆ
Congregationis PP. Clericorum Regularium Præposito
Generali felicitatem.



*VM ad supremam Ordinis Præfecturam, tibi iampridem
& debitam, & ab optimis quibusque viris, votis omnibus,
exoptatam, omnium conscriptorum Patrum consensu (quod
sine Diuini Numinis consilio & impulsu non accidit) Co-
mitia te Generalia delegissent; ea ferè nostrorum hominum
pietas ac hilaritas fuit, vt quilibet in te ipsum nostri Ordinis
Conditorē ac Parentē Caietanum, tanquam è Cælo delapsū, cuius
ne dum sanctitatem, sed & corporis habitudinem ac faciem exprimebas,
summa animi religione venerari ac suspicere videretur. Scilicet, in te
omnes vno ore depredicabant, inclite Familie decus, & inter Carafeo-
rum Prosapiam, Sciliani Principum, ac Laurini Ducum, Patrum, Germa-
norum, atque Nepotum tuorum, insignem ramum, alterius Conditoris at-
que Parentis Maximi, sanctissimi Pauli Papæ Quarti lineæ propiorē; &
indolem ingentem, & integerrimā vitā, a pueritia ipsa ad ætatem istā
cum omnium virtutum odore ac laude peractā; & cuncta Religiosi Mo-
deratoris officia, quotquot in nostro Ordine longa serie numerantur, quæ cum
insigni prudentia pluries obiisti, & ad summā te dignitatem, promeritum-*

que

que fastigium, tanta omnium acclamatione ac gratulatione promouerant: dum nonnulli interim duorum germanorum tuorum fratrum merita & virtutem extollerent: quorum aliter, P. D. Iacobus Carafa, alterius cuiusdam Domus nostrae Praepositus, Messana, cum tanta omnium opinione decessit, ut si literis eius temporis ac Messanensium Patrum fides habenda, splendidissimum quoddam lumen super eadem nostram in ipso eius obitu obortum sit, quod felicem emigrantis animi sortem (ut pium est credere) designarit: alter, P. D. Io. Antonius Carafa, Neapoli, in Domo sanctis Apostolis sacra, Laurini Ducatu dimisso, qui illi ob primogenita in seculo continebat, cum in perpetuo vite cursu, Confessorum iudicio, Virginitatem ac animi integritatem illibatam seruasset, eo praeluxit omnium splendore virtutum, ut nostri vite functum, seorsim in arca, cum insigni vite ac virtutum elogio in plumbea lamina, tumularint. Neque hic pratermittam, multos gentiles tuos qui, veluti Caelum astra, hodie superstites nostram Congregationem illustant: quorum quatuor, qui, nominis celebritate ac sapientia insigniores, eidem Generali Capitulo interfuerunt; nunc aut istum S. Siluestri Domum, aut S. Pauli ac S. Maria Angelorum Regine Neapolitanas, aut cunctam Neapolitanam Prouinciam, cum insigni prudentia, moderantur; ut de ijs plane taceam, qui ex eadem nostra Congregatione delati, aut Messanensem, aut Tricaricensem, aut Cassanensem Diocesin, Pontificijs insulis, administrant. Ego uero, cum me etiam puerum ac nouitium, Panormi olim, amaueris, & mira semper humanitate ac beneuolentia faueris rebus meis: & quod inter grata semper animi demissione suspexi sanctissimi Pauli Papa IV. gentilitium nomen & admiranda facinora, quae copiosa narratione Italice ac Latine complexus sum, ut (Deo cum libeat) euulgarem: inter hos plausus communemque letitiam, omnium sane gaudium excedebam; praesagienti animo fore omnino confidens, ut grandia illa Venerabilis Matris, quae neminem hodie de Eremito, uel nostro de Receptu, latent Oracula, tua praesertim opera, adimplerentur. Maeste animo, praestantissime Pater: tertia & ultima iam Tiara, Venerabili illi Catharina Palmeria diuinitus ostensa, praeterijt: instant tempora, & feruere omnia toto penè Orbe conspiciuntur; iamque Romanus Pontifex, Excellentiss. D. D. Didaci Aragonij, Terrenouae Ducis, Catholici Hispaniarum Regis Oratoris, opera incensus, benigna & prospera de se omnia pollicetur. Tu uero, quod primum uoueris, seria morum emendatione opus esse, ut, ad excipienda caeli dona, sanctius animi disponantur; quae prudentia ac sapientia polles, usum exercitiorum spiritualium sic plane urges atque commendas, ut etiam obeunda solitudinis formulam exhibueris: quam ego, ut tibi ex animo morem gererem, sanctorum Patrum, piorumque Scriptorum monitis explicare conatus sum. Enim uero, uidetur Deus annuere caeptis tuis: quippe quam Domum, nostrorum Patrum re-

cessui,

cessui, Mater nostra *Vrsula*, iacto olim tertium lapide, destinauerat, & ubi oraturum esse continuo Sacerdotem prädixit; præter omnium existimationem ac fidem, nuper, ea conditione recepimus, ut recessui nostrorum Patrum duodecim addicaretur. Quod ut tua ipse auctoritate firmares, ac statim exequi videreris, post Neapolitanorum omnium Magistratum, & Eminentissimi Cardinalis Francisci Angeli Rapaccioli, ac Excellentissimi Terranoue, quem dixi, Ducis instantiam, maturamque rei, cum tuis Consultoribus, sapientissimis ac celeberrimis Patribus, D. Antonino Diana, D. Augustino Bozomo, D. Carolo de Palma, & D. Caietano Pagano, discussionem, mihi Ordinarij eius Loci provinciam demendaſti, nec excusationem admittis, qua imbecillitatis meæ conscius instiri, ut ea humeris alterius cuiusdam viri aptioris ac robustioris imponeretur. Quando ergo sic iubes, ad eò ipse in tua prorsus auctoritate ac virtute confido, ut nihil de mea amplius utilitate ac tenuitate sollicitus, tam graue onus subire, & protectionem meam adornare, & Neapolim ingressum flagitare, non dubitem: sperans eminino fore, ut qui mihi onus iniunxit, sua apud Deum oratione sic inuuet, ut pares oneri ab eo vires adyiciantur. Vale optime ac vigilantissime Pater, & me obsequentem nutibustuis, ac Neapolim, ut spero, mox abeuntem, tuâ Benedictione prosequere. Deus Opt. Max. totius nostri Ordinis bono, vitam tibi diu incolumen seruet. Roma, è nostris adibus S. Andrea, die 17. Mensis Nouembris, Anno post Christum natum M. DC. LVI.

P. T. Adm. R.

Humillimus & addictissimus in Christo seruus;
D. Franciscus Maria Magius Cler. Reg.

OPERIS APPROBATIO

D. FRANCISCVS CARAFA

Congregationis Clericorum Regularium Præpositus Generalis.

Opus inscriptum, De Praxi Exercitiorum Spiritualium &c. à P. D. Francisco Maria Magio, nostræ Congregationis Theologo, compositum; & iuxta adiectam assertionem Patrum Theologorum, quibus id commissimus, approbatum, ut typis mandetur, quoad nos spectat, facultatem concedimus. Dat. Romæ in nostra Domo S. Siluestri Montis Quirinalis die 28. Septembris 1656.

D. Franciscus Carafa Præpositus Generalis Clericorum Regularium.

D. Iacobus Sottani Secret.

THEO-

THEOLOGORVM CENSURA.

Praxin Exercitiorum Spiritualium, Auctore D. Francisco Maria Magio Clerico Regulari, studiosè iustrauiimus, ex mandato Adm. R.P.D. Francisci Carafæ, nostri Ordinis Præpositi Generalis. Quam, utpote ardenti studio elaboratam, summaque spiritualium rerum atque SS. Patrum eruditione refertam, & alijs eiusdem Auctoris operibus omnino correspondentem, luce dignam censemus, in veræ salutis amatorum commodum atque profectum. Romæ, in ædibus S. Andree de Valle, die 28. Septembris 1656.

D. Io. Baptista Arata C.R.S.T.P. D. Thomas Spinola C.R.S.T.P.
Imprimatur, si videbitur Reuerendiss. Patri Mag. Sac. Pal. Apost. M. A. Oddus Vicefg. Imprimatur, Fr. Georgius Rainoldi P. Mag. S. Pal. Apost. Ordinis Præd. Socius.

AVCTORIS ADMONITIO.

Ecce tibi, Lector, rude hoc Opusculum meum, quod mihi met ipsi, iuniores atque tyrones nostros in recessu instruendi gratia, lucubraueram, publici iuris fieri passus sum; ut multi à me importunis prope adhortationibus ac precibus impetrarunt. Planè, si tot illustrium Auctorum libros, hac de re sapientissimè scriptos, & editos in lucem conspicias; meum hunc laborem, ceu inanem, ac futilem, aspernaberis: si verò vel ipse Spiritualia hac Exercitia obire velis, vel aliorum directioni, etiam seculariam, atque præsertim (ut dixi) iuuenum ac tyronum incumbas, & multorum Pairam ac Ordinum ritus desideras incueri, ut cuique opportuniorem suadeas ac prescribas; quicquid hoc libello studiosè complexus sum, pro tua (ut spero) benignitate ac humanitate, quam maxime commendabis. Hunc enim scopum mihi præfixeram, ut ne dum Canonem nostri Ordinis explicarem; sed ut etiam, hac in re, omnium Religionum statuta, consuetudines, ac leges ostenderem: quippè qui in recessu versantur, non iisdem omnibus rationibus ac institutionibus uti debent: nam varia hominum ingenia varia methodo gubernari expedit; & hoc periti Directoris est munus, ut benè cognitis ritibus, qui in hac recollectione ab alijs adhiberi solent, ea cuiuscunque proponas, que aptiora eius feruori ac ingenio iudicauerit. Ceterum, si hæc collegi, & digessi, ut qui Professis iunioribus ac Nouitijs instituendis multos annos incubui, Præfecti atque Magistri partes implere, ac meo ipse oneri satisfacere potuisssem: & si ea typi imprimi & euulgari permisi, ut alios utcunque iuuarem; hoc à te, mi Lector, exorem: ut æquibonique faciens consilium meum, & condonatis erroribus, qui, ob typographi & correctoris incuriam, in operis impressione irrepserunt, meorum à Deo peccatorum veniam & morum emendationem impetres. Vale.

ADM.

ADM.R.P.D.FRANCISCI CARAFÆ

Præpositi Generalis Congregationis Clericorum Regu-
larium Ordinatio,

AB ADM.R.P.D. CAROLO PIGNATELLO
Generali hodiè Præposito confirmata.



EXERCITIORYM spiritualium Solitudinem, quam singulis etiam Sacerdotibus Generalia sapientis Comitia pro libito præscripserunt, mādamus omnino tamen suscipi, & à Nonitis, & à Iunioribus Clericis, antequam ad Habitum, & Professionem, aut ad Ordines sacros promoveantur. In ijs autem peragendis, ne otio se dedant, sed vi, liberi ab omni occupatione, sedulo secum agant, quod ad vitam bene instituendam, ac Dei ministro dignam conducit, hoc ritu omnes utentur. Quilibet sibi quenquam ex senioribus Instructorem, Directorem, Magistrum, ac Praefectum eligat; à quo, quæ opus sunt, monitis & instructionibus imbuatur. Nam, sine alterius ductu, nemo, quantumvis doctus aut senex, hac Exercitia obire debet: ut eorum utilitatem persequatur: & ne feruentiori impetu ac spiritu abreptus, aut corpus ladeat, aut à demone ipso decipiatur. Quoniam, fidere aliquem sibi ipsi, & sacrarum Scripturarum Oracula, & prisca Patres, & spirituales Magistri, modis omnibus exerantur. Delecta sic ab omnibus Instructore, cui cunctam vitam & conscientiam suam rationem expandant, cum magno animi fervore, ac bene preparati, in solitudinem eant. Tum qualis cuiusque ingenium, ac necessitas exigat, quotidie ab eo Exercitijs ac Meditationibus instruantur: ea promptitudine, ac humilitate, eius institutionibus obsequentes, ut, veluti Christi causæ demò pueri, religiosa perfectionis elementa non tam edificent, quam moribus exprimere videantur. Ille verò quotidianorum primò actuum seriem ijs, statim horis, ac temporibus, ordinabit: tempus divinae meditationis tribuendum præscribet: corporis afflictationes adhibendas signabit: spirituales libros, ipsorum profectui aptiores, eliget: & de quotidianis propositis, quæ subinde à meditationibus eliciunt, ut scripto notari debeant, admonet. Choro autem, divinis Sacrificijs, & communione mensæ, an vna cum alijs aliquando interesse, vel abesse expediat, id Directoris ac Superioris arbitrio derelinquimus. Aliorum tamen colloquio, & consortio, semper abstineant: & diligenter hoc carent, ut, totius antea vitæ Confessione, contracta animi sordes, veris lacrymis, ac severius sanctiusque deinceps instituenda vitæ propositis, eluantur. Præcipua, ergo, ac singularis cura Solitiorum hac erit, ut vitæ suæ facta, dicta, & cogitata discant, his saltem quotidie Generale ac Particulare Examen instituentes: ut possint ipsi acrius cum vitæ certamen inire, & temporum collatione expensa, proficere. Meditationum puncta & materia, iuxta nostrorum Patrum veterum morem, ex sacris Evangelijs, ac D. N. Iesu Christi Vita, frequentius hauriantur: eo tamen ordine, quem Director, iuxta cuiusque exigentiam, indicaverit; quæ etiam ex probatis Auctoribus peti possunt. Sed Praefecti & Directores, in iunioribus præsertim exercendis, hoc curent, ut probe omnes, in orandi modo, exercitioque Virium, iuxta ritum nostri Ordinis, & libellum Pugna spiritualis, à nostro P. D. Laurentio Scupolo editi, instruantur. In singulis autem meditationibus, Fructum semper Exercitiorum initio propositum querant: qui præsertim, in emendatione morum, & in vitæ sanctioris ordinatione, consilii, ac speciatim in medijs prudenter excogitandis, quibus, Proposita omnino ad praxin reduci queant.

LIBER VII.

De Necessitate petendæ Solitudinis, & Instructoris subindè ab omnibus audiendi.



EXERCITIORVM spiritualium solitudinem, quam singulis etiam Sacerdotibus Generalia sapius Comitia pro libito prescripserunt, mandamus omnino tamen suscipi, & à Nouitijs, & à Interioribus Clericis, antequam ad habitum, & professionem, aut ad ordines sacros promoucantur. In eis autem peragendis, ne otio se dedant, sed ut liberi ab omni occupatione, sedulo secum agant, quod ad vitam bene instituendam, & Dei ministro dignam conducis, hoc ritu omnes utantur. Quilibet sibi quenquam ex Senioribus Instructorem, Directorem, Magistrum, ac Praefectum eligat; à quo, quæ opus sunt, monitis, & instructionibus, imbuatur. Nam sine alterius ductu nemo, quantumvis doctus, aut senex, hæc Exercitia obire debet, ut eorum utilitatem persentias, & ne uel feruentiori impetu, ac spiritu abreptus, aut corpus ladas, aut à Demone ipso decipiat. Quoniam fidere, aliquem sibi ipsi, & sanctarum Scripturarum Oracula, & præsi Patres, & spirituales Magistri omnes, modis omnibus execrantur.

DISQVISITIO PRIMA.

Cur Exercitia spiritualia Solitudo appellata, ac tantopere necessaria videantur?

256 **E**XERCIT. SPIR. SOLITVDINEM. Exercitiorum spiritualium nomen satis à nobis alibi declaratum. Benetamen vsus inualuit apud nos, ut spiritualia hæc Exercitia Solitudinem nominemus: ritèque noster Aloysius Nouarinus, vir planè sapientissimus, suas exercitiorum Meditationes, Decem Solitudines appellauit. Lego enim Sancium, Generalem Fulienfium, Meditationes suas pro recessu spiritualium exercitiorum exhibitas, Sacram Solitudinem, inscripsisse. Eremitæque S. Augustini Discalceati spiritualia passim exercitia, Solitudinem; meditates verò, in M.S. Instrukione, quam vidi, & R.P. Bened. S. Theologiæ Professor ostendit, Solitarios vocant. Porro, ego Solitariorum Regulam, ex SS. Patribus, ac præsertim Diuo Benedicto decerpam, ac LXVII.

*vide primū
Volamen
lib. 3. disq. 8.
fol. 208.*

Capitibus explicatam, apud Hæfrenum obseruo, & pro ijs, qui Reclusionem subibunt, cùm de Eremitica, & arctiori domo, in singulis Prouincijs extruenda, disseram, illustrabo. Idem passim, & solitarij, & solitudinis nomen, in sensu, & significatione, quam dixi, & à Cassiano, & ab alijs priscis Patribus vsurpatur, Vt enim S. Ioannes Damascenus disertissimè ait, *Solitudinem nonnihil complecti oportet, vt animo minimè turbido, & inquinato, Deum alloquamur, ac mentem à rebus vagis aliquantisper reducamus.* Perspicuè verò Solitudinis nomine, quo vtimur, Religiosorum secessum innuit Ioannes Trithemius: *Non enim, inquit, omnibus conuenit sedere in Eremito, quibus in medio Fratrum magis conuenit Domino militare. Nam & Monasteria nostra solitudinem habent suam, vt qui voluerit esse solitarius, possit in medio Fratrum, dum cella, in qua moratur, continuauerit secretum.*

257 Eandem hanc solitudinem ad aliquot dies, pro vita bene instituenda susceptam, approbat in cunctis Religiosis Ordinibus S. Thomas: qui cùm primò dixisset, solitudinem congruentem non esse Religionibus, quæ sunt ordinatæ ad opera vitæ actiuz, sic addidit: *Nisi fortè ad tempus, exemplo Christi, qui (vt dicitur Luc. 6.) exijt in montem solus orare, & erat pernoctans in oratione Dei.* De quo etiam loqui videtur Ioannes cap. 18. cùm ait: *Sciebat autem Iudas, qui iradebat eum, locum, quia, frequenter Iesus conuenerat illuc cum discipulis suis.* Vt autem nota: Suarius: *De alia diuturniori separatione per aliquot dies habemus in Christo Domino exemplum, in separatione quadraginta dierum in desertum.* Quod tamen alibi ex multis Patribus explicauimus. Quàm verò hæc sacra Solitudo Religioso sit homini necessaria, præter ea, quæ prolixè alibi diximus, hic obiter ex eo conijce, quòd Frāciscus Petrarcha de homine studioso arbitratur. *Vix de homine studioso bene existimo, inquit, qui non (si absque intermissione honesti officij datum sit) cupide interdum à procellis curarum civilium in solitudinem, velut in portum, fugias.* Si vix putat, posse quenquam satis proficere in literis, ni subindè ad tempus in solitudinem se recipiat; an quies Religiosus, & seriò mores corrigere, beneque vitam instituere optas, spiritu vnquam ambulabis, & ad perfectionem contendes, nisi ad hæc Exercitia, hoc est, ad te bene discutiendum, longè à seculi strepitu, & hominum conuictu, secesseris? Planè, tot Sanctorum exempla, quæ in primo meo Volumine retuli, si pro cuiusque hominis gradu, & statu, non faciunt, discere vel ab Ethnicis hunc laudabilem morem. Ait enim de se Tullius: *Quantum licet, & sepe, soli sumus.* Et Scipio Africanus Senior à M. Tullio, à Plutarcho, & à S. Ambrosio commendatus, dicere solitus erat: *Nunquam se minis otiosum esse,*

S. Dam. l. 1.
paral. c. 37.

Trith. hom.
6. de am-
quiet. & so-
lit.

S. Th. 2. 2. q.
188. ar. 8.

Soar. t. 4. de
rel. l. 9. c. 7.
n. 9.
Vide 1. Vol.
disq. 8. fol.
61.

Petrarch. l. 4.
inuet. c. 1.

Cic. l. 3. of-
fic. Plut. in
Scip. Afric.
Maiore.
S. Amb. l. 3.
offic. c. 1.

quàm cum oïofus, nec minùs folus, quàm cum folus effet. In hac enim folitudine, dum nobifcum fedulò agimus, & noftro profectui oppertuna ac vtilia meditamur, foli non fumus. Fuiſſe autem hanc folitudinem Africani, noſtræ perſimilem, & vt Petrarcha in ſtudioſo præfertim homine requirit, narrat Cicero his verbis: *Ille enim, requieſcens à pulcherrimis Reipublicæ muneribus, otium ſibi ſumebat aliquando, & à cætu hominum interdum, tanquam in portum, ſe in folitudinem recipiebat.* Otium dixit? Sed quale hoc à noſtris in folitudine, ac reſeſſu, ſit admittendum, ex ſanctorum Patrum ritu, ac inſtitutione, diſcutiamus.

DISQVISITIO SECUNDA.

Quo quietis deſiderio, ac libertate animi, diſponendus, qui eſt abiturus in folitudinem?

258 **N**E OTIO SE DEDANT: Sanctus Ambroſius; *S. Ambr. lib. 3. off. c. 1.*

Alij, inquit, requieſcendi cauſa, abducere animum à negotijs ſolent, & à conuentu, cætuque hominum, ſubtrahere ſe ſe: & aut ruris petere ſecretum, capiare agrorum folitudines, aut intra Urbem vacare animo, indulgere quieti, & tranquillitati. At noſtris hominibus hoc fermè non expedit; nam non deſidiæ, ſed cogitationis eſt otium, quod admittimus, vt Deo ſoli vacemus. Huc nos ipſe vocat, cum ait: Vacate, & videte, quoniam ego ſum Deus. Quibus verbis, vt exponit S. Auguſtinus; Agite otium, inquit, & agnoſcetis, quia ego ſum Dominus, non otium deſidiæ, ſed otium cogitationis, vt à locis & temporibus vacetis. Hæc igitur quies à noſtris in ſeſeſſu capranda eſt, non vt torpeant, ſed ad diuinum obſequium vt acriùs excitentur. Sit noſtris exemplo S. Gerardus Comes; de quo S. Odo, Cluniacenſis Abbas, hæc ſcripſit: Expleto ſanctæ ſuæ deuotionis itinere, iam ſecretiora loca frequentare delectabat, quaſi vocem illam Pſalmiſtæ ſecutus, quæ dicit, elongaui fugiens, & manſi in folitudine; ibi enim à ſecularium frequentia, vel cauſarum ſtrepitu, quieſcere volebat. Sed quænam erat hæc quies? Vt liberiùs diuinæ ſeruiciti vacaret. Hoc eſt, vt ea omnia ſine arbitro peragere poſſet, quæ de S. Francisco Diuus Bonauentura ſic ſcripſit: Vir autem Dei ſolitarius remanens & pacatus, nemora replebat gemitibus, loca adſpergebat lacrymis, pectora manu tundeat: & quaſi occultius ſecretarium naſtus, conſabulabatur cum Domino ſuo. Ibi reſpondebat Iudici, ibi ſupplicabat Patri, ibi colloquebatur Amico. Ibi quoque, Fra-

Pf. 45. 11.

S. Aug. l. de vera Relig. c. 35.

S. Odo l. 2. vit. S. Gerar. c. 26.

Pf. 54. 8.

S. Bonau. in vita S. Fran. c. 10.

ribus ipsū pie obseruantibus, aliquoties auditus est, clamoris gemitibus apud
 Diuinam pro peccatoribus interpellare Clementiam, deplorare etiam alta
 voce, quasi coram se posuam, Dominicam Passionem. Ibi uisus est nocte
 orans, manibus ad modum Crucis protensis, toto corpore subleuatus à terra,
 & nubecula quadam fulgente circumdatus, ut illustrationis mirabilis intra
 mentem mira circa corpus perlustratio testis esset. Ibi etiam, sicut certis est
 comprobatur indicij, incerta sibi & occulta Diuina Sapientia pandebantur;
 quanuis illa non vulgaret exterius, nisi quantum Christi urgebat charitas,
 & proximorum utilitas exigebat. Dicebat enim, leui mercede, rem impre-
 tiabilem contingit amitti; & illum, qui dedit, ad non dandum facile prouo-
 cari. Hæc S. Francisco Assisiati in solitudine quies, & otium fuit.
 Eosdem hos clamores, & eadem hæc colloquia è Ludouici Grana-
 tensis ore audiuiſſes, dum in antri solitudine ageret, de quo Fr. Hiero-
 nymus Ioanninus hæc ait: In eam speluncam abditus, ut à nemine
 audiri posset, ueluti alius Thebaidis Eremita, quinque aut sex horas quo-
 tidio uersabatur, clara uoce, Psalmis & Hymnis Deum laudans: modò cum
 æterna Maieſtate audiebatur loqui, modò cum Celitibus: nonnunquam de-
 plorabat ingratitudinem peccatorum; interdum pro ipsis ueniam postulabat:
 & his exercitijs assiduus & intentus, quasi in Paradiso, quem alie uersa-
 bat, sibi ipsi degere uidebatur. Et ita nunc genuflexus, nunc brachijs in Cru-
 cis modum extensis, nunc pedibus innixus, nunc sedens, magna ex parte
 diem traſigebat. Hæc sanctorum hominum quies, hoc nostrorum so-
 litariorum est otium; quod tamen uerè otium non appellem. Diser-
 tē enim D. Bernardus: Otiosum, inquit, non est uacare Deo, imò omnium
 negotiorum negotium; quoniam ex hoc otio uires proueniunt ad negotium;
 & qui scit prudenter ad tempus quiescere, sciet postea strenuè, & utiliter la-
 borare.

Ioann. in vi-
 sa F. Ludou.
 Gran.

S. Bernar. ad
 Fr. de monte
 Dei.

L. Sen. l. de
 breu. uitæ.

Cic. 2. de
 Orat.
 Quint. l. 10.
 c. 3.

Carol. Ep. in
 vita S. Car. l.
 7. c. 14.

Congr. 7. De-
 cr. 21. S. 4.
 can. 4.

259 SED LIBERI. Porro L. Seneca, quoddam aliquam saltem oc-
 cupatione distineretur; Moror, ait, in Tusculano meo semilibet. Erat
 in hac sententia Magnus ille Orator L. Crassus; qui, ut refert M.
 Tullius, sic aiebat: Mihilibet esse non uidetur, qui non aliquando nihil
 agit. Imò, Quintilianus etiam Liberum arbitris locum, & quàm altissi-
 mum silentium Discipulis præcipere solitus erat. Nobis uero sat erit,
 si S. Carolum imitemur, qui hanc secessus, ac solitudinis palæstram
 ingressus, Ab omni alia occupatione liber, superioris temporis errata dolebat.
 Roget tamen hic quispiam, num Sacerdotibus in secessu uersanti-
 bus aliorum Confessiones auscultare permisſum? Minimè, inquam;
 & septima Societatis Iesu Congregatio sic præscripsit: Exaſt (exer-
 citia) ab omnibus fiant, omni omnino excusatione, & occupatione seposita,
 ac superatissima ut neque negotijs, neque confessionibus, eo tempore distineant.

Quid in Solitudine peragendum. 309

tur. Addo etiam Conciones nominatim hoc Decreto prohibitas : *In annua recollectione, quæ ab omnibus fieri debet, ab omni occupationum genere abstineant : caueantque Superiores, ne vel ipsi, vel alij, eo tempore, ullis negotijs, ac ne confessionibus quidem excipiendis, aut habendis Concionibus, occupentur.* Cur, rogas ? Audi Bernardum : *Si ergo septem diebus, vel non paucis mensibus, operatus es, & salutem aliorum quæsuisti ; iam Sabbatum, idest, tempus aliquod quieti destinatum libenter excipe, in quo dum ab externo opere cessas, virtutes restaures, & spiritum præ onere deficiente m reficias.*

Ead. Congr. can. 4.

D. Bernard. ad Fr. de monte Dei.

260 SEDVLO SECVM AGANT. O vtinam, quisquis hæc legis, aliquando in recessu seridè tecum agas. Hoc planè illud ipsum est, quod monuit Seneca : *Recede in te ipsum, quantum potes ;* ac celebre illud, apud LXX. *Attende tibi quod S. Basilii, ac S. Ephræmi, dissertationibus illustrarunt.* Planè idem, ac S. Ambrosij dictum : *Assuesce tecum esse ;* vel Boetij : *Quid ipse sis, nosse ;* vel Diui Bernardi : *Vire tu quique te.* Nam si omnibus omnia fieri cupis, hoc certè non fies, nisi & te interdum vtaris ; quod disertè ille sic explicat : *Si totus vis esse omnium, instar illius, qui omnibus omnia factus est, laudo humanitatem, sed si plena sis. Quomodo autem plena, te excluso ? Et tu homo es. Ergo ut integra, & plena sis humanitas, colligat & te intra te finis, qui omnes recipit. Et cum omnes te habeant, esto etiam tu ex habentibus vnus.* Hæc scitè ac perbellè S. Bernardus.

L. Sen. ep. 7.

Boet. l. 1. de consid. prof. 6.

S. Ber. lib. de consid. cap. 5.

DISQVISITIO TERTIA.

Quomodo qui alijs Exercitia spiritualia tradunt, vel ex sanctis Patribus, vel à Religiosis Ordinibus, appellantur.

261 **A**LIQVEM EX SENIORIBVS, &c. Qui ad spiritualia exercitia de more secedunt, aliquo ipsi duce, ac præceptore opus habent ; quem à B. Petro Damiani, & à S. Fructuoso apud Smaragdum, imò ab ipso P. S. Benedicto, è cuius illi Ordine prodierunt, spiritualem Seniore appellatum obseruo ; cum inter multa virtutum, & bonorum operum instrumenta, ponit in Regula : *Cogitationes malas cordi suo aduenientes, mox ad Christum allidere, & Seniori spiritualitate facere.* Porro, eodem hoc nomine vsi sunt, Cassianus, Esaias Abbas, & alij : quod nonnisi ætate propectiorem, diu exercitatum, & religiosæ vitæ bene peritum, aliorum directioni præficerent. Sic Antistes Monasterij Lauræ, in Tyroci-

Petrus Dam. op. 17. c. 15. Smar. in c. 25. Reg. S. Ben.

S. Ben. in Reg. cap. 4. instr. Cass. l. 4. cap. 37. Esaias Abb. c. 1. 4.

310 Quom. qui tradit Exerc. nominādus.

Joann. Iero-
solym. vita.
S. Io. Dam.

Instr. nu. 11.
fol. 51.

S. Vinc. sr. de
Vita sp. c. 4.
S. Bon. p. 1. c.
3. 4.

Rel. S. P.
Const. p. 1. c.
9. n. 1. 5. 6. 8.

S. Bern. de
vita solis.
S. Bon. l. de
sex al. Se-
raph. c. 1.
S. Ephr. to. 2.
in recta vis.
ra. c. 34.
Petrus Dam.
opus. 11.
Præf.

Caractiol. in
Collect. fol.
228.

Carmel. in-
str. c. 3. n. 15.
C. 7. nu. 3.
7. C. 5. n. 2.
S. Bon. Reg.
c. 49.

nium, S. Ioannem Damascenum excipiens, vni ex Senioribus tradi-
dit; vt sine errore ad perfectionem, per viam virtutum, eius ductu,
ac magisterio, graderetur. Vox tamen hæc *Senior*, vt Abbas D. Ioan-
nes Caramuel, vir planè eruditissimus, notat in Nomenclatore Re-
gulæ Benedictinæ, est prudens aliquis Senex: & quia ad *iuniorem* re-
fertur, sonat *antiquiorem*. Sed alij *Instructorem* hunc nominant, vt
S. Augustini Discalceati, & Clerici Regulares Minores; qui in Di-
rectorio Orationis mentalis, inter instructiones ad tres exercitatio-
nes recessus spectantes, Solitarium monent: *Instructorem habeat, vt
Magistrum, & Ducem huius itineris; & quanuis prudens sit ipse & do-
ctus, nihileum celet, nihil inconsulto eo faciat*. Quod nomen fortassis,
ex S. Vincentio in lib. de Vita spiritali, & ex D. Bonaventura in di-
sciplinæ Speculo, didicerunt: vt scilicet eius munus ostenderent in-
struendi, quos curæ suæ commendatos haberet, sanctioris vitæ mo-
nitis, præceptis, & institutis. Alij verò *Directorem* appellant; vt
Claudius Aquinius Societatis Iesu Præpositus Generalis; qui *Direc-
torium* spiritualium exercitiorum insigne descripsit, & edidit: San-
cius à S. Catharina, Generalis Fulienſium, qui in sacra Religioſorum
solitudine, post *Directorium* primò editum, de *Directoris Officio*, ser-
monem instituit: & Religiosi S. Pauli primi Eremitæ; qui inter Con-
stitutiones in *Regulis Exercitiorum* spiritualium, *Spiritualem Ducem*,
vel *Instructorem spiritualem*, vel *Spiritualem Directorem* hunc vocant;
cùm in via Domini, quos suscepit, & instruat, & ducat, & dirigat.
S. Bernardus, ac S. Bonaventura, *Medici* appellatione sunt vsq; quo-
niam pars maxima eius laboris, in solitudine, ad curandos animi mor-
bos, impenditur. S. Ephræmus *Correctoris* nomen vsurpat; à quo for-
san suorum præpositorum nomen Minimi desumpserunt; quòd sua
directione, & institutione, corrigat se exercentium vitia, & mores.
B. Petrus Damiani, *Angelum* dixit. Scribit enim ad Leonem Eremitam,
se illum constituisse Angelum suum, quem in rebus dubijs hæ-
sitans omnino consuleret, & consilium ex eius ore procedens, ita
protinus indubitanter acciperet, ac si vox cœlestis Oraculi angeli-
tùs intonaret. Similiter, *Angelos sanctos à Diuino Nomine delegatos*, B.
P. N. Caietanum, ac P. D. Ioannem, venerabilis Maria Laurentia
Longa, Monialium Capuccinarum Fundatrix, quæ se eorundem
omnino institutioni, & curæ commiserat, appellauit: vt sanctissimus
Paulus IV. nostri Ordinis Confundator, in epistola ad eandem,
affirmat. Carmelitæ Discalceati in spiritualium Exercitiorum in-
structione aut *Directorem* hunc nominant, aut *Patrem*, qui exercitijs
præst. Et *Patris spiritualis* vocem tum S. Benedictus in Regula, tum

S. Bernardus in tractatu ad Cartusianos de Monte Dei, tum D. Laurentius Iustinianus in lib. de Obedientia, admittunt. Sic lego apud Georgium Patriarcham Alexandrinum in vita S. Ioannis Chrysostomi, ad eum Monachum, nec dum Sacerdotio initiatum, consuevisse tanquam ad Patrem spiritualement reliquos Religiosos accedere, consilij ac remedij gratia; quod credibile est, ex maiorum imperio factitatum. *Ipsū, inquit Georgius, omnes illi suum Patrem vocantes, eidem narrantes, quas sibi inimicus clam suggestisset improbas cogitationes, & accepta per eum spirituum discretionē, ad propria secedebant loca.* Ut spiritualibus nimirum exercitijs in recessu ac solitudine incuberent. Sanctus tamen Franciscus Assisius Exercitiorum hunc Directorem, Matrem vocauit. Nam, inter eius collationes hæc habeo: *Illi, qui religiosè volunt stare in Eremitijs, sint tres, aut quatuor ad plus. Duo ex ipsis sint matres, habeant duos filios, vel vnum ad minus.* In quem locum Lucas VVadingus; Franciscus, inquit, eremiticam culturis vitam socios dedit, signauit & matres: voluit eos habere, à quibus materna solitudine fouerentur, alerentur, custodirentur, & assidua protectione confirmarentur. Sed generaliùs, vt obseruo, Magistri spiritualis nomen probatur. Nam, præter L. Senecam, qui scripsit, *sine Magistro vitia disci, non virtutes,* & S. Cyprianum, qui *sine Magistro doctrinam, qua mali efficimur, nos doceri;* S. Ioannes Climacus *Magistrum virtutum* dixit: & Magistri nomine passim vtuntur S. Ephræmus in tractatu de vita spirituali, S. Bernardus ser. 3. de Circumcisione, B. Laurentius in libro de Obedientia, Vmbræ, & alij, quorum verba inferiùs exscribentur. Quod planè dulcissimum est nomen, ac nescio quam pietatem sonat; vt sermonis de Natiuitate Domini inter opera S. Bernardi Auctor obseruat; qui in illud Saluatoris: *Vos me vocatis Magister, & Domine,* hæc ait: *Dominus, est nomen maiestatis, Magister pietatis.* Magistri enim veniunt in parentum vicem, & tanquam alteri parentes, naturalibus nobiliores, nomine ipso, spirant ac redolent pietatem paternam: Vnde S. Ennodius: *Genuisse libidinis testimonium est; erudisse pietatis.* Et Nicolaus Orlandinus, Ioannem Texedam, Ordinis Minorum, quem sibi spiritualement Ducem ac Patrem B. Franciscus Borgia delegerat, pietatis Magistrum, in Societatis historia, nuncupauit.

262 Verum nos, quia plerunque iuuenum directio & cura, cui subsunt, à Præfeto ipso suscipitur, hunc spiritualement Patrem, atque Magistrum, *Præfectum* in nostro ordine nominamus; vt Clerici Regulares S. Pauli, & fratres hodie Minores Hiberni maioris obseruantie in Vrbe, & Collegio S. Isidori, ad nostrum morem ap-

D. Lanr. cap. 20.

Fr. Luc. in opus. S. Frac. t. 3. coll. 3. f. 291.

L. Sen. l. 3. nat. quæst. c. 30. S. Ch. l. de past. c. 3. S. Ephr. t. 2. c. 34. B. Lan. c. 20. Pmb. de instr. off. c. 6.

S. Ennod. p. ran. didascal. Or. l. 8. nu. 56.

pellant : qui scilicet apud eos , indicto cunctis fratribus à Superiore secessu, ipse vnus omnium directioni præficitur . Et eius est munus , per chartam publico parieti affixam, cum liber, initium Exercitiorum denunciare ; & omnem temporis distributionem, ac quotidianorum operum seriem ad secedentium instructionem ostendere . Quippè, cum omnes vnà simul fratres, paucis aliquot exceptis, vt dixi, in eo Collegio exerceantur, æquum est, vno omnes tempore de ijs, quibus opus habeant, admoneri : quod & silenter, & commodè, & facili negotio absolui, ac perfici potest . Idenque Nouitiorum Magistris, ac Præfectis iuniorum professorum propono, vt nonnumquam obseruent : scilicet cum per nouem dies ante festum B. Patris N. Caietani, vel sanctiori hebdomada, vel per dies decem ante aduentum Spiritus sancti, exercitia non vicissim, sed toti simul Tertiæ Classi, vel Tyrocinio, præscribuntur . Quod similiter obseruari posse arbitror à nostris Sacerdotibus in Recessu, & à Theatinis Virginibus, vel Congregationis, vel Eremitis, circiter festum Immaculatae Conceptionis, ex Regula venerabilis Matris, duplici octiduoano secessu concelebrandum . Sed hæc obiter è re nata delibasse sit satis ; fusiùs enim, & opportuniùs, alibi excutiuntur .

DSQVISITIO QVARTA.

A subditis ne, an à Superiore, qui alios dirigit in recessu, sit deligendus.

263 **E**LIGAT. Vt nostri sanctiùs suas exonerent conscientias, & vitæ sordes abstergant, Magistri aut Directoris huius electionem, cuiusque propensione & arbitrio, Generalia Comitia remisisse videntur . Sic enim inter Ordinationes habetur : *Ad maiorem ipsorum consolationem, qui secedunt, eligant sibi Confessarium, quem malint, ex approbatis in domo, cui facultas conceditur, quoad exercitiorum spatium durat, ab ijs casibus absolucendi, à quibus ipse Superior absoluere posset.* Sed hoc, exceptis Tertiæ Classis Professis ac Nouitijs, intelligimus ; qui, si quem velint, à suo ipsorum Magistro ac Præfecto petere debent, cautè ac prudenter, nec facile omnibus & singulis pro libito concedendum . Verùm, etiam si Magistri, vel Præfecti permissu, Confessarius à Professis iunioribus ac Nouitijs eligatur, Directoris, & Instructoris munus raro ac vix vnquam alteri committendum . Ipsi enim & Magister, & Præfectus, suos om-

Ord. Capit.
Gen. fol. 20.
num. 4.

ninò instruere, ac dirigere debent. Imò apud alios Religiosos obferuo, vnum aut plures pro sodalium numero à Patre Generali, vel Prouinciali, vel falem loci Superiore, qualibet in domo constitui, doctrina, morum exemplo, & experientia, animis ad omnem perfectionem ducendis & incitandis, idoneos; qui & sibi inuicem, & spiritualibus omnibus exercitia tradant. Sic Gregorius Areylza in Prædicatorum Ordine, artis eiusmodi peritissimus: *Vnus*, inquit, *vel plures è grauioribus Patribus Conuentus destinandi sunt pro eorum directione*. Sed Religiosi S. Pauli Primi Eremitæ, inter Constitutiones, ita decernunt: *Superior Ducem spiritualem vnum ex Patribus prudentiorem meditantibus assignabit*. Et hic etiam Clericorum Regularium S. Pauli vulgò Barnabitarum est ritus; qui tamen totius domus, vt ita dicam, vniuersalis Instructor, cum Nouitijs, aut iunioribus Clericis, nihil agit.

P. Areyl. in lit. relatis in l. 10.

Const. p. l. c. 11. fol. 18.

DISQUISITIO QUINTA.

Cur, sine Directoris industria & disciplina, non bene à quoquam spiritualia Exercitia instituantur.

264 **N**AM SINE ALTERIVS DVCTV. Primam huius rationem affert S. Hieronymus, qui Rusticum Monachum erudiens, vt vitam spiritualem in Monasterio instituat, sub vnius disciplina patris, hoc axiomate est vsus: *Nulla ars absque Magistro discitur*. Quod duo illustres Viri, Ioannes Cassianus, & B. Isidorus Pelusiota, in schola S. Ioannis Chrysostomi condiscipuli, eodem titulo clarius explicarunt. Ille, sub persona Serapionis, cum ait: *Etenim, cum omnes artes ac disciplina, humano ingenio repertæ, & que nihil ampliùs, quàm vitæ huius commodis profunt, licet manu palpari queant, & oculis peruideri, rectè tamen à quoquam sine instituentis doctrina nequeant comprehendì; quàm inèptum est credere, hanc solam non egere Doctore?* Hic verò, cum Lucæ Monacho vitam suo ipsius arbitrio ducere dissuadet: *Ridiculum*, inquit, *planè est, cum, vt vilium, ac mechanicarum artium Magistros nanciscamur, huc atque illuc oberremus; diuinam tamen Philosophiam (religiosè viuendi doctrinam, ac disciplinam intelligit) tanquam vile aliquid, ac despiciendum, nobis ipsis committamus*. Et hoc ex Plutarcho hauserit, qui sic ait: *Ridiculus est, qui artium reliquarum reliquit disciplinam, tollit virtutis*. Ergo, qui sine Duce, vel Directore, hæc exercitia, seu vitam instituere arri-

S. Hier. ep. 4. ad Rust.

Cass. coll. 2. c. 11.

c. Isid. l. 1. ep. 260.

Plut. l. de virt. doceda.

S. Gregor.
Nyss. l. de
Vig. c. 23.

piat, ridiculus ab his, & ab illo ineptus, ac stultus existimatur. S. Gregorius Nyssenus idem ostendit, eius primum exemplo, qui ut peregrinam linguam addiscat, & ipse indiget Instructore: *Ut qui alicuius nationis, inquit, sermonem discere instituit, minimè per se satis est, ut à se ipso erudiat, sed ab ijs, qui illius sermonis periti sunt, instituitur: atque hoc pacto brevi, ex audiendi consuetudine progressus, peregrini sermonis particeps efficitur; sic opinor, si hac vita non naturæ via progreditur, sed nouo quodam instituto aberrat, eam perfectè à nemine posse percipi, nisi optimo Viro Duce viatur, atque alia quæcunque huic vitæ studia proposita sunt, rectius ab eo perficerentur, qui illis deditus est, si à Doctoribus, Magistrisque, scientiam illarum rerum perciperet, quorum studio tenetur, quam si per se ad rem aggrediretur.* Deinde hoc ipsum medicinæ exemplo declarat: quam qui ignorant, non faciliè discernere queunt, sit ne aliquid sibi remedium, an venenum. Facit huc sancti Bernardi dictum: Si ergo ad sanitatem festinas, vide, ut nihil vel modicum de temetipso agere præsumas, Medico inconsulto. Fortène inquis, Medicus sum, multisque alijs exercitia spiritualia tradidi? Audi Aristotelem in Politicis: Aegrotantes Medici alios ad se Medicos vocant: & Magistri palestra alios Magistros, quasi nequeant verum discernere, qui de proprijs iudicant, & in affectu constituti sunt. Huius rei rationem affert S. Basilius, cum sic ait: Illud firmissimum tenendum est, rem omnium difficillimam esse, se ipsum cognoscere & curare; propterea quod naturaliter se ipsum quisque amat: & quilibet propterea quod in se ipsos propensi sunt, in veritatis iudicio fallantur. Imò spiritualiter ægroti interdum, ex Theodoro, Non solum morbi gravitatem miseri non perferunt; verum etiam sic ægrotantes opinantur, optimo se in statu, ac conditione versari. Ut ergo ad initio propositum redeam, concludam cum L. Seneca: Cito nequitia subrepit; virtus difficilis inueniunt; Rectorem, Ducemque desideras.

S. Bern. l. de
Vita sol.

Ari. l. 3. pol.
c. 11.

S. Bas. eost.
Mon. c. 23.

Theod. l. 1. de
Grac. affect.
cur.

L. Sen. l. 2.
nat. quest. c.
30.

DISQVISITIO SESTA.

An verè omnes in spiritualibus Exercitijs egeant
Instructore?

265

NEMO. Cum inter B. Gregorium, & Petrum Diaconum, de virtutibus, ac miraculis Honorati Abbat, sermo recurreret, ait Petrus: Putamus, hic tam egregius Vir, ut post Magister discipulorum fieret, prius habuit Magistrum? Respondet

S. Greg. l. 1.
Dial. c. 1.

Lib. 7. Disq. 65.

Gre-

Gregorius: Nequaquam hunc fuisse cuiusquam discipulum audiri: sed lege non constringitur Spiritus sancti donum. Sic tradunt Cassiodorus in *Cassiod. l. 1. c. 11.* Historia tripartita, & Nicephorus in Ecclesiastica, Paulum Simplex ab Antonio Magistro iudicatum; Præceptore iam non eger; *Nic. l. 8. c. 40.* cuiusmodi complures in sanctorum Patrum Vitis inuenies; qui Duce, ac Directorem, in Eremita solitudine non habebant. Vnde S. Bonaventura in Libello de sex alis Seraphim caput inscripsit: *S. Bon. c. 2.* *Qui sunt, qui Magistro non indigent; rati esse aliquos, quibus Magistris, ac Directoribus non sit opus. Quid ego hac de re dicam, ac censeam? At in promptu responsio est; paucos admodum sanctos, seu perfectos viros enumerari, qui arduum virtutis, ac perfectionis cacumen, sine viæ Duce, ac Directore, conscenderint. Quia vero tales (inquit S. Bonaventura) difficile est reperiri, ideo paucis conuenit viuere absque obediendi iugo. Idem ibid.* Idem, & qui alijs præstant, ut melius, & cautius agant, necesse alijs subesse, à quibus regantur, usque ad summum omnium Romescere; qui, vice Christi, caput est totius Ecclesiæ militantis. S. Vincentius huic sententiæ ad stipulatur; qui probans, citius ad perfectionem perueniri per viam obedientiæ regiam, ita subiungit: *S. Vinc. l. de ad perfectionem attingunt; per hanc semitam processerunt: nisi forte Deus vita sp. c. 4.* aliquos perse ipsum instruxerit ex privilegio gratiæ singularis, deficientibus eis, & non inuentis, qui eos foras instruerent. Si qui autem in Eremita Directorem non indigebant, at prius sub Magistro diu multumque fuerunt. Sic Paulus ille Simplex, cuius exemplum ex Cassiodoro, & Nicephoro allatum est, antequam ab Antonio dimitteretur in solitudinem, durissimis ab eodem experimentis est eruditus; quæ Palladius in Historia Lausiaca narrat. *Pallad. c. 20.* Tum de illa peculiari Spiritus sancti victione, & speciali privilegio; iura sic clamant: *Quod alicui de reg. iur. l. 6.* *gratiōse conceditur, trahi non debet ab alijs in exemplum. Quamobrem longè ante Cassianus, cum ab illius Monachi imitatione caueret, qui velut fororem apud se uxorem habebat; Quod factum, inquit, Abbas Ioannes, licet summa admiratione periculis; tamen neminem Monachorum, ut experiretur, hortatus est: sciens multa rectè ab alijs gesta, magis alijs imitantibus inuoluisse perniciem; nec usurpari ab omnibus posse; quod paucis Dominus speciali munere conculisset. Et S. Gregorius post Honorati Abbatis exemplum, quod initio obieceram, eundem Ioanne Baptista, & Moyse dixisset, quorum ille, Magistrum habuisse non legitur; neque ipsa Veritas, qua corporali præsentia Apostolos docuit, eum corporaliter inter discipulos aggregauit: sed quem intrinsecus docebat; extrinsecus quasi in sua libertate reliquerat. Hic verò, In Eremita edoctus, man-*

B. Laur. i. de
Casto cōnub.
c. 3.

tarum ab Angelo didicit, quod per hominem non cognouit. Post hæc, inquam, S. Gregorius sic adiecit: Quorum tamen libertas vita ab infirmis in exemplum non est trahenda; ne dum se quisque similiter sancto Spiritu impletum præsumat, discipulus hominis esse despiciat, & Magister erroris fiat. Itaque, ut finiam, ad propositam quæstionem cum B. Laurentio Iustiniano omnino respondeo: Cuncti indigent Præceptore, quanuis non equali. Quemadmodum verò alia sunt infantium ioca, alia iuuenum exercitia, alia senum instituta; ita etiam spiritualiter. Non enim incipientium, proficientium, & perfectorum similia sunt, licet finis dissimilis non sit. Primi circa exteriora, secundi circa interiora, circa diuina terrij exercentur.

DISQUISITIO SEPTIMA.

Cur Directore præsertim Iuniores indigeant; quibuscunque sine literis, ac scientiarum facultatibus eruditi?

266

QUANTVNVIS DOCTVS. Ad iuniores doctos, ac Theologos loquor; quales à me plerunque hodiè instituuntur, in Romano hoc Tertiz Classis Aseeterio, iuuenes, qui cum claritate sanguinis laudabilem morum honestatem, & insignem eruditionem cum ingenij acumine coniunxerunt. Habeant hi Directorem ex senioribus: & omnem ei reuerentiam semper exhibeant; nec prætermittere quicquam eius consilia & monita videantur. Ita Ioannes Gerson tom. 3. lib. de vita spir. lect. 4. coroll. 8. Quin etiam iuniores, quanquam Theologicis literis imbuti, ealem debent reuerentiam senioribus ijs, quibus vita cum scientia concordat, ut vix propter aliquas nouas suasiones, quantumcunque apparentes, pertinax vniquam feratur eiò contrà determinaciones eorumdem assertio. Virtus quippè, qualem habeant genitam ex multis experientijs, longè certius arte iudicat, & operatur. Et addit, quod ab ijs est valde notandum, ac metüendum; maximè cum leuiter Theologica facultate sunt tincti: Per paucam instructionem intellectus, in scientijs præsertim diuinis, causantur nonnunquam errores in ijs, qui se totos deuotioni tradiderunt, dum voluerunt plus sapere, quàm sibi satis erat. Sed ut causas enumeremus, quæ iuniores quoslibet ad Directorem audiendum, ac sequendum impellunt; prima est insecitia & inexperientia rerum, de qua S. Gregorius Nyffenus hæc ait: Quoniam adolēscētes &

Nyff. l. de
Virg. c. 23.

S. Chrys. ep.
3. ad Olymp.

S. Gregor.
Nyss. loc. cit.
6. 23.

S. Bon. l. de
sex al. ser.
6. 1.

S. Laur. 5. 3.

S. Basil. ep.
79. ad. Eu-
krat. Episc.

Io. Ier. in eius
vita c. 13. &
seq.

D. Ber. serm
3. in ps. 90.

ipsum: expedit enim ipsi. Id vero de illo quoque intellige, qui cum ætate sit senex, mente tamen est iunior. Sed cur aded iunioribus est timendum? Respondet S. Chrysostomus: Iuuenum animi non admodum magno presidio prudentia muniuntur; nec magnum virtutis studium, & curam gerunt: verum & perturbationum tempestas atrocior est; & ratio, quæ eas gubernat, ac moderatur, infirmior. Et cur etiam est timendum eorundem sanctitati ac feruori, si Ductorem non habeant? S. Gregorius Nyssenus ita respondet: Periculosa est plerunque vel in omni negotio (audin?) consiliorum moderatrix adolescentia: neque facile quispiam aliquid earum rerum, quæ studio dignæ sunt, rectè ab eo factum conperit, à quo non est senectus in consilij societatem adhibita. Ided Ductorem eis destinamus ex senioribus; per quos (vt inquit S. Bonauentura) à periculis retrahantur: sicut paruuli à matre comminante, ab aqua mersione, & lutorum moribus, defenduntur. Et cur etiam ætate prouectis, si nouiter viam spiritualem incipiant sine Ductoribus, est timendum? B. Laurentius lib. de casto connubio sic respondet: Incipientes namque, tanquam nouelle plantationes, ex Ægypti diuulsa nemore, quoniam prouisi sunt redire ad illa, quæ reliquerunt in seculo, velut delicati, debiles, & minus capaces, per hominem dirigendi sunt. Proinde S. Basilus, magnus nomine ac sapientia, cum suam conuersionem ad meliorem vitæ rationem narraret: Deplorata, inquit, in miserabili vita mea, Ductorem mihi dari optabam, qui me ad pietatis dogmata introduceret. Et præfectus Monasterij S. Sabæ in Laura, cum S. Ioannis Damasceni omnes eruditionem suspicerent, & eius instituendi curam suscipere non auderent, necessarium tamen existimauit, vni eum è magnis senibus omnino submitti, vt eius ductu ac magisterio (Ioannis Ierosolymitani sunt verba) per Dei viam sine ullo errore incederet. Ergo, vt iterum ad vos, quos initio compellaui, à iuuenes, orationem conuertam, etiam in recessu quem, quorannis, aut ante suscipiendos Ordines instituitis, vt cum S. Bernardo dicam:

Obsecro vos, nouelle plantationes Dei; vos, qui nondum exercitatos habetis sensus ad discretionem boni & mali: nolite sequi cordis vestri iudicium, nolite abundare in sensu vestro, ne vos tanquam rudes adhuc versurus ille venator decipiat.



DISQVISITIO OCTAVA.

*Cur ipsi docti & experti senes Magistro, ac Directore,
prorsus indigeant?*

268

AVT SENEX. Proponit ac resoluit hanc quaestio-
nem L. Seneca: *Quaeritur, inquit, an deliberaturus* L. Sen. ep. 109.
sit sapiens, an in consilium aliquem aduocaturus, quod facere illi necessarium
est, cum adhuc ciuilia & domestica uenitur, & (ut ita dicam) mortalia.
In illis sic illi opus est alieno consilio, quomodo medico, quomodo guberna-
tori, quomodo aduocato, & litis ordinatori. Et subdit hanc rationem:
Atiunt homines plus in alieno negotio uidere, quam in suo. Et rursus: Qua-
dam sunt, inquit, quae etiam sapientes in alio, quam in se, diligentius ui-
dent. His affine est illud, quod ait Cobares Medus apud Q. Cur- Q. Curt. l. 7.
rium, in consilio Bessi Regis: Natura mortalium hoc quoque nomine
praua, & sinistra dici potest, quod in suo quisque negotio hebetior est, quam
in alieno. Sed cur eandem hanc quaestionem prosequendis in recessu
Directorum consilij instituerim, author mihi S. Gregorius fuit: S. Greg. l. 2. in 1. reg. c. 4.
Quidam enim, ut ipse ait, Praelatorum sanctae Ecclesiae magisterio suba-
lii rudes obediunt; sed cum paulo altius per conuersationem proficiunt, in
eadem obedientia humilitate nequaquam persistunt. Quos bene Agar Sara
ancilla spiritualiter designat; quae cum de Abraham uiro eius concepisse se
uidit, dominam desepxit. De hac autem in senibus perfectisque vi- S. Ioan. Chr. bo. de ser. r. preb. bo. 22. in ep. Rom. 12.
ris Directoris habendi necessitate ita S. Chrysostomus: Licet mirum
inmodum sapiens sis, & perspicias ea quae oportet, attamen homo es, & con-
siliario tibi opus est. Et rursus: Si discere uis, quod etiam si alios ingenij
acrimonia antecellas, sisque valde perfectus, peruenerisque ad summum
ipsum virtutis fastigium, opus tibi sit consiliario, & aliquo qui te corrigat,
& arguat, audi &c. Et demum: Consiliarijs omnes opus habent, etiam si
Moyse conferri possint. Et idcirco (inquit eius discipulus Cassianus) Cass. coll. 16. c. 12.
nullas sibi, quamuis scientia praeditus, inani timore persuadcat, quod possit
collatione alterius non egere. Quod in his, quae ad prudentiam perti-
nent, satis ostendit S. Thomas 2. 2. qu. 49. ar. 3. in cor. & ad 3.

269 Verum ut rem ex similitudine clariùs explicemus, præter
cas ab L. Seneca allatas, alias apud sanctos Patres, atque pios scrip-
tores, iuenio. S. Ioannes Climacus, iteragentis similitudine usus, hæc
ait: Sicut qui sine Duce est, etiamsi prudentissimus sit, facile in via erra-
bundus incedit; ita & qui suo arbitrio monasticam vitam peragit, etiamsi
in omni mundana sapientia fuerit instructus, facillime perit. Ideoque

S. Ign. ep. de
Obed. S. 11.

Plat. l. 1. de
bon. statu
Rel. c. 24.

Nigr. 10. tr.
1. nu. 33.

Pin. inc. 26.
& 40. I ob.

Ael. 10. de
animal. c. 6.

Pl. l. 9. c. 62.
& l. 11. c. 37
Opp. l. 5. pisc.
Ar. l. 3. de
animal. c. 12
Plut. l. de
animal. in-
dustr.

Prom. 3. 5. &
7.
Rom. 11. &
16.
Theod. Rom.
12.
S. Chrys. ho.
22. in Rom.
12.

alibi iubet, Religiosum Nunquam sibi usque ad consummationem vite credere. B. Ignatius, Societatis Iesu Author, intellectus instruendi necessitatem à voluntate sic arguit: *Sicut, ne voluntas erret, cum Superioris voluntate coniungitur, sic intelligentia, ne fallatur, ad Superioris intelligentiam conformanda est.* Sed quod ille de intelligentia Superioris, tu de Directoris intellige. Clariùs, planiùsque Hieronymus Platus hoc, nauissimilitudine, exposuit: *Ne quis, inquit, existimet, rudibus tantum, & imperfectis, aut tepidis in Dei amore, necessariam esse huiusmodi disciplinam. Aequè enim necessaria est etiam feruentibus, & perfectis, nisi quis fortè existimet nauim, quæ in alto feratur, tum egere tantum moderatore, cum aduersa tempestate iactatur, ventis autem propitijs non egere.* Imò verò hi ipsi propitij venti, quò uehementiores sunt, eò maius est periculum. Demùm, mittit nos Salomon ad formicam, ferè bestiarum minimam, ut ex ea discamus sapientiam. Et, ex eius exemplo, Iulius Nigronus mittit Seniores Viros, doctrinis magnos, ad maximam bestiarum, ut Ducis spiritualis necessitatem intelligant: Ad Balenam, inquit, vastissimam Oceani, atque Orbis totius beluam, Gigantis, ac Leviathan nomine significatam ab Iob, cum diuinam potentiam in maximis rebus procreatis celebraret, ut Ioannes Pineda philosophatur. Huic belluæ galigant oculi, ac visus hebescit: vel ob nimiam pinguedinem, ut tradit Aelianus, vel quia illi pondere superciliorum obruantur oculi, ex Plinio. Sed ipsi diuina prouidentia pisciculum dedit, oculorum vice fungentem; quem ex eo Ducem appellat Oppianus, Plinius musculum, Aristoteli notum; sic à Plutarcho descriptum: *Ille, qui Dux dicitur, gobij magnitudine, ac speciei pisciculus, in summo aeuum inhorrescentem, ob squamarum scabritiem, referre dicitur. Hic cum uno è magnis, cetis semper uersatur.* Prenatat, cursumque dirigit, ne in breuia, uel uadum impingat, uel in fretum conijciat se strictum: sequitur cum cetis, uelut gubernaculum nauis, pareteque Duci. Hactenus Plutarchus. Et ex hoc pisciculi ductu, quem naturæ instinctu sequitur omnium piscium maximus, bene ille sic infert: *Vir magnus sapientia, ratione magistra, non sequetur directionem, ac ducatur alterius sapientis in uia spirituali, tametsi Ductor sapientia magnitudine non illum equaret.* Proinde clamat Sapiens: *Ne imitaris prudentia tuæ.* Et addit: *Ne sis sapiens apud te ipsum.* Quod etiam Paulus Apostolus monet: *Nolite esse prudentes apud uos metipsos.* Hoc est, ut Theodoretus exponit. *Ne uestra uobis consilia sufficiant; sed aliorum consilia accipite.* Et Chrysostomus: *Ne putetis uos sufficere uobis ipsis. Nam & alibi dicit Scriptura: Ne prudentibus apud semetipsos, & in oculis suis sapientibus.* Et post: *Nihil ita à reliquis auellit, &*

abscondit, quæmadmodum si quis se sufficere sibi ipsi putauerit. Vnde & ita nos Deus constituit, ut alter alterius opera indigeat. Ut enim prudens sis, altero tamen opus habes. Quod si te nullius opera indigere putaueris, omnibus factus es stultior, & imbecillior.

270 Restat, ut, ad hoc suadendum, aliquot illustrium Heroum exempla subijciamus. Et primò Moysem propono, qui soceri sui Iethro consilium est amplexus. De eo sic S. Basilius: *Quantum emolumentum obueniat ex accepto consilio, declaras vel maxime Moyses, qui omni sapientia Aegyptiorum eruditus; qui familiari colloquio cum Deo congregiebatur, perinde atque si quis amicus cum suo loquatur amico. Hic tantus consilium sibi redditum à Iethro socero suo accepit. Quid? Ne unquam* (ait sanctus Chrysostomus) *de nobis ipsis sublimè sentiamus, etiam si omnibus sapientiores simus: neque Patrum consilia contemnamus, etiam si omnibus viliores hibeantur.* Hæc illud os aureum, postquam Moyse præstantiam, & soceri Iethro barbariem, rusticitatem, & insipientiam demonstravit. Quod è Moyse documentum, & sanctus Augustinus, & S. Isidorus Episcopus Hispalensis eliciunt. Sed in nouo Testamento est Paulus Apostolus, magnus ille Vas electionis, raptus usque ad tertium cælum; qui ascendit iterum Ierosolymam, ut scribit ad Galatas; ubi: *Et contuli, inquit, cum illis Euangelium, quod prædico in Gentibus, seorsum autem ijs, qui videbantur aliquid esse, ne forè in vacuum currerem, aut cucurrissem.* Hoc est eò perrexit, ut notat Tertullianus, & ex eo Pamelius, ad consulendos Apostolos. Quod cum admiratione Ioannes Cassianus expendens, & eos dam-nans, qui nolunt seniorum consilijs erudiri, sic ait: *Quam præsumptionem ipse Apostolus non solum literis, sed etiam opere, atque exemplo docet omnimodis detestandam: ob hoc solummodò se asserens Ierosolymam con-scendisse, ut Euangelium, quod comitante gratia Spiritus sancti cum potestate signorum, & prodigiorum, Gentibus predicabat, cum suis Coapostolis, & antecessoribus, priuata quodammodo, ac domestica examinatione conferret.* Et post Pauli verba, ad omnium instructionem, hæc addit: *Quis tam presumptor & cæcus sit, qui se audeat suo iudicio, ac discretionis committere, cum vas electionis indiguisse se Coapostolorum suorum col-latione testetur?* Quod tamen prudenti est interpretatione sumendum, ut Theodoretus, Ambrosius, & omnes recentiores exponunt. Sed si omnium Sanctorum vitas, & historias euoluamus, quotus, obse-ro, ille erit, qui suæ virtuti, ac directioni confidens, non aliorum consilio se subiecerit? S. Bernardus Malachiæ exemplum cum Pauli exemplo coniunxit, ut omnes consilij indigos demonstraret. Bene-dictus Abbas ad B. Alchuuinum, *Gratia consilij salutis suæ, & suorum*

S. Bas. in c. 1.
1sa. ad fin. 15
1. 26.

S. Chry. hom.
de ser. re-
preh.

S. Aug. in
prol. 1. de
Doct. Chr.
S. Isid. cõm.
in Exo. c. 26.

Gal. 2. 2.

Tert. 1. 4.
adu. Mar.
c. 2.
Pamel. ibid.
nu. 15.
Cass. coll. 2.
cap. 15.

S. Ber. in vi-
ta S. Malach.
S. 2.

Anonym. in
vita B. Al-
chuu.

S. Bon. in vi-
ta S. Fr. cap.
12.

accipiendi, sæpius de Gothia partibus properabat. De S. Francisco S. Bonaventura sic scripsit: Non erubescere à minoribus parua querere verus minor; qui magna didicerat à Magistro supremo. Studio nanque præcipuo, solitus erat exquirere, quali via, qualine modo, Deo posset secundum eius beneplacitum perfectius deservire. Hæc summa eius philosophia, hoc summum eius desiderium extitit, quoad vixit, ut quæreretur à sapientibus & simplicibus, perfectis & imperfectis, paruulis & grandævis, qualiter ad perfectionis culmen virtuosius pervenire valeret. Idipsum de Beato nostri Ordinis Conditor Caetano narrant, & Caracciolus, & Castaldus, & Silos; qui quanquam omnium Institutor, ut ducem ac directorem suæ tamen voluntati contrarium fortiretur, ad omnium genua procumberebat. Porro, Petrus Glussianus in vita S. Caroli Cardinalis, cum de spiritualibus exercitiis loqueretur, quæ in recessu

Petr. Glus. l.
1. c. 5.

Vir Dei quotannis instituebat, de Directore sic ait: Ut fugeres errandi in re tam graui tantique momenti periculum, elegit sibi Ducem suæ vitæ spiritualis. Quem S. Caroli morem, scio, multos hodie S. R. E. Cardinales, ac è nostro Ordine Episcopos, imitatos fuisse; memores illius fortasse Decreti Clementis Papæ, quod est à Gratiano relatum:

c. fin. d. 38.

Nullus Episcopus propter opprobrium senectutis, vel nobilitatem generis, à paruulis, vel minimis eruditis, si quid forte est utilitatis, aut salutis, inquirere negligat. Vnde legimus, ipsum Ecclesiæ lumen Augustinum, ad Auxilium (quem in re sibi dubia consulebat) tametsi iuuenem, ac recens creatum Episcopum, hæc scripsisse: Nequaquam iuuenilem aetatem tuam, & honoris Ecclesiastici rudimenta contemno. En adsum, senex à iuvene Coepiscopo; & Episcopus tot annorum, à Collega, nec dum anniculo, paratus sum discere.

S. Aug. ep.
75. ad Aux.

DISQVISITIO NONA.

Quæ nam utilitates ac lucra, ex sequendis Directoribus, hauriantur.

271

VT EORVM UTILITATEM &c. Prima huius in recessu Directoris utilitas, est feruoris continuatio, & excitatio ad cursum & adeptionem perfectionis. Si quis enim sine Duce, quanuis flagrantissimo studio abreptus, in solitudinem eat, planè eueniet, quod S. Dorotheus ait: Principio quidem feruorem quandam habet ad ieiunia, ad vigilias, ad quietem, ad silentium, ad obedientiam, & cetera huiusmodi bona. Deinde verò, & feruore illo sen-

sem exincto, si nullum habuerit, qui & modereur eum, & feruorem illum iam exinctum excitet, accendat, foueat, & nutriet, is proculdubio, cum arefactus, ac desiccatus, cadit, atque in multos errores, & peccata perfacile labitur. Hæc S. Dorotheus in sermone, quo vctat, ne se quispam propria sapientia instruat. Sed fortasse inquires: Quid ab eo, nisi quæ iam sciuerim, ac nouerim, audiam? Rerum quæ iam scio, quid, Instructoris ac Directoris huius admonitione, proficiam? Audi L. Senecam: *Quid prodest, aperta monstrare? Plurimum. Interdum enim scimus, nec attendimus. Non docet admonitio, sed aduertit, sed memoriam continet, nec patitur elabi. Pleraque, ante oculos posita, transimus: admonere, genus adhortandi est: saepe animus etiam aperta dissimulat; ingerenda est itaque illi notitia rerum notissimarum. Et subdit: Ipsa momentis auctoritas prodest. Tum ait: Omnium honestarum rerum semina animigerunt, quæ admonitione excitantur: non aliter quàm scintilla, flammæ leni adiuta, ignem suum explicat. Erigitur virtus, cum tacta est, & impulsæ. Et in alia Epistola; Adiuvæ etiam, inquit, qui currentem hortatur.*

L. Sen. ep. 94

Id. ep. 109.

272 Altera utilitas & insigne quoddam lucrum est celeritas consequendæ perfectionis. Docet enim S. Vincentius, facilius ac brevius perueniri ad perfectionis statum per Instructorem, quàm per ingenij perspicaciam, & per codices, qui doctrinam virtutum omnium complectantur. Sciendum, inquit, quòd homo facilius, & in breviori tempore posset ad perfectionem pertingere, si haberet Instructorem, cuius regimine duceretur, cuius obedientiam in omnibus actibus, parvis, & magnis, totaliter sequeretur, quàm aliquis posset se ipsum perficere, quantumcumque vigeat acumine intellectus, & libros habeat, in quibus videat virtutum omnium structuram exaratam. Idem sentit S. Ioannes Climacus, qui cum in magno errore eum versari dixisset, qui se putet idoneum ad sui directionem, hæc ait: *Quem qui effugerit (Instructorem) ad ea, quæ honesta & spiritualia sunt, ac diuinæ Maiestatis oculis gratissima, ferè ante veniet, quàm ire cæperit. Liber ergo quicumque aureus ac salutaris mutus est magister, sed spiritualis pater, quem audis ac consulis, liber est loquens, & viux vocis præceptor, monita, & documenta in animum penitus imprimentis: unde, S. Basiliius eius linguam clauem appellat; quæ nimirum nobis pectus aperiens, ingentem spiritualis thesauri copiam elargitur. Ipsa enim talium conuersatio, vt loquar cum L. Seneca, Paulatim descendit in pectora; & vim præceptorum obtinet frequenter audiri, aspici frequenter. Occursus meherculè ipse sapientum iuuat: est aliquid, quod ex magno viro vel tacente proficias. Quamobrem, author sum omnibus, qui in re-*

S. Vinc. sr. de vita spir. c. 4

S. Io. Cl. gr. 4.

S. Basil. ser. de abd. rer.

L. Sen. ep. 94

S. Cl. gr. 4.

S. Bern. l. de
vita solit.

L. Sen. ep. 11.

S. Is. l. 3. ep.
91. ad Theo-
pb.S. Vinc. l. d.
vita spir.
cap. 13.Ger. sis. 1. ep.
de ora. spir.
nupt.

cessu versantur, præsertim Clericis iunioribus, ac Nouitijs, vt absente etiam Instructore, sæpe eius faciem, ac præsentiam cogitent. Habeo enim ex S. Ioanne Climaco, & mirabilis illius Monasterij Monachis, hanc industriad: *Quoties, inquit, absente patre, eius nobis faciem fingimus, ipsumque nobis astare putamus, congressumque omnem, aut sermonem, aut cibum, aut somnum, aut aliud quodlibet eiusmodi, quod sibi ingratum fore putamus, fugimus, & auersamur; tunc re vera obedientiam liberam, & minime adulteram nos arripuisse, sciamus.* S. Bernardus etiam in solitudine hoc monet: *Elige tibi tu ipse hominem, consilio meo, cuius vita exemplar sic cordi tuo infederit, reuerentia inhaerit, vt quotiens eius recordatus fueris, ad reuerentiam cogitati assurgas, & temetipsum ordines, & componas; qui cogitatus, ac si præsens sit, in affectum mutuae charitatis emendes in te omnia emendanda, & tamen nullum patiarur dampnum secreti sui solitudo tua.* Hic præsens tibi adfis, quandocunque volueris; occurras sæpe, & cum nolueris. Incepciones eius describe, tibi cogita. Vis etiam ab Ethnico, & L. Seneca hoc documentum? Aliquis vir bonus, inquit, nobis eligendus est, ac semper ante oculos habendus, vt sic tanquam illo spectante viuamus, & omnia tanquam illo vidente faciamus. Magna pars peccatorum tollitur, si peccaturis ipsis assistat. Aliquem habeas animum, quem vereatur; cuius auctoritate etiam secretum suum sanctius faciet. Sed & regulam vis à me, qualem tibi, sit tuo arbitrari viuas, ex senioribus, statuere debeas eiusmodi Directorem? Porro sit is, cuius ne dum aspectum ac faciem, sed & memoriam verearis. Hic exclamem cum Seneca: *O felicem illum, qui non aspectus tantum, sed etiam cogitatus emendat! O felicem, qui sic aliquem vereri potest, ut ad memoriam quoque eius se componat, atque ordinet! Qui sic aliquem vereri potest, citò erit uerendus.* At si talis ille non sit, vtilitatem, quam dixi, in hoc recessu non consequeris. Sit itaque, qualem Thimotheum quendam fuisse describit S. Isidorus Pelusiota, cum ait: *Tantam à sua uirtute ijs, à quibus cernebatur, utilitatem afferebat, ut etiam sola recordatione, eos, qui ipsius meminerunt, in officio contineat.* Poterat enim uel solum in animis uersans pudorem ipsis immittere; atque eos, quibus ipse in mentem uenisset, à turpibus & absurdis affectionibus puros & immunes efficere.

273 Tertia utilitas, est mentis illuminatio, in distinguendis admirandis ab imitandis. Nam, vt docet S. Vincentius: *Aliqui sancti fecere aliqua opera, quæ non debemus imitari, quanuis bona essent in eis: sed debemus ea habere in admiratione, & reuerentia.* Similiter, cum veterum gesta & vitas sanctorum Patrum euoluimus, inter sales scripturas, inquit Ioannes Gerson, *narrantur aliqua narrationes, aut regulæ,*

vel doctrina particulares, quæ magis ad miranda, quàm imitanda dicuntur. Eiusmodi sunt, corporis afflictiones, quas describit S. Ioannes Climacus, & multa alia, quæ, ut prædiximus ex S. Gregorio, infirmis ueneranda sunt, non imitanda. Directoris ergo est, nobis imitanda, aut solum admiranda, præscribere. Vnde, quarta etiam utilitas orietur, quæ est nostræ mentis & conscientiæ quies. Nam, ex S. Dorotheo; Quicumque se se tradiderit obedientia suorum Patrum, & illorum arbitrio regendum se dederit, in hac profecto quiete, & animi tranquillitate fouetur. Vos ergo, cum eodem S. Dorotheo, nunc ò iuuenes alloquor: Satagite & nos fratres, atque operam date, ut crebrò seniores uestros ac Patres interrogetis, interpellatisque, nec uos ipsos instituire, aut instruere omnino ueliis. Cognoscite, quaeso, quantam, & qualem animi quietem & tranquillitatem habeat hoc consilium.

S. Greg. l. 1.
dial. c. 1. §. 2.

S. Dor. ser. 5.

DISQVISITIO DECIMA.

Quomodo sui ipsius directio tam animo tum corpori noceat.

274

NE VEL SE IPSVM LĒDAT. Illud firmissimum tenendum est, ex S. Basilio, omnium difficillimum esse, se ipsum cognoscere, & curare: propterea quod naturaliter se ipsum quisque amat, & quia in se ipsum quisque propensus est, ideo ueritatis iudicio fallatur. Porro, ab alio cognosci & curari facile est, cum ijs, qui ceteros curant, ad discernendum ueritatem nequaquam obest amor sui ipsorum. Quod etiam Plato docuit dial. 5. de legibus. Sed ut ad spiritualem, de qua agimus, exercitationem deueniamus, periculosum est, ex eodem S. Basilio, in palæstra tam ardua, gnauo & experto Directore carere: Ne igitur, inquit, primo mox adiu, oculis in sublime porrectis, uelis inscendere superciliosum apicem religioſe exercitationis; maxime omnium caue, ne tuo unius consilio imprudenter innixus, tibi uni permittas plus a quo fiducia, ne quando, per rudem rerum inexperientiam, e sublimi fastigio religionis, quam ex profecto percolendam accepisti, deturbare. Ità Smaragdus Abbas: Periculosum, inquit, est Monacho suo proprio uiuere arbitrio. Timendumque addit, ne Dum se putat per rectam uidens currere uiam, in damnosam cecus incidat foveam. Clamat S. Bernardus, ut periculosissimum sine Duce hoc iter ostendat: Audiant hoc, qui sine Duce, & Præceptore, uias uite ingredi non formidant. Et subdit: Quam multi ex hoc à recto tramite periculosissime aberrasse comperti sunt: Nimirum ignorantes astutias Satanae, & cogitationes ipsius, factum est, ut

S. Basil. ep.
ad Chilon.

Smar. in c. 5.
reg. S. Ben.

S. Bern. ser.
77. in Cant.

S. Dor. ser. 5.

Trith. in c. 5.
Reg. S. Bened.Marc. Er. in
præcept. salut.B. Laur. L. de
obed. c. 28.

qui spiritum cæperant, carne consummarentur, abducti turpiter, lapsi damnabiliter. Videant proinde, qui eiusmodi sunt; quomodo cautè ambulent, & de Sponsa exemplum sumant; quæ non prius ad eum, quem desiderabat, illo modo voluit peruenire, quàm sibi occurrerent, quorum magisterio vteretur ad cognoscendum de dilecto, certè ad discendum timorem Domini. Idcirco, cum S. Dorotheo dicam: Nihil est miserabilius, nihilque quod facilius decipi, & expugnari queat, his, qui nullum habent Duce[m], nullumque in via Dei Moderatorem, & Institutorem querunt. Abbas Trithemius hoc declarat, equi effranis similitudine vsus: Sic equus, inquit, si suæ voluntati permittitur, per devia currit; ita & Monachus si suo arbitrio regatur, per abrupta pergit vitiorum. Et quod non minùs est deplorandum, quotquot in recessu meditationes, orationes, ieiunia, cilicia, vigilias, aut alias corporis afflictationes assumis, omnia hæc velut inania, si Directorem non vteris, vt plurimum abieicisti. Audi Marcum Eremitam: Qui priuatum sequitur genium, & absque cognitione, ac directione Euangelica graditur, impingit in multa. Tum addit: Plerique siquidem non modicos labores, & exercitationes decurrerunt; afflictiones, & arumnas multas, tanquam Dei nomine, pertulerunt. Sed priuata dispositio, inquit, & indiscretio, item arbitrarie se non egere auxilio proximi, ipsorum tam graues labores, fatigationes, & vexationes, infructuosas effecerunt. Iterum aio: videat, qui in recessu versatur, vllas afflictationes, aut exercitia, sine Directoris consilio, ne sibi omnino præscribat. Sic B. Theodorus Studites, cum B. Platonem Magistrum suum, funebri oratione laudaret; Continentia, inquit, vigilie, & vnaqueque earum rerum, quæ supra diximus (multarum virtutum actiones, & afflictationum genera enumerauerat) ipsa quidem per se laudabilia esse concedat aliquis: sed tamen nihil expedire; imò verò, & ruina causam illi esse, affirmamus, qui suo arbitrio in his faciendis viuunt, nisi eius qui præest, ductu, & regula, dirigatur. Vis clariùs de solitudine audire? Hem: B. Laurentium: Hinc facili colligitur, quàm periculosus, quamne præcipitio propinquus sit status eorum, qui sine Duce, sine experientia, & absque alterius consilio, arduum solitaria professionis, solum proprio dirigente arbitrio, aggrediuntur iter. Vis audire, de ipsa in cellis inclusione? Ioannes Zonaras, interpretans Canonem XLI. Trullanæ Synodi præcipientis, vt Anachoretis cupidi diu probarentur in Monasterio; Qui se, inquit, ex communi vitæ consuetudine, ad Anachoreticum Institutum, subito transferunt, cellulaque angustis inclusi, ipsi sibi facti viuendi Duces, ac Magistri, nullo Rectore degunt, periculo se negotio, haud dubiè committere, diuini Patres existimauere. Sed causas periculi excutiamus.

275 Primum, ac præcipuum errandi periculum est in vitiorum natura, quæ sub virtutis specie, ac pallio, nos plerunque decipiunt. *Vitia nobis*, inquit L. Seneca, *sub virtutum nomine obrepunt; temeritas sub titulo fortitudinis latet: moderatio vocatur ignavia: pro cauto timidus accipitur: in his magno periculo erratur. Quod copiosius explicat in* 120. Epistola. Idenque ex S. Hieronymo habemus: *Vitia vicina sunt virtutibus. Et ad Latam: Vitia non decipiunt, nisi sub specie, vmbraque virtutum. Tum lib. 3. aduersus Pelagianos: Quantum enim*, inquit, *inter se distant pertinacia, & perseverantia; parsimonia, & frugalitas; liberalitas, & profusio; prudentia, & calliditas; fortitudo, & temeritas; cautela, & timiditas? Similiter S. Chrysostomus dixit Vitia cognata virtutibus. Nam, iuxta dicendi libertatem pullulat temeritas, & iuxta equitatem mollietates. Ad hæc: Quam multi (inquit Author epistolæ ad Demetriadem) superbiam libertatis loco ducunt; adulationem pro humilitate suscipiunt; malitiam, prudentia amplectuntur vice, & stultitia simplicitatis nomen imponunt; atque fallaci, ac pessima decepti similitudine, vitijs pro virtutibus gloriantur. Sic ex S. Gregorio; Sæpe immoderata ira iustitia; & sæpe dissoluta remissio, misericordia vultu videri. Sæpe incautus timor humilitas; sæpe effrenata superbia appetit libertas apparere. Quocunque ergo te veritas, eiusmodi larvas, ac deceptiones inuenies. Multi sunt, ex S. Basilio, qui pro bonis pravas comprobant actiones, & vitia virtutibus vicinis honestare contendunt. Nam scurrilia loquentem, vrbium ac lepidum; turpiloquum verò, politicum; amarulentum, & iracundum, neutiquam contemnendum predicant. Parcum verò ac minimè liberalem, ut sobrium dispensatorem commendant: prodigum quoque, ut liberalem: libidinosum, & lasciuum, ut uoluptarium, & animi solutioris uirum. Vtique semel omnia, vitium omne palliant, adumbrata nomenclatura è uicino subiectæ uirtutis. Et hoc est malum, ac damnum, quod sine Directore primum incurris: ea enim vitiorum fallacia Religiosi viri animus interimitur. Ecce Diuum Bernardum: Parcitas, inquit, putatur avaritia; sobrietas austeritas creditur; silentium, tristitia reputatur: è contra, remissio discretio dicitur; effusio, liberalitas; loquacitas, affabilitas; cachinnatio, iucunditas; mollietates uestimentorum, & equorum fastus, honestas; lectorum superfluus cultus, munditia. Cumque hæc alterutrum impendimus, charitas appellatur. Tum ipse vocem, & clamorem attollit: Ista charitas destruit charitatem; hæc discretio discretionem confundit. Talis misericordia crudelitate plena est, quæ uidelicet, ita corpori seruitur, ut anima iuguletur. Vide ergo, quo nam tibi ductu, ac directione opus sit: Ne fortasse, ut inquit S. Basilius, errore seductus, in aliquam ex uitiorum portis deuoluaris, sed me-*

L. Sen. ep. 45

S. Hier. in Ps. 140. Id. ep. 7. ad Latam.

S. Chrys. hom. 48. in acta.

S. Greg. l. 3. Moral. c. 19. & 24.

S. Bas. in Ps. 62.

S. Ber. apol. ad Gul. abb.

S. Bas. l. de uirginis.

diam, & regiam incedas uirtutis uiam. Vbique ergo, diligenter intuens, quomodo caute ambules, non ut inspiens, sed ut sapiens: quoniam in medio laqueorum ambulas, & super pinnas Urbium transis: cautiùs provide, ne fortè, dum negligis, iniicias in laqueum pedem tuum; nec ruens à muro Ciuitatis nostræ, malè pereas.

276 At non animo solùm, corpori etiam nocet Directoris, Instructoris, ac Magistri spiritualis absentia. Multos enim legimus, neglecto consilio Directoris, ita se afflictaſſe vigilijs, ac ieiunijs, ut in capitis imbecillitatem, insanabiles morbos, ac mortem ipsam inciderint. Plerunque enim Religioso homini suggerit hoc tentator, ut *Fraſtum* uiribus, ex S. Bernardo, cateris regularibus exercitijs inuolidum reddat. Vnde Ioannes Gerson, cùm mulierem deprehendisset, quæ cum admiratione multorum quatuor nonnunquam, & amplius dies sine cibo transigebat, voracitate tamen post ieiunium, inexplibili, ac pertinaci superbia, aliorum consilia contemnentem;

S. Ber. ser. 33
in Cant.

Gers. t. 1. tr.
de distinſt.
ver. viſion.
§. secundum
signum.

Monui eam, inquit, bona fide, & sub attestatone maximi discriminis sui in anima & corpore, ut fatuam desereret hanc ieiunandi obstinationem, & absque peritorum consilio nihil singulare, & ab alijs inobseruatum sequeretur. Sic Monachi illi, quos narrat sanctus Ephræmus, dehortantibus Fratribus, in Eremum instructuosam, & inaquosam se contulisse, multis fame, siti, æstu, ac frigore extinctis, qui salui euasere, Longo, inquit, tempore infirmi remanserunt; indeque experimento cognouerunt, nihil absque consilio faciendum. Nec prætermittendum, hoc loco, insigne huius deceptionis exemplum Ioannis Abbatis Lici

S. Ephr. t. 2.
ep. ad Io.
mon.

Cass. coll. 1.
c. 21.

(apud Cassianum) qui cùm, exhausto corpore, atque defecto, perceptionem cibi biduano ieiunio distulisset, accedente ei ad refectionem die postero, veniens diabolus in figura Aethiopis tetri, atque ad genua eius proculutus: Indulge, inquit, mihi Abba, quia ego tibi hunc laborem indixi. Sed de hoc iterum, ac prolixius est dicendum. Age ergo Frater, quicunque in recessu es, ac spiritualibus exercitijs occuparis; audi

S. Chry. ho.
te ser. repr.
i. 3.

S. Chrysostomum: Licet mirum in modum sapiens sis, & perspicias ea, quæ oportet; attamen homo es, & consiliario tibi opus est. Solius enim Dei est nullius indigere, & nullo opus habere consiliario. Et propterea, de eo solo dicitur: Quis cognouit sensum Domini, vel quis eius consiliarius fuit



DISQVISITIO VNDECIMA.

Quàm facile Dæmonis illusione, succumbat, qui Directoris consilio non innititur.

277 VEL A DÆMONE IPSO DECIPIATUR. B. Laurentius, post explicatam Dei providentiam, in-

præficiendo Moyse Duce Iudæis, cum per desertum ad terram promissionis iter haberent, de periculo sine Directore, in spiritualis vitæ cursu ad Deum instituendo, sic addit: *Quis enim in hac præsentis vitæ postus peregrinatione, & in huius spiritualis Eremiti constitutus vastitate, ubi errores innumeri, inimicorum saeva genera, & predonum discurrens insidiatur exercitus, incedere securus absque Directore audeat, cum vix evadere valeat, qui præceptorem habet, & qui spiritualis experitque Ducis munitur prudentia?* Eps autem maxime omnium tentator aggreditur, qui sanctioris vitæ desiderio illecti, à secularium ac mundanorum conuictu, & confortio, segregantur. Ioannes Episcopus Carpathiorum in spiritualibus documentis hæc ait: *Seu demones aduersum eos, qui statum monasticum, quieti & silentio deditum, delegerunt, per omnem eorum vitam, tentationum gladios acnere, Religioniq, & Divine pietati addictiores furiosius oppugnare consueverunt.* Vnde S. Gregorius, explicans illa libri Iob verba, de Behemoth, *Fænum sicut bos comedit, ita addidit in rem nostram: Quid est ergo, quod boni, qui mundo pabulo pascitur, Behemoth iste comparatur, nisi hoc, quod de isto antiquo hoste per Prophetam alium dicitur, Esca eius electa? Neque enim se eos gaudet rapere, quos prauis ac sordidis actionibus implicatos in imissecum respicit voluntarie iacere.* Fænum ergo comedere sicut bos appetit, qui suggestionis suæ dente conterere mundam vitam spiritualium querit. Ergo, ut eos atterat, & rapiat, hoc procurat, ut spiritualis Magistri directionem ac seniorum consilia paruipendant. Sic Cassianus illud Prouerbiorum, *Odit autem sonum iutele, de diabolo explanat, qui odit, Discretionis vim, quæ de seniorum verbis ac monitione procedit.* Et alibi, ad mortem trahi Monachum præcipiem a dæmone affirmat: *Cum eum neglectis consilijs seniorum, suo iudicio persuaserit definitionique confidere.* Eandem expositionem in S. Dorotheo habemus, qui etiam de diabolo hæc addit: *Et his potissimum aggaudet, qui Moderatore, Gubernatoreque carent.* Et istiusmodi profecto homines amat diabolus, qui Duce & Gubernatore carenti hinc maxime delectatur, qui sui non exponunt, nec se submitunt eis, qui adiuuare eos, secundo loco post

B. Laur. l. de casto cōnub. c. 3.

Carp. in doct. 61.

S. Greg. l. 32. mor. cap. 10. lib. 40. 10.

Cassian. coll. 1. cap. 20. Pron. 11. in. 70. interp. Cassian. coll. 2. c. 11.

S. Dorothe. ser. 9.

B. Aleh. ep.
71.

*Deum, poterunt & manus porrigere. Vnde, non immeritò B. Alchu-
uinus excandet, & clamat: Si consilij, iuxta Salomonem, tractanda
sunt bella, quali audacia, sine consilio Ecclesiasticorum Ducum, pugnare
nos aduersus diabolum confidimus?*

Cassian. coll.
2. c. 5.

278 Porro Heron Monachus, apud Cassianum, post quinquaginta commorationem annorum in Eremito, singulari districtione, rigoris, miroque feruore productam, ab insidiatore delusus, grauissimè corruit, cum suis definitionibus regi, quàm consilij, vel collationibus Fratrum atque institutis Maiorum, maluit obedire. Nam deceptus à satana, in tempesta nocte in puteum, cuius profunditatem non attingebat intuius, se præcipitem dedit. Et alium dæmon, ut idem

Ibid. c. 7.

refert, in Angelum lucis transfiguratus, eò deceptione perduxit, ut filium suum, quem educabat in Monasterio, offerre Deo in sacrificium constitueret, quò Abraham meritis æquaretur. Atque id scelus opere perfecisset, nisi puer cultum acui videns, & expediri vincula, quibus constringeretur, perterritus aufugisset. Alterum Bronem obseruo, in historia Lausiaca apud Palladium, qui, arrogantia abreptus, Macarium presbyterum hac contumelia affecit:

Pallad. c. 32.

Qui tuæ doctrinæ parent, decipiuntur. Non oportet enim alios Magistros attendere, præter Christum. Sed post Magistrorum ac seniorum contemptum, etiam sacramenta, & cellam deseruit. Tum ad theatra & ad cauponas accedens, morbum venereum adeò foetidum & exitialem contraxit, ut virilia illi computrescènt etiam sua sponte deciderent. Referunt in eadem historia Ptolomæus, qui post quindecim annos austerioris vitæ, in asperissima parte Scetis, quæ, dicitur Climax, Abalienatus à doctrina, & congressione Virorum sanctorum, & uiriliter & continua Sacramentorum communione, à recta via usque adeò recessit, ut, quod nonnulli dicunt impij, casu omnia fieri, is quoque infelix id faceret. Tum reperit Palladius negatæ pertinaciter diuinæ Providentiæ causam; Cum nullum unquam conuenisset, ex sanctis Patribus, qui sapienter gubernauerant; nec eorum fuerit fundatus spiritali doctrina, sed inuentus absque gubernatore, in extremum mortis profundum cecidit.

Ibid. c. 24.

Petrus Damiani de Siluestro iuvene scribit, qui eius scripturas è tabulis in schedulas transferebat. Hic tam facillè lacrymis fluere videbatur, ut illusum à dæmone verum à Deo lacrymarum donum habere putaret. Lacrymis vini abstinentiam, magnamque cibi ac somni moderationem adiecit. Et petit post hæc remotioris Eremiti secessum: negant spirituales Magistri, & inclusionem in cella offerunt: at ille in sententiæ perendæ solitudinis perstans, & confusus lacrymis, æquis consilij (ut inquit B. Petrus) nullatenus acquiescebat pra-

Pet. Damia.
op. 13. de
perf. c. 14.

Exempla Instructore carentium. 331

bere consensus: nec se aliquatenus decipi posse credebat, quem quotidiana compunctio crebris lacrymarum profluvijs inundabat. Quid tum? Quatuor quaterniones ex libro, qui Viro Dei carissimus erat, absceidit furtim: & conscientia territus, Ne compedibus vinciretur, praeforis cella stans, cultello vulnus infligere, vel sibi, vel alijs, si quis eum contingeret, minabatur. Tunc liquido patuit, huiusmodi lacrymas non de caelesti rore descendere, sed ex Tartari sentina sine dubio scaturire. Narrat Simeon Metaphrastes, in Cœnobio S. Pachomij fuisse Monachū, qui magna cupiditate obeundi Martyrij incensus, Magistrum continenter urgebat, ut ire ad Martyrium permisisset. Negabat Pachomius; & incutiens terrorem, aiebat: *Cave, ne quando veneris hora, pro eo, quod te oporteret ferre testimonium, inveniariis negare Christum.* At ille tenacior sententiæ suæ, quam consilij alieni, perrexit: & cum casu in Barbaros, mortem illi minitantes gladijs incidisset; metu victus, eorum simulacris libavit, & edit de carnibus immolatis. Sed mox reuersus in Monasterium, procubuit ad Magistrī pedes, & silens atque eiulans dixit: *Peccavi Deo & tibi, Pater, quod tuum non audiens consilium, & admonitionem, hic non restiterim.* Plura alia ex iisdem Authoribus hic addere possem. Sed relata hæc tenens exempla sint satis, ut cuilibet Instructoris necessitatem, ad cauendam astutissimi dæmonis illusionem, ostendant.

Metaph. in
Pach. c. 77.

DISQVISITIO DVODECIMA.

Quomodo sacrarum Scripturarum Oracula, & Patrum monita, ad audiendum, & sequendum, in spiritualis vitæ Institutione, Ducem, ac Directorem impellant.

279 **F**IDERE ALIQVEM SIBI IPSI, SCRIPTVRARVM, ETC. Multa sunt in utroque testamento sacrarum Scripturarum loca, quæ consulendi spiritualis Magistrī necessitatem, aut planè significant, aut declarant. Et primò eius figuram habes ex libro Numerorū in XXVII. mansione populi Israelitici, de qua legimus: *Profectique de Hesmona, venerunt in Moseroth.* Illæ enim duæ & quadraginta mansiones, in quibus ad terram Promissionis pergens populus constitit, Christianorū passus ad cœlestem Patriam, & Religiosorum ascensiones ad perfectionem significant. Hesmona enim SS. Patres accelerationem, aut festinationem interpretantur; Moseroth, disciplinas. Sed quò celeriter eundem, ac

Nu. 33. 30.

S. Ambr. l. de
42. mans. 9.
26. 27.
S. Hier. ep.
127. ad Fa-
biol.

S. Isid. in
Num. 16.

Prov. 17. 14.

Cass. coll. 2.

6. 4.

S. Dor. ser. 5.

Eccl. 4. 9.

S. Greg. l. de

Virg. cap. 33

S. Bern. ser.

33. in Cant.

Pont. p. 2.

duc. spir. tr.

4. c. 2. S. 1.

S. Clim. gr. 4.

Id. l. de Paſ.

c. 14.

Vita S. Da-

mas. c. 17.

Id. l. de Paſ.

c. 14.

S. Isid. ep. 3.

cap. 9.

cap. 9.

cap. 9.

cap. 9.

properandum, si ad perfectionis metam proficisci, & progressionem in hac via facere optamus: *Festino gradu pergamus ad Magistros*, inquit S. Hieronymus, & ex eo S. Isidorus Episcopus Hispalensis. Sed Salomon nos aperte in Prouerbijs ad idem hortatur, cum ait: *Ubi non est gubernator, populus corruet: salus autem, ubi multa consilia.* Vel ut LXX. Interpretum editio habet: *Quibus non est gubernatio, cadunt ut folia: salus autem est in multo consilio.* Quæ in eadem sententia, Cassianus expendit. Sapiens quippe, etiam ex S. Dorotheo, *Monet, ac cauere nos docet, ne nosmetipsos instituere, & informare velimus: ne sciolos nos, prudentes, atque cordatos existimemus; neue omnino credamus, posse nos ipsos regere, aut gubernare.* Tamen & Patres, ac spirituales Magistri, ad hanc necessitatem firmandam, eo passim Ecclesiasticis testimonio vtuntur: *Va soli, qui cum ceciderit, non habet subleuantem se.* Quod S. Gregorius Nyssenus, & D. Bernardus, Ludouicus Pontanus, & Michael Muscus nostris, satis exponunt.

286. SANCTI PATRES. S. Basilus agmen ducat, qui secundo renunciantem, in tractatu de rerum abdicatione, sic monet: *Acerimus in omnes partes, animi circumſpectione, operam dato, ut aliquem tibi vitium inuenias, quem in omnibus deinceps delecta tibi vicia studijs certissimum Ducem sequare, eiusmodique, qui rectum iter ad Deum volentibus pergere, sciat monstrare.* Grauius tamen & S. Climaco, qui in hoc paululum, aut quicquam deficient, obiurgantur: *Si Dei munere, talem quempiam Virum inueneris, Magistrum bonorum operum, hoc apud te constanter teneo, & nihil omnino quicquam præter illius sententiam facias.* Quicquid enim, eo insciente, facis, id furtum, ac sacrilegium est, tibi quæ exitum, non autem utilitatem ullam apportat. Et in libro de Pastore mirifice laudat multorum Monachorum Abbatem, qui hac de re sentiebat: *Præstare subiectos & Cænobio pellere, quàm committere, ut suo iudicio, suoque sensu, & arbitrio, viuere permittantur.* Hinc senex ille, cpi in Monasterio S. Ioannis Damasceni cura commissa est (Ioannis Ierosolymitani Patriarchæ sunt verba) *In cellam suam unâ cum eo abscedit; ac præclarum istud fundamentum primò ipsi subiicit, nempe: Ne quid suo arbitrio faceret.* Et iterum: *Ne in animum unquam induceret, sibi ipsi, confidere, aut in ea opinione versari, ut se eraditionem omni errore, ac lapsus periculo vacuam, tenere existimaret, quoadusque ex corporis vinculis eximeretur.* Cuilibet ergo Religioso homini, cum S. Isidoro Pelusiora dicendum: *Si probus Monachus fieri studes, ne eam rationem in eas, ut tho ipsius arbitrio viuas, ac mores tuos tibi, uni probatos esse valis: quin potius ijs mentem tuam, & consilium submiste; qui, & vicia, & tempore, & labore, diuinam vineam iam auæ*

Exempla Instructoris audiendi. 333

foderunt, & coluerunt, a quibus munus istud facile perdisces. Vis optimam rationem, quam in Prato spirituali Diaconus accepit ab Angelis? Deus ita disposuit, ut homines ab hominibus corrigantur. Hoc sane probant in nouo testamento Saulus Christi voce prostratus, & amandatus ad Ananiam, ut notant D. Bernardus, atque Petrus Blesensis; Cornelius Centurio Petri opere edoctus, ut notat S. Augustinus; Athiops Eunuchus, cui, per Philippum Diaconum adiunctum iter agenti iussu diuino, Deus est Isaiam Prophetam interpretatus, ut idem notat. Et in veteri testamento, ut de alijs taceam, puer Samuel ad Heli Sacerdotem institutionis gratia saepe recurrens; quod notat praesertim Cassianus, his verbis: Denique in tantum placita Deo haec sententia comprobatur, ut etiam scripturis sanctis hanc eandem institutionem non otiose reperiamus insertam; ita ut puerum Samuelem iudicio praeelectum suo, nollet per semetipsum diuini colloquij disciplina Dominus erudire; sed recurrere semel & iterum pateretur ad senem, eumque quem ad suum vocabat alloquium, etiam illius, qui offenderat Deum, dummodo senioris doctrina vellet institui: & quem sua vocatione dignissimum indicarat, senioris mallet institutione formari: ut scilicet & illius, qui ad diuinum ministerium vocabatur, probaretur humilitas; & iunioris forma subiectionis huius proponeretur exempla. Finio hanc statuendi Directoris instructionem: qualemque nobis deligere debeamus, propono ex L. Seneca, qui in Epistola quinquagesima secunda sic habet: Ex ijs autem, qui sunt, eligimus non eos, qui verba magna celeritate praecipiant, & communes locos voluunt, & in priuato circulantur: sed eos, qui vita docent, qui, cum dixerint, quid faciendum sit, probant faciendo: qui docent quid vitandum sit, nec unquam in eo, quod fugiendum dixerint, deprehenduntur. Eum elige adiutorem, quem magis admiris, cum videris, quam cum audieris. Qualem Lactantius Firmianus de vero cultu, propositaque doctrina philosophorum de duabus vijs, ac de litera Pythagorae disputans, docet ab illis in dexteriore via ducem requiri ac poni:

Qui
dirigat ad meliora titubantem; & Doctor
frugalitatis ab eodem Lactantio nuncupatur.

Io. Emur. c. 199.
D. Ber. ser. de Conuers. S. Pauli Bles. tr. de conu. S. P.
S. Aug. prol. l. doct. Chri.

Cassian. coll. 2. c. 14.

Lact. l. 6. c. 3

LIBER VIII.

De ijs, quæ Solitarius, & Instructor, sibi
inuicem alter alteri præsta-
re debeant.



*Electo sic Instructore; cui omnem vitam, & conscientiam suam rationem ex-
pandant, cum magno animi fervore, ac bene preparati in solitudinem
eant: tum qualia cuiusque ingenium, ac necessitas exigit, quotidie ab eo
exercitijs, ac meditationibus instruuntur; ea promptitudine ac humili-
tate eius institutionibus obsequentes, ut veluti Christi causa denud pueri
Religiosa Perfectionis elementa non tam edificant, quam moribus exprimere videantur.*

DISQVISITIO PRIMA.

281 **D**ELECTO INSTRVCTORE, CVI. Primò om-
nium ad Ducem, ac Directorem, veluti ad nutri-
cem, ipsa infantis fiducia, est accurrendum. Docet hoc B. Lau-
rentius: Accurrant frequenter, veluti ad nutricem infans: ut ab illo do-
ctrina & consolationis suscipiant nutrimenta, atque spiritali lacte pascan-
tur. Quod tamen P. Claudius Aquilinus fufius in Directorio So-
cietatis sic explicat: Erga eum verò, qui daturus est Exercitia, ita (so-
litarium) se gerere debet, ut eum accipiat, ut Magistrum, ac Ducem hu-
ius itineris dubij, & periculosi: & ideo etiam si aliqui prudens sit, vel do-
ctus, & in rebus agendis exercitatus; tamen pro hoc tempore non confidas sue
prudentiæ, vel doctrinæ; sed totum se se committat huic suo Duci: ac, quem
admodum ait Apostolus, Aulus fiat, ut sit sapiens, illudque B. Petri mo-
nitum exequatur; sicut modo geniti infantes, sine dolo lac concupiscere, ut
in eo crescat in salutem. Itaque Instructorem suum ita intueatur, tanquam
Dei instrumentum, ad hoc sibi missum, ut eum dirigat, & perducatur per
eam viam, quæ ad vitam ducit. Quam ob causam, cum omni reuerentia,
& alacritate, & confidentia, excipere debebit, quæ ei proponit. Neque
tantum velim, ut solitarij ad Directorem ut ad Nutricem, sed etiam
ut ad Patrem cum magno amore recurrant. Sic S. Isidorus Pelusio-
ta; Discipuli, inquit, veros Magistros, & ut Patres amare debent. Et
olim Quintilianus discipulos etiam admonuerat, ut Praeceptores suos
non minus ament, quam ipsa studia; parentesque esse non quidem corpo-

B. Laur. l. de
Obed. c. 20.

Tr. 6. nu. 16.
Direct. exer-
cit. c. 2. nu. 6.

S. Isid. l. 1.
ep. 26.
ad Orion.

Quin. l. 2. c. 9.

Quid præstandum erga instructorem. 335

rum, sed animorum credant. Imò S. Bernardus in ordine charitatis spirituales Magistros parentibus præfert speciali nomine dicens, ordinata charitate in Deum tendere illum, qui diligit Parentes carnis suæ germanius propter naturam; spirituales verò Eruditores suos profusus propter gratiam. Adde, quòd, vt notat P. Claudius Aquiuuius, Re-
ctori (siue Aedijum Præposito) expedit, Præfectum amari, & in honore haberi: sic enim adiumento, ac leuamento multis in rebus ipse erit. Et in Societate Iesu Præfectum spirituales Directorem intelligunt, singulis in domibus assignatum. Nec, si aliquando seuerius tecum agat, quicquam de fiducia in eum, aut charitate diminuas: Turpe est enim (vt inquit S. Basilus) eos, qui corporibus agrotant, tantum medicis confidere, vt siue secent, siue vrant, siue amaris medicamentis medeantur, benefactores repuerint. Nos autem erga curatores animarum nostrarum, cum per arduose vite duclum salutem nobis efficiunt, non eundem affectum habere. Sed quia iuuat fiduciam, & amorem, bona de doctrina, & experientia, & prudentia, & charitate, & alijs eius donis existimatio; solitarij, vt B. Laurentij est monitum, De ipso (In-
 structore) sentiant magna, iudicent recta, sanctæque cogitent; ne callida diaboli suggestionis opinio deuotionis, & fides concepta dilectionis ad Patrem, intereat.

S. Ber. ser. 50
in Cant.

S. Bas. q. 52.
fusus disp.

B. Laur. l. de
Casto con. c.
3.

282. Post amorem, & confidentiam bona hac opinione obfirmata, debet solitarius quicquid Instructor dixerit, gratanter excipere. Nam ex S. Benedicto, *Loqui & docere Magistrum condecet; tacere, & audire, discipulo conuenit*. Puter itaque solitarius sibi à Deo in persona Instructoris illud Ecclesiastici dictum: *Fili, si attenderis mihi, disces: & si accommodaueris animum tuum, sapiens eris*. Si inclinaueris aurem tuam, excipies doctrinam, & si diuexeris audire, sapiens eris. Sic ex S. Dorotheo, *Sua omnia ad Deum referat, seque ad illius pedes projiciat, atque prosternat; & eos audiat, atque obseruet, qui post Deum instruere illum, ac dirigere, moderarique poterunt*. Dicatque subinde illud, quod Puer Samuel ab Heli Magistro didicerat: *Loquere, Domine, quia audit seruus tuus*. Verùm, audire, & excipere, parùm refert, si omnia Directoris verba non credas. Lege Ioannem Gersonem, qui in tractatu de Meditatione decimam sextam considerationem, siue institutionem inseribit, his verbis: *Nous meditants, devez croire suo Directori*. Porro, Ioannes Climacus eligit optimum Directorem suadet: sed electum iam, seuerissimè vetat, *In aliquo penitus dijudicari, etiamsi in illo (homo enim est) modica aliqua delicta animaduertimus*. Et iterum: *Necesse, inquit, omnino est, ut qui fidem certam & immobilem ad Magistros suos habere cupiunt, eorum rectè facta pro*

S. Ben. Reg.
c. 6.

Eccel. 6. 33.

S. Dor. ser. 5.

1. Reg. 3. 10.

Cl. gr. 4.

336 Quid præstandum erga instructorem.

Cass. l. 4. c. 9. fundo corde hauriant, eaque indelebiter memorie commendent. Cum ergo solitarius suas Instructori cogitationes omnimodè patefaciet, hoc curet ex institutione veterum Patrum à Cassiano relata; Ne super earum iudicio quicquam suæ discretioni committat; sed illud credat malum esse, uel bonum, quod discusserit, ac pronunciauerit Senioris examen. Bene enim illud scripturæ dictum, *salus autem in multo consilio*, S. Do-
S. Dor. ser. 5. rotheus sic illustrat: Nondicit in multo consilio, quasi uelit, ut unum-
S. Ephr. l. 2. paran. 5. quemque quis consulat, sed ut in omnibus eum consulat, cui plenissimam adhibere debet fidem: Et rectè S. Ephræmus: Sin uerò & tibi bonares uideatur, quæ a tuo Praefecto in Domino non bona iudicetur; crede illi in Domino. Nam contentiosum esse ac pertinacem, proprioque consilio duci, subuersionis signum existit. Sed præstat hac de re maximè omnium audire S. Basilium; qui huic interrogationi, *Quid si quis dixerit; conscientia mea non reprehendit?* ita respondet: Hoc accidit, etiam in morbis corporis, quos non sentiunt, qui in illis sunt. Verumtamen ij maiorem habent fidem medicorum peritia, quam suo ipsorum stupori. Similiter etiam in morbis animi, peccatis uidelicet, licet quis se ipsum non reprehendat, quod peccatum suum non sentiat; nihilominus tamen adhibere ijs fidem debet, qui res eius peruidere melius possunt, quam ipse. Itaque, facit huc celebre illud Aristotelis axioma: *Oportet addiscentem credere.* Quod Mercurius Trismegistus præm. c. 10. & Philo Iudæus de præmio & pœna etiam approbanti; indeque Pythagoras discipulis silentium in quinquennium imperabat; quo tempore, quia præceptoris fidem habebant, non aliud pro ratione respondere soliti erant, quam, *ipse dixit.* Vide hæc apud Theodoretum l. 1. de cur. affect. Græc. qui hoc in Græmatica, Geometria, Astronomia, in arte futura, lignaria, nauali, & in Medicina, huic spirituali disciplinæ simillima, disertissimè ostendit.

DISQVISITIO SECUNDA.

De reddenda uita & conscientie ratione Instructoribus, aut Præpositis.

283

VITÆ SVÆ RATIONEM EXPANDANT: Vbi recessurus in solitudinem Directorem acceperit; quem & fide, quam dixi, & amore, & existimatione, ac omni prorsus reuerentia prosequatur; ipsum primò conueniat, ut narret ei finem, quem sibi in solitudine instituenda proposuit, & vitæ suæ ac

Ljb. 8. Disq. 73.

totius

totius conscientię rationes aperiat, quò ille apta & opportuna exercitia præparet, & iste in Domino salubriùs instruat. Porro, ex Jacobo Aluaro de Vita religiosè instituenda lib. 5. cap. 8. §. 1. de hac manifestatione sic statuam. Qui ægrotus cupit à medico ab ægritudine liberari, suam ei ægritudinem, & causas, & radices, & remedia adhibita, & quare suo iudicio non conualeseat, exponit. Qui litigans vult in lite ab Aduocato iuari, omnia, quæ sibi prodesse possunt, vt ea prouehat, & omnia, quæ obesse, vt ea auertat, aut supprimat, libenter detegit. Qui iter suscepturus desiderat non errare, ei, qui iter benè nouit, se ducendum committit, & si quid impediementi habeat ad progrediendum, vt ab illo Duce suo dirigatur, pandere non erubescit. Tu autem, frater, viam spiritus ingressus es, aut ingredi cupis, tibi satis incognitam, & non paucis nec paruis periculis circumseptam. Sine Duce, cui impedimenta, progrediendi manifestes, per eam securè transire non poteris. Animi morbos habes, eosque depellere concupiscis, aut saltem ambiguitatibus quateris, nec quid in multis rebus factò opus sit, per te ipsum intelligere vales, quære industriū Virum, à quo erudiaris & saneris; aut si iam accepisti à Superiore delectum & assignatum, accurre ad illum tanquam ad patrem, qui te benignè excipiet, tanquam ad præceptorem, qui te docebit; tanquam ad medicum, qui te curabit; & tanquam ad consiliarium, qui sanctis consilijs & monitionibus te eriget. Dices illi simpliciter, & apertè, quod tu ipse de te cognoueris, certa vt certa, dubia vt dubia, & breuiter omnia, vt in sensu ac iudicio tuo sunt. Hæc conscientię manifestatio ad id ordinatur, vt in via spiritus dirigamur, & in interiori homine gubernemur, quare verissima sit oportet: ita scilicet, vt nec vitia nostra celemus, nec Dei dona, aut virtutes nobis datas abscondamus; sed omnia, prout sunt, maneat oculis nos gubernantis aperta. Neque enim ex hac manifestatione nostrorum occultorum quærimus, vt boni & sancti habeamur, quod insignis esset hypocrisis; neque vt condemnemur, ac viles putemur, quod in hoc proposito magna esset ignorantia, sicut si quis accersens Medicum, vulnus, aut dolorem, quem non habet, habere se fingeret; sed tantum intendimus, vt ei, qui nos regit, simus omninò perspecti. Ille autem haudquam nostrum statum agnoscat, si propter ineptam humilitatem bonas celantes, aut mala fingentes, vel propter superbiam mala occultantes, aut bona, quæ non habemus, ostentantes, mentiti fuerimus. Hactenus ex Aluaro, qui eliciuit hanc doctrinam ex S. Basilio, vbi sic habet: *Debet autem vicissim unusquisque eorum, qui inferiores sunt, si-*

S. Basil. Re
26. sup. di

quidem memorabilem ullam facere progressionem studet, & ad perfectionem uite illius, quæ præceptis D.N. Iesu Christi est consentanea, peruenire, tum nullum animi sui motum apud se ipsum celatum tenere, tum in sermone nihil non diligenti ante cura consideratum proferre; sed mentis suæ arcana aperire fratribus his, quibus datum illud negotium sit, ut adhibitis facilitate & misericordia, agrotantes curent. Hoc enim modo fiet, ut quod laude dignum sit in nobis, confirmetur, & quod minus probandum, congruo remedio sanetur; atque ex huiusmodi mutua exercendi inter nos consuetudine per modicas accessiones ad perfectionem perueniamus.

284 Res autem aperiendæ Instructori, ad hæc capita reducuntur. An in tua vocatione stabilis firmusque persistas. An tria vota substantialia Religionis perfectè custodias. An alias virtutes exerceas, & cuius præcipuè studio delecteris. An aliquas tentationes perferas, & an eas superes, & quibus medijs, an verò illarum importunitate supereris. An in modo viuendi, quem elegisti, vel in aliquo eorum, quæ Prælati statuunt, aliquam difficultatem habeas, vt dubitationibus eximaris. An suis temporibus, & quomodo vocaliter, & mentaliter ores, & an consolationibus cælestibus afficiaris, vel potius mentis ariditate proberis. An cum fructu, magno, vel mediocri, vel nullo, Sacramenta Confessionis & Communionis suscipias, & quotidiano examini, spiritali lectioni, & alijs similibus exercitijs inhæreas. An spiritu proficias, vel semper quasi in eodem statu te inuenias. An Constitutiones serues, & quibus asperitatibus corpus domes, & quem animum ad aliquid pro Domino patiendum experiaris. An cum aliquo ex socijs nimiam familiaritatem spiritui noxiam, vel ex aduerso animi auersionem habeas. His & similibus clarè & dilucidè, sed breuiter explicatis, à Directore humiliter postulabis, vt si quid aliud scire velit, quod vile futurum sit ad tuam animam instruendam, liberè interroget. Sicut enim sæpe non satis est, quod ægrotus dicit, vt corporalis medicus de qualitate ægritudinis informetur, vnde & ipse, quod opportunum videtur, interrogat; ita non sufficit aliquando quòd se quispiam aperuit, vt omnino à spiritali medico cognoscatur.

285 Ad hæc, vt bene Director suum hoc munus obire possit, & opportuna ad hominis profectum interroget; iuuat has Societatis regulas intueri, ac perlegere, vt congruas petitiones & interrogationes addiscat. 1. Præfectus rerum spiritalium cognitionem instituti Societatis, & Zelum boni progressus ipsius habeat, & in obedientia & humilitate exemplum alijs prabeat, & amabilem se eis exhibeat, ut ad eum omnes confugiant, confiderentque sua omnia detegant, & ab eo consolatio-

tem, & auxilium sperent in Domino. 2. Instruat nostros priuatim, secundum uniuscuiusque caput, quomodo interiùs, & exteriùs se habere debeant, & ad id exhortetur, & in memoriam redigat, & amanter admoneat, præsertim ut puram habeant intentionem diuini seruitiij, & familiaritatem cum Deo in spiritualibus deuotionis exercitijs, & Zelum sincerum animarum. 3. Petat, quem procedendi modum in oratione, & examine habeant, & si contra aliquem defectum, examen particulare faciant; & si contra inordinatos affectus, propria remedia adhibeant, & in solidis uirtutibus acquirendis, præsertim in obedientia quid obseruent, & de penitentijs & alijs deuotionibus. 4. Sicubi in his à rectitudine destexerint, eos diriget, iuxta modum Societatis; erga cuius institutum, curet, ut omnes bene affecti sint: uideatque, ne dum nostri deuotionem habere procurant, caput ledant, aut uires corporis nimis debilitent. 5. Versatum ipsum esse oportebit in lectione librorum spiritualium, & unicuique decernat tempus, & modum cum fructu eos legendi, qui sint faciliores, & nostro instituto magis conuenientes. 6. Peculiarem habeat curam consolandi afflictos, & tepidos exhortandi; remedia pro cuiusque infirmitate, uel necessitate, adhibendo: qualia sunt, frequentius communicare, plus temporis orationi impendere, exercitia spiritualia facere, plus aliquid penitentiae assumere, libros aliquos spirituales legere, & similia. Quæ autem ex his ipse concedere possit, & in quibus ad Superiorem recurrendum sit, ab eo intelligat. 7. Parem quoque adhibeat diligentiam, ut Coadiutores temporales quieti sint, & sorte Martiæ contenti: & pro eorum capto illos instruat, mysteriaque Rosarij doceat, ut maiore deuotione illud recitare possint. 8. Doceat omnes, ut præmissa oratione, & cum magna reuerentia ad Sacramentum Altaris accedant, & post eius perceptionem, per aliquod temporis spatium orent, & gratias agant. 9. Præter eos, quos satis instructos Superior iudicauerit, cum unoquoque agere de his ultra mensum ne differat; sæpe uerò consideret, quem fructum bonorum operum ex oratione, & ex reliquis rebus spiritualibus colligant, ut in dies magis in Domino proficiant. 10. In his autem omnibus uideat, ne ordo unicuique præscriptus impediatur, ac præsertim studia illorum, qui literis dant operam, nisi cum Superior aliter iudicauerit.

286 Verum à nostris (ut Patrum Societatis est mos, cum tri-duum spiritualis inuolutionis instituunt) præter Exercitiorum hoc tempus, præsertim in missionibus, & in domo Recessus, non Præfecto vel Directori, sed ipsi in primis Superiori Conscientiæ ratio reddi debet. Quod maximi momenti duxit S. Teresa, ad uitandæ tentationum discrimina, ad conciliandam sibi maiorem Superioris industriam, diligentiam, amorem, sollicitudinem, denique ad uberiorem feliciorumque in spiritu, & uirtute prouentum. Quamobrem,

Instr. P.
Discalc. C.
gr. S. Eli.
Ordin. Car.
mel. fol. 6
n. 1.

bid. num. 2.

bid. num. 3.

post sanctissimum eius obitum, quendam alumnorum suorum sic per visum affata est: *Ad observantia regularis perfectionem summopere pertinet, ut interioris hominis ratio Superiori exacte reddatur, Constitutioque servetur, quæ præcipit, ut id faciant quoquo mense Religiosi, nihil Superiorem celantes. Cum hac in re experit defectus obrepere, veri spiritus & Religionis nostræ fervor minuetur pariter, ac deficiet. Tota verò aperiendæ conscientia ratio (ut iterum ex ipsorum institutione hunc ritum exponam) in subiecta fermè capita distribuitur; ex quibus, cum ea retulerint, quæ ad plenam sui manifestationem dicenda esse intellexerint, exactius à Superiore postulent explorari; si quid ille arbitretur, ad maiorem Dei Gloriam, & sui cordis, omnimodam propalationem, debere ulterius aperiri. Hæc ergo, ex Carmelitarum instructione venient in examen? 1. An sua unusquisque vocatione contentus vivat? 2. Quem exerceat obedientia cultum, illius maxime, quæ iudicium, rationemque captivat. Insuper Castitatis, Abdicationis, aliarumque Virtutum, aut quam præ cæteris vltro diligat, & consecratur? 3. An sentiat vllas animi perturbationes, vel se acrius aliqua tentatione pulsari; quis ei modus, quæ difficultas, quæque facilitas reluctandis in quos affectus, aut vitia sit propensior, atque incitator? 4. Num contra Regulam, vel Constitutionem aliquam disseruerit, obfirmatæque iudiciam, aut sententiam tulerit? 5. De Instituto nostro, eiusque medijs, quæ usurpamus, ad Congregationis nostræ finem vtilius assequendum, quid sentiat? 6. Quæ admodum sit affectus erga spiritualia: quamdiu orare consueverit; & an prolixius, vtiliusque mentaliter, an vocaliter; & quem teneat modum orandi? 7. An usu rerum spiritualium mentis devotio, oblectatioque augeatur: an verò tædium, ariditatem, animi diuagationem perpetiatur: in ijsque omnibus ut se gerat? 8. Quem fructum, ex frequentatione Sacramentorum, examine Conscientia, cæterisque spiritualibus Exercitijs capiat? 9. Vtrum, post redditam Conscientia rationem, plùs minùs profecerit, & quem animum experiatur ad capeßendam perfectionem? 10. Quàm seriò illa custodiat, quæ ex Constitutionibus, Regulisque non solum communibus, verum etiam proprijs sui officij ad se cognoverit pertinere? 11. Num frequenter mortificationes, pœnitentias, exercitationes alias, spirituali profectui conducibiles; peculiariter verò, qua sit præparatione animi ad Christi Crucem, vel contumelias eius amore perferendas, & horumne desiderio aliquo teneatur? 12. Quantum ex Religioforum conuersatione secundùm Deum proficiat, & an alicui singulariùs sit familiaritate coniunctus? 13. Num fratrem aliquem,*

quantis leuiter auerferur, & quemadmodum erga Superiores afficiatur? 14. Quàm magno interdiu extra Dei præsentiam esse soleat interuallo, quàmque in Orationibus iaculatorijs, aspirationibusque sit frequens? 15. An vratur actuum directionibus, & oblationibus, maximè primo mane, & ad vniuscuiusque actionis initium, ac in ipsa etiam actione (si longior fuerit) vt in Nouitiorum Instructione præscribitur? 16. Certumne numerum quotidie exercere meminerit paruorum mortificationum, & an interdiu ex obliuione prætermittas noctu suppleat, antequam cubitum se recipiat? 17. An semel in anno ad spiritualia Exercitia secesserit? Et similia.

DISQVISITIO TERTIA.

Quomodo Superior subditos adhortari debeat, vt magno adipiscendæ perfectionis desiderio impulsî, in solitudinem se recipiant.

287 **M**AGNO ANIMI FERV. AC PRÆPAR. Primò ad Superiorem præsertim interest, Religiosos ferrið, & grauitè admonere, de spiritualium Exercitiorum necessitate. Si enim pterunque vsus inualuit, vt semel aut bis in singulos annos, domi ac cubiculo inclusi, potu & pharmaco aliquo, è corpore prauos humores eijciamus; cur pigeat, bis aut semel saltem, in annos singulos, animi vitia, quæ grauiores morbos inducunt, & mortem inferunt, expurgare? An procurandæ bonæ corporis valetudini, animi salus, incolumitas, & perfectio, posthabenda? Hanc repetendæ solitudinis necessitatem cunctis sodalibus expendere, & explicare, in Congregatione Missionis in Gallia, & in nostro Receptu, ipsius Superioris est munus. Pridie enim eius diei, quo Patres, vt solent, spiritualia omnes exercitia obibunt, vesperi post generale examen, vt vocant, Superior ea de re sermonem instituit, aut saltem librum, aut scriptum aliquod legi mandat, quò de necessitate recessus, & de eo bene, ritèque instituendo, disseritur: ac lectionem paulatim ipse vicissim explanat; vt rei momenta omnium animis altius imprimantur. Publica ergo hæc Superioris exhortatio fieri debet, cum si sodales vnà secedant; cum si bini, terni, aut quaterni vicissim, post aliquod statutum tempus, recollectionem incipiant. Tunc enim est satis, si de recessu omnes instituendo communefaciat, & ad eam solitudinem sodales vehemèter inflamet. Nam alijs tempo-

Suffr. §. 2.

tribus sufficit, vt, cum quis à Superiore secedendi facultatem exposcit, is, si annuat, subditum in Domino cohortetur, vt tam salubre negotium, magno animi feruore, & cum debita preparatione, suscipiat. Ioannes Suffrenus in Circo perfectionis, vt serid hanc recollectionem ineamus, suadet, vt, minimùm, vnus diei præparatio præmittatur. Et subdit: Noui personas tam religiosas, quàm seculares, quæ ad huius actionis gratitatem attendentes, & memores, quodd Deus præmia sua nostris conatibus admensuret, quoddque profiteamur nos maximi facere ea dona, quibus recipiendis debitam præparationem adhibemus, per dies omnino tres se se disponebant. Et his animi studijs, primò sæpe excitabant in se inflammatum huius secessionis desiderium, eoque votis omnibus anhelabant. Secundò recitabant Officium de sancto Spiritu, aut Hymnum *Veni Creator*, aliasue preces sæpius iteratas, eius opem ad tanti momenti negotiũ implorantes. Tertiò adhibebant quotidie, per eos dies, aliquam corporis afflictationem ex consilio Directoris: & offerebant hos tres dies diuisim tribus Personis Diuinis, & Beatissimæ Virgini, ob affinitatem, quam habet cum singulis illarum: vt tres animæ facultates, Memoria, Intellectus, & Voluntas, quibus in hoc secessu vtendum est, ritè disponerentur.

Paul. de Barry. in Triduo
Hagioph.
Mon. Gen.
fol. 7. 3. 9.

288 M. Maria Peronia de Chatel, quæ Visitationis sanctæ Mariæ quinta Ordinem iniit, solita erat dicere, quoties aut ipsa in solitudinem se abdebat, aut inducebat alias, afferre oportere maximum deuotionis affectum: Christum Dominum instar esse Regis opulenti, qui ex singulari propensione puellam inopem in sponsam delegerit. Hinc illa quidem palatium eius incolit, liberè adit ad sui Sponsi conclaue, fruitur gratia crebrioris alloquij, & mutux confabulationis: Verùm ista Principi non satisfaciunt, minùs adhuc diligi se credit, nisi ipsa se abdicet omni aliorum conuersatione, vsuque: solus cum sola esse desiderat, illique recludere secretiora sua conclauia, & singulatim suæ pretiosæ suppellectilis gazas fidenter cõmonstrare. Ille, qui vos in Sponsas suas assumpsit, ò caræ Sorores, aiebat ipsa, tam opulentus est, vt tametsi toto Anno versetur in consideratione opum illius admirandarum, velit nihilominus tempus aliquod sibi vni dedicari, quo possit maiore otio nobis patefacere suos reconditiores thesauros: aded vt si quæpiam solitudinem iniens interrogetur: Quò illam pedes? Meritò respondere debeat: Ire se ad perferutandam inopiam suam, & rimandas Regis, & Domini opulentias. Sensus est, vt ab hac sui notitia, & detestatione inconstantia, ac miseriarum suarum, gradum faciat ad ingens desi-

derium excolendæ, expoliendæque animæ suæ, vt dignam se Deo Sponsam exhibeat. Audi alios eiusdem Religiosæ Matris stimulos, quibus sorores suas in simili negotio incitabat. Paucis ante diebus, quàm extremus morbus illam lecto affigeret, vnde valere æternùm cœpit, interrogata, quale formaret de sororibus cellulæ inclusis iudicium, benignè respondit: se se ab annis omninò tribus, aut quatuor supra decem, quando legerat in Estheris Historia, secessisse illam ad dies aliquot, vt vacaret ornando corpori, priusquàm Regi Assuero sisteretur: sorores suas intuiram, velut alteras Estheres, gloriosis nuptijs supremi cœlorum, terræque Domini destinatas. Dilectæ illæ sorores, aiebat, secedunt in solitudinem, vt reddant se Sponso suo, & Domino acceptas: & ego tanquam ancillula subindè electis illis Regis mei me offero paratam ad exhibendum aliquod officium, saltem, vt aliquam pij propositi aciculam infigam. altius, aut amicæ reprehensionis, monitionisque admota scopula puluerem excutiam, qui possit illarum vestibus adhærescere: Vt vt est, illas adeo ea mente, vt reddam elegantiores, & istud euincam, ne quid intus in animo, neque exterius in moribus resideat, quod oculis Iesu, amabilissimi illarum Sponsi, displicere queat. Hæc ex Paulo de Barry in monitis generalibus triduanii secessus. Quæ omnia dicta volumus, vt officij sui Superiorem, ac Directorem admo- neant; & vt secedentium mentibus ac animis imprimantur.

DISQVISITIO QVARTA.

Quomodo Prescelus, qui quempiam instruendum, ac dirigendum suscepit, ad solitudinem ducet.

289 **I**NSOLITVDIN. EANT. Curet ergo Director, vt in recessum iturus, nisi Superioris Benedictione primùm accepta, & sepositis curis omnium rerum, ac suis ritè muneribus alijs Fratribus, ex Superioris arbitrio, commissis, & consignatis, Ianitore & Adituo opportunè præmonitis, exercitia spiritualia in solitudine non incipiat. Cubiculum recessus inspiciat, si rebus necessarijs, ne desint, an verò superfluis, quæ tolli debeant, sit instructum. Curet, vt Crucifixi Saluatoris imago, & Deiparæ effigies, vt Venerabilis Mater nostra in sua Regula instituit, habeantur. Por-
rò, ex Clericis Minoribus, locus ipsæ exercitiorum remotus sit, & quoad
feri potest, à communi cæterorum habitatione seorsum positus, in quo nihil

*Plum. in Di-
rector. Or.
Ment. instr.
n. 9. fol. 51.*

Io. Bapt. De-
cius in Arm.
Spir. 3. p. c. 1.
fol. 143.

fit ab his Exercitijs altenum: & ideo Crucibus, deuotis Sanctorum imagi-
nibus, vel pijs sententijs, & elogijs ornezur. Libri tantum inferius descri-
bendi asseruntur. Instrumenta ad carnis macerationem spectantia, vt di-
sciplina, cilicium, lanenum aut ferreum cinctorium, in promptu habeantur.
Pius quidam Scriptor, è nostris, in Recellus loco suadet, vt morien-
tis hominis imago conspiciatur cum Sacerdote, qui salutis monita
eius auribus infusurret: hinc verò tentator ipsum affligere, illinc
Deipara, & Tutelaris Angelus fouere, vsque ad exitum, fidelem
procurent. Quæ omnia, cum nonnihil iuuent, si in promptu ha-
beantur, non improbamus.

Fr. Gar. Eu-
g. l. Concio-
to. 1. in sit.
15. fol. 387.

290 Palæstra igitur exornata, in eam, veluti Christi pugilem,
Ascetam inducat, pridie vesperi eius dici, quo vel præparationem,
vel saltem exercitia est obiturus. Instruat, vt tria huic recollectio-
ni scopum præfigat; Animi puritatem, reformationem, ac pulchri-
tudinem: quæ nimirum, annua vel totius ante actæ vitæ confessio-
ne, extirpatione omnium vitiorum, atque defectuum, & virtutum
adeptione, acquiruntur. Porro, vbi ad cubiculi conspectum ac-
cessit, his B. Petri Damiani aut verbis similibus vti posset, quibus
Franciscus Garcias, Euangelicos Concionatores adhortatus ad se-
cessum, exclamat: *Salue amica Solitudo; suscipe, almae Recellus, in am-
plitudine sinus tui prodigum, & peregrinum seculi transfugam. O Deser-
tum Christi vernans floribus! O Solitudo, in qua illi nascuntur lapides, de
quibus in Apocalypsi (ait Hieronymus) Ciuitas Magni Regis construuntur!
O Eremitus familiaris Deo gaudens. Age, Homo Dei, iam portum tenes
salutis; iam solitudinem sociam accepisti vitæ administram, Diuinæque
Ascensionis matrem, ac Deum ex homine efficientem, totiusque vitæ du-
cem, & moderatricem: en in prospectu est Cælestis Curia te expectans, dum
in schola sanctitatis pura sit voluntatis, morumque mutatio; dum, sicut ad
peccandum proiectus fuisti, sis ad penitendum paratus.*

Daza in
Exor. S.
Fræc. fol. 25.

291 Mox, inspecta Deiparæ Imagine, moneat Instructor, vt
qui fecerit, se illi deuotissime, ac studiosissime sistat, eius præsertim
auxilium, ac protectionem imploraturus. Antonius Daza è Mino-
ribus Obseruantia, in spiritualibus exercitijs Eremitarum, quas S.
Franciscus instituit, hæc suadet: *Antequam Religiosi ad Eremitum eant,
à Superiore locali Benedictionem accipiant: & illuc ingressi, ante imaginem
Conceptionis sanctissimæ Virginis Mariæ stentant genus, & deuorè admo-
dum Antiphonam dicant, Tota pulchra es, &c. cursu suo versu & oratio-
ne, addentes etiam illam S. P. Francisci, & Actiones nostras quasumus
Domine. Nostri, post Dei Matrem, S. Patrem Nostrium Caietanum,
& alij suum quique Fundatorem, ac omnes Tutelarem etiam Ange-*

De explorando Solitarij ingenio. 345

lum implorabunt. Sed Paulus de Barry, inter monita generalia, pro bene instituendo secessu hoc præsertim inculcat: *Præcipuo affectu Virgini Deipara, & S. Iosepho anima tua miseras commenda.* Egotres illos Apostolos Christo cariores adijcerem; quos, cum pluries Dominus secessisset ad orationem, secum adduxit. Illud tamen, ex Clericis Minoribus, aduertendum, ut *Qui se exercere voluerit, recessum, & exercitia arripiat non coactè, sed spontaneè, & animo volenti, bene dispositus, & paratus in omnibus exequi Diuinam voluntatem, ac Spiritus sancti influxus.* Externas verò occupationes, negotia, seculi curiositates, imò familiares, & domesticos, omni diligentia, & serid euitabit. *Sed Solitarius in se collectus, & ad superna eleuatus ita se gerat, resque animæ suæ ita tractet, ac si in hoc mundo ipse solus, & Deus, ac nullus alius esset: vel ac si in extremo vite termino positus esset:* Hæc illi. Et demum iuuat, si Suffrensi seruet præcipuè monitum, qui sic ait: *Imaginare te, ab Angelo tuo Tutelari, qui peculiari quadam ratione tibi per. f. 1. die nunc adest, inductum in hanc solitudinem, tanquam in Montem Sinai, ubi Moyses quadraginta diebus, & quadraginta noctibus cum Deo versatus est, reclusus nube, ne videret, aut videretur ab ullo.*

Dom. Plu-
mara in Di-
rect. Or.
Ment. in-
struc. nu. 1.

Ibid. num. 2.

Suffr. in Cir.
per. f. 1. die
1. med. 1.
præh.

DISQVISITIO QVINTA.

*De explorando à Directore hominū in recessu ver-
santi ingenio.*

292

QVALIA CUIVSQVE INGENIVM EXIGIT. Plañe qui exercentur, aut nostrates sũnt, aut homines seculares, qui à nostris instituuntur; & de his primò, ex Carmelitarum instructione, dicendum. Quemadmodum ergo ijs, qui ad conualescendum, vel ad sanitatem tuendam, instruuntur à medicis, pro diuersa corporis habitudine, exercitia quoque diuersa, vel certè, si generis eiusdem sint, diuersè tamen temperata præscribi solent; ita & ijs, qui à peccati morbo liberari, vel acceptæ gratiæ sanitatem perficere cupiunt, exercitia diuersa pro spiritali cuiusque temperamento percipienda sunt. Manifestius est quippe, quàm vt rationibus exponendum sit, alios vitijs inæqualibus obnoxios, alios ad virtutem inæqualiter propensos, alios amore, alios timore agi solitos, æqualibus eiusdemque formæ exercitijs iuuari non posse. Primùm ergo, qui exercendorum curam gerit, eum, qui se exercere parat exploret, in quem scopum exerci-

Car. instr. ad
ex. spir. cap.
1. m. 1. 2.

Ibid. nu. 3. 4.
5. 6. 7. 8.

ria dirigat, & qua spiritali habitudine sit affectus, exquirat. Si enim ad hoc exerceri velit, vt à peccatis sacra Confessione generali expiatur, & pacata conscientia in posterum viuatur, nulla ei opportuniore exercitia præscribi possunt, quàm si rectam breuemque faciendi examinis rationem modumque veræ contritionis concipiendæ doceatur. Et quidem quod ad examen attinet, Decalogi capita, quasi totidem loci communes sunt, in quos cogitationes, verba, opera, & omissiones, quæ ad vnumquodque præceptum spectant, conferenda sunt: quemadmodum in plerisque pijs opusculis, quæ passim legerantur, satis aptè traditur. Quod verò ad contritionem pertinet, quod minus tutum, & magis est necessarium, quæri debet, quale sit cuiuscunque ingenium. Et si enim vniuersis, qui de pœnitentia cogitant, communes rationes ex se quidem efficaces, quas vulgo Authores tradunt, salutare sunt: quia tamen ex varijs hominum affectibus frequenter accidit, vt ijs rationibus acrius excitentur, quæ non tam ad rem pertinere, quàm extrinsecus afficere videntur; nihil, nisi expenso hominis cuiusque ingenio, prudenter decerni potest, vt subiecto liquet exemplo. Sunt plerique adeò metu mortis exagitati, vt, siue conscientia per confessionem sacram purganda, siue conceptus Dei timor alendus, siue virtus acquirenda, siue denique quidpiam aliud boni tentandum, malie vitandum sit, sola mortis meditatione moueantur. Alios è contrario cœlestis patriæ recordatio, ad peccatorum detestationem, & aliorum bonorum operum executionem fortius, quàm quælibet neruosa ratio, vel pia meditatio mouet. Atque in hunc modum de alijs diuersè affectis censendum est. Explorato igitur hominis ingenio, ea meditatio ad concipiendum dolorem iniungenda est, quam efficaciorē experitur; vt per statas orationis horas eam exerceat, donec Confessionis opus absoluat. Quod si proprii ingenij rationem reddere nesciat (multi enim seculi rebus intentissimi, à se ipsis ex incuria, vel alijs modis alienissimi, rogati, quæ meditatione potissimum afficiantur, rem discernere nesciunt) rogandi sunt an saltem inter pura spiritalia, puta Dei bonitatem, misericordiam &c. & sensibilia, puta infernum, mortem, &c. aliquod in se ipsis affectus discrimen deprehendant. Alios enim Dei bonitas, misericordia, &c. ad quæuis pia opera fleant: alios nihil spirituale cogitare valentes, ea tamen permouent, quæ imaginatione figurantur, pro quorum discrimine præcepta tradenda sunt, vt scilicet & meditentur, vnde se fructum elicere posse prudenter conijciunt. Si verò neque discrimen hoc rerum spiritalium, corporaliumque percipiant, sed bono dumtaxat

Ibid. num. 9.
10. 11. 12.
13.

animo sunt, iuxta communia Virorum spiritualium præcepta erudiendi sunt, ut scilicet communes rationes ad pœnitudinem concipiendam opportunas expendant, & ex animo peccata execrari conentur. Oratio ergo, piaque lectio, alijque actus, dum generalis Confessio fit, ad culparum detestatiônem dirigantur.

293 Pro ijs verò, qui ad maiorem profectum exercentur, eadem præcepta, quoad animum & prœpensionem cuiusque scrutandam, observanda sunt. Constat enim & horum mores diversos esse, alios ad omne pium opus amore, alios timore præsertim moveri: quapropter, primum de affectu proprio, ac exercitiorum fine, rogandi sunt: Si enim proficere se velle dicant, & è quibus meditationibus fructum vberiore percipiant, Patri, à quo sunt regendi, compertum sit, & locum, & tempus, & pios libros, acnque ceteros ad profectum opportunos prudenter seligere, difficile non erit. Si verò de statu Religionis deliberare velint (qui vberior profectus est) cum iam eo ipso, quod de re tanta consultant rationibus, quæ religiosi status perfectionem ostendant, proculdubio indigeant, & oratio, & pia lectio ea sit oportet, quæ ad tanti boni cognitionem, & amorem animum excitare valeat. Qua in re cauendum est, ne quid violentum fiat: etsi enim eos, qui spirituale profectum exquirunt, quin & vniuersè quosuis idoneos ad Religionis statum hortari decere è SS. Patrum exemplis, ac doctrina pateat: quia tamen affectatum in hoc genere artificium humanum quid præferret, salubrius est, eos, qui exerceri cupiunt, suauiter ducere. Suauitas autem in hoc ita esse videtur, ut qui eos regit, non instet nimis acriter, non oneret animum importunis, aut multiplicibus consilijs, nullum eius consensum vel dissensum extorqueat, asperitatem verborum & actuum vitet, pœnitentiæ opera, puta ieiunia, vigiliæ, ex viribus attemperet, idque potissimum curet, ut quicquid ab ijs, qui exercentur, præstandum est, spontè nascatur. Iuxta ergo hanc doctrinam, qui de Religione non agunt, sed profectum aliquè exquirunt, nisi mutato consilio ex ijs, quæ cernunt, ut frequenter accidit, in Religionis statum aspirent, quod vel non rogati, vel suauiter admoniti significare solent, liberrimè agere sinantur, & insigni cum hilaritate sic instruantur, ut ad proprias aedes reuersi, quod didicerunt, conseruent. Si verò de aliqua Religione seligenda consultant, status noster ita eis sincerè proponatur, ut si in aliam Religionem reformatam propendeant, propositum commendetur exaltatur: sic enim fiet, ut qui apud nos remanserint, non humanis consilijs, sed Spiritus sancti ductu agantur, & firmitus perseuerent.

*Ibid. cap. 2.
n. 1. 2. 3. 4. 5.
6. 7.*

348 Quomodo Director se gerere debeat.

vide c. 7. nu.
2. 3. 4.

294 Sed quod erga alios vniuersè præscriptum est, à Fratribus nostris, cum de Superioris venia exercebuntur, obseruari debet; exceptis ijs, quæ statum seculare concernunt. Quapropter, qui eos reget, perinde ingenium explorabit, meditationes congruas assignabit, & cætera omnia exhibeat, quæ dicemus. Præsertim tamen hoc teneat commune præceptum, vt longè vltiorem, à nostris, quàm ab extraneis quærat profectum, non ex austeritate corporis, quæ tam facillè amittitur, quàm paratur, sed morum seria immutatione metiendum: vt constantissimè transferatur loquacitas in silentium, procacitas in modestiam, orandi languor in ardens meditandi studium, vitia denique in virtutes. Quod certè monitum, tanti faciendum est, vt non æstimari aliud vel sublimius vel compendiosius debeat: cuius neglectu, imperitiaue non paucis hæc exercitia parùm salubriter cedunt, nec rarè etiam inutiliter. Quare hoc monitum impensissimè commendamus.

DISQUISITIO SEXTA.

Quomodo Instructor, in tradendis meditationibus, se gerere debeat.

295 **A**B EO EXERCIT. AC MEDITAT. Quomodo

Solitarius in recessu Directorem audire ac suscipere debeat, vt superiùs dictum, in prima Disquisitione huius libri, rursus ab Diui Pauli primi Eremitæ Religiosis, hac Constitutione, docetur: *Instructorem spiritualem, tanquam instrumentum Dei reuerentia ac confidentia excipiat, tanquam paruulus (etiam si sibi videatur doctus) lac spirituale appetens, sincerèque edicat, quas consolationes, illuminationes, desideria, desolationes, proposita habuerit; quæ etiam in scriptis sibi notabit pro futuris tentationibus: neque alias meditationes, aut penitencias assumat, præterquàm à Duce spiritali assignatas.*

296 Ipse verò Director, monitis primùm ædituo ac ianitore, ne illum ampliùs accersant, omnem ei quotidianorum operum feriem explicabit, & tempus distribuet, meditationi, horis Canonicis, conscientie examini, sacro vel celebrando vel audiendo, pijs precibus, aut aliter impendendum: quæ ne memoria excidant, scripto qui secessit excipiat; & hoc folium cum horologio arenario, super scamnum aut mensam, veluti suæ nauigationis instrumenta, ob oculos habeat.

rel. S. P.
const. p. 1. c.
1. n. 5.

297 Quod attinet ad orandi materiam, Director meditationes apud se habeat, non in libellum compactas, sed diuisas alteram ab altera: & has Solitario debet tradere singulatim: ita vt cum secundam exhibet, repetat primam. Sic Fulcensium praxis: & addit, vt *Directorium exercitator semper in cubiculo retineat apud se.*

Sanc. in off
Direct.

298 Deinde, aduertit S. Ignatius, quòd ille, qui modum & ordinem meditandi siue contemplandi alteri tradit, fideliter narrare debet meditationis seu contemplationis historiam, percursum obiter dumtaxat punctis illius præcipuis, & adiecta solum breui declaratione: vt is, qui meditaturus est, accepto veritatis historicæ primùm fundamento, discurrat postea, & ratiocinetur per se ipsum. Ita enim fiet, vt dum aliquid inuenierit, quod elucidationem vel apprehensionem historię aliquanto maiorem præbeat (siue ex discursu proprio, siue ex Diuina mentis illustratione, id contingat) gustum delectabiliorem, & vberiore fructum percipiat, quàm si res ipsa ei ab altero diffusius narrata, & declarata esset. Non enim abundantia scientiæ, sed sensus & gustus rerum interior desiderium animæ explere solet.

S. Ignat. e-
xerc. spir.
anno 1. 2.

299 In agendo cum ipso, vt P. Claudius Aquiuuius in suo Directorio docet, *memineris auctoritatem quandam semper retinere, seruata quadam maturitate, & gravitate, còque etiam magis, quò is, qui in exercitijs versatur, maior ipso fuerit. Hoc enim valde expedit ad eius spiritualem profectum, vt locum & personam Magistri, vt verè est, tueatur. Temperata tamen hæc auctoritas esse debet cum humilitate religiosa, quæ luceat in omnibus eius dictis & factis, ita vt ne vestigium quidem vilius vanitatis conspiciatur. Sed in hoc, vt monet, Christum debet imitari, qui cum forma esset omnis modestiæ, sicut est scriptum, Loquebatur tanquam potestatem habens.*

Cl. in Direct.
c. 5. n. 3.

300 Nihil de suo apponat: sed cum eiusmodi consilia debant ex Diuina inspiratione suscipi, caueat, ne indisereto zelo conetur aliquid ei suadere; sed sinat Deum de sua creatura disponere, iuxta placitum bonitatis suæ. Quod vt melius & facilius in opere præstet, seruet se in animo planè indifferenti, & in nihil aliud eius voluntas feratur, nisi vt sanctissimum Dei beneplacitum in anima illa, plenè & perfectè compleatur.

Idem ibid.
nu. 5.

301 Iuuabit, vt singula exercitia, antequam ea tradat, aliquantulum ipse mediteretur, si fieri poterit, vt melius imprimat alteri.

Ibid. num. 8.

302 Moneat eum, vt Clerici Minores instituunt: *Instructionem & modum orandi assidue legat & intelligat, vsumque illius, & praxin probe calleat.* Rursus: *Sero antequam cubitum eat, legat meditationem se-*

Dom. Flum.
in Direct. in-
str. n. 4. 5. 6. 7.

350 Quomodo Director se gerere debeat.

quoniam dici, & cum ea dormiat; & mane expurgatus eandem considerationem mente repetat. Item: Non sit curiosus scire, aut legere meditationes futuras aliorum dierum, & temporum; sed eas solum, quæ sunt illius dici propriæ; ad quas etiam correspondeat lectio librorum piorum. Adhuc: Otium eo loci quam maxime euitabit. Libros ad rem, & quotidianam meditationem non facientes ne legat. Occupationes, & exercitia manualia, nimiam distractiua, prorsus abijciat.

Ignat. ex.
ir. a. n. 5.

ire. cap.
num. 1.

303. Præsertim doceat, vt ex S. Ignatij monito, Magno animo acque liberali accedens, totum studium & arbitrium suum offerat suo Creatori; vt de se suisque omnibus id statuatur, in quo ipsi porissimum seruire possit, iuxta eiusdem beneplacitum. Qua de re Directorium Societatis hæc habet: Qui ad exercitia agenda aggreditur, primò eniti debet, vt intelligat, quantà sit res, quam aggreditur; nempe quæ non solum ad animam pertineat, sed ita pertineat, vt si modo ea quæ diligenter præstet, quæ debet, iacturus sit fundamenta spiritualis sui profectus, quæ deinde tota eius vita vsui futura sunt. Ex quo intelligat, quantam alacritatem & diligentiam, & fortitudinem etiam, ad tantum opus tantumque negotium asferre debeat. Itaque statuatur ipse secum, Viriliter agere, & omnia impedimenta diuina gratiæ reijcere; & omnes apimi sui vires intendere; vt huic gratiæ cooperetur; & se ad eam recipiendam, quam poterit optime, disponat.

aud. fol.
27.

icb. 12. 6.

304. Non ergo, frater, in recessu parui momenti opus aggredieris; sed quod omni studio ac conatu, cunctisque animi neruis, ac summa contentione curandum est. Nec enim, vt P. Gaudier inquit, sine vi aliqua & difficultate, ad ima vsque veteris vitæ fundamenta eruenda, & perdenda, dissipandaque ea, quæ in te construxit daemon; mundus, caro, animus erit applicandus; vti & arx, & munitio (vt prorsus nihil remaneat) quatienda magnis motibus & crebris, imò continuis vtriusque potentia, intellectus, & voluntatis ictibus. Deinde, non sine tædio, & labore, ad intimos animæ recessus penetrandum, & in profundas abyssos descendendum sæpe tibi erit. Eruenda, quæ ibi demersa latent pondera, & rudera vitiorum, & procul magno conatu proijcienda; sanctisque desiderijs, & firmis ac solidis propositis à Cælo aduectis, fundanda sedes Deo digna. Verùm si generosè feruenterque aggressus fueris; corruet murus Hiericho; faciliè fietque quod Deus promittit, de reedificatione sanctæ Ciuitatis Ierusalem: In die illa ponam Duces Iuda; sicut caminum ignis, & sicut faciem ignis in feno; & deuorabunt ad dexteram & sinistram omnes populos in circuitu; & habitabitur Ierusalem rursus in loco suo. Hæc & Gaudier, & Trinkellius in prolog. cap. 6. qui alterum

adiumentum ex Directorio adiungit. Illud verò maximè necessarium; vt præter hoc desiderium proficiendi in spiritu, sit etiam bene resignatus in beneplacito Dei, in ijs, in quibus adhuc liber est. Itaque animo paratus sit, vt quicquid, à Deo cognouerit, faciendum esse, omnino exequi decreuerit. Quare non debet quisquam deliberationem aliquam secum asferre, à qua dimoueri nolit. Deindè non debet etiam modum ac terminum ipse ponere Dei donis; ita vt vsque ad quosdam limites se illuminari, ac iuari velit, non autem amplius. Nam præter quàm quoddam valde indecens est, vt creatura, hoc modo agat cum suo Creatore; valde etiam sibi nocet: primum, quia se ipsum priuat illis maioribus donis, quæ Deus fortasse daturus erat: deindè, quia illa ipsa illiberalitas, & restrictio, & ingratitude in Deum, meretur, vt ne ea quidem accipiat, quæ vellet accipere. Quare debet potius animi sinum dilatare, vt quàm maximè possit se se cum Deo coniungere, & quàm maximè ab eo ditari, & locupletari thesauris istis cælestibus desideret. Inter cætera verò ita etiam animo constitutus esse debet, vt libenter & auidè hæc exercitia aggrediatur; non tam vt spiritali dulcedine fruatur, quàm vt Dei voluntatem de se intelligat: suumque affectum à terrenis omnibus auellat, & eum collocet in suo Creatore. Si verò Director solitarium videat desolatione affici, seu tentatione, cauere debet, ne se durum vel austum ipsi exhibeat, sed miret potius ac suauem, præter, confirmato eius animo ad agendum strenuè in posterum, detestisque inimici nostri versutij, cum ad consolationem studeat disponere, tanquam breui subsecuturam. Sed cum facile sit & leue, affluente consolatione, integram contemplationis horam traducere, difficillimum è contra; idcirco, aduersus tentationem ac desolationem semper pugnandum est, producto ultra præfinitam horam exercitio, vincendi gratia: ita enim non solum discimus resistere aduersario, sed cum etiam expugnare. Quod si vacans exercitijs cernatur consolatione multa, & feruore magno ferri, obuiandum est, ne promisso aliquo, vel voto inconsultè ac præcipitanter factò, se obstringat. Idque tantò fuerit diligentius præuertendum, quantò ille ingenij esse instabilioris perspicitur.

305 Vt autem Creator ipse & Dominus noster in creatura sua certius operetur, si accadat animam ad aliquod minus rectum affici, atque inclinari: summopere ac totis viribus nitendum est in contrarium. Tradens verò exercitia, inquirere ac scire nolens proprias alienius cogitationes, & peccata, superest, vt certior factus fideliter de cogitationibus à vario spiritu immisiss, & ad maius aut minus

S. Ign. l. cit.

Ibid. ann. 13.

Ibid. ann. 14.

Ibid. ann. 16.

Ibid. ann. 17.

Ibidem ann.
18.

bonum trahentibus, spiritualia nonnulla exercitia illi præscribat, præsentia animæ necessitati opportuna. Et planè iuxta eius, qui exercetur, habitudinem, puta pro ætate, doctrina, vel ingenio, accommodari debent exercitia: ne cui rudi aut imbecilli, seu debili, ea imponantur, quæ ferre non possit citra incommodum, nedum ad perfectum suum assumere. Similiter, pro ut cuique in animo est se se disponere, impartendum id demum est, quod eum potissimum iuvare possit.

Trink. c. 7.

306 Demum illud est advertendum, quod multum à scopo aberrant, ut ait Trinkellius, qui inanes quasdam virtutum species, aut conceptus ex arbitrio confictos; aut Philosophica potius, quam firma & certa, claraque fidei dogmata; aut denique malè fundatas in ingenij subtilitate scripturæ sacræ interpretationes, sibi pro meditationis materia desumunt: quorum omnium sterilitas mentem, non potest replere: ac proinde inanem, ieiunam, ac frigidam relinquit. Qui igitur fructum solidum ex hac oratione desiderat, debet ex certo & infallibili fidei principio, per discursum, conclusiones practicas eruere, aptas ad excitandos in Deum pios animi motus. Ad quod, licet nonnullorum exemplo, subinde conducat aliquem sacræ scripturæ librum à capite ad calcem totum meditando percurrere, aut psalmos aliquos expendere, advertendo ad verba, & affectus Authoris, absque alio ordine; nihilominus multò magis præstat vitæ Christi (*quæ est lux vera, illuminans omnem hominem, venientem in hunc mundum; via veritas & vita*) eiusque doctrinæ, in exemplum nobis traditæ, sedula meditatione inhærere. In his enim mysterijs vitæ ipsius, sparsim, omnia continentur, quæ de vitæ purgatiuæ, illuminatiuæ, vnitivæ, totiusque Christianæ perfectionis gradibus possunt à quoquam desiderari. Imò ea ipsa etiam Christi Domini mens fuit, ac propositum, ut & actiones suas nobis ad imitandum proponeret, & gratiam ad eas meditandas & imitandas necessariam, per easdem actiones suas, impetraret.

Joan. 1. 9.
Io. 14. 4.

DISQVISITIO SEPTIMA.

Quoties qui se exercet, & qua potissimum diei hora, ab Instructore sit visitandus. Et quomodo se gerere debeat Director cum secularibus Viris.

307 **Q**UOTIDIE INSTRVANTVR. Coeptis exercitijs, sit diligens Director in visitando suis tempo-

Lib. 8. Disq. 78.

ribus

Quomodo Director se gerere debeat. 353

ribus eo, qui sic exercetur; de qua re Michael Mulcus è nostris, in suo Regulari, suadet, vt *bis quotidie*, mane ac sub vesperam, ipsum adeat: Sancius Generalis Fulienſium, vt *bis aut ter* iterum in singulos dies. Sed S. Pauli Primi Eremitæ Religio inter Constitutiones hæc habet: Porro, *meditantem primis tribus, aut quinque diebus, sufficiet semel in die visitare, nisi necessitas aliud suaserit.* Statuit P. Claudius Aquiniuus, Vt *quotidie semel cum adeat, neque tamen sæpius, nisi aliqua occurrat necessitas, vt aliquando accidit prima hebdomada propter rei novitatem, aut secunda propter difficultatem electionis.* Imò, cum hominibus grauib, & bene introductis in spiritu, & deuotione, Posset etiam, ait, *aliquando esse vtilius, vt aliquis dies omitteretur.* Ego id puto, Directoris arbitrio, ac prudentiæ, relinquendum; qui, vel proensione, vel necessitate Solitiorum inspecta, se vtique sapius, aut rariùs exhibebit, vt iudicauerit opportunus.

308 De tempore autem visitandi, viderit etiã Instructor, quid commodius, & aptius fuerit. Sancius putat, cum meditatio tradi debet: sed quale expediat, non definit: monet tamen, vt ne id sæpiùs fiat. Verùm Claudio visum est opportunius *Matutinum.* Causam assignat: *Quia tunc animus est magis dispositus ad res percipiendas, & penetrandas.* Quamquam subdit: *Sub vesperam, solet esse maior necessitas, quia tunc interdum magis crescunt tentationes, & desolationes; quia animus est minùs aptus ad contemplandum.*

309 Si verò seculares apud nos spiritualia hæc exercitia peragant, Carmelitarum instructio est audienda: *Pater ergo, qui exercitijs præcit, eos, qui exercentur, quotidie visitabit, & quomodo in oratione, pia lectione, mortificatione, alijsque peculiaribus exercitijs sibi iniunctis se gesserint, rationem exiget, ac de ijs culpis, quas admiserint, eos suauiter admonebit.* Tum demonstrabit per hæc capita proficiendi modum. Dabit operam, vt, bene perceptis ijs, de quibus interrogati responderint, exercitia omnia in maiorem spiritualis vitæ profectum dirigat; ita vt quæ tunc ediscunt, siue de Religione cogitent, siue non, quàm diutissimè seruent. Quoad orationem mentalem attinet, eos erudiet, eniteturque, vt si ad seculum redituri sint, firmiter statuunt, diem nullum sine oratione, saltem modica, puta horæ dimidiæ vel circiter, prætereire. Quoad piam lectionem spectat, modum sedatè legendi, & vbi mouetur animus subsistendi, ac propositum die nullo tam salutari pastu, qualis est sacra lectio, animam priuandi, persuadere curabit. Modum, opera, verba, & cogitationes summo mane in Dei, ac Beatissimæ Virginis gloriam dirigendi, eamque directionem aliquoties per diem repetendi docebit, & examen conscien-

Musc. in Reg. lib. 6. c. 24. n. 9. fol. 17. Sanc. in Direct. off. Rel. S. P. Const. p. 1. c. 12. n. 8. Cl. in Direct. c. 6. n. 1.

Id. ib. n. 2.

Sanc. in Direct. Off.

Aqu. in Direct. c. 6. n. 2.

Carm. Disc. instr. ad exerc. sp. c. 5. n. 2.

Ibid. n. 3.

Ibid. num. 4.

Ibid. num. 5.

Ibid. num. 6.

354 Quomodo Director se gerere debeat.

Ibid. num. 7. tiæ, antequam cubitum eant, commendabit, Modum actus Fidei, Spei, Charitatis, & Contritionis eliciendi docebit, & ad quotidianum eorum exercitium adhortabitur. Quæ autem ad virtutum actus producendos, & virtutes ipsas, mortificationemque passionum spectant, ex Nouitiorum instructione, peti poterunt. Sed quoad mortificationem pertinet, hortabitur seriò, vt proprium iudicium, appetitumque subiugare, in rebus etiam minimis, assuescant. Etsi enim Viri Illustres sint, & pro seculari abusu pretiosis vestibus, & lauta mensa quotidie vtantur, in ipsis tamen conuiujs, sine vlla cæterorum nota, proprio appetitui multa delectabilia subtrahere, ac spiritali merito corporales dapes condire valebunt, & eodem proportionaliter modo, de honoris, & commoditatum mortificatione monendi; ac pecuniaria munimenta aduersum eam passionem, quæ grauius infestantur, paranda sunt. Consilium autem hoc tanti profectò ponderis est, vt qui ex professo illud arripuerit, inter medios seculi fluctus, Christianam perfectionem feliciter comparare valeat, nullo prorsus seculari, etiam Principe quantumuis negotijs intento, vel milite, vel mercatore excepto. Inter omnia verò exercitiorum

Ibid. num. 9. lucra, Sacramentorum frequentia potissimum colenda est: si enim hæc seriò decernatur, profectum spiritualem ex sententia successisse credendum est: omnia quippè vitia, puta iurandi, edendi, vagandi, ludendi licentia, & quouis alij peccatorum præteritorum habitus extirpabuntur. Nam præter sanctissimi Sacramenti Eucharistiæ vim, ad eam victoriam potissimum subest familiaris ille ad Confessarios recursus, vnde consilia opportuna, & quotidiana remedia

Ibid. nu. 10. referuntur. Verùm, non hic subsistendum est, sed pietatis opera, puta, elemosinæ, sacræ Stationes, siue Indulgentiæ, Hospitalium visitatio, & eius generis alia impensè commendanda sunt; in quibus omnibus enitendum est, vt qui exerceantur, proficere statuunt, & aliquem certum proficiendi modum, per totius vitæ cursum, tenere decernant. Hic autem de domestica gubernatione, de

Ibid. nu. 11. pace, de benignitate, de reddenda famulis mercede, alijsque similibus agendum non est: hæc quippe necessaria cùm sint, ab ijs, qui ad meliora

Ibid. nu. 12. proficere cupiunt, obseruari supponimus; quæ, si & his monitis cegeant, vnà cum alijs tradenda sunt.

(✚)

DISQVISITIO OCTAVA.

*Quomodo totius Perfectionis summa ex Abecedario addisci
possit: qui solitario, Exercitiorum ini-
tio, tribuendus.*

310 **R**ELIG. PERF. ELEMENTA, ETC. Cū renasci iterum in Domino oporteat, & puerorum naturam, vt PP. Generalium Ordinatione docemur, hoc est, insignem humilitatem, ac facilitatem, induere; perquirendæ perfectionis hunc modum sanctorum Patrum pietas adinuenit: vt puerorum in morem, spirituale aliquod Alphabetum addisceremus, hac tamen industria concinnatum, vt, singulis literis, singulæ aliquot insigniorum virtutum sententiæ ac regulæ exprimerentur: quo fieret, vt breui temporis spatio, in Alphabeti huius consideratione, ac exercitatione versatus, omnē ipse perfectionem altè animo possideret. Hinc etiam obseruabis, aliquot Davidis Psalmos, & Ieremiæ Lamentationes, Alphabeti ordine, decurrere; scilicet, vt ex S. Hieronymo, *Hiscæ literis, & exordijs, in Dei doctrina, tenera adhuc & lactens Viri iusti erudiretur infantia. Vt enim, ex S. Ambrosio, paruulorum ingenia primis literarum elementis, assuescunt addiscendi usum assumere: ita nos etiam eiusmodi elementis vsum discamus bene viuendi.* Ergo in recessu atque solitudine, vbi meliùs animo, quæ addiscimus, imprimuntur, tale aliquod Alphabetum, ab Instructore tamen acceptum, aut approbatum, semper ob oculos habeamus. Hoc paulatim addiscere, hoc exprimere moribus, omni animi contentione conemur. In eo enim, vt cum Ruperto Abbate loquar, quod singulæ sententiæ singulis Alphabeti literis prænotantur, pulchrè nobis innuitur, vt humili conscientia paruulos nos esse iudicemus, quatenus istorum declaratione sermonum illuminari digni habeamur. Scriptum nanque est: Declaratio sermonum tuorum illuminat, & intellectum dat paruulis. Igitur ad istud Alphabetum tanquam pueri Abecedarij disponamur; sub istis vocibus contineri non dubitantes scientiam, quæ abscondita est sapientibus, & prudentibus, vt nec prima nouerint elementa. Tale autem est Alphabetum, quod ex Thaulero superiùs in 1. 10. fol. 66. vel quod à me traditum fuit fol. 25. vel quod fol. 8. ex pijsimo Thoma à Campis exhibui, & inter S. Bonaventuræ Opera 10. 7. continetur, vbi etiam istud habes:

311 **A** Ma paupertatem, sis vilibus contentus,
Bonis semper actibus iugiter intentus.

*Hier. in
Præf. in lib.
Reg.
Ambr. in
Tsal. 118.*

*Rup. lib. 1. in
1er. c. 12.*

Caue multiloquium, studeas silere,
 Deum omni tempore pra oculis habere.
 Esuriem amplectere, gulam refranando,
 Fratrumque conuiuia segniter sectando.
 Gaudere cum gaudentibus, cum flentibus plorare.
 Humilibus consensiens maiores honorare.
 In omnibus obediens, Pralatoque parebis.
 Karitatem in super cum omnibus tenebis.
 Lumbos stringe lubricos, Domini timore,
 Mundans cordis oculum casto cum pudore.
 Nihil seruans proprium, nudum sequens Christum,
 Onus leue sufferens, mundum vincens istum.
 Passum Christum recole corde gemitundo,
 Querens Dei gloriam nil aliud in mundo.
 Resistendo vitij, orando feruenter.
 Sacramentum sumere debes reuerenter.
 Tu motum mentis comprime, iram mitigando.
 Vanaque colloquia sollicitè vitando.
 Xpi frui cupiens, cellam frequentabis.
 Iesum super omnia sic dulciter amabis.
 Zelo Dei feruens Charitatis igne,
 Et in te peccantibus ignoscas benigne.

312 Simile est iambicis viginti quatuor versibus à Gregorio Nazianzeno digestum:

Agendorum initium sit et finis Deus.
 Beata lucra vita quotidie mori.
 Cognoscere hominum facta egregiorum stude.
 Durum est egere, peius ditem esse improbè.
 Eris si beneficus imitaberis Deum.
 Fac sis benignus, ut benignum habeas Deum.
 Geras, caue, carni morem; sed eam doma.
 Habenis retine iram, ne te occupet furor.
 Inhibeo visum, quodam lingua norma sit.
 Clauem auribus obde, visum lasciuum fuge.
 Lucerna sit ratio vita tibi totius.
 Missam fac opinionem, remque amplectere.
 Noscenda cuncta putato; sed qua fas age.
 Omnem exhibe hospiti honorem, cum hospes ipse sis.
 Procella timeri cursu debet prospero.
 Quaecumque dat Deus, animo grato accipe.

Alphabetum in Recessu addiscendū. 357

*Res virga iusti potior est, quàm honos mali.
Sapientum mihi fores non locupletum tere.
Tibine pusillum est, unde quid ingens provenit?
Vir magnus esse potes frenans petulantiam.
Probe tibi caue, alterius casum haud riseris.
Gratum invideri, ac invidere ingens probrum.
Praestat animum quàm cetera offerri Deo.
O quàm beatus quisquis hæc servauerit.*

313 S. Ioannes Climacus gradu 26. terna habet Rudium, Me-
diocrium, & Magistrorum, ut ipse loquitur, Alphabetum; quæ tamen
ordinem literarum non habent; sed veluti spiritualis vitæ institutio-
nes ac elementa sic nominat. Ioannes Gerson 3. par. duodecim
exhibet Alphabetum, quæ Diuini Amoris Alphabetum inscriptum vbi
quartum decerptum ex D. Benedicto sic habet:

Gers. f. 497.

*Abnegare semetipsum sibi, ut sequatur Christum.
Bonum aliquid in se cum viderit, Deo applicet non sibi.
Castitatem amare.
Delicias non amplecti.
Elationem fugere.
Facere se à seculi actibus alienum.
Gehennam expauescere.
Honorare omnes homines.
In omni loco Deum se respicere, pro certo scire.
Karitatem non derelinquere.
Lectiones sanctas libenter audire.
Mala præterita cum lacrymis, vel gemitu, quotidie in oratio-
ne Deo confiteri.
Non velle dici sanctum, anequam sit, sed prius esse, quod
verius dicatur.
Os suum à malo & prauo eloquio custodire.
Præceptis Abbatis in omnibus obedire.
Quod sibi fieri quis non vult, alteri non facere.
Risum multum aut excussum non amare.
Spem suam Deo committere.
Timere diem Iudicii.
Vitam æternam, omni concupiscentia spiritali, desiderare.
Xpi amori nihil præponere.
Zelum & inuidiam non habere.*

314 Et Benedictus Hæftenus, ex S. Benedicti schola, aliud
iussit, ac instituit hunc in modum:

Lib. 8. Disq. 79.

✠ Ab-

taef. in ca-
ceb. fol. 214

✠ Abstractus seculo Dei clem-
Ex hoc te speculo discis dec-
Amato Dominum tota por-
Benefac omnibus sine inuid-
Cellam inhabitans serua fili-
Discursus fugias Obedi-
Et vera niteas indiffer-
Fer iugum Domini cum pati-
Gulare remedium sit Abstin-
Honora Præsules cum reuer-
In Dei iugiter viuas præs-
Laua à malitia cor pœnit-
Murmur, tepiditas, concupisc-
Neglectus Regule sint hinc abs-
Ora sapissimè, pensa immin-
Pauper cum proprii viuæ car-
Quousque sequeris hec fugi-
Relinque vilia citò lab-
Seclare humilia plus conduc-
Timor sit Domini prima prud-
Virtuti studeas, & stet sent-
Xpi vestigia sequi fulg-
Imnos in populi cantu frequ-
Zeloque serueas & dilig-
Hisce virtutibus Claustrā nit-
Et in virtutibus profici-
Votaque Domino Deo redd-
Steterunt pristino flore flor-
Sed rerum subijt ubi afflu-
Heu pura perijt mox consci-
Refrixit pietas, mansit sei-
Hac ceda: quiderunt? quid? mera

E

N

T

I

A

Quodcunque ergo ex his addiscendum ac exprimendum assumes,
clamat Thomas à Campis: Scribe nouelle Monache Alphabetum istud in
corde tuo, quasi in libro vitæ; & per singulos dies charculam tuam inspice,
& bonos mores assuesce. Pauca sunt verba, sed magna habent mysteria,
& perfectorum opera: ornant exterius, & quietant interius.

Lanc. opuscul.
9. cap. 29.
fol. 96.

315 Nec prætermittā quæ Nicolaus Lancicius ex Soc. Iesu, or-
dine Alphabetico, ac cōpendio, insigniter explicat. Nimirū, quæ requi-
rantur, ut homo verè sit spiritalis, seu spiritaliter, & secundum Dei spiri-

Alphabetum in Recessu addiscendū. 359

rum, non humanum & politicum viuens. Suum ille Alphabetum ita digessit: Abstinere ab omni peccato, ita ne vnquam deliberatè offendarur Deus, & indeliberatè rarò. Benefacere omnia Opera ordinaria, iuxta rectæ rationis, & Regularum, & Superiorum præscriptum. Censurare nullum, ne quidem interiùs, & clamosa voce nunquam in colloquio vti. Desiderare perpetuas cruces, & authorum earum tenerè diligere propter Deum. Eligere in omnibus id, quod est perfectius; & inter æquè perfectà, id quod magis displicet amorì proprio. Fidelem Deo esse, etiam in paruis, nullam paruam legem vel Regulam transgrediendo. Gratis Deo seruire, omnia faciendo ex amore beneuolentiæ, sine intuitu præmij. Humiliare se infra omnes homines & dæmones. Interpretari benè omnia aliorum dicta, & facta, & intentiones. Laudare omnes aliorum res, quæ non sunt manifesta peccata. Meliorum conuersationem quærere, & conari vt meliores euadant ij, cum quibus conuersaberis. Nihil accipere vel dare sine facultate; ne quidem indiuisibile (si Religiosus) & nunquam irasci. Orationes sine vilo peccato Deo offerre, easque ad morum tuorum emendationem dirigere. Profectui perpetuo in virtutibus attendere. Quærere Deum explicitè in omnibus rebus, dicendo, *Propter te Domine*, saltem mente. Resignare Deo & Superioribus tuum liberum arbitrium, vt nil detrectes, nil eligas, nisi iuxta eorum voluntatem. Silentio premere mala, quæ pateris, & bona quæ facis, nisi certa necessitas aliud suadeat. Temporis omnes particulas bene expendere, in rebus meritorijs, & tibi conuenientibus. Viuere in Communitate irreprehensibiliter, & sine singularitatibus, alios merito offendentibus. Zelare pro Dei honore propagando, & zelum attemperare, iuxta præscriptum rectæ rationis, & voluntatis Superiorum.

LIBER IX.

De Partitione Exercitiorum, ac Temporum.

ILLI verò Diuinam eos Præsentiam, edocebit, mente quotidie concipere, ac retinere: quicquid agant, diligentissimè semper obire velle: ac se met, ad quid in Ordinem ac Solitudinem venerint, interdum interrogare. Tum eos paulatim accendere ac disponere debet, præsertim iuniores, qui scholasticis studijs occupantur, vt

præmissimè statuant, una cum literarum eruditione sanctitatem coniungere. Quotidianorum deinde actuum seriem eis statis horis, ac temporibus, ordinabit; tempus divinae commentationi tribuendum præscribet; corporis afflictationes adhibendas signabit; spirituales libros ipsorum profectui aptiores eliget: & de quotidianis propositis, quæ subinde à meditationibus elicient, ut scripto notari debeant, admonet. Choro autem, divinis sacrificijs, & communi mensa, an una cum alijs aliquando interesse, vel abesse expediat, id Directoris, ac Superioris arbitrio, derelinquimus. Aliorum tamen colloquio, & consortio, semper abstineant, & diligenter hoc curent, ut totius antea vita Confessione, contracta animi sordes, veris lacrymis, ac severius sanctiusque deinceps instituenda vite propositis, eluantur.

DISQUISITIO PRIMA.

Quomodo Solitarius, ut de Deo continuo cogitet, ac semper ipsum præsentem ante mentis oculos habeat, primò omnium instruendus.

316 DIVINAM EOS PRÆSENTIAM EDOCEBIT.

Eremitis ac Solitarijs, ut ex sanctorum Patrum Vitis instrumur, hoc documentum primò omnium tradi debet, ut se se verè Deo dedant, & offerant; ac Dei præsentiam sibi animo præfigere discant. Et modus quidem consistit in actuali memoria, & cogitatione de Deo: in oblatione operum, & sermonum nostrorum: & in perfecta ratione operandi. Non igitur imaginatione aliqua est opus. Submoue, inquit S. Basilii, ista corporis phantasmata: nullo pacto potest figurari Deus, simplex, sine magnitudine, sine quantitate: noli aliquam formam in illo imaginari: noli Iudaico more diminuerè magnum: nec prehendas Deum cogitationibus corporaliter, nec circumseribas illum mente tua. Sed eo modo de Deo cogitatio, eiusque memoria haberi debet, quo habetur in exercitio actuum fidei, quæ hic exercenda est circa tria. Primò, circa Dei immensitatem, ob quam (ut habes apud Ieremiam) Cælum & terram implet: ac proinde, intimè est præsens omnibus creaturis. Secundò, circa Dei scientiam infinitam, qua externa omnia nostra videt, & perfectissimè interna: idèoque scrutator cordium appellatur: & eius oculis nuda & aperta sunt omnia, idque intimè cernentibus singula. Oculi enim Domini multò plus lucidiores sunt, super solem, circumspicientes omnes vias hominum, & profundum abyssi, & hominum corda intuentes in absconditas partes. Tertio fides est exercenda, circa concursum Dei ad omnes nostras actiones, sine quo nulla creatura quicquam efficeret. Qui fidei actus,

S. Basil. ho.
10. in Exam.

Ier. 23. 23.

Hebr. 4.
Rom. 8. 27.

Quomodò Dei præsentia habenda. 361

sine ullo discursu, & mora temporis, eliciendi sunt, per cogitationem & simplicem apprehensionem harum trium veritatum, quas omnes Catholici de Deo credunt & consentunt. Et hoc exercitio docebat S. Ignatius, scholasticos exerceri, in quærenda Domini nostri præsentia in omnibus rebus: in conuersando, in ambulando, in aspiciendo, in gustando, in audiendo, in cogitando, & in omni re quam facimus: cum certum sit existere Diuinam Maiestatem in omnibus rebus, per præsentiam, potentiam, & essentiam. Et hunc modum meditandi, inueniendo Dominum nostrum in omnibus rebus, esse faciliorem, quàm si eleuamus nos ad res diuinas cogitandas magis abstractas, facièndo nos cum labore illis præsentès: & pariet hoc exercitium bonum, si nos disponemus, magnas uisitationes Domini, quanuis in una breui oratione fiat. Quod exercitium Præsentia Dei est veluti fundamentum vitæ spiritualis. Nam si hominem cum præsentem intuemur, inquit S. Chrysostomus, tum ad peccandum tardiores reddimur: sepe autem & seruos modestiores subueriti, absurdi nihil admittimus; considera quantam adepturi sumus securitatem, si nos contigerit Deum assidue in oculis ferre. Et in psalmum 140. Vbi est, inquit, Dei memoria, illic est peccatorum obliuio, & malorum interitus. Et S. Ignatius Martyr: Memento Dei, & non peccabis. Quis enim, inquit S. Basilus, unquam eorum, qui credunt Deum in omni loco esse, & ijs rebus quæ sunt interesse, ac adesse vnicuique actioni, voluntateque cordium prospicere, aut cogitationem prauam suscipiet, aut scelera patrabit? Verum tum primum homines ad scelera patranda descendunt, cum aut Deum non inspicere, aut illi cura non esse, quæ hic geruntur, autumant. Sed & iuuat Ethnicum Senecam hic audire. Magna pars peccatorum tollitur, inquit, si peccatoris testis assistat. Aliquem habeat animus, quem reueretur, cuius auctoritate etiam secretum suum sanctius faciat. O felicem, qui sic aliquem vereri potest, ut ad memoriam quoque eius se componat atque ordinet! Qui sic aliquem vereri potest, citò erit verendus. Elige itaque Catonem: si hic videretur tibi nimis rigidus, elige remissioris animi Latium: elige eum, cuius tibi placuit & vita & oratio: & ipsum ante te ferens, & vultum ipsum tibi semper ostende, vel custodem, vel exemplum. Et post Epicuri sententiam, Sic fac omnia, tanquam spectet aliquis, subdit: Prodest sine dubio custodem sibi posuisse, & habere quem respicias, quem interesse cogitationibus tuis, indices. Hoc quidem longè magnificentiùs est, sic viuere, tanquam sub alienius boni viri, ac præsentis semper, genitis: sed ego etiam hoc contentus sum, ut sic facias quæcunque facies, tanquam spectet aliquis. Omnia nobis mala solitudo persuadet. Cum iam profeceris tantum, ut sit tibi etiam tui reuerentia, licebit dimittas pedagogum. Interim te aliquorum auctoritate custodi. Quocirca M. Crassus,

S. Ignat. a. pnd Lanc. o. pusc. 11. c. 1.

S. Chrys. ho. 4. ep. Rom.

S. Ignat. ep. 17. ad Heronem.

S. Basil. or. 2. de precat.

Sen. ep. 33.

inſignis Orator, cū virum grauem Murium Scæuolam præſentem haberet: & petens Conſulatum, blandiri, palpare, ac preſare vellet; *Quæſo*, inquit, *Muti*, pauliſper abſcedas: nec comitatus tuo me honeſtari putes: impedis honorem meum: et inſpectante, ineptius eſſe non poſſum. Timothei etiam viri ſancti tanta reuerentia fuit, & à virtute, quæ in eo cernebatur ab alijs, tanta uilitas, vt etiam ſola recordatione (vt ſcribit S. Iſidorus Peleuſiota) eos, qui ipſius (mortui) meminere, in officio continueret. Sed ſi tantum viri ſancti recordatio proderat: & ſi viri grauis cogitata præſentia vel Ethnicos in officio continebat, Dei præſentis apud nos memoria quid valebit?

Dan. 13. 22.

317. *Sufanna hoc exercitio communia generose respondit: Angustia sunt mihi undique: si enim hoc egero mors mihi est: si autem non egero, non effugiam manus uestras. Sed melius est mihi absque opere incidere in manus uestras, quam peccare in conspectu Domini. Hac eadem Dei presentis & omnia peruidens S. Ephraemus cogitatione munitus impure mulieris petulantiam vicit. Si uis, inquit, nos ambas simul dormire, non in alio loco tecum congregiar, nisi in media Ciuitate: sed non, inquit, pudore & rubore afficiamur, à uidentibus hominibus, si sic nobis iaceamus in media. Capta est mulier, quæ uoluit capere incompatibilem animam & inexpugnabilem: ut quæ nec hoc anseâ quidem cognouerit, quod dicit Salomon: Oculi Domini altissimi sunt in nouerabilibus patribus splendidiore, qui intuentur omnes uias hominum. Cum statim inaque uerbum apprehendisset meretrix, contra inulsi uir praeclarus: Si ergo uerbum uidericasti oculos satis esse, ad pudore, afficiendam animam. Et à mala actione abducendam, Dei oculos, quæ omnia intuentur, tamque clam, quam quæ aperte sunt, non multò magis reuerbimur. Et ex timefecimus, Et à peccata abstinebimus: qui semper nobiscum habitantem in nobis excitat conscientiam, Et ex ea nobis reseruat tormenta, quæ finem non accipiunt. Hac suffragium non solum ad Aleretrici persuadendum, ut abstineret ab improba incontinetudine, sed ut priorum etiam eam malorum peniteret, Et ad effectum mutationem faceretur, & sententia. Proinde senex Tobias, qui filium Tobiam ab infamia ducerat timere Deum, & abstineret ab omni peccato, morti proximus, inter alia hoc monitum filio dedit: Omnia uideris, uita tua in meo habere Deum. Et veluti huius Dei presentis ac memorie, fructum addidit: Et caue, ne aliqua uo peccata consensies, & pretermittas præcepta Domini Dei nostri. Hinc S. Nilus Abbas, in uirgularum Opusculi initio, ait: Semper de Deo cogita, Et mens tua Cælum cum Angelis. Et B. Baptista Verana sanctimonialis Franciscana, monebat: Quantum potes, habementem in Deo fixam, quantum tibi concedet tua fragilitas, & diuinâ gratia. Hac est magis uilis*

Scrius ex
Metaphor. 1.
Febr. vita c.
5.

Tob. 2. 10.

S. Nil. opusc.
cui tit. Di-
uersa capita.
Chron. S.
Fræc. 4. par.
n. 2. lib. 7. c.
31.

Quomodò Dei præsentia habenda. 363

& necessaria res, quam possit facere seruus Dei. Hoc sanctificat mentem, calefacit affectum, illuminat intellectum, & seruit pro fratre ad cauenda peccata venialia: est scopa vitiorum, & præparatio ad orationem; ad quam multi euntes non sentiunt deuotionem, sed ariditatem, & fastidia mentis: & postea dicunt se non habere gratiam orationis. Et tamen non est sic, sed totum hoc inde euenit, quia non direxerunt cogitationem suam in Deum, quæ præparat sedem ad orationem mentalem. Vnde is, qui cogitat de Deo, citò peruenit ad finem desideratum, sine mora temporis, quia præparauit locum Domino: & recipit gratiam lacrymarum, compunctionis, gustus, & deuotionis. Hoc est signum infallibile, maius omnibus alijs, ad cognoscendum, si aliquis est scriptus in libro vitæ. Quia sæpe cogitando de Deo, argumentum est, supremam bonitatem nostram recordari. Et habeas pro certo, quòd sæpius eius recordaris, quòd eò sæpius ille recordabitur tui. Hoc B. Baptista fuit demonstratum à Spiritu sancto, vt eius anima magis accenderetur ad hoc angelicum exercitium. Ex hoc exercitio (pergit Auctor eius vitæ) tres effectus habuit: Primò fecit illud eam cæcam ad videndos defectus proximi. Secundò, animam cordiali deuotione ornauit. Tertio, concessit ei loqui de Deo amorosè, & cum vtilitate audientium: quia ex abundantia cordis os loquitur. Vas illud vinum effundit, quod continet. Multi procurabant munditiam cordis, per viam, valde longam & laboriosam, ieiunando, vigilando, cædendo se, dormiendo in terra, in frigore & calore corpus affligendo, & totum hoc pro obtinenda puritate interiore, in qua possideretur consummata perfectio. Sed hæc B. Baptista tenebat tanquam securissimam veritatem, sæpe cogitando de Deo, hoc donum acquiri citius, melius, & cum minore labore. Hactenus Chronicon Franciscanum.

§ 18 Cæterum cum Dei præsentia sine memoria habeatur in nostrorum operum oblatione, quam dixi; hæc Oblatio fieri potest, vt notat P. Lancicius, tribus modis: Primò, per verbum, *Volo*: secundò, per verbum, *Offero*: tertio, per *Facio aut dico*. Exempli gratia: *Pater celestis Deus, volo purè propter te surgere*. Vel: *Pater celestis, Deus, offero tibi hanc surrectionem meam*. Vel: *Pater celestis Deus, surgo, dicam, recreabo me iam, lauo vel lauabo me, comedo vel comedam iam propter te*. Omnes hi modi sunt boni, & æquè meritorij, & satius est, modò vno illorum, modò altero uti, & non semper eodem: quia magis attento animo offerentur singula, quàm si offerrentur, vna sola formula oblationis semper adhibita. Et talis modus offerendi & operandi est præstantior & perfectior, & magis me-

Lanc. opuse.
11. fol. 9. col.
1.

2. 2. q. 27.
art. 8.S. Thom. 2. 2.
q. 188. art. 6.Lane. 10. cit.
fol. 10. col. 1.

Idem ibid.

riorius cæteris paribus, quàm deuota oratio, in contemplationis quiete: tum quia est actus caritatis, non religionis, uti est oratio (quæ à caritate superatur perfectione) tum quia perfectior est amor Dei, quo creatura aliqua amatur propter Deum, quàm ille, quo solus Deus amatur, ut docet S. Thomas. In utroque enim amore est idem obiectum formale, scilicet Deus purè propter se amatus: in illo autem est materiale nouum additum, scilicet creatura, quæ propter Deum amatur, vel opus aut sermo aliquis, qui propter Deum fit. Et hoc est, Deum in creaturis amare, vel creaturas in Deo. Et sicut Regi magis placet ille Cubicularius, qui ex amore Regis laborat aliquid in cubiculo Regis, in bonum aut gustum Regis, quàm qui assistit Regi, amans Regem, & ex amore Regis, cæteris paribus; ita & Regi cælesti magis placent illi Religiosi, qui sunt velut Cubicularij eius, & cæteris paribus laborant pro Deo, faciendo omnia & singula propter Deum, vel loquendo; quàm alij qui nihil laborando sedent in quiete suæ Contemplationis. Et hanc ob causam Theologi omnes cum S. Thoma dicunt vitam mistam ex actiua, & contemplatiua esse perfectiorem sola contemplatiua. Suadetque Lancicius in oblatione operis expedire, ut simul offerantur circumstantiæ illius singulæ, tanquam partialia obiecta. Exempli gratia, surgendo ex lecto sic potes mente, vel dum soluses in cubiculo, etiã voce dicere: *Pater cælestis, Deus sanctissime & dilectissime*, ego propter te in unione meritorum, & omnium operum Christi Domini, nunc volo surgere vel surgo, sine mora, ut promptè obediam campanæ, sanctæ Obedientiæ, & honestè atque decenter, sine denudatione indecora corporis, ut quantocius incipiam te in vigilia glorificare &c. Sic eundo ad mensam, post pulsum, mente dicere potes: *Eo, propter te, Pater cælestis Deus sanctissime & dilectissime, in unione operum & meritorum Christi Domini, siue mora ad mensam: & obedio tuæ voci, per campanam mihi intimatam: & ibi propter te volo comedere sobriè, in cibo & potu, sine curiositate oculorum, non oprando meliora, imò volo me mortificare ibi in aliqua re, & volo esse contentus ijs, quæ apponentur: & volo comedere mundè, & decenter, & cum silentio, & sine auuiditate: & volo simul mentem pascere lectione pia, ad inflammandam eam, in maius obsequium & laudem tuam. Pro quibus & similibus actibus, sufficit illud tempus, quod insumitur eundo è cubiculo ad triclinium. Simili modo Director solitarium doceat, Recollectionem, silentium, & Deo singulas actiones offerre.*

319 Quo ad modum verò operandi, sciendum est, ex frequenti eleuatione mentis ad Deum, oriri nostrorum operum sanctitatem..

Quomodò Dei præsentia habenda. 365

Qua de re ita S. Chrysostomus: *Precatio, inquit, cœu radix & basis omnibus cæteris subternitur; neque secus ac nauem & domum, ea, qua substrata sunt, validam reddunt, ac ne soluantur continent, ita vitam nostram orandi studium & continet, & ubique firmam reddit, adeò ut absque hoc nihil boni vobis possit contingere, neque quod ad salutem conducat. Quocirca monet Spiritus sanctus: In omnibus vijs tuis cogita Deum, & ipse diriget gressus tuos. Vel vt LXX. interpretes habent: Rectas faciet vias tuas, idest, opera. Laudatusque est Noemus, Vir iustus atque perfectus. Statimque iustitiæ origo & causa subiungitur: Cum Deo ambulauit. Sic & David, Vir secundum cor Dei, & fecit omnes voluntates Dei; & fecit rectum in oculis Domini, & non declinauit ab omnibus, quæ præceperat ei, cunctis diebus vitæ suæ excepto sermone Vria Hethai. Et aiebat: Seruauit mandata tua, & testimonia tua. Suzque sanctitatis causam assignat: Quia omnes viæ meæ in conspectu tuo. Itemque alibi: Providebam Dominum in conspectu meo semper, quoniam à dextris est mihi ne commovear. Rursus: Oculi mei semper ad Dominum, quoniam ipse euellet de lagæo pedes meos. Quod etiam Ezechias illis verbis ostendit: Obsecro Domine, memento quas, quomodò ambulauerim coram te, in veritate, & in corde perfecto, & quod placium est coram te fecerim. Et hæc ratio fuit, cur Abelis opera iusta essent, fratris verò maligna. Audi Iosephum: Abeli iustitiam colebat, & omnibus actionibus suis Deum præsentem ratus virtuti operam dabat. Conficitur igitur hæc oratio in quibusdam affectibus breuiter, sed feruenter eliciendis. Quam ideo Isaac Abbas apud Cassianum appellat *Ignem & per paucis expertam vel cognitam* (imò vt propriùs dixerim) ineffabilem orationem, quæ omnem transcendens humanum sensum, nullo non dicam sonu vocis, nec linguae motu, nec ulla verborum pronuntiatione distinguitur: sed quam mens infusione illius celestis luminis illustrata non humanis atque angustis designat eloquijs, sed conglobatis sensibus, uelut à fonte quodam copiosissimo, effundit ubertim, atque ineffabiliter eructat ad Dominum, tanta premens in illo breuissimo temporis puncto, quanta nec eloqui facile, nec mens percurrere in semetipsam reuersa praualeat.*

320 Modum verò benè ac perfectè operandi, ita traditur à Lancicio. I. Vt fiant opera sine vllò peccato deliberato plenè. Quod præstat præmissa Oblatio operis Deo facta. Et hanc Regulam ex S. Ephræmo sic habes: Si orationem operi præmiseris, aditus peccato in animam non parebit. II. Vt fiant pura intentione. III. Vt fiant cum omni diligentia in Domino: quomodò fierent Christo visibiliter spectante. Et hoc est, sollicitum ambulare cum Deo nostro. Deo à nobis id requirente. IV. Vt fiant accommodatè ad finem, ob quem in-

S. Chrys. l. 1. de orando Deo.

Tron. 3. 6.

Gen. 6. 9.

1. Reg. 13. A. 13. 12. 3. Reg. 15. 5. Psal. 118. 168. Ps. 15. 8. Ps. 24. 15.

4. Reg. 20. 3.

Ios. l. 1. antiq. cap. 3.

Cass. coll. 9. cap. 24.

Lanc. lo. cit. cap. 17. fol. 70.

S. Ephr. de orando Deo.

Mich. 6. 8.

366 De Dei præsentia, & Diligentia.

acti. 33. 23. stituta sunt, & à viris perfectis fiunt, iuxta illud: *In omnibus operibus tuis præcellens esto*: & ut fiant iuxta morem receptum & probatum eo in loco, in quo degis. V. Requiritur, ut fiant adæquatè ad lumen internum, quod habemus de modo ea faciendi, uti faciebat B. Aloysius: quod lumen oritur partim ex dictamine ipso luminis naturalis, partim ex doctrina acquisita per multiplicem extrinsecâ instructionem, per lectionem, vel auditionem hausta; partim ex intrinseco Dei lumine infuso, quod docet, quæ fugienda, & quæ adhibenda sunt ad bene operandum. VI. Requiritur, ut fiant cum magno feruore animi, seu actuum intentione. Hæc Lancicius, & subiungit: Porro nemo multitudinē horum actuum se obruendum putet, aut de eorum præxi desperet. Sensim enim ijs frequentandis assuefaciendus est animus: nec ipso initio huius exercitij, statim à tyronibus, circa hæc omnia mens occupanda est, sed modò circa vnum genus, modò circa alterum. Et monitum S. Ioannis Climaci reuocandum: *Non te ea quæ dicta sunt percurbent: nemo unquam repente vno simul passu scale omnes gradus conscendere potuit.*

*Jo. Chry.
35.*

DISQUISITIO SECUNDA

*Quanti referat, Solitarium in Recessu ab Directore instrui,
ut cum magna Diligentia obeat
quicquid agit.*

321 **D**ILIGENTISSIME OBIRE VELLE. Spirituum à nobis Exercitiorum finis ac scopus in Recessu ac solitudine præsertim habendus, ab Alphonso Roderico, & Michaelæ Muscò laudatur esse, si nos in animo statuamus velle spiritualiter exerceri, ut cuncta nostra quotidiana Opera cum perfectione obeantur: quæ quidem perfectio cum ex diligentia exoriatur, de ea instrui debet solitarius ab suo Directore, & hac Disquisitione à nobis instituendus. Itaque, ut Cornelius Frontonus est author, dicitur, *Diligentia à deligendo singula*. Qui enim diligens est in rebus agendis, iudicio suo sepeans pretiosum à vili delectum habet. Idèd, ex S. Isidoro, *diligere affectionis est, deligere iudicij*. Diligentia ergo spiritualis est cura, quæ spirituales res bene fiant. Proindè Samaritanus ille misericors, in Euangelio Lucæ, stabulario vulneratum commendans, ait: *Curam illius habet*. Quod Græcè sonat: *Diligentiam erga illum exerce*. Cuius diligentia sex proprietates à M. Tullio enu-

*Front. l. de
ser. Lat.*

*S. Isid. l. 1. de
diff. verb.*

Luc. 10. 35.

Lib. 9. Disq. 81.

meran-

Quot sint Diligentiae proprietates. 367

merantur, cum de inuocatione Oratoria sub persona M. Antonij disputans, ait: *Ar̄s demonstrat tantum ubi queras, attentione animi, cogitatione, vigilantiā, assiduitate, labore, complectar uno verbo, quo sepe iam usus sumus, Diligentia.* Videtur autem alijs hæc matrona, nouem ancillarum comitatu septa, & multicolore veste induta nouem modis oblectare oculos intuentium. Est enim accurata, cogitabunda, perattenta, mentem in se ipsam suasque actiones subindè reflectens, solers, vigilans, celer, laboriosa, seu strenua; & assidua, seu perseverans in rebus susceptis & inchoatis perficiendis. Quarum sex priores proprietates animum diligentis exornant; posteriores quatuor splendescunt in corpore. Dicitur accurata: nam ex Plinio seniori, *Omnia seruare, nihil intentatum relinquere, cura est ac diligentia.* Et hæc cura non vulgaris debet esse, sed exquisita, quæ ab alijs studiis appellatur, & definitur à M. Tullio, *Animi assidua & vehemens inuadit aliquam rem applicata magna eum voluntate occupatio.* Et Guillemus quidem Parisiensis duas curas rationes assignat: alteram, quæ sola cogitatione contenta est: alteram, quæ cum actibus est coniuncta: adeo, vt cum Festo dicatur cura, quod *cor ur̄at*, sed ita tamen, vt virtutis fines minimè excedat. Deindè debet esse *Cogitabunda.* Nam cogitationem animi M. Tullius illi tribuit, quam Iulius Nigronus à consideratione non separat, & inter comites diligentiae ponit *attentionem*. Et inter parum accuratam considerationem indiligentis, & diligentis attentam, videtur illi discrimen poni posse, quod Optices Magistri docent inesse inter aspectum simplicem, seu visionem primo primam, atque intuitum, seu diligentem obtutum, qui est recta ratio cernendi. Ille celeriter quidem, hoc est, puncto temporis sit, per quemcunque pyramidis opusculi radium: sed imperfecta visio est, quæ rem totam non comprehendit. Atque huic similem pronuntiat considerationem indiligentis. Intuitus verò sit quidem aliquanto temporis spatio per coniunctos axes, sed planè perfecta visio est, rem omnem perspicuè comprehendens. Partes enim cunctas, etiam minutissimas, sagaci indagatione peruadit, lustrat, distinguit, confert inter se; numerum earum, magnitudinem, figuram, colorem, proportionem obseruat: ob eamque causam diligens obtutus est dictus. Et talis Nicostri pictoris intuitus fuit in spectanda Helena Zeuxidis in tabula, quæ multa visa digna exhibebat. Cum enim quesitum esset ex eo, quid tam diu diligentissime miraretur, interroganti rectè respondit: *Non id me interrogares, si meos oculos haberes.* Quem nos diligentem obtutum utinam in nobis inspicendis, fœminarum acurationem imitantes adhiberemus:

Cic. l. 2. de or.

Nigr. tr. 8. sum. 6.

Plin. l. 23. c. 6.

Cic. l. 1. de inu.

Paris. p. 1. de uniu. p. 3. c. 10.

Fest. l. de verb. sign.

Vide Franc. Aguilonium l. 1. Opt. prop. 81. & seq.

Ælianus l. 14. var. hist. stor. c. 47.

368 Quot sint Diligentiae proprietates.

Iac. 1. 23. 14

S. Bas. lib. in
attende tibi.

S. Bern. l. de
vit. solit.

Gen. 1. 11.
18. 21. 25.

Jer. l. 1. post.
c. ult.

S. Th. 2. 2. q.
47. ar. 9. &
q. 54. ar. 1. ad
1. S. Aug. l. de
mor. Eccl. e.
24.
S. Ambros.
Rom. 12.

2. Tim. 4. 5.
Apoc. 3. 2.
Ric. in cap. 3
Apoc.

Prov. 21. 29.

Eccl. 31. 27.

non illum negligentis viri fugacem, qui consideravit vultum natiuitatis suae in speculo: consideravit enim se & abiit, & statim oblitus est qualis fuerit. Et hoc est illud, Attende tibi; quod S. Basilius explanans ait: *Omni cum diligentia tibi intentus esto.* Quarto loco additur consideratio in se suasque actiones ita reflexa, ut diligens cognoscere queat, utrum res bene fiat. Quocirca S. Basilius, & ex eo S. Bernardus, indicat hoc praestare oculo mentem, quod potest se ipsam omni ex parte circumspicere & intueri, non item oculus. Potest & mens suas actiones reflexa consideratione intueri, metiri, expendere, & iudicare, non oculus: cui non conceditur à natura, quod suam visionem videat, ac de ea iudicium ferat. Et menti similem esse diligentem oportet, ut cunctas suas actiones expendat. Ideoque elapsa meditationis hora, vel penso Diui Officij persoluto, debet solitarius in se ipsum considerationem coniungere, exquirens quam bene vel ipse in Meditatione vel in Horarum recitatione processerit. Et ita Deum imitetur, qui ad nostrum exemplum videtur in rerum creatione animum reflexisse ad ea quae creauerat; ut repetita illa verba saepius indicant: *Et vidit Deus quod esset bonum.* Quinta est solertia, quam definit Aristoteles esse bonam quandam coniectionem medij, in non perspecto tempore. Nam cum aliquid ex improviso agendum occurrit, debet diligens adhibere solertiam, ut impedimenta remoueat, vel inueniat adiumenta ijs repellendis, quae rei agenda perfectioni resistunt. Sexta est Vigilantia, de qua D. Augustinus à S. Thoma productus agit, qui de sollicitudine siue diligentia quae ad prudentiam pertinet, ita loquitur: *Nec de prudentia diutius differendum est, ad quam dignoscenda pertinet appetendorum & vitandorum. Quae si desit, nihil eorum, de quibus iam dictum est, effici potest.* Huius autem excubiae atque diligentissima vigilantia est, ne subrepente paulatim mala suasionem fallamur: unde saepe Dominus, *Vigilare clamat.* Itē S. Ambrosius qui explicans requisitam à Paulo sollicitudinem in Antistite non distinctam à diligentia, Vigilantiam illi adiungit, his verbis: *Eum qui curam, ut praestit Fratribus, suscipit, iuxta fidem suam accipere vigilantiam, & auctoritatem, ut proficiat, in quo sollicitus est.* Et id est, quod Apostolus inculcauerat: *Tu uero uigila, in omnibus labora.* Et Episcopo illi ait: *Esto uigilans.* Quod Ricardus Victorinus interpretatur: *Esto sollicitus de tua salute.* Ille namque non uigilat, qui semetipsum negligens de sua salute non cogitat. Septima diligentiae perfectio est Celeritas in agendo. Ideoque Salomon ait: *Hominem uelocem uidisti in opere suo coram Regibus stabit.* Et Ecclesiasticus: *In omnibus operibus tuis esto uelox.* Quod Graece ex Iansenio sonat: *Strenuus, acer, diligens.* Octaua est

Quot sint Diligentiae proprietates. 369

vigor, labor, conatus, per quos diligentia dicitur strenua, laboriosa virilis. Quod illud idem Pauli declarat: *Tu vero vigila, in omnibus labora*. In prouerbijis item Salomon ait: *Mulier diligens corona est viro suo*. Vbi LXX. Interpretum versio habet: *Mulier virilis*. In libro item Paralipomenon vbi legimus, *Et agite diligenter*, Latina interpretatio LXX. vertit, *Viriliter*. Nona & postrema proprietas Diligentiae est *Affiduitas*; illi vt superius vidimus, à Cicerone attributa: dicta fortassis ab assidendo, quia diligens operi assidet, nec deserit, aut intermittit, donec exactè perficiatur. Sed quàm nobis in nostris quibuscunque bonis operibus opus sit diligentia, discimus primò ex illo Genetis: *Nonne si bene egeris recipies; sin autem malè statim in foribus peccatum aderit?* Vbi sermo est de Cain, cuius Deus munera non respexit, sed benignis oculis respexit Abelis ad sacrificia, vt in præcedenti disquisitione docuimus fol. 365. Et benè S. Chrysostomus defuisse tradit in Cain sacrificio diligentiam, quoniam non rectè discreuit quid offerret: sed quicquid fortuitò fuit obuium illud obtulit: quod non fecerat Abel; ex quo generali propositione sic infert: *Oportet offerentem Deo, magnam in discernendo adhibere diligentiam*. Nam ex Elia Cretensi, Nazianzeni scholiaste; *Bonum nisi bene fiat, boni nomen amittit*. Et optimè Ioannes Gerson aiebat: *Deum non remunerari verba sed aduerbia*. Proinde S. Ambrosius Abrahami filium immolaturi celeritatem commendat, *Et studium maturum atque festinum*: quòd de nocte surrexerit: quòd se præparatum edixerit: & quòd oculis festinanter quæsierit sibi locum à Deo præceptum. Et alibi rationem adiiciens, cur Deus in eo reuocando à filij eadè appellationem nominis iterauerit; *Reperit*, inquit, *voce, tanquam veritus, ne præueniretur studio deuotionis; & vna vox impetum ferientis reuocare non posset*. Expenditque idem Ambrosius eiusdem Abrahami celeritatem in excipiendis Angelis hospitibus: festinationem Zachari è Sycomoro descendentis: Iudæorum manducantium Pascha festinanter: & alibi festinationem B. Virginis in montana, & exclamat: *Nescit tarda molimina Spiritus sancti gratia*. Tum vigesimam sextâ populi Israelitici mansionem in Hermona declarans, quæ vox sonat *Acceleratio*, Viatoribus celeritatem commendans ait: *Opus Dei præproperam etiam festinationem exigit. Maledictus, inquit Propheta, qui facit opus Dei negligenter: idè discipulus ille, qui citius Petro ad monumentum præcurrit, immodicè commendatur*. In uia Dei uel festinam oportet progressionem esse: ut diabolo, qui stat semper à dextris, quòd sanctis aduersetur, æpium iter impediendi spatium non relinquatur. Ideò debemus à nobis omnem torporem & procrastinationem ex-

Prou. 12. 4.

2. Paral. 19. 11.

Gen. 47.

S. Chryss. ho. 18. in Gen.

Gers. dial. Franci. & Angli. t. 1. S. Ambr. l. 1 de Cain. c. 7 8.

Gen. 18. Luc. 19. 6. Ex. 22. S. Ambr. l. 2 in Luc. 1. & l. de 42. māj num. 26. Num. 33. 26

Ier. 48. 10.

Epiſt. enchir. c. 68.

cutere, grauissimis etiam Epicteti verbis illis admoniti: Si nunc neglexeris, aut socors fueris, & semper proposita ex propositis feceris, & dies alios post alios statueris, post quæ tibi ipse des operam, inscius & imprudens nihil proficies, sed ineruditus manebis & uiuens & moriens. Imò S. Bonauentura, qui ait: Dies uel hora, quæ negligenter officia pertransierit, nequaquam ulterius poterit reuocari: cum temporis sequentis officium suam nihilominus diligentiam & deuotionem requirat. Quamobrem S. Ephræm meritò Monachum laudat dæmonum suasionem reiicientem. Fratri cuidam, inquit, suggerebant cogitationes tempore uigilia dicentes: Requiesce hodie, & noli ad uigilias surgere. At ille: Cogita te heri non surrexisse, & hodie surgendum esse. Ei de opere aggrediendo rursus ei suggerebant: Quiesce hodie, & cras operaberis. Illeque iterum respondit: Nequaquam, sed hodie operare, & de crastino cura Domino erit. Itaque nos studiosi perfectionis tales esse debemus, quales Hebrææ mulieres esse, referebantur Obstetricibus ab Ægyptijs. Ipsæ enim, aiebant, obstetricandi habent scientiam, & priusquam ueniamus ad eas pariunt. Si partus differamus bonorum operum, venient ad nos dæmones tanquam obstetrices adiuuare nos simulantes, ut masculos, hoc est, perfectos partus actusque nostros interimant: celeriter ergo, antequam veniant, bona opera pariamus. *Anime iustorum, inquit S. Ambrosius, non expectent artes & disciplinas propter inuentionum genera: nec requirant adiumenta generandi, sed sponte partus suos fundant expectationemque præueriant.* Ob id Philo, cum primum peccatum Cain tarditatem dixisset gratiarum agendarum fuisse, quod post aliquot dies obtulerit sacrificium, præclaram hanc sententiam edidit: Oportet eos, qui boni aliquid faciunt præuolare ante alios, & incunctanter amoliri impedimenta omnia. Nec Pharaonem, Regem illum exemplar reprobatorum hominum imitari: qui interrogatus à Moysæ, quando nam uellet rogari Deum, ut ranas abigeret; cum respondere debuisset, Hodie, nunc, hoc temporis momento, respondit, Cras. De eo ita S. Ambrosius: Cum debuerit in tanta positis necessitate rogare, ut iam oraret, nec differret, respondit, Crastina die, otiosus & negligens, mora penam Ægypti soluturus excidio. Rupit S. Augustinus has moras, cum in fecessu plorans & eiulans ait: Quamdiu, quamdiu, cras, cras? quare non modo, quare non hac hora finis turpitudinis mee?

322 Sed quibusnam in rebus hæc Diligentia habenda est? Iulius Nigronus, in quatuor rerum generibus apprime necessariam Diligentiam putat: in rerum spiritualium exercitationibus, in studio doctrinarum, in gubernatione, & in Marthæ ministerijs. Et primò omnium, ut initio dixi, Diligentia utendum est in quotidianis

S. Bonau. in
spec. p. 1. c. 1.

S. Ephr. t. 2.
in doct. var.
c. 47.

Ex. 1. 19.

S. Ambr. l. de
fuga sec. 8.

Philo l. de
sacrif. Cain
& Abel.

S. Ambr. l. 1.
de Abel. c. 6.
c. 9.

S. Aug. l. 8.
confes. c. 12.

Nigr. tr. 8.
num. 19.

Exercitijs spiritualibus, cuiusmodi sunt, recitatio Canoniarum, Horarum, meditatio, discussio conscientiae, lectio priuata librorum spiritualium, Missae vel celebratio vel auditio, vocalis oratio, & alia quae in Ordine vel Cœnobio praescribuntur. Etenim ante omnia, ut à S. P. Nostro docemur, quærendum est Regnum Dei, atque id strenuè ac diligenter. Et diuini quidem officij preces, iubemur, *In Choro deuotè alacritèrque persolvere: & purè semper ac strenuè diuinis laudibus interesse, non pigri, non somnolenti, non parcentes vocibus, non praecedentes verba dimidia, non integra transilientes, non fractis nec remissis vocibus, muliebres quiddam balba de nare sonantes, sed viriliter dignum est sonitu & affectu verba Spiritus sancti depromentes.* Eandemque in oratione mentali & conscientiae examine Constitutiones nostrae diligentiam mandant, illis verbis, *Magno tam animi quam corporis silentio &c.* Diuus verò Ignatius in prima Regula communi Societatis hæc ait: *Singuli prescriptum sibi tempus suae conscientiae bis quotidie examinande, orationi, meditationi, lectionique impendant, cum omni diligentia in Domino.* Quam in meditatione diligentiam P. Iulius hoc exemplo declarat. Religiosus ille, qui vesperi cogitaret de meditatione sequentis diei; summa capita postero die meditanda pridie pararet ac recognosceret. Mane hora constituta, simul ut pulsus audiret excitatoris ad surgendum, expectatus indueret se se atque animum ad meditandum dirigeret, reuocans in moriam capita meditationis; abigens omnes irrumpentes aut irrepentes in animum curas, petens à Deo, ut vires deinde attentionemque sufficeret; & post Officiij pensum, locum in Ecclesia vel in Choro, & corporis habitum idoneum ad meditandum quærens ac seligens. In ipsa meditatione quoque diligens, aberrantem mentem huc atque illuc, reuocat identidem ad attentionem, imperans agere quod agit: post meditationem reflectit animum ad eam, considerans, nunquid per negligentiam peccarit, sibi ipse promittens emendationem, si defuisset officio diligentis mediatoris se deprehenderit. Exigitur deinde diligentia in literis ac doctrinis. Et Clerici quidem à Constitutionibus nostris, post spiritualium rerum occupationes, lubentur humanioribus literis diligenter studere. Item Logica & Philosophia ac Theologiae operam dare &c. & *lectiones à Magistro assidue audiant.* Et Diligentiam quidem M. Seneca maximum mediocris ingenij subsidium dixit. Sicut autem artium, inquit Anacletus Papa, in suo quoque opere inuenitur mater instantia; ita nouerca eruditionis est negligentia. Et ex S. Ambrosio, *aperit sibi Diligentia ianuam veritatis.* Confertque alibi Esauum fratre Iacob in venatione illa, quæ benedictionis causa extirgit,

Const. Cler.
Reg. p. I. c. 1.

Const. Cl. R.
par. 2. cap. 6.

M. Sen. l. 3.
contr. in praefat.
c. nihil illo d. 83.

S. Ambr. po-
re. in Euang.
Luc. & lib
de fuga sec
c. 8.

huic obtinenda, amittendæ illi. Iacobo enim diligentia & ingenium affuit: & quoddam Esau tarditatem ingenij minimè compensauit ac iuuit: proinde moram fecit, & primogenita perdidit. Sed & præsertim. Diligentia à Lectore quem dicimus, & Præceptore, ac Magistro, adhibenda est, ut rerum auditarum à discipulis rationem reposit, ut exerceat, inculcet, horretur: ut difficultates enodet: ut audiat dubitantes: ut falsas opiniones euellat: & sedulus ea omnia efficiat, per quæ ritè Discipuli instituuntur. Ideoque legimus in lure Ciuili, Attilium Regulum Nicostrato præceptori cœnaculum quoddam ad habitandum dedisse; *Quia me, inquit, eloquentia & diligentia tua me meliorem reddidisti.* Quod intelligens Cosmas Monachus, S. Ioannis Damasceni Præceptor aiebat, cupiditatem à natura viris doctis insitam esse, gignendi per doctrinam filios sibi similes, ut sapientiæ genus in mundo aureum propagetur & conseruetur. Sed & tertio à Præposito aliisque Superioribus hæc diligentia habenda est. De illo enim dicitur, *ut summo studio & fide, in rebus spiritualibus & temporalibus, Congregationis regimen gerat.* Itemque alibi, *Ut omnibus se præbeat exemplum disciplina: ad Chorum & ad communem mensam assidue pro virili conueniat. Silentium horis & locis congruentibus seruet: labores communes una cum alijs subeat: & Religionis obseruantias diligentissime colat.* Et de Visitatoribus, *ut eant visum qua diligentia asseruntur sanctissimum Eucharistia Sacramentum, & cetera religionis Ordinis munia ut obeantur.* Itemque de Patribus Capituli Generalis, & præsertim Sacerdotes in Vocalium numerum adscripturi, *Ut diligenter inquirant singulorum merita.* Definidores verò, *Ut diligentissime perquirant, qui nam ex Vocalibus totius Congregationis ad alios regendos sint apti.* Et demum de Magistro Nouitiorum, ut priusquam quis recipiatur, Probetur eius spiritus, & accuratè ac diligenter examinetur &c. Quod si diligentissime & per plures hebdomadas examinatus, nihil impedimento fuerit quominus idoneus videatur &c. recipi poterit. Magister verò deligatur, qui nostræ communes Congregationis labores libenter & assidue cum alijs subeat. Neque, pro facultate sibi à Præposito concessa, diligenter & sollicitè informet Nouicios. Dehortatur quidem S. Ephrazem religiosum virum ab appetenda cura animarum: Quod si, inquit, inuitus ad eam curam eiusmodi traberis, in ea administranda maximam diligentiam adhibe. Similiter S. Chrysostomus Pastorem ex diligentia quasi Argum effecupit, cum ait: *Multa Pastoris opus est diligentia: sexcentis etiam, ut ita dicam, oculis, ut rectè undique humani animi habitum circumspicere queat.* Et Hugo Victorinus in duodecim abusionibus primo loco numerat negligentiam Prælatorum: & oues

L. Attilius.
ff. de dona-
tion.

Const. Cl. R.
par. 3. cap. 7.
& 9. & 8. &
3. & 4.

Ibid. par. 2.
cap. 5.

S. Ephr. t. 1.
c. de vit.
spir. c. 35. 16
S. Chrys. l. de
Sacerdot.

Hugo l. 2. de
cl. an. c. 12.

ait sequi pastorem præcedentem, quò? *Ad vitam si diligens, ad mortem si negligens præcedat.* Sapientissimèque S. Augustinus & Beda, cuique muneri suam virtutem assignans, *Diligentiam in administratione* dixit esse seruandam. Demum quartò, circa ministeria, Diligentia adhibenda est à viris Religiosis in munditia & nitore sacrarum ædium, & in sacra supellectili conferuanda. *Fit enim* (vt nostræ Constitutiones aiunt) *vt ex diligentia & cura, que his rebus adhibetur, Religiosorum spectentur animi.* Deindè in sacris ritibus & cæremoniis: & à Præpositis est curandum diligentissimè, vt *Missalis & Breuiarii Romani Rubricæ accurate obseruentur.* Item vt omnia studiosè, exquisitè, maturè, cum silentio, modestia, dignitate, & decore fiant. Itemque, vt cum in morbum quis Nostrum incidet, ei necessaria ministrantur accuratè: & Vir sedulus ægrotis præficiendus. In conseruandis verò Monasterij rebus vti diligentia oportet. Quod grauiter Cardinalis à Turrecremata commendat, sumpta è S. Benedicti verbis occasione, pœnam negligentibus rerum domesticarum custodibus comminantis. Nec absimilis S. Basilij est adhortatio; qui cum dixisset, neminem debere tanquam proprijs vti rebus ad vsum datis, oportere addit, *Diligentiam in omnibus vel viuendis, vel conseruandis, eam adhibere, quam Dominicis rebus adhiberi par sit; neque eorum quidpiam, si casu negligenter abiectum sit, finire disperire.* Eandemque diligentiam tradit Cassianus à Monachis sui temporis obseruatam; qui per hebdomadam vices Marthæ ministeria obibant: & feria II. qui suo munere defuncti essent alijs sibi succedentibus vtensilia vasaque consignabant: *Qua suscipientes, inquit, tanta sollicitudine curaque custodiunt, ne quid ex eis imminuatur vel pereat; vt credant se etiam, pro minimis quibusque vasis, tanquam pro sacrosanctis, rationem non solum dispensatori præsentis, sed etiam Domino reddituros, si forte aliquid ex eis, negligentia eorum, fuerit imminutum.* Vide apud Zachariam Bouerium in Minorum Capucinorum Annalibus horribiles pœnas, quas Laici nonnulli luerint, ob incuriam, qua res Monasterij male custodiebant. Proindè S. Ignatius, cum quendam in tradito sibi munere valde remissum atque oscitantem inuenisset, quæsiuit ex eo, cui nam in tali ministerio daret operam, Deo ne, an hominibus? Cum ille se Deo vtique deseruire dixisset, Plecteris igitur, inquit Ignatius: nam in rebus humanis minùs accuratè versanti iurè forsan iniquauerit quispiam: at immortalì Deo ministrari negligenter, id verò nullo pacto ferendum est. Illud ergo iugiter omnibus inculcandum, quod Iosaphat Rex aiebat: *Sis timor Domini vobiscum, & cum diligentia cuncta facite: non est enim apud Dominum Deum nostrum iniquitas.* Et

S. Aug. ser. 2. de omni. sãct. Beda ser. 18. de sanct.

Cl. Reg. cõst. p. 1. cap. 3.

Ibid. c. 2.

Ib. par. 2. c. 4.

Turr. to. 9. in cap. 32. reg. S. B.

S. Basil. ep. ad canon.

Cass. l. 4. c. 19.

Maffei. l. 3. vita c. 6.

2. Paralip. 19. 7.

2. Paralip. 19. 11.

adiexit : Confortamini, agite diligenter, & erit Dominus vobiscum in bonis.

323 Cæterum vt Diligentia praxin aliquot veluti Regulis illustremus, prima est, feruenter nos obire debere quodlibet opus bonum, & à Deo sperare opem & gratiam illud perficiendi. Vbi viderit Deus (inquit S. Cæsarius suos Monachos ad proficiendum adhortans) deuotionem animi ardentiorē, insinuabit affectum : & quantum nos addiderimus ad studium, tantum ille apponet ad adiutorium : quantum nos apposuerimus ad Diligentiam, tantum ille addet ad Gloriam. Ideoque S. Dorotheus defectui diligentia causam nostri regressus in via religiosæ perfectionis assignat : Hoc autem, inquit, inde prouenit, quia nullam de nobis curam, nullam de professione nostra rationem, nullam denique attentionem & diligentiam in corde gerimus. Secunda Regula est, vt opus aliquod bonum aggressus omnia quæ in eo obeundo præstanda sint diligenter inspicias. Quod documentum Basilii Christianus Constantinopolis Imperator filio suo Leoni tradidit, hunc in modum : Obstringe te huic necessitati, vt omnia tibi oculis inspicienda esse ducas, & nihil inspectum esse prætermittas. Et subdit : Quemadmodum ea, quæ à te diligenter inspecta administrantur, inde multum emolumenti capiunt, ita quæ non inspecta neglectim prætereunt, in magnam perniciem labuntur. Tertia est, vt serio cogitemus in opere, quod aggredimur, quod Deus à nobis diligentiam exigit. Et hoc Dionysius Cartusianus Canonicis, quorum reformationem curabat, ita proposuit : Deus maiestatis immensæ, in suo obsequio, despiciat indotum, euomit tepidum, negligentem & impium detestatur. Si Principes seculi huius exigunt sibi reuerenter & promptè serui à suis ministris, quanto magis Dominus vniuersorum, cuius excellencia est penitus infinita, vult, iubet, & requirit, ei cum præcipua diligentia vt obsequamur. Quarta est, quod nos scire omnino debemus, vt Thomas à Campis in suo de imitatione Christi libello docuit, sine sollicitudine & diligentia nunquam acquiri virtutes. Quinta regula est, præsentiam Dei mente concipere, ac toto laborandi, & operis illius quod agitur tempore, retinere : de qua in præcedenti disquisitione loquutus sum, & quam tradere primo loco debebam : Assignato iam artificio, inquit S. Basilii, vacare unusquisque attentè debet, studiosèque inuigilare, & nihil secius, quasi inspectore Deo, summa sedulitate, & attentiore cura, accuratissime illud exercere, vt fidenti animo semper dicere illud possit : Ecce sicut oculi seruatorum ad manus spectant Dominorum suorum, ita oculi nostri ad Dominum Deum nostrum. Eandemque regulam tradit S. Bernardus vt negligentiam abigamus. Expedit, inquit, omni anima Deum

S. Cæsar. h. 3. ad mon.

S. Dorothei. ser. 10.

Basil. Imp. exhort. ad Leon. f. 6. c. 39.

Cart. l. de reform. Can. pref.

Th. à Kemp. l. 1. c. 71.

S. Basil. q. 41. fus. disp.

S. Bern. ser. 2 in pf. 90.

semper attendere, ianquam proprium, non modo adiutorem, sed etiam inspectorem. Quomodo enim negligens poterit fieri, qui intuentem se Deum nunquam desinit intueri? Sexta, ut etiam ab animalibus rationis expertibus diligentiam addiscamus. Si transigamus, inquit S. Basilus, oratione, quanta rationis expertibus istis insit sine doctrina quidem, quippe naturalis sue vite diligentia atque cura, aut ad nostri custodiam corporis animarumque nostrarum providendam salutem impellemur, ac concitabimur: aut magis magisque carpemur ac condemnabimur, si ita fuerimus affecti, ut neque animalia imitari rationis expertia valeamus? Cur verò Salomon mittit nos addiscendi gratia, in proverbijs, ad formicam; quæ vitæ communis atque religiosæ est præclarum quoddam exemplar, S. Hieronymi testimonio, tum sedulitatis diligentiaque magistra? De ea Plinium audiamus. Iam in opere, inquit, qui labor? quæ sedulitas? & quoniam ex diverso conuehunc altera alterius ignara, certi dies ad recognitionem mutuam nundinis dantur. Quæ tunc earum concursatio? quàm diligens cum obijt quædam collocutio atque percunctatio? Merito S. Basilus sic exclamat: Non tute tibi, ò homo, tandem diligentiam adhibebis? non tute tibi ipsi demum elaborabis? non hoc tempore præsentis fruges tibi recondes, requiemque ad futurum exemplo formicæ parabis? Septima regula est ut omni conatu ac perseverantia in id quod agis ad eò intendas, ut nisi perfecta re, opus aliud non assumes. Et hoc est illud quod Deus per visum presbyteri cuiusdam Cassio Narniensi Episcopo iussit significari: Age quod agis, operare quod operaris. Et S. Bernardus cuidam Conuerso dixit, ut refert Thomas Cantipratanus: Eia frater, age quod agis, nullum aliud post hanc vitam Purgatorium sustinebis. Idcoque S. Basilus statuit primùm non oportere ab hoc in aliud temere transilire. Neque enim natura nostra, inquit, plura simul assequi studia potest. Multoque est præstantius, unum, modò solerter & industriè confecisse, quàm multa attentasse, quæ necessariò postea sint relinquenda. Omnia verò prætermittenda esse præter id quod nobis Religiosis viris incumbit, docet S. Dorotheus hunc in modum: Si virtutem quis parare sibi velit, non ad diuersa animum distrahere debet, neque sublimia quadam, curiosa inutiliaque rimari. Quemadmodum enim, qui fabrilem artem aliquam addiscere conatur, nequaquam animum suum alicui arti diuersæ applicat: ita profectò & qui spirituales operationem & artem perdiscere & exercere desiderat, faciendum sibi proponere debet, ut nulli scilicet alij rei animum apponat, sed die ac nocte studio sue professionis inuigilet; omnesque cogitationes suas eò figat, donec ad eius possessionem, Deo adiuuante, tandem perueniat. Subditque qui secus agat nullum facere in Religione progressum. At bene ille Ma-

S. Basil. ho. 9
in Hex.S. Hier. in vita
Malebimon.
Plin. l. 21. c. 30.S. Basil. l. 5.
in Hex. c. 21S. Greg. Papa
l. 4. dial. c. 56Th. Cant. l. 2.
apam. c. 5.S. Basil. q. 41
inf. disp.

S. Dor. ser. 10

gister in hac schola peritus cogitationi de relinquendo bono opere inchoato, & alio aggrediendo, dici suadebat: *Non hoc quod suggeris, sed hoc planè quod facio, inber Deus.* Octaua regula est, vt modum in diligentia serues, & vites curam superfluam, hoc est illud, ex Gersone, *vitium quo quis inclinatur ad actus prudentiæ cum anxietate nimia, & quadam rationis suffocatione.* Cardinalis Caietanus inquietam attentionem appellat: qua peccant ij, quos reprehendit apud Cassianum Daniel Abbas, *Excedentes diligentia modum.* Qua de re optimè S. Dorotheus ita disserit: *Itaque nisi sobrij, cauti, diligentesque fuerimus, & nobis ipsis seriò inuigilauerimus; proculdubio à via recta ad dexteram, vel ad sinistram; idest ad excessum vel ad defectum perfacile declinabimus, absolutamque reddemus egritudinem animæ.* Eandemque Saluator anxietatem siue sollicitudinem reprehendit in Martha, cum ait: *Martha, Martha, sollicita es, & turbaris erga plurima.* Postrema demum regula est, quam tibi Salomon tradit: *Habe fiduciam in Domino ex toto corde tuo, & ne innitaris prudentiæ tuæ.* Hoc est, diligentia tua, Diuinæ Providentiæ fiduciam non excludas, sed tibi diffidens æquè ab Deo pendeas, ac si nihil per te tua diligentia posses, nec tamen tuos conatus quicquam remittas. Ita S. Carolus diligentiam cum hac fiducia coniungebat, vt duo copulasse penè contraria ac sibi inuicem aduersantia vulgari iudicio videretur. Quod vitæ auctor tradit his verbis: *Ex altera parte, si spectaueras; totam rem admirabili quadam fiducia Diuinæ Providentiæ ita commissam videbas, vt nihil spei penitus in humane diligentie officijs relictum videretur: ex altera verò, cum nullum officij, studij, curæ, industrie munus, tempus prætermitteretur, nihil in diuina ope positum propemodùm arbitrabare.* Hanc summam diligentiam S. P. N. Caietanum in rebus agendis adhibuisse cum fiducia coniunctam in Deum; in aliquot eius literis est videre. Idenque de S. Ignatio Societatis Conditor tradit in vita Petrus Ribadineyra. *In rebus suscipiendis, inquit, sapissimè videbatur nulla humana prudentia vti, sed Diuina tantum niti Providentiæ: in exequendis tamen & ad finem perducendis omnes vias tenebat vt inchoata perficeret.* Finio igitur, & cum Thoma Campensi meum lectorem adhortor: *Si dederis te ad seruorem, inuenies magnam pacem, & senties laborem leniorem propter Dei gratiam, & virtutis amorem. Homo seruidus & diligens ad omnia paratus est.* Et quisquis drachmam amiseris, mulierem illam Euangelicam imitare, de qua, *Nonne, inquit Saluator, accendit lucernam, & euertit domum, & quatit diligenter donec inuenias eam?*

Gers. l. 4. de
serip. serm.
S. de 4. virt.
Cardin.
Caiet. 2. 2. q.
67. art. 9.

Luc. 10. 41.

Prov. 3. 5.

Carolus E-
pisc. Noua-
ria l. 7. vita
c. 9.

Rib. l. 5. vita
cap. 11.

Th. à K. l. de
imit. Chr. c.
15.

Luc. 15. 3.

DISQVISITIO TERTIA.

Verſantes in Reſeſſu, ac ſpiritualia Exercitia hic obeuntes, quàm ſeriò ac grauiter ipſi à ſe perquirere debeant, ad quid in Ordinem venerint?

324 **S**EMET AD QUID VENIT INTERROGET. Legimus quòd B. Arſenius ſe interdum interrogauerit: *Arſeni ad quid exiſti.* Climacus verò refert Abbatem quendam à Monacho interrogatum, quid faceret, ſi Magiſter eius eſſet negligentior, reſponſiſſe: *Et ſi fornicari illum videris, noli diſcedere, ſed ad te ipſum conuerſus dic: Amice ad quid veniſti? Tunc aſpices tumorem tuæ mentis diſſipari, excaſcentiamque miteſcere.* Viden hæc ſui met interrogatio Religioſum virum quàm iuuat? Proinde S. Benediſtus de Sacerdote agens, qui recipi poſcat in Monafterium, illi id ipſum inculcat. *ſciat, inquit, omnem Regula diſciplinam ſeruaturum, nec aliquid ei relaxabitur, vt ſit ſicut ſcriptum eſt: Amice ad quid veniſti? Quam Regulam Smaragdus explanans ait: Amice ad quid veniſti, ſubaudiendum, hoc age. Hoc enim modo dicendum eſt Sacerdotibus, & omnibus in Regulari vita degentibus, qui eius in omnibus non curant obedire præceptis. Dicatur enim: Amice, ad quod veniſti, hoc age. Veniſti enim obedire non imperare: operari, non otiari: operibus exerceri, non fabulis vacare: humiliari non ſuperbire. Ergo Amice, ad quod veniſti, hoc age. Regularia veniſti obſeruare præcepta: in quantum vales, Domino adiuuante, obſerua illa: vt iuſtificeris illa obſeruando, non periculiteris contemnendo. Sua detque Benediſtinus Hæſtenus S. Benediſti Religioſos ac Monachos, vt vnusquiſque interroget ſe quotidie: Amice ad quid veniſti? Tum expendat quid reſpondendum, vt ſuo nomini ac muneri ſatiſfaciat, quod ipſe ſubdit hoc ſchematico.*

Ad quid veniſti?	1. Ad ſeruandam Regulam.	Eſt enim Monachus	Regularis.
	2. Ad Abrenuntiationem.		Abrenuntians.
	3. Ad Militiam.		Miles.
	4. Ad Iter vite peragendum.		Viator.
	5. Ad Scholam.		Studiosus.
	6. Ad ſeruitium ſanctum.		Seruus Dei.
	7. Ad Honeſtam Conuerſationem.		Conuerſans.
	8. Ad Conuerſionem.		Conuerſus.
	9. Ad Patiendum.		Conſors Paſſionis.

325 Similiter S. Bernardus hoc dicto ſeipſum interdum excitare & ad

378 De interrogatione, Ad quid venisti?

Guil. in vita
cap. 4. l. 3.

feruorem accendere solitus erat, vt ait Guilielmus in eius vita: *Hoc semper in corde, frequenter etiam in ore habebat: Bernarde, Bernarde, ad quid venisti?* Imò extat Opusculum S. Bernardo adscriptum, & inscriptum, *Ad quid venisti?* quod in Vrbe Gerardus Vossius euulgauit, & libris de Consideratione subiecit; cuius primum caput hæc habet: *Primo considerare debes ad quid veneris, & propter quid veneris. Propter quid venisti? nisi solum propter Deum solum, vt fieret merces tua in vita aeterna. Sicut enim propter nullum alium venisti, ita propter nullum alium debes omittere, nec tepescere alicuius exemplo, quin studeas ad hoc, ad quid venisti. Venisti enim ad seruendum Deo, cui seruire omnis creatura debet.* Minorum Ordo S. Francisci, vt testatur Sedulius quinque habet verba, quæ Religiosam Manum appellant, & ceu elementa suis tyronibus initio tradunt, vt tanquam digitos habeant; quorum est primum, *Ad quid venisti.* Cui tamen ita respondent: *Non velle meum facere: sed passiones vincere: sanctamque Crucem tollere: & in dies proficere.* Pijssimus quoque Thomas à Campis ex Canonicis Regularibus, hanc sententiam vult identidem ab Religiosis viris expendi. *Esto, inquit, vigilans, & diligens in Dei seruitio, & cogita frequenter ad quid venisti, & seculum reliquisti? Nonne vt Deo viueres, & spiritualis homo fieres? Igitur ad profectum serueas, quia mercedem laborum tuorum in breui recipies. Nec nos Clerici Regulares ab hac disciplina alieni sumus: quam nostri omnes Magistri spirituales inculcant. Ided multis in Cubiculis, & in quod excipitur is, qui spiritualia Exercitia est obiturus, tabella est affixa incolam & Solitarium admonens, hoc Decasticho:*

Henric. Sedul. ad spec. discipl. S. Bonau. ad Nouit.

Kemp. l. 1. de imis. Chr. c. 23.

*Ad quid venisti in latebras huc, Hospes, Eremita.
Sordidus ve lacrymis hic male facta luas?
Clericus ve mundi curas & munia linquas?
Presbyter, vt Domino munera digna lites?
Vique Theatinus tantum Cælestia spectes;
Munus Apostolicum ritè & obire queas.
Vel tibi cum Nomen det Regula, discere leges
Forè venis, vt post Regna beata petas?
Hoc age, sic cura, & statue: egressusque recessu,
Proficius cunctis Religiosus eris.*



DISQUISITIO QVARTA.

Quomodo qui vel literis incumbunt, vel doctrina excellunt, ab Directore monendi sunt, ac modis omnibus adhortandi, ut sibi spiritualium Exercitiorum finem praefigant, tantū animi fervorem per eam Recollectionem concipere, ut deinceps ad studium literarum, studium virtutum & vera perfectionis adiungant.

326 STATVANT CVM LITERARVM ERVDITIONE SANCTITATEM CONIUNGERE. Hoc

planè documentum in nostris Constitutionibus sic habemus: *Primum omnium est curandum, ne qui studijs fuerint destinati, orationis assiduitatem, & animi modestiam negligant. Verum ita eruditionem cum pietatis ardore coniungant, ut alterum alteri emolumento esse possit. Curandum est igitur, ut quotquot in hac palæstra siue recessu exercentur, praefertim iuniores, & qui studijs ac doctrinis inhaerent, ut firmissimum propositum concipiant animo, ac fixum habeant, ita literis incumbendi, ut maiore tamen diligentia & cura, sanctitati vitæ, ac virtutibus, operam nauare non negligant. Si enim eleganter sciteque astruit Plinius, Corporibus nihil utilius sale ac sole in rerum natura reperiri; ita sanctitate ac scientia nihil esse utilius in Ecclesia, docent alij. Quod & Saluator humani generis, formans Apostolos medicos ac Pastores Orbis, infundensque illis sanctitatem, caelestemque sapientiam, ore diuino, pronuntiavit: Vos estis sal terræ: Vos estis lux mundi; vnumquenque illorum prædicens Ecclesiæ salem ac solem fore: Iubens, ut quidam ait, ut quos illuminauerint per verbum, quasi lux, condiant per exempla operum suorum, quasi sales. Ad quod S. Ambrosius hortatur, his verbis: Si perfectionem requiras, nec vita sine cognitione, nec cognitio sine vita sit. Et vitam quidem Christiano homine dignam, ac piam sanamque doctrinam, Iacobus Billius arbitratu ritè vocari posse duos Christianæ Professionis oculos: quemadmodum Athenæ ac Sparta, nobiles quondam ac liberae Ciuitates, ob salutares leges ac disciplinam, Oculi Græciæ appellabantur. Quod S. Gregorius Nanzianzenus in S. Basilij laudatione sic habet: Qui vel solos mores vel solam doctrinam consecuti sunt, ab altera autem deficiunt, ij mihi nihil à lucis differre videntur: quibus cum magnum detrimentum sit, tum verò maior turpitudine, siue alios cernant, siue ab alijs cernantur. At quibus utraque laude excellere, ac velut ambidextris esse contigerit, hi nimirum omnibus numeris absoluti sunt, & cum alterius vi-*

Cōst. Cl. Reg.
par. 2. cap. 6.

Plin. l. 31. c.
9.

Imperf. ho.
20. in Mattb.

S. Ambr. tr.
1. in psal.
118. Aleph.

Iac. Bil. l. 1.
fac. obseru. c.
13.

S. Greg. in
laud. S. Basil.
num. 22.

380 Sanctitatis cū Doctrina Similitudines.

re beatitudine uitam agunt. Vnum oculum improbitas, alterum ignorantio excæcat. Proinde in Apocalypsi Episcopus Laodicæ appellatus est cæcus, quod suam miseriam ignoraret. Et S. Gregorius Papa cæcum esse ait genus humanum, Quia supernæ lucis claritatem ignorans, damnationis suæ tenebras patitur. Respexerit, ut opinor, in sua sententia S. Gregorius ad Aod filium Gera, filij Iemini, qui utraque manu pro dextera utebatur, ut in libro Iudicum legimus. Clamatque S. Ambrosius: Improbitate cecatur mentis oculus; & caligante sibi iniquitate, mysteria profunda inuenire non potest. S. Gregorius Papa carnalem prædicatorem lucernæ comparat cæca, siue extincta, quæ nos relinquens in tenebris cæcos reddit. Et quidem scientia, quæ natura sua mentem illuminat, est olei loco. Cuius liquoris S. Bernardus triplicem qualitatem obseruat. Quid lucet, pascit, ungit. Fouet ignem, nutrit carnem, lenit dolorem: Lux, cibis, medicina. Lucet verò cū, fouet ignem, adeo ut si ignis absit, haud quamquam luceat. Et ignis quidem Caritas ac Sanctitas est; & hoc sanctitatis igne sublato, oleum in lucerna non lucet, est otiosum, & nihil eos iuuat, qui expectabant à lucerna splendorem. Proinde S. Ambrosius, cū dixisset, Doctrina sine uita integritatem non habet, sepulchro dealbato tales assimilat, cui Saluator hypocritas comparauit. Nisi se unusquisque, inquit, intus mandauerit, etiam si foris speciosus uideatur, & iustus, similis erit dealbatis sepulchris; ut foris quidem iustus uideatur, intus uerò sit fætidus. Sic & doctrina sine uitæ innocentia. Sed nec ipsa doctrina potest mercedem habere, ubi gratia non habet innocentiam. S. Gregorius Nazianzenus, ex obseruatione S. Ioānis Damasceni in paralellis eidem sepulchro similem existimat hominem, qui uita integritate orationi fidem integritatemque minimè conciliat: idem de illo dicturus, qui scientiæ derogat fidem, per improbitatem uitæ; nam in oratione scientia elucet. Et S. Gregorius Papa moraliter consilium Philistinorum expendens, qui iusserunt reduci arcam non vacuam ad Hebræos; Quid nam est, inquit, arca uacua, nisi diuina scientia sine bona operatione? Iulius Nigronus existimat, eruditos homines sine virtutibus simillimos esse pharmacopolarum narthecij, quæ foris medicamentorum plena esse significant, sed intus planè uacua sunt. Quod ex Lactantio hausit, qui Philosophos Ethnicos similes Pharmacopæorum officinis aiebat, quarum tituli habent remedia, pyxides venena. Richardus à S. Viatore eos, qui de virtutum scientia gloriantur, ac disertissimè disputant, sed minimè sanctitudinem profitentur, ait sibi facere ex aure scientiæ, & argento eloquentiæ, idola vel simulacra. Virtutum modum, inquit, & formam solam, per intelligentiam & doctrinam depin-

Sanctitatis cū Doctrina Similitudines. 381

gere, & memoria retinere, earumque affectu carere, quid aliud est, quā
quedam simulacra corde gestare? Scientia sanctitatis sine intentione bona,
quid aliud est, quā imago sine uita? Scientia sola sine sanctitatis effectu,
& bonitatis affectu, quid aliud est, quā simulacrum uanum sine motu ac
sensu? Facit huc Aristotelis dictum, ad virtutis acquisitionem pa-
rum vel nihil conferre cognitionem virtutis: virtutesque exercita-
tione, assuetudine, ac frequentatis actibus comparari. In agendis re-
bus, inquit, finis non est contemplari singula & cognoscere, sed agere. Ne-
que igitur in uirtute satis est, si eam cognouerimus: sed ut eam habeamus,
eaque utamur, est enitendum: uel si quo alio modo boni efficiamur.

Arist. l. 1.
Eth. c. 4. &
1. 2. l. 10. c. 9.

327 Sed & Ricardus aliam similitudinem affert: Scientia sola
sine sanctitatis effectu, & bonitatis affectu, quid aliud est, quā simula-
chrum uanum sine motu & sensu? Baltassar Aluarez, ut refert Ludo-
uicus Pontanus in eius vita, diligentem curam adhibebat, ut in So-
cietate studiosi literas cum Religionis spiritu coniungerem. Et assidue di-
citabat, virtutem & scientiam esse duas arbores Paradisi terrestris:
duo luminaria maius alterum, & alterum minus, toti mundo lucen-
tia: vestimentum duplex, quo Mulier illa fortis induit domesticos
suos aduersus frigus niuium, malitiam scilicet, & ignorantiam: spi-
ritum duplicem, quem petijt ab Elia discedente discipulus Eliseus;
quenque S. Bernardus appellat intellectum & voluntatem, siue affe-
ctum. Item aiebat esse tanquam duo Ecclesiæ testamenta, nouum
& vetus: legem & gratiam: tanquam duas rotas trahentes currum
gloriæ Dei, in quibus erat spiritus vitæ. Item similes geminis so-
roribus Marthæ & Mariæ, quæ in eadem domo habitantes se se mu-
tuo iuuant, & nominatim Martha petit auxilium à Maria, quia do-
ctrina speciatim eger spiritu auxiliante. Ludouicus ab Alcasar in
commentario Apocalypsis, explicans zonam auream, qua filius ho-
minis ad mammillas præcinctus erat, & colligens proprietates ad-
mirabiles auri, quibus illustrat Charitatis perfectiones, obseruat
electrum, narium præcipue, quod est aurum habens quinram ar-
genti partem admixtam, ex Plinio, pluris fieri, quā aurum purum,
quod plus splendeat, & venena deprehendat. Et sic Electri mira-
cula exprimunt, magna illa & admiranda, quæ Charitas siue Sanctitas
cum Sapientia coniuncta edit. Nam se se mutuo iuuant, ad augendum
splendorem, amolienda pericula, & pariendum fructum. Additque
Deum valde delectari hac mixtione auri & argenti. Nam murenu-
las aureas vermiculatas argento in Canticis legimus: & aurum & ar-
gentum iubetur apud Zachariam sumi ad conficiendas coronas.
Auro verò significari sanctitatis perfectionem, quæ in Charitate

Ric. p. 1. l. 1.
de erud. in-
ter. ho. c. 38.
Pont. c. 29.

S. Bern. ser. 6
de Afer.

Plin. l. 39. c.
4.

Delr. cant. 1.
scilicet. 2.
S. Amor. 1.
cor. 3.

Tf. 11. 7.

Alas. A.
poc. 4. vers. 5
comm. 2.

S. Th. 1. 3. cō-
tra Gent. c.
92.

B. Pet. Dam.
ser. de M.
Magd.

S. Greg. Nyss.
ho. 1. 1. Cant.

consistit, sentiunt communiter Patres. Argenti vermiculos in mure-
nulis Honorius Augustodunensis apud Martinum Delrio putat esse
scientiam. Ita S. Ambrosius in commentario primæ Corinthiorum
accipit in argēto doctrinā sanam. Et ex S. Hieronymo alijsq; Docto-
ribus fumitur argētū pro prædicatione & eloquio, in quibus scientia
& elucet & traditur, iuxta illud Prophetæ: *Eloquia Domini eloquia casta,*
argentum igne examinatum &c. Ad hæc Alcasar obseruat in sole splē-
dorem & efficacitatem, seu virtutem res generandi. Et splendor
quidē scientiā designat illuminatricē intellectus: efficacitas sancti-
tatē bonorum operum genitricem. In igne notat lucem & calorem,
quæ duæ proprietates exhibent eandem connexionem. In meteo-
rologicis fulgur & tonitrum considerat, de quibus alio in loco co-
piosè agit. Item in magnete duplicem proprietatem expendit: al-
teram indicandi polum arcticum, siue astrum huic polo proximum:
qua indicatione omnes aliæ Cæli partes vel in tenebris cognoscun-
tur: & hæc scientiam designat, per quam nostra mens rerum om-
nium cognitionem acquirit. Per alteram proprietatem magnes fer-
rum attrahit, ac sibi iungit occulta vi, quam ex virtute cælestis cor-
poris esse scripsit S. Thomas Aquinas: & hac innuitur sanctitas, quæ
occultè cum proximis suam virtutem communicans, per exhortatio-
nem & bonum exemplum, eorum corda sibi glutine charitatis illig-
gat & adiungit. Iulius Nigronus virum probitatē & scientia prædi-
tum similem facit pyxidi plenæ vnguento pretioso & suavi, quod
fit ex pulveribus odoratis, oleo dilutis. Vnde B. Petrus Damiani
tria conficit vnguenta, quibus pedes, caput, & corpus Christi perun-
gantur ex pulveribus aromaticis & oleo. Per quæ omnia, vt tradit
S. Gregorius Nyssenus & alij Patres, virtutes significantur, & ad-
dunt, tunc aromata perfectiùs olere cū sunt confusa. Itaque ille
dicit aromata esse nostros affectus seu passiones, quas ex utero ma-
tris in Ordinem ferimus, quemadmodum Regina Saba, quæ figura
est intrantis in Religionem, aromata multa Hierosolymam secum
tulit. Vt igitur pistillo aromata in mortario contunduntur, vt re-
digantur in puluerem, & plus redoleant, vt vitæ vñibus sint accom-
modatiora: sic passiones in officina aromataria arctioris domus siue
recessus, in mortario religiosæ disciplinæ, pistillo mortificationis du-
plicis, carnis, & propriæ voluntatis, franguntur, & ad mediocrita-
tem tanquam in puluerem redactæ, virtutes euadunt, & tunc pluri-
mum redolent exemplo & probitatis opinione. Oleum pulveribus
admiscetur, vt fiat vnguentum: quod oleum in sacra scriptura, ve-
terum Patrum iudicio, designat scientiam, seu doctrinam: quoniam,

Sanctitatis cū Doctrina Similitudines. 383

vt B. Petrus Damiani & S. Bernardus loquitur, *lucet, pascit, ungit; fouet ignem, nutrit carnem, lenis dolorem*: estque *lux, cibis, medicina*. Et scientia quidem fouens naturale lumen rationis mentem illuminat, expellens ignorantiae tenebras. Doctrina etiam pascit animum, dum satiat naturalem appetitum sciendi. Medetur etiam, ac proinde Samaritanus ille misericors vulnerato oleum cum vino infundit; ac lassitudini peregrinorum affusum pedibus subuenit: & similiter scientia ignorantiae morbo medetur. Quod autem illud Cantici ait, *Odor unguentorum tuorum super omnia aromata*, hoc planè significat, quòd docta sanctitas longè solis virtutibus excellit & præstat. Demùm Iulius doctum & probum hominem Ecclesiae & Religioni additū similem Numismati dixit; quam similitudinem tangit S. Isidorus, his verbis: *Sicut in numismate metallum, figura, & pondus inquiritur*: *ita in omni Doctore Ecclesiastico, quid sequatur, quid doceat, quomodo uiuat*. Et metallum quidem, siue aurum sit siue argentum, designat ingenium naturæque bonitatem aptam ad discendum, & ad virtutes morales: quæ natura erit aurea, si summum gradum bonitatis attingat, argentea verò si eo sit inferior. Pondus quod ad ima trahit est humilitas. Societas sanctitatis & doctrinæ per imaginem & literas indicatur, quæ in omni numismate cernuntur impressæ; vt Saluator in Numismate illis verbis obseruat: *Cuius est imago hæc* *super scriptio?* Tres autem officinæ in regionibus auriferis esse consueuerunt: prima purgatiua, in qua metalla auri & argenti, è fodinis aduecta separantur à terra, ab alijs metallis, & à scoria, in fornacibus fusorijs & caldarijs, per ignem, argentum viuum, & aquam fortem, ac venenatam (vt ita dicam) quæ magnam vim habet separandi pretiosum à vili. Quod Dauid innuens ait: *Argentum igne examinatum* &c. Sic purgatum ac probatum vltimo experimento tanquàm purum purum admittitur in secundam cellam monetariam seu cuforiam; in qua probatum aurum per frustra iusti ponderis cuditur in nummos super in eundem, typo monetali, quem malleus ferreus forti brachio incussus aureo ita frustulo imprimit, vt in eius altera parte imprimatur siue caput siue imago Principis, literarum inscriptione circumducta. Inde nummi excusi in tertiam cellam, quæ dicitur custodia vel ærarium, deferuntur, vt sint ad manum Regis in vsum quotidianum. Simile quid in Ordine Religioso fieri consuevit, in quo locus vbi tyrones educantur est purgatiua officina: inquam ex fodinis Ægypti cùm venerint, terrenis affectibus impliciti, mortificationibus, reprehensionibus, cohortationibus, sacramentorum & orationis vfu conteruntur, excoquantur, & perpurgantur.

Isa. 39. 2.

S. Isid. l. 3.

Sent. cap. 36. num. 5.

Matth. 22. 20.

Vide Is. & Coſta l. 4. hist. nat. ind. cap. 13.

tur. Deindē si fuerint inuenti bene purgati consignantur tribus substantialibus votis, & aliō transferuntur, vbi literis operam nauent, vt in eo excudantur in numismata, & demum sanctitate & doctrina imbuti, quæ sunt imago & superscriptio metaphoricæ, in eum locum mittantur, vbi in animas Deo lucrandas expendi possint. Item Iulius probum & doctum simillimum dicit vasi mellario; & eandem societatem virtutis & doctrinæ integro in fauo significatam agnoscit. Nam cera ex crassiore materia, melli excipiendo & conseruando destinata, & alendo lumini idonea doctrinam designat; quæ vilior quidem est probitate, sed in candelis discutit tenebras, & oculos nostros lumine accendit. Sed & mellis liquor acrius religiosam sanctitudinem repræsentat. Itemque apibus sapientiæ vigorem, amorem virtutis, fraternali charitatem, sedulitatem in laboribus, castitatem corporum, erga maiores obedientiam, obseruantiam disciplinæ, atque alias virtutes attribuunt prisce Patres, quæ in homine collocatæ illum faciunt perfectum & sanctum. Vt ergo mel cum cera fauum efficiunt, quem Christus auidē comedit, quique ex ore distillat; sic cera doctrinæ ac mel sanctitatis fauum componunt; qui ex ore Ecclesiæ distillans reficit eius filios: & intra viscera Sponsi Christi cum voluptate reconditum, in suum Christus alimentum conuertit, ad eō vt dum comēditur, beetur hic fauus. Quam similitudinem ita Gerson expresserat: *Bonum est mel cum fauo: sapor scilicet deuotionis, cum lumine eruditionis.*

Gers. c. 1. ep.
ad Bartol.
Cartus.

1. Cor. 13. 2.

S. Ambr. l. 1.
cor. 13.

Luc. 11. 32.

Cass. col. 14.
cap. 14.

328 Idipsum docet Paulus Apostolus ad Corinthios scribens; quod Ambrosius suo commentario sic declarat: *Nihil mihi prodest scientia, si Charitas non sit. Et si habuero, inquit Apostolus, Prophetiam, & nouerim mysteria omnia & omnem scientiam, & si habuero omnem fidem, ita ut montes transferam, charitatem non habuero, nihil sum. Quem locum sic illustrat S. Ambrosius in rem nostram: Iudæ nihil profuit fuisse cum Apostolis, & didicisse mysteria, cum charitatis hostis tradidit Saluatorem. Additque nihil diabolo profuisse cognitionem diuinorum mysteriorum in Cælo; Quia charitatis immemor in superbiam profiliuit. Denique, inquit, Scribis & Phariseis nihil profuit scientia, dicente Saluatore: Vos habetis clauem scientiæ, & neque uos intratis, neque alios finitis introire. Per inuidiam enim Charitatem corrumpentes, scientiam eius ad nihilum deduxerunt. Probatque idem exemplis ex nouo Testamento. Nam & Tertullianus, inquit, & Nouatianus non parue scientiæ fuerunt: sed quia per Zelum, Charitatis fœdera perdidērunt, in schisma uersi ad perditionem sui hæreses creauerunt. Vis rationem? Nemo, inquit Cassianus, in uas fœtidum atque corruptum, unguentum aliquod no-*

Sanctitatis cū Doctrina Similitudines. 385

bile, aut mel optimum, aut pretiosi quicquam liquoris infundit. Facilius enim quamvis odoratissimum myrum semel horrendis imbuta fœtoribus testâ contaminat, quàm ut aliquid ex eo suauitatis aut gratiæ ipsa concipiat: quia muldò citius munda corrumpuntur, quàm corrupta mundantur. Ita igitur & nas pectoris nostri, nisi prius fuerit ab omni fœtidissima uitiorum conea-
gione purgatum, non merebitur suscipere illud benedictionis unguentum; per quod scientiam spiritualem intelligit. Et alibi in hominem scientem, sed impurum, illud Salomonis prouerbium vertit: Circulus aureus in naribus suis, mulier pulchra & fatua. Vel sicut alibi legitur: Sicut in auris aurea in naribus suis, ita mulieri malè morata species. Nam mulier formosa sed malè morata conspurcat vitij carnalibus pulchritudinem suam: quemadmodum sus, qui habet in naribus infixum aureum circulum, eum quantumvis pretiosum immergit in lutum & fœdat, atque confringit. Appositèque prouerbium docto & impuro homini accommodat: Quid enim prodest, quempiam ornamentum eloquiorum celestium, & illam pretiosissimam scripturarum speciem consequi, si eam lutulentis operibus, uel sensibus inherendo, quasi immundissimam terram subigendo confringat, aut cœnosis libidinum suarum polluat uolubris? Idenque S. Hieronymus expressit, his verbis: Qui ornamentum diuinorum eloquiorum meditando consequitur, sed hoc malè uiuendo insequitur, circulum aureum habet in naribus: sed more suis, terram subigere non desistit: quia quod odore iustitiæ percepit, immunda actione sordidauit. Ideoque talis anima, mulier pulchra & fatua esse censetur: quia carnalibus dedina illecebris, pulchra est propter scientiam, sed per actionem fatua. Et similitudinibus hætenus explicatis, duas Iulius Nigrorius addit. Prior est, scientiam sanctitati collatam videri tanquam lunam cum sole compositam: & à sanctitate desertam æquari lunæ in Eclypsi constitutæ. Luna enim vel ex toto, vel ex parte, luce lucet aliena, hoc est solis: proindè, cùm interiectu terræ solis lumen impediente natam vmbra subit, splendore illo, quo effulgebat, expoliata deficit adeò, ut noxia potius quàm utilis terris ac pelago censeatur. Ac nemo prudenter negauerit solem spiritualem animæ nostræ sanctitatem diuinitus infusam esse, si cum scientia conferatur: scientiam uerò lunæ simillimam. Hæc cùm in terræ vmbra incurrit, hoc est, in tenebras improbitatis, quas gignit rerum terrenarum cupiditas, eripiens illi radios melioris lucis, obscuratur; & in quadam defec-tione constituta parùm sibi & alijs efficitur utilis. Altera similitudo desumitur ex imitatione S. Iacobi Apostoli, qui scripsit præclarum illud effatum: Sicut enim Corpus sine spiritu mortuum est, ita & fides si-

Cass. coll. 14.
cap. 16. pron.
11. 22.

S. Hier. in c.
11. prou.

Nigr. tr. 18.
num. 6.

Iac. 1. 26.

ne operibus mortua est, quæ gignit Charitas diuina, tanquam anima fidei tribuens illi vitam. Pariter dici potest, sanctitatem spiritum & animam esse scientiæ, quæ ab illa seiuncta fit corpus inanime, & vt boni scriptores Latini aiunt, *inane*, quod anima & vita exinanitum sit, ac veluti cadauer euaserit, quod ad nihilum valet, nisi vt in sepulchrum proijciatur. Quod si sanctitatis anima in scientiæ cadauerosæ societatem veniat, plurimum valebit possidenti ad æternam salutem: quemadmodum fides per charitatem reuiuiscens vtilior fit, quàm mortua per Charitatis absentiam. Nec absimilis est similitudo, quam Dionysius Cartusianus excogitauit. Sicut materia, inquit, *absque forma est vilis, & indecora, mortiformis, & squalida; ita scientia sine virtutibus iudicatur informis, idest, deornata & vilis: imò sic inflat, ac damnationem meretur, vtique grauiorem.* Demum S. Gregorius Nyssenus exprimit hanc necessariam & laudabilem conjunctionem ex dicto Pauli scribentis ad Corinthios priorem epistolam: in qua negat oculum manui iurè dicere posse, *Opera tua non indigeo; & comparans oculum scientiæ, seu cognitioni veritatis, & manum bonorum operum effectiõni, quæ est à proba vita, sic ait: Quibus verbis docere vult, debere corpus Ecclesia ab utroque rectè comparatum esse: tam perspicienti veritatem, quàm agendi vi inter se quasi temperata. Quippe quod neque contemplatio per se animam perficiat, nisi adsint & opera vitam egregiam absoluentia: neque Philosophia occupata in agendo satis sit utilis, nisi vera pietas eorum, quæ sunt, dux sit.* Philo Carpathiorum Episcopus, explanans ea verba Canticorum, *Soror nostra parua est &c.* hæc subdidit in rem nostram: *Duo homini sunt necessaria, cognitio scilicet, & recta actio: illudque præcedat, hoc natura sequatur. Neque per se sola cognitio satis esse potest; neque rerum gerendarum actio perfecta est om-*

Dion. Cart. l.
de doctr.
schol. art. 3.

1. Cor. 12. 21
S. Greg. ho.
13. in Com.

Theoph. Al.
cap. 1. Pasch.

Typogra-
phus hic er-
ravit. Nam
sequi debet
quod est in
sol. 387. Et
quod est in
sol. 390. lin.
8. Propterea
&c. imprimi
debebat in
sol. 387. post
lin. 10.

S. Hier. ep.
128. ad Fab.

nino: sed altera alterius eget, opemque requirit. Sunt enim natura copulata atque coniuncta. Et Theophilus Alexandrinus; Si verbum nomi-
ni coniungamus, inquit, perfectus sensus efficitur: verbumque si so-
lum fuerit, aut nomen sine verbo, nihil est omnino.* (Vide lector quod
sol. seq. 387. numero 329. est impressum.) Tum S. Hieronymus co-
piosè disserens de habitu Aaron, in epistola ad Fabiolam, ait:
Tanta debet esse scientia & eruditio Pontificis Dei, vt & gressus e-
ius, & morus, & vniuersa vocalia sint. Veritatem mente conci-
piat, & toto eam habitu resonet, & ornatus: vt quicquid agit, quicquid
loquitur, sit doctrina populorum. Absque timinnabulis enim, & diuersis
coloribus, & gemmis floribusque virtutum, nec sancta ingredi potest, nec
nomen Antistitis possidere. Vide S. Gregorium par. 2. cura pastor. cap. 4.

Lib. 9. Disq. 83.

& lib.

Sanctitatis cū Doctrina Similitudines. 387

Ex lib. 1. Registri ep. 24. Sed & B. Petrus Damiani ep. 144. Prædicatori duo inquit esse permaximè necessaria, videlicet vt sententijs doctrinæ spiritualis exuberet, & religiosæ vitæ splendore corusceret. Et extendens suum dictum, ad Sacerdotem, quem Cælum quoddam esse dicit, & similem Angelo, qui Saluatoris Natiuitatem nuntiavit, hæc habet: Quia ergo Sacerdotes Ecclesia sunt Cæli, qui enarrant gloriam Dei, necesse est, vt Sacerdos, qui Prædicatoris officio fungitur, & doctrina spiritualis imbribus pluat, & religiosæ vitæ radijs splendeat: instar illius Angeli, qui natum Dominum pastoribus nuntians, & splendore claritatis emicuit, & quod euangelizare venerat, uerbis expressit.

329 Quàm verò qui literis eruditus est, & virtutibus caret, parum proficit Ecclesiæ, constat ex eo, quòd si quid vtilitatis erudita videlicet lingua struit, illud idem vita non proba destruit; & quod vna manu ædificat, altera euertit, iuxta illud: *Vnus edificans, & unus destruens, quid prodest illis, nisi labor?* Proindè Niceta fingeat sibi animo vitam & doctrinam geminarum manuum instar esse: & eum qui benè doceret, & malè viueret, altera manu discipulos trahere, altera repellere. Cui omnium ferè Patrum doctrina consonat. Auctor libri de XII. Abusionibus inter opera S. Augustini: *Primus abusionis gradus est, si sine operibus sapiens & prædicator fuerit; qui quod sermone docet, actibus complere negligit. Auditores doctrinæ dicta facere contemnunt, cum predicationis opera à predicationis uerbis discrepare conspiciunt. Nunquam enim sit efficax prædicantis auctoritas, nisi eam effectui operis cordi affixerit audientis. Præsertim cum & ipse doctor, si in uictorum amorem delapsus fuerit, alterius doctoris medicamentum suis uulnibus adhibere parumpendit.* Cassiodorus: *Non potest habere auctoritatem sermo, qui non inuatur exemplo: dum iniquum sit, bona præcipere, & talia non fecisse.* S. Isidorus Hispalensis: *Auctoritate magisterij caret, qui quod docet non facit.* S. Hilarius: *Doctus sine doctrina sit auctoritate, nisi innocens sit.* S. Petrus Chrysologus: *Magisterij auctoritas constat ex uita: docenda faciens obedientem perficit auditorem.* Lactantius: *Qui docent tantum & non faciunt, ipsi præceptis suis detrahunt pondus. Quis enim obtemperat, cum ipsi præceptores doceant non obtemperare.* Idemque ferè dicebat S. Chrysostomus: *Si quando uideris uerbis dumtaxat philosophantem (doctorem discipulus) dicat eum impossibilia præcipere. Quod autem impossibilia præcipiat, eum hoc ostendere primum, quia ea non faciat.* Auctor vitæ S. Fulgentij in Prol. *sine causa nititur docere sapienter, nisi uixerit innocenter.* Auctor imperfecti commentarij in Matth. *Qui docet & non facit, non solum neminem corrigit, sed adhuc multos scandalizat. Quis enim non moneatur ad peccandum, cum uiderit ipsos do-*

Eccli. 34. 28.

*S. Aug. l. de
12. abus. gr. 1.*

*Cassiod. l. 11.
par. c. 8.*

*S. Isid. l. 3.
sent. cap. 36.*

*nu. 4.
S. Hil. l. 8.
de Trin.*

*S. Chrysol.
ser. 167.*

*Lact. l. 3. c.
16.*

*S. Chrys. ho.
12. in cap. 3.*

Philipp.

*Imperf. ho.
10.*

S. Hier. ep.
16. ad Prin-
cip.

Idem in c. 2.
ep. ad Tit.

S. Bern. ser. 2.
do resur.

Cass. coll. 11
cap. 4.

S. Isid. Pelus.
l. 3. ep. 39.

Ps. 49. 16.
S. Isid. Pelus.
l. 1. ep. 46.

S. Isid. Hisp.
l. 3. cant. cap.
37. num. 1.

S. Basil. l. de
leg. lib. Ethn.
S. Hier. ep. 2.
ad Nepos.
S. Aug. in Ps.
46.

S. Greg. l. 23.
moral. cap. 1
al. 4.
Idem l. 31. c.
11. al. 19.

S. Isid. lib. 3.
ep. 232.

ctores pietatis peccantes? S. Hieronymus: *Erubescit quannis praelara doctrina, quam propria reprehendit conscientia. Frustraque eius lingua predicat paupertatem, & docet elemosynas, qui Cræsi diuitijs tumet, nūlique operus pallio pugnat contra tineas uestium sericarum.* Idemque alibi: *Nihil prodest, inquit, aliquem exercitatum esse in dicendo, & ad loquendum triuissē linguam, nisi plus exemplo docuerit, quā verbo.* Denique qui impudicus est, quannis disertus sit, si ad Castitatem audientes cohortetur, sermo eius infirmus est, & auctoritatem non habet cohortandi. Et ē contrario quannis sit rusticanus & tardus ad loquendum, si castus fuerit, exemplo suo homines potest ad vitæ similitudinem impellere. S. Bernardus: Cuius vita despicitur restat ut eius predicatio contemnatur, Cherephon apud Cassianum recusans præcepta tradere inuiscentibus, quod se imperfectum esse ex humilitate diceret, & propter ætatem centum annos excedentem, non valeret exemplo ædificare audientes, claudit excusationem his verbis: *Nunquam erit efficax instituentis auctoritas, nisi eam effectus operis sui cordi affixerit audienti.* S. Isidorus Pelusiota sceleribus contaminatos existimat minimē os ad docendum aperire debere: tū quia illis fides minimē habetur: tū quia ijs silentium indicitur à Propheta, per illa verba: *Quare tu enarras iustitias meas, & assumis testamentum per os tuum?* Et alio in loco præclaram rationem hanc affert: quod facta non egent verbis ut videantur; quia suapte natura in lucem prodeunt, & apparent: at verba egent factis ut eis credatur. Vide lib. 3. epistolam 202. & 232. Consonat & S. Isidorus Hispalensis Episcopus: *Interdum doctoris vitio, etiam ipsa vera doctrina vilescit: quia dum non vivit sicut docet, ipsam quam predicat veritatem contempnibilem facit.* Ideoque verē Patres communiter elamant. *Ut sermoni consonet vita,* ex S. Basilio. *Ut Sacerdotum Christios, mens, manusque concordent,* ex S. Hieronymo. *Ut concordent manus & lingua,* ex S. Augustino. *Ut ne à vita lingua discordet ne pacem, quam in Ecclesia annuntiat, in se ipso dum bene dicit, & male vivit, amittat,* ex S. Gregorio; qui alio in loco moraliter applicat Prædicatoribus huiusmodi & fortitudinē equi; *In Predicatore, inquit, nisi vita & sermo conveniant, nequaquam virtus perfectionis apparebit.* Non enim multum prodest si sublimis vitæ operatione suffultus sit, si tamen loquendo non valet ad hoc alios excitare, quod sentit. Vel quid prodest bene loquendo alios accendere, si semetipsum indicat male vivendo torpuisse? Idem, vel ab Ethnicis discēs: nimirum à M. Tullio in secundo libro officiorum: & à Quintiliano lib. 12. cap. 1. Notatque S. Isidorus Pelusiota, quod apud Lacedæmones, qui actiones sermonum umbras esse definiunt, ei qui tarpiter vixisset, ne probam quidem sententiam pronuntiare

Sanctitatis cū Doctrina Similitudines. 389

licebat. Morisque huius meminerunt Philo Iudæus, & Plutarchus non vno in loco. Id ipsum sentit & Aristoteles lib. 20. Ethic. cap. 1. & L. Seneca ep. 75. vbi ait; *Hæc sit propositi nostri summa: quod sentimus loquamur: quod loquimur sentiamus.* Concordet sermo cum vita. Ille promissum suum impleuit, qui & cū videas illum, & cū audias, idem est. Videbimus, qualis sit, quatenus unus sit. Igitur viri docti dum docent sint Cygni spirituales, Cygni naturalis imitatores, qui (si Eliæ Cretenſis fides habenda) *Non ore canit lusciniarum more, sed modulatione motuque alarum, peruentorum afflatum extensarum.* Vel vt S. Gregorius Nazianzenus obseruat, *Pennis in auram expansis modulatum sibilum edit.* Hoc est, alas cum gutture iungit vt dulce canat, homines docens, vt brachia manusque locutioni, sermonibus opera, & verbis facta coniungant. Ob id ex infima ora vestis Aaronicæ tintinnabula & mala punica alternatim disposita & mista pendebant Exo. 28. 33. 34. Vnde Iacobus à Vitriaco Cardinalis laudans Hugonem de S. Victore vtroque illo ornamento diuitem, ait: Qui malogranata cum tintinnabulis coniungens, exemplo sanctæ conuersationis, multos ad honestatem incitauit, & melliflua doctrina ad scientiam erudiuit. Et aptè malogranato sanctitas, aureo verò tintinnabulo scientia exprimitur. Nam malum illud cortice opertum aspero, decolore, amaro, sed intus magnam quidem & pulchritudinem & dulcedinem habet. Plenum est enim granulis multis artificio mirabili dispositis inter se, colore purpureo tinctis, gustui dulcibus, iucundis aspectui; quorum succus & sanis & ægris est suauis ac salutaris. Cui similis vir probus ac sanctus. Extra contemptibilis est, propter humilitatem ac sui despicientiam in habitu, incessu, moribus: bona quæ possidet, siue generis, siue ingenij, siue spiritualium donorum minimè ostentans. At intus thesaurum recondit ingentem omnium virtutum, quæ sunt imbutæ purpura Charitatis. In aureis verò tintinnabulis, doctrina per sermonem communicanda cum proximis siue priuatim siue publicè, in concionibus, scholis, circulis, aut libris editis, intelligitur. Quam similitudinem ita S. Gregorius Nyſſenus illustrat: *Duo hæc sunt studia, quibus virtus tota constat, recta in Deum fides (quod ipse de fide dicit, nos debemus ad vniuersam doctrinam sacram & Theologicam trahere, cuius fons & origo est fides) & probata in hac vita conscientia. Hæc mala punica & tintinnabula indumento Timothei Paulus ille innexuit, cūm dicat oportere, ut habeat fidem & probam conscientiam. Fides igitur Sacerdotis veluti tintinnabulum clarè atque sonorè in S. Trinitatis predicatione exclamaret. Vita uerò naturam puniceorum imitetur, quorum circumfusa exterius*

Elias Cr. or.
Nax. 34. nu.
51.

Iac. Vit.
Card. hist.
Occid. c. 24.

S. Greg. Nyſſ.
l. de vitæ do.
fis.

quasi testa, incomedibilis duraque est: quod autem intus reconditum est, & visu ex uarietate coloris atque collocationis ordine incundum est, & gustu incundius, non parua dulcedine sensum afficiens. Philosophica quoque uiuendi ratio (hic more Græcorum Patrum, philosophicam vocat, vitam perfectiorem) dum exterius atque aspera sensui est, intus sapius optimarum pulcherrimarumque rerū plena tempore suo, cum matura fuerit, cumque agricola noster poma punica huius vite aperiet; dulcissimam suorum fructuum præstabit fragrantiam. Propterea, cōmentarius S. Ambrosij nomine, à quo S. Anselmus rem descripsisse potuit, monuit sic esse scientiam temperandam caritate, ut vinum aqua miscetur ne noceat. Temperatur, inquit, à dilectione ut non satis mera sit, & inebriet scientem, ut se extollat. Sicut enim uinum non temperatum admistione aquæ, mentem alienat, ita & scientia superbum facit, nisi fuerit temperata. Omnia enim sola insuauia sunt & nocua; quia nec panis solus bene editur, nec reliqui cibi sine admistione grati sunt; sed nocui. Religiosus ergo scientia imbutus minimè temperata virtutibus fit ebrius, furiosus, amens, & aptus ad euertendum Ordinem & Ecclesiam, nisi esset super petram fundata. Et seculis omnibus experientia docuit, quàm perniciosi fuerint, & quàm graues turbas in Ecclesia homines eruditi ac scientes, contaminati vitijs, & inflammati perturbationibus, excitarent. Beneque Vincentius Lerinenensis obseruat, doctissimos viros, tum primum in errores Ecclesiæ perniciosos ac turpes esse prælapsos, cum per aliquem immoderatum affectum de sanctitudinis semita deflexerunt. Quod accidisse ait cum magna Ecclesiæ tentatione inter Græcos Origeni, & inter Latinos Tertulliano: de quo & de Nouatiano S. Ambrosius idem tradidit.

330 Porro doctor malè moratus ex S. Isidoro, est similis cereo, qui bonam alijs præstat lucem, & se se incendio suo consumit: arcui peruerso, qui iaculans sagittam, sagittarium ferit: ari aut cymbalo tinnienti, quod alijs dat sonum, & remanet sine sono: Balaam ariolo, Qui corrucens opere, apertos habuit oculos ad contuendam lucem doctrinæ. Demum ait, bonum malo coniungere; lucem tenebris commiscere; ueritatem mendacio mutare. Facit huc S. Iacobi testimonium, quod à nobis expendi debet: Scienti igitur bonum facere, & non facienti peccatum est illi. Vbi aduertas non esse dictum ab Iacobo, Peccat, sed peccatum est illi, ad emphasim: quasi dicatur, huic pro maximo scelere imputandum esse, & maximum supplicium ab eo repetendum, qui non facit, quod scit esse faciendum, ut cum alijs obseruat Lorinus. Quod ita Dionysius Cartusianus expressit: *Ei qui scit ad quæ obligatur, quid facere, quid uitare iam debeat, nec tamen iuxta suam po-*

S. Ambrosius &
Anselm. in 5.
Cōr. 8.

Vine. Ler. l.
adu. hærese.
23. & 24.

S. Isid. l. 3.
sent. cap. 37.
num. 5.

Iac. 4. 17.

Dion. C. in 4.
7. Iac.

Sanctitatis cū Doctrina Similitudines. 391

ritiam laudabiliter conuersatur, sua scientia & maioris culpa ac pena occasio, & culpabilior atque damnabilior. Relatoque Christi pronuntiato subiungit: Hinc specialiter literati obligantur esse coram Altissimo iusti & recti, & coram hominibus exemplares. Idipsum S. Gregorius Papa indicauit his verbis: Nulla est scientia, si utilitatem pietatis non habet: quia dum bona cognita exequi negligit, se se ad Iudicem arctius stringit. Thomas Campensis: Quāto plus & melius scis, tantō grauius inde iudicaberis, nisi sanctius vixeris. Noli igitur extolli de vlla arte, vel scientia, sed potius time de data tibi notitia. Et S. Isidorus Hispalensis: Ad maioris culpe cumulum pertinet scire quenquam quid sequi debeat, & se qui nolle quod sciat. Quod & Christi testimonio probat: Ille autem seruus, qui cognouit voluntatem Domini sui, & non praparaui, & non fecit secundum voluntatem eius, uapulabit multis. Ex quo testimonio mellifluus Bernardus hoc infert: An non responsum moris & damnationis toriens in semetipso habebit (bonum sciens, & non faciens) quoties in mentem venerit sermo, quem dixit Deus, quia seruus sciens voluntatem &c. Tum S. Iacobi verbis productis, ait: Ac si per similitudinem dicat: Sumentis cibum & non digerenti, perniciosum est ei. Quam similitudinem sic explanat: Cibus indigestus, & qui bonam non habet decoctionem, malos generat humores, & corrumpit corpus, & non nutrit. Ita & multa scientia ingesta stomacho animæ, qui est memoria, si decocta igne Charitatis non fuerit, & si per quosdam artus animæ, mores scilicet, atque actus, transfusa atque digesta, quatenus ipsa de bonis quæ nouerit, uita atrestante & moribus, bona efficiatur; nonne illa scientia reputabitur in peccatum, tanquam cibus conuersus in prauos noxiosque humores? An non malus humor peccatum? An non mali humores, prauī mores? An non inflationes & tortiones in conscientia sustinebit, qui huiusmodi est, sciens uidelicet bonum, & non faciens?

331. Quā verō doctus & improbus despiciatur ab hominibus habeatur, docet S. Gregorius de Prædicatoribus arrogantibus loquens. In Prædicationis facundia, inquit, benedictionem quidem gratia diuina percipiunt: sed in elatis suis moribus esse eam contempnibilem ostendunt. Ipsa quoque, quæ acceperunt bona eò despiciabilia faciunt, quò nequam eis bene uiri nouerunt. Idipsum M. Tullius in Tusculanis questionibus ait: Ut si grammaticum se professus quispiam barbarè loquatur: aut si absurdè canat is, qui se velit haberi Musicum, hoc turpius est, quòd in eo ipso peccat, cuius profectur scientiam: sic Philosophus in ratione uita peccans, hoc turpius est, quòd in officio, cuius Magister esse uult, labitur: artemque uita professus delinquit in uita. Talis profectò Monachus fuit, de quo Petrus Damiani sic habet: Hodieque certè in Romana Vr-

S. Greg. l. 1. moral. c. 15. al. 32.

Th. à Kemp. l. 1. de imit. Chr. c. 2. S. Isid. l. 2. sent. c. 1. nu. 10. Luc. 12. 47.

S. Bern. ser. 36. in Cant.

S. Greg. l. 23. moral. cap. 2. al. 5.

Cic. Tusc. 2.

B. Pet. Dam. ep. 105. ad Arip.

be frater aduinit, ortus de summis Proceribus Galliarum, cuius nomen ta-
cco, quia fratris ignominiam parhorresco. Cui nescio an aliquid utilitatis
desit. Tot siquidem exteriorum bonorum floribus enitescit: nobilis ut Im-
perator: pulcher aspectu: quodammodo sicut Tullius loquitur: ut Virgilius
poëtatur: tuba vehemens in Ecclesia: perspicax & acutus est in lege diui-
na: scholasticè disputans, quasi descripta libri verba percurrit: vulgari-
ter loquens Romanæ urbanitatis regulam non offendit. Quid de Monachi-
co prosequar Ordine? Quid de regularis magisterio discipline? In quorum
videlicet notitia ita conualuit, ut hæc docere nauiter possit. Sed eius, prob
dolor: talis est vita, ut cum alteri nullus inuideat: ad se introducere nemo
deposcat. Et, ut rem non diutius protraham, stulto sapienti monasteria-
lis ad habitandum ianua clauditur; cuius passim rusticis, & imperitiis, ac
discolis, aditus non negatur. Hæc Damianus, qui de huiusmodi Reli-
giosis ita concludit: In sapientie suæ vanitate confisi, dum sperant faci-
le cuncta suppetere, arbitrantur utique se religionis testimonio non egere.
Et dum inanem sapientiam iactant, insipienter viuere non formidant;
quamobrem à se conspicientibus eorum actus exploditur: vita conspuitur:
conuersatio deridetur: fama polluitur: testimonium condemnatur. Idco qui
proposuerant ad votum viuere, in contrarium versa sententia, saepe com-
pelluntur egere.

332 Itaque præsertim iuniores attendant, ne propter studium
literarum, deuotionis affectum minuant, & spiritus feruorem ex-
tinguant. Nam scientia, inquit S. Thomas, & quicquid aliud ad ma-
gnitudinem pertinet, occasio est, quod homo consideret de se ipso, & idco non
totaliter se Deo tradat. Et inde est, quod huiusmodi quandoque occasiona-
liter deuotionem impediunt. Idcoque ipse, ut SURIUS narrat, imitatione
S. Dominici, collationes Patrum lectitabat; Ne, ex rerum subtilium
speculatione, affectus eius nonnihil intepestret. Cuius teporis causa solet
esse seria & assidua illa applicatio ad excolendum intellectum omni-
bus disciplinis: quam excitant, vrgent, & augent, maiorum iussio,
qui requirunt à discipulis diligentiam, sedulitatem, & progressum
in doctrinis: naturalis propensio, cupiditasque sciendi, tum æmu-
latio, quæ solet inter pares accendi. Adde etiam dæmonis fraudu-
lentum impulsus; qui per speciem maioris boni, quem propensum
videt ad discendum, instigat aded, ut ita studio se dedat, & ab illo
quodammodo absorbeat; quod de dæmone S. Leo basilicè notat.
Causa item teporis est interdum cupiditas excellentiæ, amorque
victoriæ in disputationibus aliisque exercitationibus, quæ frequen-
tius adhibentur. In ardore enim altercandi, nonnunquam dispu-
tantibus parum cautis verba ex ore excidere solent, quæ charitatem

S. Tb. 2. 2. q.
82. art. 3. ad
3.

Laur. Sur. in
Vita S. Tb.

S. Leo ser. 7.
de Nativ.

fraternam lædunt, & vulnerant auditorum aures ac animos. *Om-
nium malorum fomes*, inquit Smaragdus, *est contentio, periculum ani-
marum, & subversio est auditorum*. Et post: *Per contentiones inutiles su-
scitantur ira, generantur inter fratres discordiæ, nutriuntur animositates,
procedunt lites, efficiuntur dissensiones, emergunt emulaciones, suscitantur
scandala*; & ut breviter dicam, nascuntur inter fratres omnia mala. Te-
poris item est causa malignitas quædam profanæ literaturæ, libris
Ethnicorum inhærens, & in quibusdam Christianorum libris, cala-
mo (ut ita dicam) & atramento Gentilium exaratis. Quocirca S.
Gregorius, Ioanne Diacono auctore, *Omnes omnino Pontifices à lectio-
ne librorum Gentilium inhibebat*. Qua de re visio S. Odoni oblata re-
fertur. Nam Virgilius cum voluisset legere carmina, ostensum ei fuit per
visum vas quoddam, de foris quidem pulcherrimum, intus verò plenum
serpentibus: à quibus se subito circumvallari conspiciat, nec tamen morderi:
& enigilans, serpentes doctrinam poetarum; vas in quo latitabant, librum
Virgilij, intellexit. Quin nonnullos scimus igni purgatorio addictos,
ut S. Antoninus tradit, pro curioso studio Gentilium: quorum libri dam-
num hoc pariunt, quod nauseam excitant, & contemptum creant in
lectoribus aduersus sacram Scripturam, teste Laëtantio. Carmen
autem, inquit, compositum, & oratio cum suauitate decipiens, capit men-
tes; & quod voluerit impellit. Inde homines literati, cum ad Dei religionem
accesserint, ab aliquo imperio doctore fundati minus credunt. Assueti enim
dulcibus & politis, siue orationibus, siue carminibus, diuinarum literarum
simplicem communemque sermonem, pro sordido aspernantur. Id enim qua-
runt quod sensum demulceat. Qualem in morbum cum olim D. Hie-
ronymus incidisset, hæc ait: *Post nocturnum crebras vigilias, post lacry-
mas, quas mihi præteritorum recordatio peccatorum ex imis visceribus erue-
bat, Plautus sumebatur in manus*. Si quando in memetipsum reuersus,
Prophetas legere cepissem, sermo horrebat incultus. Et quia lumen cæcis
oculis non videbam, non oculorum putabam culpam esse, sed solis. Simi-
lem in modum S. Augustinus cum sacram Scripturam vidisset inces-
sum humilem, non inclinabat ceruicem ad eius gressus; & tumorem suum
confitetur, his verbis: *Non enim sicut modo loquor ita sensi cum atten-
di ad illam Scripturam: sed visa est mihi indigna, quam Tulliana digni-
tati compararem*. Tumor enim meus refugiebat modum eius, & acies mea
non penetrabat eius interiora. Eodemque morbo cum laborasset B. Pe-
terus Damiani sic ait: *Olim mihi Tullius dulcescebat: blandiebantur car-
mina poetarum: Philosophi verbis aureis insplendebant: & sirenes usque
ad exitum duces meum intrauerant intellectum*. Lex, Prophetæ, Evan-
gelium, Epistola, & omnis gloria sententiarum Domini mei, & seruorum

Smar. in reg.
S. Ben. cap. 4.
inst. 66.

Io. Diac. l. 3.
vit. S. Greg.
c. 33.

Io. Ital. l. 1.
vitæ S. Odo-
nis Clun.

S. Ant. p. 1.
t. 5. c. 5. S. 2.
caus. 3.
Laët. l. 6. c.
22.

S. Hier. ep.
22. ad Eu-
stoch.

S. August. l. 3.
confess. nu. 5.

B. Pet. Dam.
ser. de Na-
tiu.

394 De vitandis libris profanis & Gentil.

Theod. l. 1. de
cura Græc.
off.

Ioan. Car-
path. contur.
1. §. 12.

Cassian. coll.
14. c. 12.

Nigr. or. 18.
nn. 36.

S. Bon. in vi-
ta S. Franc.
c. 11. & Luc.
Vad. 10. 3. o-
pusc. S. Fræc.
colloq. 15.

cius, aut parua videbantur, aut nulla. Quod Græcus Theodoretus ita deplorat: Nonnulli eorum, qui Poetarum, & Oratorum participes facti sunt, Platonisque ad eò elegantiam degustarunt, sacrarum literarum monumenta contemnunt, ut quæ calamistris eloquentiæ compta non sunt. Et hac profanæ lectionis recordatione tentator nos plerunque auocat ac perturbat orantes; ut Ioannes Carpathius in documentis spiritualibus inquit: Sciens inimicus orationem nobis esse propugnatricem, sibi insidiatricem, ab eaque nos absterreere volens, ad Græcarum disciplinarum, quas deseruimus, desiderium animos nostros exstimulat, & ad vacandum ijs adhortatur. Germanus apud Cassianum fusiùs has molestias ingemiscit. In qua (notitia literarum) ita, inquit, instantia padagogi, vel continuæ lectionis maceravit intentio, ut nunc mens mea poetis velut infecta carminibus, illas fabularum nugas, historiasque bellorum, quibus à paruulo primis studiorum imbuta est rudimentis, orationis etiam tempore meditetur, psallentique, vel pro peccatorum indulgentia supplicanti, aut impudens poematum memoria suggeratur, aut quasi bellantium heroum ante oculos imago versetur: taliumque me phantasmatum imaginatio semper illudens, ita mentem meam ad supernos intuitus aspirare non patitur, ut quotidianis fletibus non possit expelli. Persentit, ut Iulius Nigronius narrat; hanc spiritus extinctionem in se ipso Iacobus Aluarus de Paz Hispanus, ille triam magnorum Voluminum de vita spirituali scriptor accuratissimus, ab huiusmodi librorum lectione profectam. Nam discendæ Italicæ linguæ cupiditate, legendum sumpsit Torquati Tassi heroicum poema, de cuius elegantia multa inaudierat in Hispania. Verùm post aliquantam poematis lectionem; talem in oratione reprehensionem, atque ariditatem spiritus sensit, ut maluerit illo Italicæ linguæ comparandæ adiumento carere, quàm graue hoc damnum subire. Itaque & abiecit à se Torquatum, & sanctè Deo vouit, nullum profanum codicem in posterum se lecturum. Proinde S. Franciscus Assisias, ut tradit S. Bonauentura, quærentibus aliquando fratribus, utrum sibi placeret, quòd literati iam recepti ad Ordinem intruderent studio S. Scripturæ, respondit: Mihi quidem placet; dum tamen exemplo Christi, qui magis orasse legitur, quàm legisse, orationis studium non omittant; nec tantùm studeant ut sciant qualiter debeant loqui; sed ut audita faciant, & cum fecerint alijs faciendâ proponant. Volo Fratres meos discipulos Evangelicos esse, sicque in notitiâ ueritatis proficere, quòd in simplicitatis puritate concrecant, ut simplicitatem columbinam à prudentia serpentina non separent. Claudio hanc Disquisitionem grauissimis Iusti Lipsij verbis: Pulchra hæc laudatio: O uirum doctum; sed illa melior: O uirum sapientem; & ista optima: O

Lib. 9. Disq. 83. 2. C.

... uirum

De exercitijs statis horis perficiendis. 395

uirum bonum! Has sectemur, & per tot labores non scire tantum uelimus, sed sapere, & facere. Quam multi hodie in hoc nostro musico cœtu, qui & se dedecorant, & omne nomen literarum! Quidam quia flagitijs & sceleribus cooperti: plerique, quia uani, leues, & nullius serie curæ. Et addit: Ad sapientiam conuertere, quæ mores tibi corrigat, quæ animum turbidum sordidumque tranquillet & illustret.

Iust. Lyps. l. 2
de consil. c. 4.

DISQUISITIO QUINTA.

De quotidianis Exercitijs horis suis, in Receptu, bene distribuendis, & qua nam inde Solitario utilitas oriatur?

333 **S**TATIS HORIS, ETC. Ante omnia in recessu requiritur, horarum & temporis, suo cuilibet operi distributio; de qua Ludouicus Palma sic ait: Valde iuvat præcisè seruare

Pal. in Præxi. exerc. sub
dle 1.

distributionem temporis, exercitiaque certis temporibus applicando. Præfertim, parare se ad Meditationem, antequam quis illam aggrediat; Certum tempus materia præuidenda præfiniendo. Imò, Alphonsus Rodericus, ut aliàs aduertit, recessum suadet, ut quotidiana cuiusque temporis exercitia, & opera, ritè peragere instituiamur. Quamobrem, bene monet S. Ignatius, quòd tradens exercitia, si animaduertat ei qui recipit, nullas incidere spirituales animi commotiones, ut sunt consolationes, vel tristitiæ, neque diuersorum spirituum agitationes, Sedulo debet percontari, an ipsa exercitia præscriptis agat temporibus, & quibus modis. Idemque docuisse B. Laurentium Iustinianum obseruo, qui, Propterea cunctis consulendum est, inquit, ut taliter unumquodque disponant opus, quatenus quælibet hora propriam habeat actionem. Vitæque inordinatæ percussit incommodis, eos Religiosos commendat, qui suo tempore orant, suo tempore legunt, suo tempore manibus operantur, ac singula singulis peragunt horis; nec penes ipsos quicquam inordinatum prætermittitur. Et quoniam, cuncta statutis perficiunt temporibus, idèò proficiunt. Ergo, eos proficere affirmat, qui quotidiana exercitia ordinatè disponunt. Sic Abbas Ludouicus Blossius eandem exercitiorum distributionem suadet: In priuatis tuis exercitijs, uide ut sis ordinatus. Prescribe tibi, quid quaque hora agere, & in quo te occupare uelis. Clariùs S. Ephræm: Tempus quacunque in re ita tibi partire, ut uerferis ordinatè in cibo, & potu, in sermone, & oratione, atque lectione. Et S. Bernardus: Singulis horis, secundum communis Instituti

S. Ign. exerc.
sp. an. 6.

B. Laur. l. de
Disc. & per-
fect. Monast.
conuers. cap.
10.

Bloss. in Spec.
Mou.

S. Ephr. to. 2.
in Cant.

S. Ber. l. de
Vita solit.

Canonem, sua distribue exercitia; cui spiritualia, spiritalia; cui corporalia, corporalia: in quibus se exsoluat omne debitum, spiritus Deo, corpus spiritui; ut si quid fuerit intermissum, si quid neglectum, si quid imperfectum, suo modo, suo loco, suo tempore, non habeat impunitum, vel irrecompensatum.

334 Adde, statam exercitiorum vicissitudinem, suis temporibus attributam, fere vtilissimam, ad pellendum animi satietatem, ac tedium. Audi S. Basilium: Porro, ex his omnibus, quæ diximus, statis temporibus, nullum ab ijs prætermitti debes, quorum vitæ propositum est, ut quæ acturi sunt, omnia ad laudem Dei, & Christi eius referant. Atque vtilis etiam meo iudicio in Orationibus, & Psalmorum decantationibus, quæ certis temporibus fiunt, diversitas hæc, atque varietas, ob eam causam, quod in perpetua similitudine, & aqualitate rerum, animo, nescio quomodo, torpido quedam plerunque oboritur, atque tedium: eaque re aliud agens, ad fuitiles, & vagas cogitationes aberrat. In vicissitudine autem, varietateque, cum psalmodiæ, tum singularum horarum rationis, & studium ipsum renouatur, & attentio instauratur. S. Hieronymus docet hæc vicissitudine brevius quodammodo videri tempus: Si orationi, inquit, lectio, lectioni succedat oratio; breue videbitur tempus, quod tantis operum varietatibus occupatur. B. Laurentius author est, ex ea feruorem, ac sollicitudinem in nobis oriri: Quoniam, ait, cuncta statutis perficiunt temporibus, idcirco proficiunt, vitamque suam sine tedio deducunt, atque cum semper anhelosi sint, operando, desiderio ad anteriora procedere, sollicitè perficere satagunt, quæ tenent præ manibus. Aristoteles iucunditatem; Quæ fiunt, inquit, interposito temporis spatio, seu per intervalla, iucunda sunt. Et iterum; Commutatio, res est iucunda; nam commutari natura accommodatum est: quod enim semper idem est, in exuperantiam transit, & præsentem habitum corrumpit. Idemque probat Euripidis dicto, & numerorum concentu; qui nimirum mistione, & contrariorum aptè inter se se portionemque inuicem custodientium varietate, demulcent.

335 Inter hæc autem statuta exercitiorum tempora, ea præsertim, & in recessu, & in omni ferè vita, districtius à nobis sunt obseruanda, quæ silentio, ac diuinarum rerum contemplationi sunt attributa. Habeo hoc monitum, ex S. Gregorio; qui hoc Religiosis suadet, Prophetæ Samuelis exemplo. Nam explanans ea puellarum verba ad Saulem, qui quærebat Samuelem videre; Hic est: ecce ante te, festina nunc, hodie venit in Ciuitatem; hæc ait: Quasi dicant, inquit Gregorius, si id, pro quo in Ciuitatem venit, expleueris, videre in secreto suo repositum non potestis. Quod profecto verbum iam ad literam

S. Bas. Reg.
fus. disp. re.
sp. 37.

S. Hier. ep. 7.
ad Latani.

B. Laur. loc.
cit.

Ar. l. 1. Rhet.
c. 11. al. 38.
&c.

I. Reg. 9. 10.

S. Greg. l. 4.
cap. 4. in 1.
Reg. 9.

non ad verbum, sed exemplum Religiosorum est. Nam sanctus Vir tanta erat districtio, ut statuas dies & horas haberet, in quibus eum, qui cuperet, videre posuisset. Dicunt ergo, festina ac dicant: Si statutum tempus transferit, in horis sua quietis, verbis aut actionibus non intendit. Et subdit, ad Religiosorum instructionem: Statuende sunt nobis horæ ministerij, ut breuiter persistamus in opere, ac festinanter redire valeamus ad contemplationis arcem. Ipsa autem secreti silentij nostri more, tanta lege districtio, custodiende sunt, ut ipsi etiam qui accedere solent, sciant, quia contra propositum nostrum ad nos accessum non habeant.

336 Redeo ad exercitiorum ordinem, & temporum distributionem in recessu stabiliendam; & peto, à quo nam fieri debeat? Paulus de Barry è Societate Iesu inter monita generalia de hac recollectione sic ait: Serua distributionem temporis, arbitrio tuo confectam. Sed ego laudam, si ab Directore conficiatur. Audi è Præmonstrato Ordine Abbatem Ioannem Chrysostomum, in itinere trium dierum: In hac temporis distributione, nihil inconsulto, aut non permittente Directore, mutetur ab Exercitatore, qui quò sincerius & exactius, ad alienam Superioris aut Directoris sui voluntatem in hisce exercitijs accuratè perficiendis sese conformauerit; eò copiosorem Dei gratiam, & animæ suæ profectum experietur.

Synop. distributij temporis, fol. 198.

DISQUISITIO SESTA.

Quod tempori spatium, in recessu diuinarum rerum contemplationi sit impendendum.

337 **T**EMPVS DIVINÆ COMMENTATIONIS. Paulus V. Pont. Max. ijs veniam delictorum concedit; qui, dies decem, ab omnibus negotijs alieni, pias lectiones, ac meditationes habuerint, Saltem duabus horis per dies singulos. Religio S. Pauli Primi Eremitæ totidem, & ipsa præscripsit: Porro, duas horas, quolibet die, in sola meditatione consumes; quòd si est debilioris complexionis, ille possunt in partes diuidi. Fulienses in suo Directorio tres suadent, Primam mane, alteram ante meridiem, tertiam vespere, vel alijs temporibus, quæ qui exercetur una cum Directore magis ad id apta, & congrua iudicauerit. Sic à Dominico Flumara, in Directorio Clericorum Minorum, horæ meditationibus accommodatæ tres statuuntur: Prima matutino tempore; secunda, tempore vespertarum; tertia, paulò ante cœnam. Et Primo tempore, inquit, horam integram, sed alijs temporibus,

Rom. Pont. 23. Maij An. 1606. Rel. S. P. Conf. p. 1. c. 11. n. 5.

Sane. in Direct. exerc.

Flum. in Dir. instr. n. 8. fol. 50.

bus, vel horam, vel semihoram, pro singulis vicibus, meditationi impendat. Intermedium autem tempus ordinate dabit quieti corporis, diuinis Officijs, lectioni piorum librorum, alijsque Religiosis operibus. Et aliquot monitis interiectis, hæc subdit: Ordo verò Exercitiorum huiusmodi erit. Primo die immorabitur meditans in consideratione Preparationis. Ceteris autem diebus, duas Meditationes assumet, unam pro prima hora matutina, & alteram pro duabus sequentibus. Ne autem exercitator à vigore animi & corporis deficiat, poterit quandoque de consilio Instructoris quiescere, & mensuram horarum imminuere. Porro, Ludouicus Gratenensis, Prædicatorum lumen, qui recessum perpetuò coluit, Tres horas singulis diebus in studio orationis collocabat, nunc genuflexus, nunc in terram prostratus, nunc in formam Crucis brachijs extensis, nunc alio gestu, pro ut affectus, ipsaque orationis ratio postulabat. Sed Michael Mufcus in suo Regulari, de spiritualibus Exercitijs in recessu habendis, hæc ait: Puto admodum expediens, ut Oratio, trium, aut quatuor horarum spatio, producat. Quem Petrus Iardina, in formula Exercitiorum, secutus, iterum Tres aut quatuor, in Meditationibus, insumi horas instituit; monetque ut, post singulas, aliud Quadrans in Orationis discussione impendatur. Sed ex Ioanne Suffreno, Nonnulli quotidie Meditationes quatuor absoluunt, & unamquamque hora integræ: primam summo mane, postquam surrexerunt, alteram una ante prandium hora, tertiam à medio tertiæ ad medium quartæ; vltimam cæna præmittunt. Alij tres tantum horas impendunt, omissa illa, quæ à meridie est, quod tempus illud minus aptum meditationi uideatur, mente adhuc à refectione operis impedita. Congregatio Missionis in Gallia quatuor omnino præscribit; primam mane, statim ac solitarius expergiscitur; alteram post missam; tertiam post vespas, vltimam ante cœnam. Claudius Aquinatus in Societatis Directorio quinque, cum ait: Qui exercitia exactè facere uolunt, uiresque idoneas habeant, ijs quinque horæ meditandi quotidie præscribi solent; prima, circa mediam noctem, quod tempus propter quietem, ac profundum silentium, ualde aptum est meditationi; secunda sub auroram, tertia paulò ante prandium, quarta post meridiem, quinta sub uesperam, & [quod ex Iardina monuimus] post uniuscuiusque meditationem, quadrans etiam ad examen præcedentis Meditationis. Cum ijs tamen, qui debilioris sunt valetudinis, vel etiam exactum modum seruare non possunt; dispensari concedit horam mediæ noctis; ita tamen, ut quinque horæ maneant, aut etiam pauciores, si Instructor ita expedire iudicauerit. Totidem ergo nostris, aut plures suadeo. Imò S. Patris N. Caietani exemplum, omnibus, ob oculos pono, qui quotidie, ut Ioannes Rhò è Societate Iesu cum laude narrat, Horas ple-

Ibid. nu. 12.

Franc. Dia-
gus in vita.
Laud. Gr. c.
12.Mase. in Re-
gul. lib. 6. c.
24. nu. 4.Suffr. S. 6.
num. 1.Cl. in Direct.
cap. 3.Rhò in var.
vir. hist. lib.
3. c. n. 15.

runque octonas Diuinae Commentationi impendebat. Quadrans verò examini; S. Ignatius sic iussit impendi: *Vi, completo exercitio, sedens, uel deambulans, per quartam scilicet horæ partem, mecum difficiam, quoniam modo meditatio, seu contemplatio, mihi successerit: & si quidem malè, inquiram causas cum pœnititudine, ac emendationis proposito: sin. verò benè, gratias Deo agam, eundem postea modum obseruaturus. Hæc ille. Tamen, de Horarum numero, & tempore, Meditationibus impendendo, vis meam sententiam proferam? Cum Ioanne Suffreno loquar: Committo id tue, cuique Directoris prudentie, cum præcipuum finis huius recollectionis non sit caput tibi frangere, multitudine & prolixitate Meditationum, sed ut efficaciter in vite morumque emendationem incumbatur; quod fortasse melius à considerationibus, quam Meditationibus, obtinebitur. Verum, pro Secularium spatio, & directione, quid statuam?*

S. Ign. in ad-
dit. 5.

Suffr. S. 6.
num. 1.

S. Ign. ann.
19.

338 Planè homini, negotijs publicis, vel alijs conuenientibus districto, siue ingenio, siue literis præditus sit, Suppetente ipsi hora una, & dimidia, diebus singulis; exponendum primò erit, ex S. Ignatio, quem in finem homo creatus sit: deinde per horam dimidiam, examen particulare, deinceps generale, cum modo ritè confitendi, sumendique sancti Sacramenti, tradi ei possunt: præscribendo etiam, ut mane per triduum, spatio vnus horæ, meditationem agat de primo, secundo, & tertio peccato. [Videlicet, Angelorum, primorum Parentum, & mortali, ac particulari quolibet: quo vel semel commissio, fortè detrusi sunt multi ad Infernum.] Postea, per alios tres dies, eadem hora, de processu peccatorum [totius vitæ; consideratis videlicet locis habitationis nostræ, conuersationum modis, & officiorum, seu negotiorum, quibus functi sumus, generibus diuersis. Per alios totidem pœnis, quæ peccatis respondent.]

339 Qui verò apud Carmelitas, ex secularibus, exercentur postquam Matutinum nocte media cum alijs, vel iusta causa seorsum recitauerint, Per horam dimidiam, orationi vacabunt. Recedent mox ad quiescendum; ac deinde, hora integrâ in Oratorio cum Fratribus orabunt. Si non sint Sacerdotes, paulò post orationem, vna cum fratribus, vel seorsim Missæ intererunt: Si Sacerdotes sint, oratione peracta, per dimidiam horam, se ad Sacrum faciendum comparabunt; & si expedire videbitur, confitebuntur; Et hora circiter dimidia, sacrum in Oratorio facient. Sacro audito, vel facto, in cellas se recipient, & Sacerdotes per horæ quadrantem gratias agent. Reliquum tempus, quod vsque ad Chori signum procurrat, In oratione, ac Lectione pia ita insument, ut otium non possit obrepere. Ne verò nimia mentis intentio noceat, Orationem lectioni admiscere, ac dum se intus moueri sen-

Carmel. in-
str. ad exerc.
sp. c. 3. num.
2. 3. 4.

ibid. num. 5.

ibid. num. 6.

- Ibid. num. 7.* tiunt, interquiescere, posteaque Lectionem repetere poterunt, ut animus ea varietate recreetur. Signo Chori dato, ad maiorem Missam, ubi canetur, vel ad Horas Canonicas ante prandium recitari solitas conveniunt; quibus, *una cum examine conscientie*, absolutis, in cellas recedunt, ibi post modicum tempus pransuri. Expleto prandio, vel soli, vel cum assignato comite, per horam circiter mediam, manebunt, ac de spiritualibus rebus cum comite verba facient. His peractis, si velint, somno aliquantulum indulgere poterunt, donec signum Chori detur. Post hæc in Chorum ad Nonam, seu Vesperas, pro temporum discrimine, conveniunt; & à Nona expleta usque ad Vesperas, vel si Nona ante Prandium recitata fuerit, peractis Vesperis, *Beatissima Virginis Coronam recitabunt*. Et si Superiori videbitur, qui in Conventu Novitiatus exercebuntur, exhortationi Fratrum interesse poterunt, sed valde raro, & re bene pensata, personæque exercentis habita ratione fiat, idque monito prius Magistro Novitiorum. Reliquum tempus, quod usque ad vespertinam Orationem excurrit, *Orationi, ac Lectioni*, ut ante prandium est præscriptum, impendunt. Dato orationis signo, *per integram horam orabunt*; & Completorium, si tempus ex more id postulat, persolvent, in cellasque redibunt; aut si completorium tunc recitari non debeat, in cellas absoluta oratione secedent. Cœnam deinde, aut collationem sument, & si tempus id ferat, cum Comite aliquantulum agent; aut si tempus silentij nocturni accesserit, in cellas recedent, vel in Chorum ad Officium, quod tunc fortè recitabitur, conveniunt. Si ultimo Chori actui interfuerint, ibi, *sin-* verò, in cellis seorsim, *Examen conscientie facient; expectabuntque,* orationi vel piæ lectioni vacantes, *solum cubandi signum*, quod fratribus datur. Quæ tamen omnia, inquirunt, *iuxta Directoris prudentiam, eiusque qui exercetur dispositionem, committentur.*

DISQVISITIO SEPTIMA.

De pœnitentia exteriori, & corporis castigatione, ex Directoris arbitrio, ac iuxta cuiusque habitudinem, in exercitijs, adhibenda.

340 **C**ORPORIS AFFLICATIONES. Cum hæc non leuiter ad spiritus collectionem conducant, operæ pretium erit, ut in recessu versantes propriæ nedum voluntati ab-

Quomodo afflicendum si corpus. 401

roganda; sed domando etiam corpori, ac mortificandis omnino sensibus; assuescant. Itaque, ut S. Pauli primi Eremitæ Religiosis instruiatur, *Meditans habeat libros spirituales, & accingat se ad orationes vocales, iaculatorias, disciplinas, aliasque mortificationes, humilia- tiones, & prostrationes in terra*. Sed ut praxin, modumque, his in- rebus, ab alijs propositum, ostendamus; Carmelitæ Discalceati et- iam seculares homines sic instituunt: *Excepea infirmitatis, vel alia eiusmodi causa, diebus illis, quos exercitijs destinaverint, semper ieiuna- bunt*. Habebitur tamen ratio spiritualium exercitiorum; nam si ca- put debilitate laboret, poterit vespertina refectio, quoad quantita- tem, augeri aut si expedierit, ad confirmandas vires, ieiunium sol- ui. Tum illi addunt: *Ter saltem in hebdomada (iuxta communem ipsorum disciplinam) se verberabunt, per aliquod breue spatium. Cili- cio quotidie vel alternis diebus utantur*. Expensis tamen viribus, citius, breuius, aut longius, latiusque Cilicium permittetur. *Poterit etiam Carthula ferrea, qua Fratres uti consuecunt, eis Cilicij vice permitti, prout ei, a quo reguntur, videbitur expedire. Vilius sit parum, ut non mo- do frugalitas, sed abstinentia colatur: somnus item sit moderatus, ut plus temporis, paucis ijs exercitiorum diebus, diuinis rebus tribuatur*. Sunt alij quoque actus parum laboriosi, & ad excitandum affectum apposit, ut prostratio, genuflexio, extensio brachiorum in crucis modum, & alij apud eos vsitati; quorum certum aliquem numerum in dies singulos, ijs qui exercebuntur, iniungere, salubre consilium erit. Hæc, ut dixi pro exercendis secularibus; pro suis autem Religiosis, hæc sta- tuunt: *Extrema austeritates pœnitentieque cupientibus exerceri perneceffa- rie sunt*. Quapropter, toto Exercitiorum tempore, tamen si iuxta regulam tunc aliqui non tenerentur, eos tamen, exceptis Dominicis, consentaneum est ieiunare; diebus etiam, quibus ceteri in commune non verberantur, sibi disciplinam infligere; aliosque pœnitentie, & mortificationis actus implere; Fratres quoque frequentius, & nonnunquam quotidie communicare. Sed nihil horum nisi ductu Superioris, vel Directoris, cui à Superiore committitur, exequantur. Verùm, hæc omnia, ex S. Ignatij documento, ite- rum ac clariùs expendamus.

341 Planè exterior hæc corporis castigatio, tribus potissimum modis, assumi potest. Primò, circa victum, subtractis quibusdam non superfluis solum (quod temperantiæ est, non pœnitentiæ) sed etiam conuenientibus alimentis: & eò fit melius, quò plus subtra- hitur, vitata interim naturæ corruptione, aut debilitate graui, seu infirmitate. Secundò, circa somni, & strati modum, sublati non molli- bus tantum, aut deliciosis rebus; sed alijs etiam opportunis,

Rel. S. P. cõst.
p. 1. cap. 11.
nu. 3. fol. 19.

Carm. instr.
ad exerc. c.
4. nu. 2.

Ibid. num. 3.

Ibid. num. 4.

Ibid. num. 5.

Ibid. num. 6.

Ibid. num. 7.

Carm. instr.
cap. 7. nu. 13.

S. Ign. in-
add. 10.

quantum licet, citra viræ aut valetudinis graue periculum: quapropter, de somno necessario nihil demendum est, nisi aliquantisper, ad consuetudinem (si cui est nimij somni) moderandam. Tertio, circa ipsam carnem, vt inflictum sentiat dolorem, ad motis, gestatiscue cilicij, funibus, aut vectibus ferreis, vel incussis verberibus ac plagis, vel alijs austeritatis generibus assumptis: in quibus tamen omnibus, magis expedire videtur, vt doloris sensus in carne tantum sit, nec penetret ossa, cum infirmitatis periculo. Quare flagellis potissimum vtemur, ex funiculis minutis, quæ exteriores affligunt partes, non autem aded interiores, vt valetudinem aduersam causare possint. Notandum est tamen, quod pœnitentiæ exterioris triplex est vsus, seu effectus: nimirum, vt pro delictis præteritis non nihil satisfiat: vt vincat se ipsum homo, inferiorem sui partem, quæ sensualitas appellatur, superiori, hoc est rationi, magis subiiciens: vt postremo queramus, atque impetremus aliquod gratiæ diuinæ donum, quod optamus, puta intimam cordis contritionem de peccatis, & abundantiam lacrymarum, vel propter illa, vel propter pœnas & dolores Passionis Christi, aut dubij alicuius, quod nos angit, resolutionem. Deinde notandum, quod quando is, qui exercitatur, affectum quæsitum non consequitur, vt dolorem, vel consolationem; mutare subinde expedit rationem victus, somnique, & alia genera pœnitentiæ: ita vt pœnitentiam vnā per triduum sectemur, & proximo eam biduo relinquamus, vel etiam triduo, pro vt diuersis plus aut minus pœnitentiæ est sumendum. Præterea, cum pœnitentias huiusmodi sæpè omittamus, ob affectum carnis, aut erroneum iudicium, quasi naturalis nostra complexio ferre illas non possit, citra ingens valetudinis detrimentum; & è contrario, iustum nonnunquam modum pœnitentiæ excedamus, de corporis robore nimis confidentes; mutatis, vt dictum est, pœnitentiæ generibus, ac per vices sumptis, & relictis, euenit plerunque, vt clementissimus Dominus, qui naturam nostram perfectissime cognoscit, vnicuique id compertum reddat, quod ipsi expedit.

S. Ign. in fine
3. hebdom.

342 Sed quia hæc satisfactio, & pœnitentia, vt dicitur, in cibi ac potus præsertim abstinencia, & diminutione, consistit; ideo, ad victum rectè temperandum, hæc Regulæ (ex S. Ignatio) habentur. Prima est, quod à pane minus abstinendum sit, quàm à reliquis alimentis, cum neque gulam aded irriter, nec tentationi æquè obnoxios nos reddat. Secunda, quod circa potum attendenda sit magis abstinencia, quàm circa panem; cautè obseruando, quæ profit mensura potus, vt sumatur semper, quæ rursus noceat, vt tollatur. Ter-

De sequendo Directore in poenitētijis. 403

tia, quod circa pulmenta, & edulia potissimum abſtinentiæ ratio verſetur, cum per illa, tum appetitui ad peccandum, tum inimico ad tentandum, maior ſubminiſtretur occaſio. Temperanda ſunt igitur, vitandi exceſſus cauſa, quod ſit dupliciter, dum vel cibis groſſioribus veſcimur, atque aſueſcimus, vel dum parcè delicatis utimur. Quarta eſt, quod quantò plus de conueniente victu ſibi quis ademerit (vitato interim valetudinis aduerſæ graui periculo) tantò celerius menſuram cibi ac potus iuſtam reperiet: tum quia, hoc modo, melius ſe diſponens, & obnixius tendens ad perfectionem, ſentiet interdum quosdam cognitionis internæ radios, & conſolatorios motus, ſibi cœlitus immiſſos, ex quibus facilè poterit rationem victus commodiorem diſcernere: tum quoniam, ſi quis, ita abſtinendo, ſe deprehenderit viribus imbecilliores eſſe, quàm vt exercitia ipſa ſpiritualia peragere commodè valeat, ſic facilè aduertet, quam menſuram victus naturæ neceſſitas requirat. Quinta, quod expedit inter comedendum imaginari, quaſi videamus Ieſum Chriſtum Dominum noſtrum veſcentem cum ſuis Diſcipulis, obſeruando, quem teneat edendi, bibendi, reſpiciendi, & loquendi modum, cumque ad imitandum nobis proponendo. Viſu veniet enim, vt occupato magis intellectu, circa meditationem talem, quàm circa corporalem cibum, diſcamus facilius victum moderari. Sexta, quod gratia varietatis, aliæ adhiberi poſſunt meditationes, inter veſcendum, vt ſunt, de Sanctorum vita, de pia quapiam doctrina, vel de aliquo ſpirituali negotio agendo, vnde, ſic abſtracta mente, cibus ipſe, & veſcendi delectatio, parum ſentietur. Septima, quod cauendum ſit præcipuè, ne ſuper ſumendos cibos animus quodammodo totus effundatur, & ne auidè veſcamur, aut feſtinè: ſed appetitui ſemper dominantes, tum menſuram victus, tum ſumendi modum vnà temperemus. Octaua eſt, quod plurimum conducit, ad tollendam cibi potuſque immoderantiam, ſi ante prandium, aut cœnam, & quacunque hora nulla eſuries ſentitur, præuia deliberatione, victum proximè ſumendum deſiniamus ad menſuram certam, quam, deinde nulla vel propria auiditate, vel inſtigatione inimici, vnquam excedamus: ſed potiùs vincendæ vtriuſque cauſa, de illa non nihil etiam ſubducamus. Demum, vt Carmelitarum verbis hanc inſtructionem concludam; *Quia (omnia, quæ haſtenùs recenſuimus) ijs, qui mortificationem Chriſti nondum didicerunt, difficilia videntur, ita temperanda ſunt, vt à melioribus bonis, hoc eſt, animi correptione, ſuauisque progreſſus propoſito, teneros milites non deterreant: propterea quiſque, qui exercitijs præerit, ea pro perſonarum, circumſtantiarumque ratione, lenire debet.*

Carm. Diſc. inſtr. ad ex. ſpir. cap. 4. n. 8. fol. 53.

DISQVISITIO OCTAVA.

Cur ulla Corporporis afflictatio, sine Directoris, aut Superioris nutu, & concessu, non liceat?

343 **S**IGNABIT. Planè, ad quodlibet supererogationis

opus, quod Religiosus quispiam obire velit, aut Directoris facultas omninò requiritur, aut Antistitis, qui domui, vel cœnobio præest. Aliter enim, verè clamat S. Bernardus: *Vereor ne & inter nos aliqui sint, quorum non acceptet munera Sponsus: eò quòd non redoleant lilia. Etenim, si in die ieiunij mei inueniatur voluntas mea, non tale ieiunium eligit Sponsus, nec sapit illi ieiunium meum, quod non liliū obedientiæ, sed vitium propriæ voluntatis sapit. Ego autem non solum de ieiunio, sed de silentio, de vigilijs, de oratione, de lectione, de opere manuum, postremò de omni obseruatione Monachi, ubi inuenitur voluntas sua in ea, & non obedientia Magistri sui, id ipsum sentio. Minimè prorsus obseruantias illas, & si bonas in se, tamen inter lilia, id est, inter virtutes censuerim deputandas. Sed audiet à Propheta, qui eiusmodi est. Numquid tale est obsequium, quòd elegi, dicit Dominus? Et addit: In die bonorum tuorum, inueniuntur voluntates tuæ. Proposuit eandem hanc quæstionem, seu interrogationem S. Basilii: Nunquid in fratrum familia permitti alicui debeat, vt plusquam cateri ieiunet, vigiletur, ex proprio ipsius voluntatis arbitrio? Tum respondet: Quicquid quisque ex propria voluntatis arbitrio facit, id cum facientis proprium sit, alienum est à cultu pietatis: metuendumque est, ne de eò, quòd videtur facere, ipsi dicatur à Domino: Ad te conuersio eius, & tu dominaberis ei. Porro, qui spernit in hoc consilium Instructoris, & vt cum S. Bernardo dicam, Qui se sibi Magistrum constituuit, stulto se discipulum subdit. Stultus hic Magister, propria hominis præsumptio est. Sic S. Hieronymus; Bonum, inquit, est obedire maioribus, parere perfectis, & post regulas Scripturarum, vitæ suæ tramitem ab alijs discere, nec præceptore vti pessimo, scilicet, præsumptione sua. S. Benedictus, præsumptioni, vanæ gloriæ malum, & præmij amissionem adiunxit: Quia quòd sine permissione Patris spiritualis sit, præsumptioni deputabitur, & vana gloriæ, non mercedi. Ergo cum voluntate Abbatis omnia facienda sunt. Sed Ioannes Gerson malè ijs omnino ominatur, qui contemptis seniorum consilijs, in hoc ipso rerum genere, suo arbitratu ducuntur: At verò, inquit, sunt alij, quibus placet propria sententiâ duci, & ambulant in adinventionibus suis. Ducit eos periculosissimus rector, & verius impellit propria opinio:*

S. Bern. Ser.
71. in Cant.

Isa. 58.

S. Bas. Reg.
bren. 158.

Genes. 3.

S. Bern. ep.
87.

S. Hier. ep.
22.

Gerf. t. 1. tr.
de d. st. vi-
sion. S. secū-
dum signum.

De fequendo Directore in poenitētijs. 405

iciunijs supra modum se macerant, protendunt vigilias, lacrymis plusquam oportet cerebrum turbant, & extenuant. Et inter hæc, nullis credunt monitis, consilio neminis acquiescunt, ut temperantius se habeant. Doctores præterea, & in lege peritos audire, seu consulere, non curant, & consultos spernunt. Nimirum, quia magnum iam aliquid esse per sua serunt sibi ipsis, & quid eos agere conueniat, plus omnibus sapere arbitrantur. De talibus pronuncio, quia citò prolabuntur in omnem Dæmonum illusionem, citò impingunt in lapidem offensionis, quia cæca præcipatione, & nimia velocitate rapiuntur. Ergo, ne dum in recessu, sed in omni ferè vita, corporis austeritates, ex ipso etiam Superioris concessu, obire debemus. Quamobrem, cum incrementum aliquod pietatis S. Benedictus, Quadagesimæ tempore, à suis suscipi veller; Hoc ipsum, inquit, quod v-
S. Ben. Reg. 49.
 nusquisque offert, Abbati suo suggerat, & cum eius fiat oratione, & voluntate. Quod S. Hildegardis sic explicat: Nullus itaque Fratrum regularem, aut communem cibum, & potum, in Conuentu Fratrum suorum,
S. Hild. in Reg. explic.
 sibi regulariter, & communiter appositum, deuicare debet ex integro, nisi Abbatis sui permissione. Et hæc vera Religiosi hominis obedientia est, si ab Superioris nutu sic pendeat, ut vllis corporis asperitatibus, sine ipsius primùm consilio, non vtatur. Ita magnus Basiliius; Ve-
S. Bas. ser. 2. de Inst. Monac.
 ra, inquit, perfectæque subiectorum aduersus Moderatorem Ordinis obedientia in eo cernitur, si quis ex eius consilio non à rebus modò flagitiosis abstinere, sed sine ea quidem, quæ laudabiliora sunt, sine eius sententia faciat. Nam abstinentia, & omnis corporis incommodorum perpassio, vtiliter hæc quidem comparata ad aliquid sunt: at si quis propria obsequens voluntati, spreto consilij Antistitis sui, id facere voluerit, quicquid ipsi collibitum sit, ibi plus erit, quod faciat mali, quam quod boni.

34 Sed dices: si ad supererogationis opera peto Instructoris, aut Præpositi facultatem, vanæ alicuius gloriolæ periculum timeo: mihi enim tentator facillimè suggeret propriam complacentiam, & quòd à Superiore inter perfectos, & veluti maioris profectus studiosus habebor. Fr. Thomas à Iesu in Epilogo Reg. Carmelitarum dub. 2. respondet: Omnia in hac mortali vita plena esse laqueis, & periculis. Quare illud eligendum est, quod minori periculo subest. Minus autem periculum est vanæ gloriæ, quam proprii iudicij & voluntatis. Nam per hoc ad innumera alia aditus patet. Quare eligendum est magis, omnia cum obedientia agere, etiamsi alicui vanæ gloriæ periculo exponamur, quam ex propria voluntate, & iudicio, bonum quodcunque operari: quia hoc, ut ex dictis constat, periculosissimum est: periculum verò vanæ gloriæ paulatim obedientiæ merito extinguitur. Nec timendum est, ex eodem, quòd

406 De sequendo Directore in pœnitētijs.

Prælati nostrum desiderium, & profectum impedian. Nam si hoc ad gloriam Dei tendit, & ipsi Deo gratum existit, Deus Prælati cor facile inclinabit, vt facultatem ad tale desiderium exequendum tribuat, & sanctis in hac re subditorum intentionibus faueat, vt ex Sacra Scriptura fecisse accepimus, cum S. Daniel simul cum socijs suis abstinentiam seruare voluit: quia cum rogasset tunc Principem Eunuchorum, vt sibi ad hoc facultatem tribueret, ait facit Textus: *Dedit autem Deus Danieli gratiam, & misericordiam, in conspectu Principis Eunuchorum.*

345 Ne ergo miremur, si eos olim prisca Patres seuerissimè corripuerint; qui, propria sibi ipsis auctoritate, abstinentias aliquas indixissent. Nam S. Romualdus noluit orari pro Gaudentio Monacho, iam defuncto, quod contra eius licentiam cunctis pulmentis dimissis, pane & aqua cum pomis, siue crudis oleribus, in cœnobio, visitauerat. Tamen postea, cum ex quadam visione cognouisset, eum in alia vita mœstum esse (quod, ea fortè de causa, detineretur in Purgatorio) iussit, vt socij pro illo precibus enixius institissent. B. Albinus, siue Alchuius reprehendit Raganardum discipulum, *Qui tentauit se nimis uigilijs, & abstinentia nimia superfluitate, ignorantibus omnibus, affligere, ita ut pro hac intemperantia grauissima succumbere se febi.* Et ita eum visitans, remotis arbitris, ipsi dixit hæc verba: *Cur sine cuiusquam consilio tam intemperanter agere tentasti? Nam ego considerans, te uelle hoc agere, in domo in qua dormio, te quoque dormire iussi. Tu uero statim ac omnes dormire noueras, candelam latenter accendens in laterna celabas, & ad locum illum pergens, tota nocte uigilabas.* Vini etiam abstinentiam illi exprobrat, & obiurgationem concludens, ait: *Voluisti nos deludere, & deceptus es. Caue ergo ista, postquam surrexeris de febre, ne tale aliquid indiscretè unquam coneris agere.* Similiter Goffridus Vindocinensis Abbas Roberto Monacho iuber, vt quod propria voluntate susceperat intermittat: *Abstinentia, inquit, quam facis, scilicet quod tribus diebus tantummodò in hebdomada reficis, satis laudabilis esset, si quo modo uideretur regularis. Regala nanque, quam te obseruaturum coram Deo & Sanctis eius promissisti, præcipit, quod si quis Fratrum aliquid Deo offerre uoluerit, illud prius Abbatì suo ostendat, ut eius uoluntate, & consilio fiat: si autem aliter fecerit, præsumptioni deputabitur, & non mercedi.* Tu uero sine uoluntate nostra hanc abstinentiam arripuisti. Vnde timeo, ne uanitati potius deputeur, quam saluti. Te igitur, Frater, admoneo, ut quod uoluntate propria præsumpsisti, uoluntate nostra, & consilio deseras, & non ueni facere uoluntatem, cum Domino, dicas. Quisquis ergo, hæc enus, non Antistiti, aut In-

S. P. Dam. in
Vita S. Rom.
c. 57.

Anony. in
Vita S. Alch.
ante eius o-
p. 74.

Goffr. l. 4. ep.
28.

Cap. 49.

structori, sed propriæ sui ipsius voluntati paruerit, at deinceps nostris venerabiles Viros, Iacobum de Stephano, & Franciscum Olimpium, imitetur; qui sic ab aliorum nutu pendebant, ut, quam sæpius ipsi pane ac frigida victarent, rogati nonnunquam, ut piscem, aut carnem ederent, etiam spinae, & ossa, satius obediendi causa ferè comederint. Sic B. Ioannes de Monte mirabili, Regia Francorum stirpe ortus, ut Cisterciensem Ordinem inijt, abstinentiæ admodum deditus erat. Sed cum Abbatem quidam monerent, quod seuerius se quam par erat affligeret; iussit Abbas, ut tantum panis comederet, quantum posset: quod & fecit Ioannes, ita ut nullæ prorsus reliquæ superessent. Sed cum iterum relatum esset Abbati, quod pulmenta non tangeret; Abbas ei non modicum piscem iussit apponi, ut integrum ederet: & statim ille morem gerens, etiam piscis ossa, non sine magno cruciatu, comedit.

Menar. l. 2.
obser. var.
29. Septemb.

DISQVISITIO NONA.

An liceat, in Recessu, pium aliquod Opusculum lucubrare?

346 **S**PIRITVALES LIBROS. Eſto, inquis, plures ego diei horas, dum mecum in ſolitudine verſor, orando, vel excutienda conſcientia, inſumam: at tempore quod ſuper eſt, poſſumne, ad meam ac aliorum vtilitatem, aliquod ſacris literis ſpatium indulgere, vel pium ſaltem aliquem libellum componere? Planè; quod ſciam, noſtri Ordinis Conditores, ut Panuinius, ac cæteri laudant, vitarunt nonnunquam hominum frequentiam, vt tam in cultu Diuini Numinis, quàm in ſacris ſe ſe literis exercerent. Et habeo, vt fatear, apud me, Michaelis Ghislerij, è noſtris, eruditiffimi, ac magni nominis viri, meditationes, ac monita, quæ, pro ſanctiori vita inſtituenda, in Recessu, ſibi olim Romæ digeſſerat, vt ad mortem opportunè ſe compararet. Sic Laurentius Scupolus illum aureum libellum *Pugna ſpiritualis* inſcriptum (de quo nos Apologiam in lucem edidimus) ſequeſtratus ab omnium conuictu perſcripſit. Vincentius Gilibertus, dimiſſa totius Ordinis Præſectura, cum ad Vicæ Equenſis remotum ab Vrbe domicilium ſeceſſiſſet, ſpiritualibus ſubindè Exercitijs occupatus, vt ipſe lectori narrat, inſigne quoddam opusculum lucubrauit; & Aloyſius Nouarinus, cuius inſignem pietatem ac ſapientiam, tum erga me ſtudium & amorem, grata animi reuerentia, proſequor, ipſas *Decem Solitudines*, hoc eſt, ſacras Me-

Vide hac de
re tom. 1.
lib. 6. diſq. 4.
fol. 264.

Vide meos
ſermones de
S. Cater. ſer.
12. fol. 421.

ditiones pro ijs, qui in Recessu exerceri cupiunt, dum in solitudine esset, ipso vsu didicit ac perscripsit. Quem tamen Patrum nostrorum morem, vt Hieronymum, & alios Sanctos Patres amittam, qui multa, & grandia volumina, in speluncas abditi lucubrarunt, etiam apud externos, & nuperos Scriptores obseruo. Nam Ludouicus Granatensis, magnus ille spiritualium rerum Magister, non tam calamo, quàm oratione, & in chrypta, sua Opera elaborabat. Sic Robertus Cardinalis Bellarminus, malleus sanè hæreticorum, in Epistola ad Cardinalem Aldobrandinum, hæc ait: *Superiori mense Septembris, Libellum de Ascensione mentis in Deum, per scalas rerum creaturarum, vt potui, Domino adiuuante confeci. Eum enim mensem ad vacandum Deo, semotis alijs curis, cum bona sanctissimi Patris ac D.N. uenia, mihi ipse delegeram.* Et ante S. Francisci Assisiatis opuscula, alius quidam ex S.R.E. Cardinalibus ita loquitur: *Cum primum ex Hispania in sacram Urbem, longo itinere fessus reuertissem, desiderabam, in locum aliquem delitiosum, & solitarium diuertere, quò & corporis laborem, & oppressi animi curas paulisper relaxarem; ita tamen, vt mihi ipsi non omnino otiosus vacarem; sed, vt soleo, sacra Scriptura, Sanctorum, & Philosophorum libris, solitudini condimentum, & otio salem adhiberem.* Hæc ille.

347 Verùm, mea est sententia; vt hos, pluresque alios, æquè doctissimos, ac piissimos viros, quos ne longum faciam non attexo; quicunque vitæ suæ rationes ordinat, in hoc Recessu, non imitetur, nisi ad ipsorum perfectionem ac merita iam euaserit. Plerumque enim ij, quos adduxi, ea erant integritate, ac innocentia præditi, & eo in Deum amore, ac studio ferebantur, vt purganda plurimum conscientia & mente non indigerent, & siue scribendo, siue legendo, calerent potius, quàm tepescerent. Sed qui, mecum, colligendo ad Deum animo, & extergendis seriò conscientie sordibus, opus habent; si quid expoliant, aut componant, mentem non colligunt, sed dispergunt; & spirituales vires, quæ sursum ad Deum euehant, ipsi sensim amittunt: nam vsu euenit, vt omnes studio exhauriantur.

Quamobrem, Ludouicus de Palma Solitarium admonet, vt *Præscindat filum omnium occupationum exteriorum, & maxime earum, quibus se libenter, & cum gustu detinere solet, quanuis ea laudabiles & bonæ essent, vt studium.* Nam solitæ illæ & notæ occupationes animæ sensim, vt dixi, & sine sensu vires exsugunt, & suffurantur omnem attentionem. Imò Fulcensium Praxis instruit Directorem, versantibus in Recessu, *Nè concedat: vt Meditationes exscribant, aut summam colligant, vel vt apud se habeant (in cubiculo) atramentarium.* Hæc

Bellar. ep. de
dic. lib. de A-
scensu ment.
in Deum.

Card. de Tre-
io in ep. ad
Luc. Vrad.

Pal. in Prax.
Exerc. sub
die 1.

Sanc. in Off.
Dirct.

Sancius. Et interdici calamus quandoque Nouitijs, ac professis inioribus, laudo. Verum vt legere, ita scribere aliquid, præsertim ex Directoris arbitrio, ac venia, non est, vt ego arbitror, improbandum: & quid vtrique in re liceat, ex aliorum sententia, nunc expendam.

DISQVISITIO DECIMA.

An saltem legere expediat: & qui nam libri, inter spiritalia Exercitia, legi possunt?

348 **A**PTIORES ELIGET. Claudius Aquinius de Solitario, & Exercitijs spiritualibus occupato, decernit, *Non debere cum legere, nisi scripta, quæ ei (ab Instructore) traduntur, nec libros habere in cubiculo, vt occasio legendi præcidatur, præter Brenarium.* Si tamen Instructori videbitur; Posses, ait, in prima hebdomada legere librum Gersonis de Imitatione Christi, in secunda aliquid ex Euangelijs, & Sanctorum vitis. Sed nos Euangelia in singulis hebdomadis exhibemus. Non tamen expedit, vt in Euangelijs legat, nisi illud mysterium, quod est meditaturus eadem hora, vel die. Verum, si post factam Meditationem, tædio affici videretur, ac potius tempus perdere; Posses, ait, addi aliquis alius liber, vt prima hebdomada Dionysius Cartusianus de quatuor Nouissimis, Confessiones S. Augustini, aut similes; hoc aduertendo, vt non solum boni, & viles sint, verum etiam apti, & opportuni ad gignendum illum affectum, qui eo tempore in Exercitijs quaritur. Sed plures assignat Codices Praxis Clericorum Minorum; quæ tres Solitario Exercitationes proponens, primam vocat doloris, & compunctionis; & Libri, inquit, huic temporari accommodati solum erunt Confessiones D. Augustini, Dionysius Cartusianus de enormitate peccati, & de quatuor Nouissimis, & ij qui de mortificatione nostrarum passionum tractant. Et addit: Porro Bibliam sacram, Cassianum, Dyacum Stellam de Contemptu Mundi, & Gersonem de Imitatione Christi semper legere poterit. In secunda exercitatione illuminationis, & reformationis, Libri proprii, inquit, erunt SS. Patrum Homilie, piorum Autorum Meditationes, & Tractatus in Euangelia, neque omnia promiscue, sed ea tantum, quæ ad quotidianas Meditationes spectant. Et subdit: Legat etiam Auctores, qui tractant de Beneficio Redemptionis, & de acquirendis virtutibus, aut de mortificatione passionum, aliosque communes, de quibus est dictum. In tertia autem exercita-

Claud. in Direct. c. 3. n. 2.

Ibid. num. 4.

Flum. in Direct. Orat. Mental. fol. 58.

Ibid. fol. 95.

ibid. fol. 408.

tionem gaudij, & exultationis, Libri, ait, huius temporis erunt Soliloquia, & Meditationes D. Augustini, & aliorum Sanctorum, piorumque Auctorum, qui haberi poterunt. Tractatus quoque celestis felicitatis, Beneficiorum Dei, contemptus inferiorum, & alij communes, de quibus in prima Exercitatione.

Nic. Lancie.
to. 1. opusc. 6
num. 264.

349 Verum, ut non est operæ pretium, pro Meditatione, præparare se lectione librorum, in quibus sunt posita non tam puncta Meditationum, quam ipsæ Meditationes extensæ, continentis illos affectus expressos, qui decursu Meditationum, ab ipso meditante inueniri, & excogitari, & elici debent, uti & proposita particularia, ex his affectibus orta; sic tamen *Seculares*, ex Lancicio, in *usu Meditationum non exercitati*, & *Religiosi infirmi, vel debiles*, ob capitis indispositionem, discurrere non valentes; possunt seiuuare lectione, lentâ, valde, talium librorum, & in ea illos pios affectus elicere. Et ita sancta Teresa, cum nondum acquisiuisset orandi, & meditandi proprio discursu, & Diuino lumine modum, legendo quandam spiritualem librum, eo se excitabat, ad illos quos legebat pios affectus, quos deinde edocta, & mota diuinitus, per se ipsam, sine lectione illius, inueniebat, & eliciebat. Ideo Fuliensium solitudinem, quam Saneius Generalis elucubrauit, & non nemo è nostris *Paradis opusculum* dixit (ubi fusè meditationes, affectus, ac deliberationes habentur) plurimum commendamus, putamusque dignissimam, quæ omnium Religiosorum vsui pluries excudatur. Quamvis illæ *Decem Solitudines*, ab Aloysio Nouarino, viro è nostris sapientissimo, ac sanctimonia insigni, editæ, piorum hominum laude plurimum commendantur.

Io. Bapt. Dec.
in Armam.
spir. p. 3. c. 1.
fol. 146.

Flum. in Di-
rect. Or. Mët.
instr. num. 14
fol. 52.

Debeo tamen hic, ex Clericis Minoribus, hoc aduertere: In singulis Meditationibus, varia puncta, & copiosa Meditationis materia proponitur, non ut ea tunc omnia excurrantur: hoc enim secundum praxim, & instructionem meditandi, fieri non potest. Sed unusquisque idumat, quod sibi magis expediet ad proprium profectum: & eo quod remanet, sola sit lectione contentus.

Et id ipsum dictum sit de affectibus in singulis Meditationibus positis. Quod

superest, consideratè, & paulatim legat, & eis aspiret, eodem die, extra tempus orationis.

DISQVISITIO VNDECIMA.

Quomodo spiritualis hac Lectio, ut proficiat, usurpanda.

350 **I**PSORVM PROPECTVI. Quoniam, ut M. Tullius

ait, *In omnibus negotijs, priusquam aggrediare, adhibenda est preparatio diligens: hæc lectio primùm paranda est, Fortuita enim, & varia lectio, & casu quasi reperiã, non adificat, ex S. Bernardo. Quisquis ergo, in recessu, optas hac lectione proficere, Noli eos imitari (Dacriani Abbatis sunt verba) qui nullum legendi ordinem seruant; sed quod forte occurrerit, quodque casu repererint, legere gaudent; quibus nihil sapit, nisi quod nouum est, & inauditum. Consueua enim, & vetera omnia, quantumlibet uisilia fastidiunt. Tanta instabilitas procul à te sit: ipsa enim non promouet, sed dispergit spiritum; & periculose laborat, qui hoc morbo uitiatus est. Sola ergo præuisa, consilio delecta, prædefinita, & certa lectio proderit.*

Cic. l. 1. Off.

S. Bern. l. de Vita solit.

Dacr. in Spec. Monac.

351 Deindè, præparandus est animus, ac breui precatiuncula

erigendus, & accendendus in Deum. Sic Marcus Eremita; *Inuoca, inquit, Dominum, ut aperiat oculos cordis tui, & videas, ac re ipsa intelligas ueritatem orationis, & lectionis. Verba huius precationis ex S. Ephræmo sic habes: Cum autem te ad sedendum, ac legendum, uel etiam ad alium legentem audiendum paras, Deum cum primis ora, dicens: Domine Iesu Christe, aperi aures, & oculos cordis mei; ad audiendum, & intelligendum sermonem tuum, faciendamque uoluntatem tuam Domine, &c.*

Marc. Er. in c. de Leg. spir. num. 5.

S. Ephr. to. 1. ser. de pat. & consum. sc. culi.

Breuis tamen sit hæc oratio, acuta, & pleno affectu referta. Ideoque dic cum Dauid: *Audiam, quid loquatur in me Dominus meus. Vel*

Psal. 84.9.

cum puero Samuele, quem Heli Sacerdos instruxit: *Loquere, Domine, quia audit seruus tuus.*

1. Reg. 3.9. 10.

Verùm, hæc omnia parum iuuant, si animi puritatem non habeas. *Ad scripturarum indaginem, uerumque intellectum, opus est (inquit S. Athanasius) uita proba, animo puro, & uir-*

S. Ath. l. de Incar. Verbi.

tute, quæ secundum Christum est. Et iterum: *Sine pura mente, & San-*

ctorum imitatione, nemo comprehenderit Sanctorum uerba. Tum optimã

ipse similitudinem, ac rationem adiungit: Quemadmodum, si quis in-

tueri uelit solis iubar, oculos planè detergit, atque in splendorem redigit;

quantum potest ad eius similitudinem, cuius conspiciendi desiderio tenetur, se se purificans, ut ita oculus iam lumen redditus, lumen Solis contempletur.

Imper. in Matth. bom.

Quod Auctor imperfecti operis in Matthæum, expendens illud, *Erratis nescientes Scripturas; sic astruit: Qui, legens de Deo, uult inuenire Deum, festinet uiuere Deo dignè; & ipsa conuersatio eius bona sit, quasi lam-*

42. Matth. 22. 29.

412 Quomodo spirituales libri legendi.

Pont. in Vi-
ta S. Cypr.

padis lumen ante oculos cordis eius, viam aperiens Veritatis. Hoc planè sentiens Cyprianus, vt Pontius eius Diaconus narrat, Inter fidei sue prima rudimenta, nihil aliud credidit Deo dignum, quàm si continentiam iuretur. Tunc enim posse idoneum fieri pectus, & sensum ad plenam ueritatis capacitatem peruenire, si concupiscentiam carnis robusto atque integro sanctimonie vigore calcaret. Adde, quòd vt Theodoretus obseruat, sapienter, ac verè dixerat Plato: Nefas ab eo, purum contrèctari, qui purus non sit.

Theod. l. i.
de cur. aff.
Grac.

Psal. 118. 2.
S. Ephr. loc.
cit.

352 Tertiò, præter puritatem, in animo, Diuini Verbi sitis, ac elurics, vel, vt alij dicunt, alacritas excitanda, quæ à studio sacræ huius lectionis acediam, ac Dæmonem pellat; de quo S. Ephræmus, in illud Davidis, Beati qui scrutantur testimonia eius, hæc ait: Vide, ne te interrumpat inimicus, cum uolueris legere, tadium tibi afferens, teque in mentis distractionem coniiciens, ac dicens: Fac primum rem istam, quoniam & exigua est, sicque postmodum securior leges. Quando enim suggerit eiusmodi, simul inducit te ad opus manuum promptè peragendum: hæc autem omnia suggerit, vt te ab occupatione abducatur, & impediat. Et rursus; Tu ergo, inquit, ne parueris ei, sed esto quasi ceruus sitiens, desideransque adire fontes aquarum, id est sacras Scripturas; ut ex ijs bibas, refrigeresque sitim tuam, varijs te morbis adurentem. Cum itaque lectionem fastidias, noueris te, vt diximus, à Diabolo illusum, ac graui insuper ægitudine laborantem. Audi eundem Ephræmum: Quando te à lectione rerum spiritualium abhorrerè videris, admonitionesque spirituales fastidire, tunc animam tuam in grauem incidisse morbum noueris.

Idem consid.
de Vita spir.
num. 94.

Trith. ho. 4.

Gerhar. l. de
Ascens. c. 44

353 Quartò, præter puritatem ac sitim, etiam compunctio- nem optarim. Tunc enim, ex Trithemio, sacræ lectionis uerberem comprehendes scientiam, si mundum custodieris cor tuum ab omni peccato; & feruens in Dei amore sanctam compunctus iugiter reuolueris Scripturam. Clariùs Gerhardus Zutphanien- sis, deuotus ac pius Autor: Igitur, timore percussus, & compunctione depressus affectu quoque, & desiderio ascendendi inflammatus, lectionem tibi arripe ad tuum profectum, ita uidelicet, ut te semper, ad ascendendum admoneat, ad proficiendum hortetur, ut, quicquid legis, ad ascensum puritatis, & charitatis tibi proficiat, uel uiam ascensus per sancta opera & exercitia ostendendo, uel affectum tuum ad ascendendum inflammando, timorem incutiendo, uel per spem subleuando. Et iterum; Initium cum uolueris legere, inquit, sit timor Domini: uidelicet timor intentionem, & affectum tuum regulet, ut non nisi profectum queras spiritualem ad cordis puritatem, & non quaras scientiam uerborum, sed scitum compunctionis inquiras.

Quomodo spirituales libri legendi? 413

354 Quinto, si tibi Director vnum, aut alterum libellum præscripsit, vel si præscriptione vteris, quam superius edidi, tu non plures simul, sed elige tibi aptiorem, ac ipsum lege. Varia enim lectio, vt dixeram ex S. Bernardo, ac S. Bonaventura rescriptis: *Non edificat, sed reddit animam instabilem*. Audi L. Senecam: *Lectio certa prodest; varia delectat*. Et apta vsus similitudine: *Qui, inquit, quò destinatis peruenire vult, vnã sequatur viam, non per multas uagetur*. Non ire istud, sed errare est. Et in epistola 2. Nihil, ait, æquè sanitatem impedit, quàm remedium crebra mutatio. Non uenit uulnus ad cicatricem, in quo crebrò medicamenta tentantur. Non conualescit planta, quæ sæpe trasfertur: nihil tam utile est, quod in transitu proficit. Distrahit animum librorum multitudo. Eandem iteragentis, ac medicamentorum similitudinem, in rem nostram, habet S. Bernardus lib. de Vita solitaria. Sed apud Lipsium, Aristippus hanc edidit: *Sicut non ij, qui plurimum comedunt; aut exercentur, melius ualent ijs, qui modica & necessaria sumunt; ita nec qui multa, sed qui utilia legunt, discuntque, studiosi, & eruditi sunt*. Itaque, vt Abbas Dacrianus suadet: *Animum ad certam lectionem prudenter constringere, & in ea immorari consuece; etiam si aliquando minus sapiat*. Porro, immorari, ex Dionisio, Cartusiano sic explicem: *Non uaria percurrendo, & folia reuoluendo, aut folium notitiam uel temporis deductionem, seu speculatiuam & superficiale delectationem querendo*. Vel ex Societatis Iesu Directorio, qui sic habet: *Non legendo cursim, auaritate sciendi, & uidendi noua; sed immorando, & perpendendo accurate ea, que legis & intrando in eosdem affectus*. S. Ephraemus eiusdem rei frequentem repetitionem, cum animi attentione, S. Ephr. to. 1. suadet: *Cum autem leges, inquit, inuenissimè lege, atque diligenter, cum multa constantia, uersum hisserue ponderans, & penetrans sensum; neque studens libri folia euolueres uerum, ut dixi, his terque ac sapius eundem repetere uersum; ut ipsius intelligentiam consequaris*. Ita de Siluana, sanctissima femina; Palladius refert: *Non leuiter, nec temere hæc percurrere, sed elaboratè septies, uel octies unumquemque librum perlegens, ut horum uerborum gratia, in altum erigeretur spe bona se ipsam æuem efficiens spiritalem*. Et hoc spirituale cibum est mandere, & illuminare, & concoquere, ut, quam Seneca optat; optima nutritio fiat. Siue, ex B. Petro Damiani, vt *His dapibus inhians fidelis anima, assidue lectionis alimento uergetata, robor accipiat, & purissima orationis adipe saginata pinguescat*. Nam paulò post, inquit: *Hoc pabulum sacra animalia per assidue retractionis studium iugiter ruminant; illud nimirum à uentre scientie ad memoria guttur sæpius iterata meditatione reducendo*. Quod clariùs exprimit Quintilianus, cum ait: *Reperamus, & tractemus, & ut cibos*

S. Bon. p. 1.
Spec. p. 2. c. 7.
L. Sen. ep. 45.

Lips. ad sen.
l. 7. de benef.
c. 1. num. 5.

Dacr. loc. cit.

Carr. in inst.
Quint. ar. 9.

Dit. c. 3. S. 4.

S. Ephr. to. 1.
ser. de pat.
& conf. sec.
Hist. Laus. c.
143.

Petr. Damian. in A.
pol. c. 33.

Quint. l. 10. c. 1.

414 Quomodo in recessu libri legendi.

manfos, ac propa liquefactos demittimus, quò faciliùs digerantur; ita lectio non cruda, sed multa iteratione mollita, & velut confecta, memoria, imitationique tradatur. Quomodo autem hæc ruminatio fiat, est Irenæi Abbatis exemplum, qui de se, ut est in Prato spiritali, sic habet: *Vt ego legi capitulum istud, plicui librum; & dixi in me ipso: Va tibi, Irenæe, quia in propria venisti, nec iam orant pro te Patres.*

Io. Enir. in
Pr. c. 55.

S. Hier. ep. 1.
ad Demeir.

355 Sextò, ex S. Hieronymo, Ita Scripturas sacras lege, ut semper memineris Dei illa uerba esse, qui legem suam non solum sciri, sed etiam impleri iubet. Et rursus; Optime, inquit, uteris lectione diuina si eam tibi adhibeas speculi uice, ut ibi, uelut ad imaginem suam, anima respiciat, & uel fæda quæque corrigat, uel pulchra plus ornet. Legi etiam libros spirituales oportet, eo affectu atque spiritu, quo sunt scripti. S. Bernardus lib. de Vita Solitaria hoc ait: Quo enim spiritu scriptura facta sunt, eo spiritu legi desiderant; ipso enim intelligenda sunt. Nunquam ingredieris in sensum Pauli, donec usu bonæ intentionis, in lectione eius, & Audio assidue meditationis, spiritum eius imbibaris. Nunquam intelliges David, donec ipsa experientia, ipsos psalmorum affectus indueris. Idcirco, in hoc legendi exercitio, ne eloquentiæ flosculos ac lenocinia exquiras. Sic Dacrianus: In ipsa lectione, utilitatem, consolationemque spiritualem, & Dei amorem quare, non curiositatem, non superfluum intelligentiam, & scientiam, non uerborum ornatum, atque elegantiam. Et Thomas à Campis, alterum ex altero deducens, ait: Veritas est in Sanctis querenda, non eloquentia. Omnis Scriptura sacra eo spiritu legi debet, quo facta est. Quærere potius debemus utilitatem in scripturis, quam subtilitatem sermonis. Imò, Alphonfus Rodericus est author, ut, ueluti missæ ad nos è cælo epistolæ, spirituales libri legantur. Nam, ex S. Augustino, Diuina Scriptura, quasi litera de Patria sunt. Sic Diuus Franciscus Salesius, Episcopus Gebennensis, cum in P. D. Laurentij Scupoli, è nostris, pugnam spiritualem, libellum sanè aureum ac uilissimum incidisset, ut refert Carolus Augustus, in eius vita; Hunc, tanquam demissam è Cælo diuinam Epistolam, assidue terebas manibus, & per annos septendecim deinceps gestauit in penula. Quod cum ita sit, ex Dionysio Cartusiano, Quæ legis, tibi ipsi applicare mox debes; imperfectum tuum deslere, emendationem proponere, & ordinatè, feruenter, ac perseueranter prosequi eam.

Dacr. loc. cit.

Camp. l. 1. de
imitat. Chr.
c. 5.

Rod. p. 1. tr.
de lect. spir.
D. Aug. loc.
cit.

Aug. lib. 1.

Cartus. instit.
nou. ar. 9.

S. Aug. l. de
opere Mon.
c. 17.
Dacr. loc. cit.

356 Septimò, legas cum desiderio imitationis, & emendationis, ac proposito exequendi, quæ legeris. Quis enim nesciat, ex S. Augustino, tanto citius quemque proficere, cum bona legit, quanto citius facit quod legit? Planè utilitas tua singularis, ut ait Dacrianus, non in hoc sita est, ut doctrinæ uerba memoriæ commendes, sed ut doctrinæ uerborum-

quò effectus in te remaneat: id est, ut tu ex doctrina puritatem interiorem, paratamque voluntatem adimplendi mandata diuina consequare. Rectè Emmanuel Sà: Libri monstrant iter; quod nisi ingrediaris, quid profunz? Ergo S. Epiphanius Ticinensem Episcopum imitare, qui ut narrat in eius vita S. Ennodius, pingebar actibus suis paginam, quam legisset. Hoc est, quæ ipse legerat, statim actioni, ac exequutioni mandabat. Sic enim addit: Quid libri docuissent, vita signabatur. Laudo etiam S. Ignatii modum, quem, cum legeret, obseruabat. De eo Maffei, post Petrum Ribadineyram, hæc ait: Inter ipsam lectionem, ubi quidpiam insigne cognouerat, subsistere secum ipse deliberans: Quid si præclarum hoc S. Dominici facinus; quid, si hoc S. Francisci, Deo fretus, aggrediari? Proinde in Directorio Societatis habetur, Vitas Sanctorum oportere esse selectas, & valde accommodatas ei, qui facit exercitia. Scilicet, ut eorundem exempla proponat ipse, atque studeat imitari.

357 Postremò, ex S. Hieronymo, Lectionem frequenter interrompat oratio, & animam iugiter adhaerentem Deo gratæ vicissitudo sancti operis accendat. Quod, ex S. Bernardi documento, sic habes: Hauariendus est sepe de lectionis serie affectus, & formanda oratio, quæ lectionem interrumpat, & non tam impediatur interruptendo, quam puriorem continuo animum ad intelligentiam lectionis restituat. Ipsum verò sic orandi modum, in lectione, docet S. Vincentius: Sæpe, dum actu studet, à libro debet ad horam oculos auertere, & oculis clausis se in Christi plagis abscondere; & iteratò se ad librum conuertere. De eadem lectionis ac orationis vicissitudine, Dactrianus, quam Seuerus Sulpitius, in S. Martini laudem, apta Fabri Ferrarij similitudine exponit: Quamquam, inquit, etiam inter legendum, aut si quid aliud fortè agebat, nunquam animam ab oratione laxabat. Nimirum ut fabris ferrarijs moris est, qui, inter operandum, pro quodam laboris leuamine, incudem suam feriunt: ita Martinus, etiam dum aliud agere videretur, semper orabat.

358 At inquires: Quid in eiusmodi precibus à Deo petam? Planè, si Sanctorum vitas ac historias legis, eorundem imitationem efflagita. Sic quidam Monachus, in Prato spirituali, Legi, ait, hoc, & mirabar hunc senem, & dicebam: Domine Deus, qui me ad hunc habitum vacare dignatus es, fac me dignum huius vestigia sequi. In alijs lectionibus, aut vitij alicuius expulsionem, aut tuarum passionum victoriam, aut adeptionem alicuius virtutis, aut animæ puritatem, aut difficultum locorum intelligentiam, & his similia pro libito postulabis. Cæterum, Auctori itineris trium dierum aliquot pro solitario lectione precationeulas edidit, quas exscribam. Et prima quidem Oratio lectioni spirituali flexis genibus præmittenda sic habet:

Rib. & Maff.
l. 1. cap. 2. vi-
ta S. Ign.

Dir. c. 3. n. 2.

Auctor ep.
ad se metr.

S. Bern. l. de
vita sol.

S. Vinc. sr. de
vita sp. c. 10

Sulp. l. de vi-
ta S. Mar. c.
26.

Io. Euir. cap.
212.

416 Orationes ante & post lectionem.

Is. er. trium.
dierū fol. 41.

Domine Iesu, ego vilissimus seruus tuus, & omni bono plane indignus, desidero ingredi ad videndum thesauros tuos: placeat quæso tua Bonitatis, me tibi indignissimum admittere: & da mihi in hac sancta lectione in tantum te diligere, quantum te cognoscere: quia nolumus te cognoscere, nisi ut te diligamus, Domine Deus Creator noster. Amen. Altera Oratio, quæ post spiritualem lectionem dicitur, est huiusmodi: Absorbeat me, quæso, magnificè Iesu, ignea & melliflua vis amoris tui, ab omnibus rebus, quæ in mundo sunt: ut amore amoris tui moriar, qui amore amoris mei dignatus es in cruce tua pro me mori. Amen. Tertia ante lectionem Oratio: O Sapientia, quæ ex ore Altissimi prodijsti, attingens à fine usque ad finem fortiter, suauiterque omnia disponens, veni ad docendum nos viam prudentiæ. Verbum Patris æternum, & sapientia fons effusissime, Domine Iesu Christe, docilitatem mentibus nostris, & intelligentiæ lumen infunde, ut feliciter nobis cedat hæc sacra lectio, qua adiutæ, ad clariorem tuæ agnitionem Æternæ Veritatis, & perfectum Amorem Bonitatis tuæ peruenire possimus. Amen. Et quarta demum, post spiritualem lectionem,

Ibidem fol.
42.

Ibidem fol.
62.

Ibidem fol.
63.

hæc poterit vsurpari: Pone meam, Domine, in tuis vulneribus Philosophiam, in tuis stigmatibus Sapientiam, ut ulterius in Te solo Charitatis libro proficiam, & omnibus mutabilibus rebus deficiam: ita ut ego, iam non ego, sed tu in me, & ego in te, indissolubili vinculo Amoris, æternaliter maneamus, Amen.

DISQVISITIO DVODECIMA.

Quæ nam à Solitario quotidie scribi debeant, ac fideliter annotari.

359 **V**T SCRIPTO NOTARI DEBEANT. Abbas

Trithemius, Homilia sexta, de amore quietis, & solitudinis: Instrumenta, inquit, spiritualium in cella exercitiorum sunt quatuor, legere, scribere, orare, ac meditari. Et inter Carmelitarum Instructionem, pro secularibus exercendis, hæc lego: Qui Exercitij prætor, libros pios, chartam, ceteraque necessaria ad spirituales actus providebit. Ergo, si chartam concedunt, calamum non negabunt. Sed qui negent, cum statuant, in eadem Instructione, ut si quid (Solitarius) opus habeat, scripto, nuntius indicet ministranti? Itaque, Fulientium Praxi, & Claudij Directorio assentior, qui de descriptione sic habet: Nihil enim aliud scribi debet, præter ea, quæ pertinent ad orationem, nempe puncta aliqua, quæ Dominus communicauerit in Meditatione, vel

Carm. Disf.
Inst. ad Exer.
c. 6. nu. 2.

Ibid. c. 7. n. 7.

Cl. Direct. c.
3.

Lib. 9. Disq. 91.

etiam

etiam extra Meditationem: quæ tamen brevissimè notanda sunt, non diffusè per modum sermonis. Hæc autem, vel sunt practica, quæ pertinent ad agendum, vt sunt desideria quædam, aut firmæ deliberationes; vel quæ pertinent ad cognoscendum, vt sunt quædam veritates, aut lumina, quæ sunt quasi quædam axiomata, quæ viam ad easdem materias benè meditandas, ac percipiendas aperiant. Hæc autem omnia in libello aliquo ad id præparato sedulò scribes; & præsertim, ex Patrum Eremitarum Excalceatorum Instructione, notabis diem, quo solitudinem es ingressus, & quo ipse Confessionem, vel generalem, vel annuam obiisti: & si de ea præparatione, & examine, dolore, ac proposito, & exacta omnium peccatorum explicatione, tibi & Confessario satisfeceris. Hæc quippè sedulò adnotare, ad sedandos scrupulos, præsertim in mortis articulo, multùm refert. Ioannes Baptista Decius in spirituali quodam opusculo, pro libelli huius Exercitiorum initio ac titulo, nescio à quo mutuatus, exemplum hoc edidit: *Exercitia spiritualia facta à N. N. Anno 1647. mense Iulij, à die sextodecimo usque ad vigesimum sextum.* Et subdit: *In nomine Domini, Beata Adaria, omnium Sanctorum Angelorum, & omnium Beatorum, sed præcipuè Tutelarium meorum, ad confusionem meam, & omnium inimicorum infernalium.*

Io. Bap. Dec.
in Arm. spir.
p. 3. cap. 3.
fol. 110.

360 Itaque, vt dixi, & Nicolaus Lancicius docet, *Annotande sunt scripto (iuxta S. Xaverij consilium) practice quædam ueritates, in Meditatione perceptæ, per quæ te sensisti impelli ad fugam alicuius defectus, vel ad melius operandum.* Nam, vt notes nuda proposita, v. g. hoc modo, *Seruabo silentium, Non otiorabor, Labor inutilis est,* inquit, Quis enim dubitet, etiam imperfectissimos quosque habere voluntatem, ac propositum, hæc vitandi? Et talium rerum postea lectio non excitat hominem ad fugam vitiorum, & exercitium virtutum, vt faciet lectio luminum, seu veritatum, diuinitus in Meditatione immissarum, per quæ te accendi sensisti. Tum, vt melius instruaris, scribere poteris, ex Suffreno, I. Fructus è Meditationibus collectos. II. Lumina, & affectus excellentiores, quos Deus immitteret. III. Remedia extirpandis vitijs accommodata. IV. Præsidia & media, ad acquirendas virtutes tibi necessarias, & perfectionem status, in quo te Deus constituit, obtinendam. V. Denique, viuendi methodum, tibi ipse confice, nisi eam suo studio tibi Director tuus præpararit. Sed si hunc scribendi laborè decretes, facile cuncta excident. *Scriptione verò,* inquit, *testaberis tuum ad illa exequenda desiderium, & quanti ea facias, quæ tibi Deus infudit, cum eorum semper velis meminisse.* Quæ autem per exercitia annotaueris, erunt deinceps sæpiùs relegenda.

Lanc. c. 14.
nu. 165. Vita
S. Frac. Xav.
lib. 6. c. 13.

Io. Suff. §. 7.
num. 5.

Idem ibid.

Id. §. 6. num. 2.

361 Tenes scribendi modum? Vis clariorem praxin, ex eodem, adijciam? Præter Meditationes, Considerationes institue; nimirum, aut ambulans, aut sedens, mentem studiosè adverte ad hæc præcipua quinque argumenta. I. Ad omnes actiones tuas, tum quotidianas, tum hebdomadarias, tum eas, quas vel per menses singulos, vel quotannis exerceas; in quavis illarum tria perpendendo. Primò, defectus, & imperfectiones, quas in ijs committis. Secundò, earum imperfectionum causas, & radices. Tertiò, media corrigendi efficacia, quæ etiam scripto ad vsum annotabis, & si quæ aliquando aliàs in eandem rem annotasti, nunc releges, & cum occurrent noua, adscribes. II. Te ipsum inspice; id est tuas passionēs, propensiones, affectus, motiua, & intentiones, quibus ad operandum incitaris, denique quid potissimam tibi molestiam adferat in vita spiritali. De ijs omnibus, ad rationis normam reuocandis, cogita, stude argumentis efficacibus, eaque ne excidant, codicillo inscribe. III. Expende peculiare virtutes, ad quas te peculiari stimulo, & affectus inclinatione, Deus allicit, aut quibus tibi potissimum opus est. Inquire in media ijs acquirendis opportuna, quæ annotabis. IV. Considera Instituti tui, aut vocationis perfectionem, si Religiosus es; eam ex accurata, & seria tuarum Regularum, & constitutionum lectione agnosces, attendendo in singulis. Primò, quid Regula præcipiat; quàmque id honestum, vtile iucundum, & rationi conforme sit. Secundò, quomodo hucusque, quod illi præcipitur, obseruaueris. Tertiò, quid facere te in posterum oporteat. Et vt hoc meliùs, fructuosiusque peragatur, partire in dies singulos aliquot Regulas, ijsque diutius immorare, quæ maioris sunt momenti.

Cl. Direct. c. 6. num. 5.

362 Sed illud cauendum, ex Claudio, *Ne vel legendi, vel scribendi dulcedine ita se quispiam distineri sinat, vt tempus, id est eripiatur meditationi, aut etiam preparationi ad meditationem.* Semper enim aliquantò ante Meditationem debet omnia relinquere, & omnino suam cogitationem conuerttere ad puncta illius Exercitij, quod iam instat.

(†)



DISQVISITIO TERTIADECIMA.

Quomodo à Solitarijs persoluendum sit Diuinum Officium, in Choro necum alijs, an seorsim in cella: & quid de Missæ celebratione sit statuendum?

363

CHORO AVTEM, ETC. Hic multi quærun, num expediat, vt qui ad aliquot dies in recessu versatur, vnà cum alijs ad Chorum conueniat, & diu, noctuque, Horis persoluendis intersit. Porrò, id mukiverant, permittunt multi, multi præsertim ob sodalium paucitatem præcipiunt. Et planè, in nostro Ordine, edita quædam Ordinatio ad omnes communes Observantias Solitarios adigebat: quod tamen, nisi aliter, aut Superior, aut Director statueret, intelligitur; quibus hodie à P. Generali hæc omnino facultas & cura commissa est, vt quod magis Solitariorum profectui expediat, pensatis eorundem ingenio & necessitate, decernant. Vniuersè autem, P. D. Petri Iardina, mei quondam Institutoris, & hac in re omnium scientissimi, Praxin non improbarem: *Vt ad Chorum noctu dumtaxat, ob preces Matutinas, accedant. Ita Prædicatoribus in Sicilia, & in Prouincia S. Thomæ, Gregorius Areylza præscripserat: In Chorum, cum reliquis Fratribus, conueniant tantum ad Matutinas preces.* Sed tamen addit: *A quibus etiam abesse poterunt, de consilio Directoris.* In Praxi autem Fulienſium hoc inuenio: *Non exeat is nisi noctu, vt Corporis officio satisfaciatur.* Quod tamen olim, & Typographi erratum, & sic corrigendum, putabam: *Non exeat nisi noctu, vt Chori officio satisfaciatur, & mane sacris operetur, aut Missam audiat, si non est Sacerdos.* Facillimè enim vna P. literula, in Italico Idiomate, negotium facessuit, nunc tamen id errori adscribere, & referre, non ausim. Itaque, si me audient, hæc in re, vel à Directore, vel à Præposito, propensione Meditantium satisfiat. Si aliquis enim hoc cupiat (vt Religiosis S. Pauli primi Eremitæ constitutione præscribitur) *Poteris ex consilio Superioris, Chora tam nocturno, quam diurno adesse; sacrum autem Missæ nunquam omitat, vel audire, vel absolvere.* Sed, de Sacro, Carmelitæ Discalceati, in Exercitiorum Instructione, sic habent: *Si nullum Eremitorium sit in Canobio, fiant Exercitia in aliqua cellula separata; & Sacerdos quidem sacrum faciat, non Sacerdos audiat in Oratorio secreto, si commode fieri possit. Si verò intra septa Cœnobij Eremitorium aliquod fuerit segregatum, & ibi Exercitia peragantur (quod apud nos in Eremito, de reclusis Sacerdotibus*

Areyl. in.
Ord. Trinac.
num. 2.

Const. S. P. P.
l. c. 11. nu. 3.

Carm. Disc.
Instr. ad Ex.
c. 7. a. 10. fol.
61.

Ibid. n. 5. fol.
59.

dici posset) hæc addunt: *Qui ad ea seceſſerit, Miſſam quotidie, ſi ſit Sacerdos, ſedatius celebret; non Sacerdos attentius audiat, ubi facile factu erit; & in Oratorio Eremitico, mentalis Orationis, Officijque diuini commune penſum perſoluat; ore etiam ſemihora poſt Matutinum, diſcutiat conſcientiam; & quotieſcunq; inſonuerit campana Conſequentialis, ipſe percutiat Eremiticam; demum, obeat vniuerſa, eo prorsus tempore, quo in commune à Fratribus, intra Cœnobium, obeuntur.*

DISQUISITIO QUARTADECIMA.

An liceat, & expediat, ut Solitarij, in communi menſa, veſcantur: & quomodo veſci debeant.

Ordo SS.
Trin. conſt.
p. 1. cap. 7.
S. 4.

364 **C**OMMUNI MENSÆ. Quid de ſumendæ reſectio-
nis loco decernam? Expedi-
ne, ut ipſi vna cum alijs in triclinium vadant? Planè, Diſcalceati Ordinis ſanctiſſimæ Trinitatis Redemptionis Captiuorum, inter Congregationis Galli-
cæ conſtitutiones, hæc habent: *Spiritualia exercitia faciant, quibus ſe ſolitarium aliquem in locum ad hunc effectum deputatum recipiant, & ubi nullus erit, in ſua met quiſque cellula; cum communitate ſolummodo matutino, ſancti Miſſæ ſacriſcij celebrationi, vel auditui, & Reſectorio, interueniendo. Plures tamen, qui ab ſolitudine, atque reſeſſu, uti par eſt, omnem ſui Ordinis progressionem, ac bonum regimen, auſpicantur, in cella ſolitarium, ſeorſim ab alijs, veſci volunt. Sic Carmelitæ Diſcalceati, Non in reſectorio ſed in Cella ſeorſim, aliquo deferente, cibum accipiunt. Et iterum, in reſeſſu verſantur, Reſectio-
ne in cella ſemper accepta. Quid enim arctius ſe continent, minusque ſolitarij obambulant, & alijs inmiſcentur; cò ſe ſe aptiores, ut conſtat experientia, diuinis illuſtrationibus exhibebunt. Itaque, Præpoſiti eſt, Laicum modeſtum, ac ſedulum assignare, qui quæ opus ſunt, ſolitarijs, ſuo tempore, miniſtrabit. Probo & laudo tamen hunc ritum, quem Neapoli obſeruare Prædicatores, audiui; ut ſi, ob famulorum paucitatem, ad vitandum aliorum incommodum, meditantès ſeorſim in cubiculo non veſcantur, veniant vna cum alijs in triclinium, ſed tamen hoc ordine, ut non intrent, niſi iam cæteri diſcubuerint; & antequam alij omnes, nutu Superioris è menſa ſurgant, ipſi primùm egrediantur: ut ſic omnium fratrum conſortium fugiant; quod ad ipſorum recollectionem, & aliorum exemplum, plurimum iuvat. Sepe autem, qui ſpiritualiter exercentur, ad commune Ordinis cœnaculum, veluti ad publicæ mortificationis & præ-*

Car. inſtr. ad
ex. ſpir. c. 7.
nu. 11. & 6.

Quomodo solitarij vesci debeant. 421

nitentia palæstram accedunt, & vel cæteris seruiunt, vel humi ex Superioris arbitrio cibum sumunt, vel antequam comedant, brachia ad aliquod temporis spatium in Crucis modum protendunt, vel saltem exosculantur hinc inde pedes discumbentium fratrum: quæ publicæ mortificationes, solitæ à nostris fieri, & ipsos meditantes ad stabiliendum feruorem, & alios ad mōres emendandos, vix dicere aut capere possumus, quantum iuuent. Hæc autem omnia, quæ de Patribus Prædicatoribus dixi, ab insigni ipsorum viro, Gregorio Areytza, spiritualium rerum peritissimo & eruditissimo, accepi; qui cum varia sui Ordinis Cœnobia in Sicilia & Melita visitaret; exercitiorum vſu singulis in domibus instaurato, cum vbique feruorem ac spiritum excitauit, vt prisca passim disciplina, secedentibus Fratribus, effluerit. Probant Carmelitæ Discalceati publicæ mortificationis ritum, & aiunt: *Exercitiorum tempore, moris est mortificatione aliqua extraordinaria perfungi, quæ propterea ab vnoquoque exercitium fiat, sed tantum vna.* Sic ipsi: Quod etiam cum P.D. Petri Iardina ritu ac institutione concordat.

Instr. ad ex.
c. 7. num. 14.
fol. 62.

365 Verum reclusi, in Eremitio, seorsim omnino reficiuntur. Idcirco, vt iterum Carmelitæ constituunt, cuiusmodi ministerio Religiosum sedulum ac modestum Prior præficiat, qui hora examinis conscientia meridiani, & vespertina oratione absoluta, prandium, cenulam, seu collationem, opportunè deferat exercenti, redeatque illico communem refectionem sumpturus. Postmodum sub recreationis finem, rursus Eremitorium petat, illato/que lances, accepto cibo ab exercente compositos, & secus fores depositos, expedite referat ad Cœnobium. In refectiōe autem, Camaldulensium morem imitari poterunt, quem Lucas Hispanus in Eremitica historia hoc modo describit: *Vnusquisque Eremita, mensa prius benedicta, antequam cibum capiat, aliquid ex supradictis legere assolet, vt refectiōem corporis refectiō spiritus præcedat: dumque cibus corporalis sumitur, præcedentis lectiōis meditatione anima quoque recreetur.* Sed quoties abstinentia celebratur, siue in pane ac frigida tantum fiat, siue cum fructibus aut oleribus, Eremita, apud ipsos, librum ante oculos habere, & in terra sedendo pedibus nudis cibum capere debet. Hæc Lucas, qui B. Rodolphum huius instituti auctorem appellat. Clerici autem Minores, inter exercitia doloris & compunctionis, quæ prima hebdomada habentur, sic meditantem instituunt: *Cibum sumat humi sedens, aut flexis genibus, sal & cætera condimenta sensualia abiciat. Funem ad collum alligatam, eodem tempore, non tamen extra cubiculum, deferat.*

Ibid. num. 7.

Luc. Er. Hispan. in Romul. ald. lib. 5. c. 2. fol. 210.

Ibid. c. 5. fol. 202.

Flum. in Direct. exercit. 1. fol. 58.

DISQVISITIO QVINTADECIMA.

An, præter Instructorem, aliquid alicui loqui possint: de animi remissione,
post prandium: & an iuniores ad Scholam, ob audiendas
saltem lectiones, accedere debeant.

Rel. S. P.
const. p. 1. c.
II. nu. 5.

Cl. Min. in
reg. & obser.
con. r. 10. m. 5

Sane. in off.
Direct.

S. Ign. exer.
sp. add. 6.

Ibid. add. 7.

Plum. in Di-
rect. Exerc.
1. fol. 58.

S. Ign. add. 8.
& 9.

Pal. in Traxi
1. die fol. 52.

366

COLLOQVIO ABSTINEAT. Religio S. Pauli Pri-
mi Eremitæ de Solitario hæc habet: Cum nullo, nisi
tempore recreationis, idque ex consilio Patris spiritualis, quamdiu exerce-
tur, colloquatur, propter collectionem spiritus conseruandam. Ergo illi
concedunt, vt, remittendi animi tempore, vel vna cum alijs, vel sal-
tem alicui, ex Directoris consilio, loqui possit. Huic tamen quæ-
stioni, Clerici Regulares Minores ita respondent: Quo tempore, his
peragendis exercitijs vacabit, domo non egrediatur: cum alijs, siue secula-
ribus, siue Religiosis, non loquatur; recreationibus quibuscunque, etiam
quoridianis, non intersit. Fulientes hoc modo: Manebit in loco aliquo
solitario, & a strepitu remoto: ubi ipse meditabitur, cibum sumet, & si
possibile sit dormiat, nec loquetur, nec conuersabitur. Imò, docet S. Ignatius,
vt qui se exercet in prima hebdomada, hæc statuat: Cogitationes,
quæ gaudium afferunt, qualis est de gloriosa Christi resurrectione,
subterfugiam: quoniam, talis qualibet cogitatio impedit fletum, & dolorem
de peccatis meis, qui tunc querendus est, adscita potius mortis, vel iudicii
recordatione. Rursus: Vt eandem ob causam, omni me prinem lucis cla-
ritate, ianuis, ac fenestris clausis tantisper dum illic moror, nisi quamdiu le-
gendum, vel vespendum erit. Quod etiam Clerici Minores aduer-
tunt: Maneant in cubiculo, ianua & fenestra clausis, quam aliquantulum
aperiet, dum comedit, aut legit. Sed hac de re, olim, in primo tomo lib.
5. disq. 9. fol. 253. diximus. Addit tamen sanctus Ignatius, Vt à
risu, verbisque risum prouocantibus maxime abstineam. Et demum, Vt
in neminem oculos intendam, nisi salutandi, aut valedicendi postea occa-
sio. Vt enim quis sensus, in euagationibus, & distractionibus, fa-
cile colligere possit, maxime, ex Ludouico de Palma, iuuat Collectio
sensuum exteriorum, & præcipue visus, auditus, & lingua, abstinendo præ-
sertim à visu, & à narratione rerum ridicularum. Vanâ enim hilaritas
compunctioni, quæ mater est deuotionis, contraria est. Ac si in recessu
versanti cauet hanc narrationem S. Ignatius, ergo aliquam colloca-
tionem permittit. Ita est, sed cum Directore vel Laico, qui eius
ministerio additus, à Carmelitis instruitur, vt si quid Solitarius o-
pus habeat, scripto, nutuue tacite admonitus, perinde nutibus,

aut per atramentum respondeat. Interdum verò, addunt, si quid acciderit necessarium, quod in meridianum, aut vespertinum Ministri accessum differri nequeat, binis vel ternis campana ictibus eum admoneat; qui ad Eremitorium properans, quæ opuserunt exactè præstet.

Carm. Di-
scal. Instr. ad
Ex. c. 7. n. 7.

367 At quæ animi remissio, si fortè vlla Solitario expediat, adhibenda? Sanè probarim, quam iidem Excalceati constituunt: Meridiana, aut si habeatur, vespertina recreationis hora, Loci hortulum perambulabit, aut manibus quidpiam operabitur; vel, si maluerit, pium aliquod lectitabit, magis historicum, quam pertinens ad orationem. Idem habes in M. S. Eremitarum Instructione. Sed quando hæc deambulatio, vel operatio, vel lectio liceat, Directoris prudentia iudicabit. Verùm Prædicatores, ac Patres Missionis in Gallia, cum plures in secessu versantur, à gratiarum statim actione post prandium, pro animi remissione, spiritualem Collationem instituunt, cui tamen Superior, aut omnium Director intersit: idque nos, in Novitiorum, aut professorum iuuenum Exercitijs, cum meditantur bini, terni, vel quaterni, probamus. De qua ritè à nobis instituenda, in libro de Eremitica, & arctiori domo dicemus.

Ibid. num. 6.

368 Cæterum, nonnulli dubitant, an Solitarij iuniores, toto eo temporis spatio, quo in recessu versantur, quotidie, signo, vel Lectionis, vel Repetitionis audito, è recessu egredi, & ad scholam vnà cum alijs accedere debeant. Si enim (vt ipsi aiunt) ad scriptiorem, & alias quotidianas eiusmodi exercitationes, non eant, tot lectionum amissio videtur illis graue aliquod damnum, aut saltem incommodum, in scholasticis facultatibus, allatura. Ita ne? Sed ridicula sanè, peritorum iudicio, secessio hæc esset, si iuniores; qui maiore animi recollectione opus habent, vicissim à spiritualibus exercitijs ad literaria demigrarent; & Reformatorum omnium Ordinum ritui aduersaretur: qui ad hoc cellæ solitudinem, reclusionem, ac loci etiam obscuritatem, & priuatam Horarum recitationem, ac refectionem suadent, vt quotquot eò pro more secesserint, quacunque alia occupatione priuati, ad se se bene discutiendos & componendos, omnes animi curas, & cogitationes intendant. Propterea, opportuna iuniorum secessio, quæ quotannis habenda est, vacationum tempore obiri solet: quæ autem ob ineundos sacros Ordines instituitur, hoc situ fieri oportet, vt omnes alias etiam occupationes excludat. Deus enim interdum lumen Solitarijs in recessu tale concessit, quo non dum faciliùs lectiones addiscerent, eo solitudinis spatio prætermittas, sed mente etiam diuinitus illustrata, vberiori prouentu deinceps, vt in religiose Professionis ac perfectionis itinere, sic in-

scientiarum adeptione, mira ipsi ingenij docilitate, ac facilitate, profecerint. Dices, in Ordine Patrum Prædicatorum, Iuniores spiritualibus Exercitijs occupatos, si non repetendis, ac propugnandis, scribendis saltem lectionibus interesse, vt docueras in secessu num. 57. fol. 187. & in primo 10. huius operis lib. 3. disq. 2. fol. 115. Fateor: & hic quoque permittam, vt qui recollectionem solita distractione vacationis tempore instituit; si Directori, ac Præposito videatur, si tamen spiritu sit prouectus, & vita multum ordinanda, ac emendanda non egeat, post quartam diem qua peracta Confessione Sacramentum Communionis obiuit, quinta & deinceps scribendis solum lectionibus, earumdenque declarationibus, vt intersit. Quod si in præparatione ad Ordines ea conditione, nec facile, sed argre permittitur; in annua tamen recollectione, ac secessione, omnino, vt dixi, non concedendum.

DISQVISITIO SEXTADECIMA.

Quoto die Confessio Generalis sit obeunda; & an Missa celebratio omitti debeat, vsque dum illa, à Solitarijs, absoluaetur.

369 TOTIVS ANTEACTÆ VITÆ CONFESSIO-
NE. Porro, ex S. Ignatio, in suo Exercitiorum

libello, *Generalis ista Confessio, post hebdomada prima Exercitia, potissimum erit opportuna.* Sed à Præmonstratensibus, vt narrat Abbas Ioannes Chrysostomus, in itinere trium dierum, Circa septimum diem Exercitiorum institui solet, aut ipso septimo die. Saneius Generalis PP. Fulienfium, Quinta die, docet in suo Directorio instituendam; & ad eam ritè obeundam, appositam Meditationem proponit. Sed quid ego hac de re sentiam, ac decernam? Planè, vt vt alij tradant, ac doceant, ego quotquot instituo, ipso primo die recessus, ac Exercitiorum initio, ad Confessionem dispono, à me paulatim, iuxta ipsorum examen, excipiendam. Et meum hunc ritum plerique hodie in nostro Ordine consecantur; eundenque apud Garciam Cisteriorum Montis Serrati Abbatem obseruo; qui in Exercitatorio Vitæ spiritualis, cap. primo, sic habet: *Qui in spirituali vita exerceri cupit, hoc primum curet, vt cor ipse suum, per Generalem Confessionem, ab omni mortalis peccati labe perpurget.* Imò ipse S. Ignatius in eodem exercitiorum libello, proposito primò omnium conscientiae examine, ad

*Abb. Chrys.
in diff. tēp.*

De Confessione Generali obeunda. 425

eandem iuitat. Et cum ipse ad Montem Serratum, Joannem olim Clanonium, eius Cœnobij Antistitem, instituendæ solitudinis gratia conuenisset; Is, ex Societatis historia, consilium illud geminum pietatis palestram ineuntibus apprime necessarium menti eius iniecit, ut & Generalem institueret Confessionem, & cum viro bono; atque prudenti quicquid meditaretur communicaret. Scilicet, primò omnium sui manifestationem quam dixi, & totius anteaetæ vitæ Confessionem suavit; additque Nicolaus Orlandinus, Historiæ Auctor, optimam rationem: His enim necesse est oriatur ab initijs disciplina virtutis, & discidium spirituale his statuatur fundamentis. Nam expiatio vitæ totius anteaetæ in primo limine, ardoreque illo conuersionis, purgat magnopere animum, præparatque vberioribus cælo donis excipiendis. Ad hæc, Author sum omnibus, ut, quo ad Confessionem Generalem, vel Annuam expleant, Missæ celebrationem, vel, si non sint Sacerdotes, Sacramentalem Communionem omittant: præsertim, si spiritualia hæc Exercitia non dum alijs in recessu peregerint. Quæ tamen Confessio, ut opportunè, ac commodè fiat, trium circiter dierum spatio absolui posset. Idem temporis spatium impendit in sua Diuus Ignacius; de quo Petrus Maffæius, ex eadem Societate, sic ait: Quò simul atque peruenit, templum ingressus, ac Numine salutato, nihil antiquius habuit, quam ut persacram totius anteaetæ vitæ Confessionem, contractas animi sordes elueret; qua Confessione in primis fideliter, atque accuratè descripto peracta per triduum; summa deinde cum veneratione, ad Sacramentum Altaris accessit. Ita Patres Missionis in Gallia, ut ab iisdem accepi, primam, alteram, & tertiam diem in expianda conscientia infumunt; cogitantes interim de creati hominis fine, de diuinis beneficijs, & de peccatis, ut Deum lædunt, ac propriam hominis conscientiam turpant. Quarta verò die, absoluta Confessione, communicant, vel si sunt Sacerdotes, Missæ sacrificium offerunt: & ante Communionem, aut Sacrum, de Paradisi Gloria; post Communionem, ut plurimum, de Filio Prodigio meditantur. De modo autem obeundæ Confessionis, multi, disertèque scripserunt. Sed cum illud omnino cauedum sit, ne vllum confessorum crimen reticemus, hac de re Iacobus est Aluarez audiendus.

370 Ut rectè, & fructuosè fiat, aliqua sunt à nobis seruanda. Illud autem præcipuum est, & in omni Confessione intelligendum, ut in Sacerdote, cui Confessionem facimus, non tam hominem, quam Deum cogitemus, & in conspectu supremi Iudicis Christi, quem fallere nequaquam possumus, nos ipsos statuamus. Auditis peccatis tuis, o frater, ait Sacerdos: Ego te absoluo. Quis autem po-

Nic. Or. lib.
1. nu. 17.

Maff. in Vita
S. Ign. lib.
1. c. 4.

Alu. de Vita
rel. inf. l. 5.
c. 7. S. 3.

est à peccatis absolvere principaliter, ac peccata dimittere, nisi solus Deus, adversus quem admissa sunt? Igitur licet re vera homini confitearis, tamen primò, ac præcipuè, Christo ipsi, cuius Minister vicem gerit, tua peccata confiteris. Ex hoc primo optimè præstito, ac viuida fide cognito, multa bona consequuntur. Nam si Christo ipsi, quem nulla latet, nec minima cogitatio, tua peccata pandis, nihil omnino à te cognitum celabis, & sincerissimè omnia peccata, etiam occultissima patefacies. Ridiculum enim esset, in hac Confessione leuia dicere, quæ vel sanctus quisque de se posset asserere, si quid verò graue in eo semestri commisisti, imprudenter reticere. O iam illud confessus sum, & obtenta facultate à Prælato eligendi Confessarium, illi, qui placuit in oculis meis, peccatum detexi, & veniam obtinui. Nunc de hoc facto tuo nihil dico, quo proprium Pastorem reliquisti, ne secaret, ne vreret, ne sanaret, ne occasionem iterum cadendi præcidi iuberet; ad alium verò accessisti, qui te palparet, qui exterius tantum vlcus obduceret, qui medicamentum efficax, ne iterum caderes, fortè applicare nesciret. Non puduit te peccare, & puduit te ad tuum Prælatum accedere. Dum modicum pudorem vitas, magno rubori sustinendo te exponis. — Sed relinquamus ista. An ignoras Confessionem Generalem, ad hoc esse inductam, vt iam confessa dicantur, & nouæ compunctionis lauacro, ac maioris humilitatis actione, magis magisque mudentur? An ignoras hanc Confessionem ad hoc exerceri, vt Sacerdos non solum doctus, sed & spiritualis, & qui possit esse perfectionis Magister (tales nanque ad has Confessiones excipiendas eliguntur) omnes animæ tuæ recessus agnoscat, & malis tuis malagma conueniens adhibeat? At quo pacto remedium dabit, quæ te ratione ad perfectionem prouehet, si ab eo grauiora quæ admisisti, & ipse audiens curaturus erat, abscondas, & leuia ac nullius momenti tantum aperias? Nec dicas mihi, quia iam sanus factus es, & per specialem Confessionem, quam apud illum à te electum Sacerdotem obiisti, à peccato mundatus, ad quod (vt magis rem vrgeamus) nunquam in posterum es reuersus. Esto enim, hoc ita esse, quod non inficior. Sed animaduerte, longè alium esse statum tuum, postquam in grauiora cecidisti, ab eo, quem haberes, si non cecidisses, ac Deo fidelitatem seruasses. Prudens nanque Consiliarius aliud consilium Nobili dabit, qui à die, qua in Palatium est ingressus, semper Regi fidelis extitit, aut ei, qui postquam est in Regis obsequium ascitus, ab eo per rebellionem defecit. Sic alia auditurus es à Patre spirituali gubernandi talento prædito, cum in sola peccata leuia incidisti, aut cum

Quomodo Confessio obiri debeat. 427

in aliquod graue peccatum lapsus es. Nam tibi ad tantum malum progressio, & in domo Sanctorum in crimen lapsio, maior cura satisfactionis, & vitandæ occasionis incumbit. Effunde itaque sicut aqua cor tuum, ut nihil eorum, quæ manifestanda sunt, occultum remaneat, nihilque eorum quæ aperta esse debent, per minorem claritatem lateri cordis agglutinatum adhereat. Hæc Aluarez. Audi Climacum: *Aperi, denuncia, detege Medico vulnus tuum; dic, age, noli confundi: Meum vulnus est; Pater, mea plaga, cuius mihi causa fuit; non aliud, quam mea negligentia: Nemo huius auctor exitit, non homo, non spiritus, non corpus, non aliud quicquam nisi desidia mea. Esto dum confiteris, habitu, spe, cogitatione; ut condemnatus reus, demissis in terram luminibus, atque si fieri potest, Magistri, aut Medici pedes, lacrymis riga.* Ita S. Ioannes. Peracta tamen Confessione, si libet, ante Absolutionem, Protestationem obis, quam sanctus Franciscus Salesius in Introductione ad piam vitam p.p. cap. 19. & 20. tradit. Verum, quia ad ritè obeundam, tum annuam aut generalem Confessionem, tum ordinationem morum, ac vitæ, seria maturaque conscientie discussione opus est, eam mox, ut Textus, atque verborum ordo postulat, aggredior explicandam.

Cl. gr. 4.

LIBER X.

De Examine Conscientiæ, Generali, ac Particulari.

Precipua ergo, ac singularis cura Solitariorum hac erit, ut vita sua facta, dicta, & cogitata discutiant; his saltem quotidie generale, ac particulare Examen instituentes: ut possint ipsi acrius cum vitæ certamen inire, & temporum collatione expensa proficere.

DISQVISITIO PRIMA.

De bene discutienda, ac instituenda vita scopo, in spiritualibus Exercitijs, intendendo.

371 **F**ACTA, DICTA, COG. DISCVTIANT. Primum, ac princeps negotium, à solitarijs ac reclusis,

Lib. 10. Disq. 96.

H h h 2

illo

illo dierum spatio, tota animi contentione, tractandum est, per-
purgare, discutere, ac extergere conscientiam; vitia radicibus euellere, inserere animo virtutes, vitam recte sanctęque instituere, ac ordinare: ut in Pauli Papę V. Diplomate, & in multis Religiosorum Ordinum sanctionibus, quę spiritualia hęc Exercitia, aut suadent, aut imperant, est expressum. Verē enim, nomine ipso Exercitiorum spiritualium, primo loco, ut docet S. Ignatius, *Intelligitur modus quilibet examinandi propriam conscientiam*. Quod Magnus Gerardus peregrinē pręstitisse reclusum apud Cartusianos, narrat Thomas à Campis. *Insurgentes, inquit, passionum motus, ieiunando, vigilandoque, confregit; & Daemonum varios insulsus, orando, fiendoque, denicit; loquens cum sancto Danid, Ecce elongari fugiens, & mansi in solitudine*. Et subdit: *Agrum cordis sui districta examinatione quotidie visitans, diligenter excoluit, spinas vitiorum eradicando, ac virtutum semina inserendo*. Sed quod vehementer admiror, nouit hoc L. Seneca; & ad cognoscendum, emendandumque se ipsum, secessum, ac reclusionem suavit: *Animi bonum, inquit, animus inueniat*. Hic si unquam illi respirare, & recedere in se vacauerit, o quā sibi ipsi verum, tortus à se, fatebitur, ac dicet: *Quicquid feci adhuc, infectum esse malletm: quicquid dixi, cum recogito; muris inuido: quicquid optavi, inimicorum execrationem puto: quicquid timui, Dii boni, quāto melius fuit, quāto quod concupiui? Vides, ut Philosophus respirationem, atque à rebus agendis recessum in se vehementer exoptet, speretque fore, si id impetret animus, ut in eo recessu verum fateatur à conscientia tortus, & errata eorum quę fecit, dixit, cupiuit, cum pœnitentia recognoscat*. Idem alibi Paulinum, annonę Pręfectum, hortatur, ad hunc secessum à curis, ut vitę suę benē noscat & ordinet rationes. Decerpta hinc inde verba afferam, quę veniunt in rem nostram: *Excerpete vulgo, & in tranquilliorē portum tandem recede*. Satis iam per laboriosa, & inquieta documenta exhibita virum est: experire quid in otio faciat. Maior pars ætatis, certē melior Reip. data sit: aliquid temporis tibi sume, etiā tibi. Inuenies maiora, quę sepositus & securus agites. Istum animi vigorem, rerum maximarum capacissimum, ad te reuoca. Satiū est tuę vitę rationes, quā frumenti publici nosse. Et pauld post: *Recipe te ad hęc tranquilliora, tutiora, maiora; sciturus, quis animum tuum casus expectet; ubi nos à corporibus demissos Natura componat*. Nunc dum calet sanguis, vigentibus ad meliora eundum est. Expectat te in hoc genere vitę multum bonarum artium, amor virtutum atque usus, cupiditatum obliuio, viuendi atque moriendi scientia, alia rerum quies. Hactenus Seneca. Tum si ea purus philosophus, at Christiani, & spiritualium

S. Ign. in Exerc. spir.
annos. 1.

Th. à Campis
in Vita Ger.
cap. 6.

L. Sen. lib. de
Vita beata
cap. 2.

Id. lib. de
brev. vita e.
18. 19.

Quom. bis cōsciētia examen instituēdū 429

rerum professores Religiosi, ac Theatini quid dicent? Planè omnes eo fine suscipienda à nobis in recessu exercitia docent, vt vitæ nostræ rationes optimè instituantur. Sic Author Epistolæ ad Celantiam suadet hanc vacationem, & subdit: *Nec hoc ideo dicimus, quo te retrahamus à tuis: imò id agimus, vt ibi discas, ibique mediteris, qualem tuis præbere te debeas.*

S. Hier. ep.
14. ad Celas.

DISQVISITIO SECVNDA.

Quomodo non in recessu solùm, sed in perpetua vita, bis quotidie, Conscientiæ Examen instituendum.

372

BIS QVOTIDIE EXAMEN. Quisquis in recessu versaris, expiata iam conscientia, inter sanctioris vitæ propolita, hoc omnino custodias, vt obeundum Examen bis saltem quotidie non omitras. Nostræ enim Constitutiones hoc mandant vt, *Bis etiam in die, semel ante prandium, iterum antequam eatur cubitum, rationem dicti, facti, cogitati, nobiscum pusemus.* Et Nouitij à nobis instituuntur, *Bis saltem in die conscientiam examinare.* Vt eandem hanc rationem, quæ ad vitæ puritatem, ac perfectionem adipiscendam, plurimum confert, in omni ferè vita custodiant. De hoc igitur in præsentia agendum est, vt hunc discutiendæ quotidie conscientiæ morem ita nostris animis imprimamus, vt nulla occasio vnquam à nobis, aut mane, aut vespere, deferatur. Expedit enim, vt hunc primò fructum ex solitudine eliciamus. Itaque, de conscientia examinanda, plura ibidem habes apud Caracciolum, sanctitate ac sapientia insignem, ac celeberrimum virum: de hoc tamen examine bis habendo, vt est Constitutio, cùm ille nihil omnino differat, restat mihi ostendere, in hoc ipso, veterum ritum. S. Ephræm Syrus bis quotidie conscientiam perscrutati, ac nos met exactè discutere, sic suadet: *Diebus singulis, vesperi & mane diligenter considera, quo pacto se habeat negotiatio tua, ac mercimoniū ratio.* Exponit vespertinum Examen: *Et vesperi quidem, inquit, ingressus cubiculum cordis tui, examina te ipsum, & dicitio: Putas ne hodie, in aliquo Deum exacerbauit? Nunquid verba otiosa protuli? Num per contemptum, negligentius peccaui? Num in re aliqua fratrem irritaui? Num alicuius famam de iractionibus laceraui? Num, quando ore psallebam, res seculares mente versabam? Num, quando carnalis in me concupiscentia irruit, blandum virum ego lubens suscepi? Nunquid à curis sollicitudinibusque terrenis aliquando*

Const. Cl. RR.
p. 1. cap. 8.

Anton. Carac. ibid. p. 1.
c. 8. nu. 4.

S. Ephr. 30. 3.
ser. asct.

superatus sum? Quod si in istis comperis te detrimenta perpeſsum, futuris
lucris praterita damna sedulo refarcire cura. Ingemisce ex intimo corde,
& plange, & lacrymas funde. Subdit Examen Matutinum: Et factō
iam diluculo, rursus eadem tecum meditare, & dicit: Quomodo, putas,
ista mihi nox praterijt? Lucius ne sum in ea meritiū meum? Nun-
quid mens mea una cum corpore vigilauit? Nunquid oculi mei lacrymas
fuderunt? Nunquid cū genua noctu ad orationem flecterem, somno de-
preſſus sum? Nunquid improbe ac sordida cogitationes inuaserunt me, at-
que illis libenter immoratus sum? Et si te in eiusmodi uictum esse senseris;
solicite curari stude, cordique tuo custodiam statue, ne eadem rursus patia-
ris. S. Dorotheus, differens de uitij ac passionibus extirpandis, pro-
ponit hoc ipsum duplex conscientie Examen, quod antiquiorum
Patrum monitis ac documento didicerat. Quo pacto, inquit, per singu-
los dies nos ipsos purgare, & propemodum expiare debeamus exactissime,
docuerunt Maiores & Patres nostri. Nempe, ut uespere sedulo quisque
perquirat, & inuestiget, quomodo pertransierit diem illum. Rursus mane
examine, quomodo exegerit noctem illam. Et penitentiam agat, ac re-
ſipiscat coram Deo, si quo pacto (ut fieri potest) peccatum aliquod admiſe-
rit. Mox paradigma examinis subiungens, ait: Debeturque unusquis-
que nostrum à se ipso, tanquam index, rationem cuiuslibet facti extorquere,
& dicere: ut quid locutus sum, infelix, qua fratrem meum morderent, &
carperent? ut quid fratrem aliquid facientem iudicaui? ut quid Deum con-
tempſi? ut quid murmurauī, & oblocutus de ipso sum? Cur coquum in-
crepauī? Cur pudore illum affeci? Cur ego imprudentissimus, in me ipso ob-
murmurauī, quod cibaria non bene decoxisset, artificiose curasse? Dixit mi-
hi ceremoniarum princeps, uel quiuis alius fratrum, uerbum; nec ferre
potui, ac statim illi aduersatus sum. Sicque per singulos dies agendum no-
bis eſet, discutiendum & cognoscendum, quo pacto ambulassemus. Hæc
de Vespertino, mox de Matutino sic habet: Debet item quis à se exi-
gere, ut noctem transierit, si uidelicet & cum diligentia & promptitudi-
ne ad uigilias surrexerit, si neglexerit respondere excubitori, si contra ipsum
in aliquo obmurmurauerit. Ad eandem iteratam excuſſionem, è latinis
Patribus, hortatur S. Bernardus: Nemo te plus diligit, nemo te fi-
delius iudicabit. Mane praterita noctis fac à te ipso exactionem: &
uentura diei tu tibi indicito cautionem. Vespere diei praterita rationem
exige; & supernuenientis noctis fac indictionem. Sic districto, nequaquam
tibi laſciuire uacabit. Vmbertus, olim totius Ordinis Prædicatorum
Magister, iuniorem erudiens; Per singulos dies, inquit, ad iudicium
uitam suam uocare debet. Mane considerare quid egerit per noctem: in
uespera, quid egerit per diem. Et Dionysius Cartusianus, cū Religio-

S. Dorotheus.
ser. 11.

S. Ber. de ui-
ta sol. ad fr.
de Monte
Dei.

Vmb. l. 2. de
erud. p. 2. c. 3

De cōscientia bis quotidie examināda. 431

sum instituit; *Mane inquirat, ait, quemadmodum nocturnum tempus exegerit, qua alacritate diuina persoluerit; & item, qualiter instantem diem fructuose decurrat, sapienter instituat. Denique vespere contuendum, quomodo dies ipse defluxit; quid agendorum omisum, quid etiam omittendorum commissum; quid profecerit, quantumque proficere potuerit sed neglexerit, atque aduenienti se nocti præparet. Eadem institutione, subdit, vixisse sanctum Arsenium. Denique hoc idem duplex examen Philosophis ipsi in usu fuit. De Pythagora testatur S. Hieronymus, aurea hæc eius verba commendans: Duorum temporum quam maximè habendam curam, mane, & vespere; id est, eorum, que acturi sumus, & eorum que gesserimus. Et Galenus, in libro de cognoscendis curandisque animi morbis, hæc ait: Singulis diebus ea, que superius dicta sunt, tibi ipsi reuocare in memoriam. Atque hoc idem præstabit, te sapius facere. Quod si non possis tam sæpe: ac saltem matutinis horis semper, antequam quicquam eorum, que acturus sis & vespertinis, antequam cubitus eas.*

*Cart. de vita
& sine solit.
a. 24.*

*S. Hier. l. 3.
Apolog. adu.
Russ. c. 10.*

373 Ritè ergo Tyrones nostri, & Tertiæ Classis Professi, ac omnes in domo Receptus, primo signo ante prandium, & post cœnam, vnà conueniunt; & flexis in Oratorio genibus, labes suas exactissimè perscrutantur. Alij etiam sacerdotes vbique idem, sed priuatim, obseruant: quod tamen sic obire tenentur, vt si fuerint ante prandium, vel auscultandis confessionibus, vel alijs quibuscunque operibus occupati; at saltem se se post prandium, peracta gratiarum actione, aut animi remissione, discutiant: quanuis summo mane hoc ipsum examen, pro Sacramento Confessionis, diuinisque ritè mysterijs celebrandis, obierint. Nam, ex S. Dorotheo, cum sæpe numero ac plurimum peccemus, & quàm facillimè obliuiscamur, opus esset frequentissimè ac singulis horis nos ipsos exquirere, rimari, ac perscrutari diligentissimè. D. Bonauentura, ad vitæ puritatem adhortans, idem suadet his verbis: *Ad quod quidem diligentius ac purius conseruandum, quotidiana discussione septies in die examines vitam tuam, semper ante vel immediatè post quamlibet horam Canonicam; considerans, & discutens attentissimè, qualiter de hora in horam ambulaueris dignè coram Deo sine macula, in iustitia semita. Et qui, apud Climacum, ferebant è cingulo pendentem libellum, in quo cogitationes suas quotidie perscriberent, vt eas Præfati nuntiarent; ij proculdubio in semetipsos ad eundem modum pluries inquirebant.*

*S. Dorothe.
ser. 16.*

*S. Bonau. t. 2.
ep. 25. me-
morial. S. 24.*

cl. gr. 4.

374 Non ergo magnum quidpiam tibi facere videaris, si tertidè te discutias, quando Phocylides, si Ioanni Stobæo fides habenda est, primus omnium mortales edocuit, ne dum quotidie disqui-

Stob. ser. 6.

rere conscientiam, sed & diebus singulis ter eandem discussione m-
obire. Pythagoram monentem audi, & sequere: Diurnorum ope-
rum singula ter animo percurras; quò transit? quid egi? quid opportunum
omisi? Incipiens autem primò percense: dein turpibus commissis increpare;
bonis delectare: hæc labora: hæc meditare: hæc te amare decet: hæc te ad
Divinæ Virtutis vestigia ducent.

375 Sin autem die, quandoque animum ad reddendam ratio-
nem non evocasti; ad nocturnam quietem non te omninò recipias,
quin, ex Publio Sexto, te ipsum interroges: Quod hodie malum tuum
sanasti? Cui vitio obstitisti? Qua parte melior es? Audi Senecam, & Phi-
losophum ac Stoicum imitare: Quid pulchrius hac consuetudine excu-
tiendi totum diem? Qualis ille somnus, post recognitionem sui, sequitur?
Quàm tranquillus, altus, ac liber, cum aut laudatus est animus, aut ad-
monitus, & speculator sui, censorque secretus, cognoscit de moribus suis?
Utor hac potestate, & quotidie apud me causam dico: cum sublatum è con-
spectu lumen est, & conticuit uxor, moris iam mei conscia, totum diem
mecum scrutor, facta & dicta mea remetior. Nihil mihi ipse abscondo,
nihil transeo: quare enim quicquam ex erroribus meis timeam, cum possim
dicere: Vide, ne istud amplius facias, nunc tibi ignosco. In illa disputa-
tione, pugnacius locutus es: noli postea congredi cum imperitiis: nolunt discere,
qui nunquam didicerunt. Illum liberius admonuisti, quàm debebas;
itaque, non emendasti, sed offendisti. Hæc Philosophus, & in altissima
gentilitate: Christianus, ac Religiosus ipse quid dices?

376 Porro, modus Generalis Examinis, ex S. Ignatio, hæc quin-
que puncta complectitur. Primum est, Domino nostro Deo, pro
beneficijs acceptis, gratias agendas esse. Secundum, quod debe-
mus pro cognitione, & expulsionem peccatorum, gratiam flagitare.
Tertium, de admissis præsentī die peccatis, rationem ab anima no-
stra exigere, per horas singulas, ex quo surreximus, vestigando: &
primò quidem circa cogitationem, deinde circa loquelam, atque
operationem, eodem ordine, quo in particulari examine. Quartum,
poscere veniam de delictis. Quintum, proponere cum Dei gratia,
emendationem; & orationem Dominicam post dicta omnia recita-
re. Hæc S. Ignatius, qui, ex Ribadineira, & Maffeo, in horas sin-
gulas se se colligebat, & à reliquis animum in Deum auocabat, conscientiam-
que suam discutebat diligentissimè. Quod si negotium intercederet gravius,
vel occupatio aliqua tanta, quæ pia consuetudini impedimentum afferret;
proxima hora, vel certè primo quoque tempore, interpositam moram com-
pensabat. Sic enim facere oportet, ut Dei misericordiam impetre-
mus: scilicet peccata, seria & exacta discussione in examinis libello

describere. Audis sanctum Chrysostomum: Si tu scripseris, Deus delebit; si verò non conscripseris, ipse Deus & scribit, & pœnas exigit. Et S. Theodulphum: Quamò nos memores sumus peccatorum nostrorum, tando horum Deus obliuiscitur.

S. Chrys.
hom. 42. in
Matth.
S. Theod. E-
pisc. ep. ad
presb.

DISQVISITIO TERTIA.

Quomodò certamen, per particulare Examen, cum
vitijs ineundum?

377 **V**T ACRIVS CVM VITIIS, ETC. Pugna hæc instituitur, tum generali examine, de quo hætenus diximus, tum præsertim Examine particularium vitiõrum, quæ te vt plurimum in tuis actibus sædant, & oppositarum virtutum, quas magis addiscere, & animo inferere oportet. Vtenim Beda inquit, Habet quidem vnumquodque vitium in corde nostro propriam stationem, sed si cum spiritualibus pòpulis, id est, virtutibus contra se dimicantibus, fuerint vitia superata, locum quem sibi in corde nostro concupiscentie, vel fornicationis spiritus retinebat, deinceps castitas obtinebit: quem furor ceperat, patientia vendicabit; quem tristitia morte operante occupauerat, incipiet excludere fortitudo salutaris, & plena gaudij lætitia possidebit: quem accidia vastabat, incipiet excolere humilitas. Et ita singulis vitijs expulsis, eorum loca, id est effectus contrarios possidebunt filij Israel, id est, anima uidentes Deum. Hætenus Beda.

Beda qq. in
Dent. c. 16.

378 Hæc autem pugna, vt sensim, & ex ordine, non contra omnia simul vitia, fieri debeat, sed in vnum præsertim, quod aut lædat magis conscientiam, aut scandalum pariat, Ioannes Cassianus est author: Ita nobis, inquit, aduersus vitia arripienda sunt prælia, ut unusquisque vitium, quo maximè infestatur explorans, aduersus illud arripiat principale certamen: omnem curam mentis, ac sollicitudinem erga illius impugnationem, obseruationemque deficiens, aduersus illud quotidiana ieiuniorum dirigens spicula, contra illud cunctis momentiis cordis suspiria, crebraque gemituum tela comorquens, aduersus illud uigiliarum labores, ac meditationes sui cordis impendens, indefinenter quoque orationum fletus ad Dominum fundens, & impugnatinis suæ extinctionem ab illo specialiter ac iugiter poscens. Causam addit instituendi ita certaminis cum quolibet singillatim: Impossibile namque est de qualibet passione triumphum quempiam promerari, priusquàm intellexerit, industria uel labore proprio, uictoriam certaminis semet obtinere non posse, cum tamen, ut ualeat emendari,

Cass. coll. 5.
c. 14.

neceſſe ſit, eum die noctuque in omni cura & ſolitudine permanere. Tum pergit: Cūque ſe ab ea ſenſerit abſolutum, ruſum latebras ſui cordis ſimili intentione perlutret, & excipiat ſibi, quam inter reliquas perſpexerit dirio- rem, atque aduerſus eam ſpecialius omnia ſpiritus arma commoveat, & ita ſemper ualidioribus ſuperatis, celerem de reſiduis habebit facilemque ui- ctoriam. Ita enim fiet, ut expulſis vitijs, quæ nos in præcipitium trahunt, ſenſim ac gradatim euecti per virtutum aëus efferamur ad Deum. Audi hoc ipſum, ut ore planè aureo Chryſoſtomus doceat: Diſcamus igitur, & uitia noſtra recenſentes, ea tempore corrigamus, & hoc menſe unum, alio aliud, & ita ſubſequenter meliores efficiamur: & ſic tan- quam per gradus quosdam aſcendentes per ſcalam Iacob ad calum perue- niemus. Cū autem per ſingulos menſes contra quodlibet vitium certamen indicit, hoc monet, ut quoad illud expugnetur prorsus, pugna non deferatur.

379 Cū mane igitur expergiſceris, aëis primū Deo gra- tijs, ut Aluarus monet, *Firmiter propones tui cuſtodiam circa uitium il- lud, aut peccatum, aut imperfectionem, à qua te cupis emendare.* Deinde bis minimū examen inſtitues. De tempore autem ac modo in- ſtituendi particularis Examinis, hæc S. Ignatius. Primum eſt matu- rinum, quo debet homo ſtatim dum à ſomno ſurgit, proponere di- ligentem ſui cuſtodiam, circa peccatum aut vitium aliquod particu- lare, à quo emendari cupit. Secundum eſt pomeridianum, in quo petenda eſt à Deo gratia, ut reminiſci poſſit ille, quoties in pecca- tum, ſeu delictum iſtud particulare inciderit, & in poſterum caue- re: deinde, priorem faciat diſcuſſionem, exigens ab anima ſua ratio- nem de peccato, ſeu vitio iam dicto, & ſingulas diei partes præte- ritas percurrens ab ea hora, qua ſurrexit, uſque ad præſentem, quo- ties illud commiſerit, & puncta totidem ſignet in priore linea figu- ræ ſubſcriptæ: quibus peractis, denuo proponat per ſpatium dici reliquum, diligentius ſe ſe cohibere. Tertium erit vespertinum, tempus, in quo, poſt cœnæ horam, facienda eſt diſcuſſio ſecun- da, percurſis itidem horis ſingulis, ab examine priore uſque ad præ- ſens lapſis, & eodem modo rememoratis enumeratiſque vicibus, quibus deliquerit, parem eis punctorum numerum ſignabit in po- ſteriore linea figuræ ſequenti ſimilis ad hoc præparatæ. Porro, ſi- milem praxin à Vuillelmo, inſigni Præmonſtrati Ordinis Aſceta, referente eius vitæ Auſtore, ſic habes: Die Dominico, mane conſide- ra, quoties eo die n. g. cholera peccaris ad prandium, & ſi contigit, ut quin- quies, quinque puncta in priori linea eius diei ſignes, ſi ſæpius, plura puncta, iuxta numerum delicti annotes. Veſperi autem pari ratione te ipſum ex-

S. Chryſ. ho.
82. in Io.

1ac. Aluar.
de Vita re-
lig. inſtit. lib.
2. c. 14.

Vita Vuil.
lib. 2. cap. 8.

De particulari Examine Conscientiæ. 435

etiam si hoc uiderem, sed numerum punctorum in posteriorem lineam eiusdem diei u.g. Dominicæ reſicias, quæ dabit procul pauſiora erunt, quam antea prandium: hoc quo eodem modo in ſingulos dies notare, neque ambigas mori futurum, nec circa idem ultimum nihil omnino aut certe parum deinceps tene- ris, ſed tamen de huius modo et ſtudio omnia peragantur. Et cum propoſito emendationis firmo. Quoad bonum uero uertum aliquod conſequendum, idem ipſe inodus ſeruetur. Verum in altera parte tabulæ, ut ſicut antea in priori notabas puncta peccati, ſic iam in ſequenti huius uirtutis, u.g. laudandi Deū, actus, eorumque multitudinem ſignes. Hoc exercitio fit, ut peccatum ſem- per decreſcat, et uirtus quam maxime augeatur. Hæc ille. Iconem adijcio.

TABVLA EXAMINIS PARTICVLARIS.

Notæ errorum		Notæ Virtutum	
Die Dom.			Die Dom.
Die Lun.			Die Lun.
Die Mar.			Die Mar.
Die Mer.			Die Mer.
Die Iouis			Die Iouis
Die Ven.			Die Ven.
Die Sabb.			Die Sabb.

380. Præterea S. Ignatius, ad facilitiorem & celeriorem peccati ſeu vitij cuiuſvis extirpationem, hæc addit. I. Ut quoties id peccati ſeu delicti genus commiſeris, manu peccatori admota, doleas de lap-

lu, quod fieri potest etiam assistentibus alijs, nec aduertentibus. II. Ut sub noctem numeratis comparatisque inuicem punctis linearum, quarum prior priori examini, posterior posteriori assignatur, attendas, an à priore examisne vsque ad secundum aliqua successerit emendatio. III. Ut conferas diei secundæ atque præcedentis examina inuicem: considerans, ecquid tibi emendationis interuenerit. IV. Ut collatis hebdomadarum duarum inter se se examinibus, pari modo factæ vel omisæ emendationis rationem habeas. Sed de hac collatione mox dicam.

DISQUISITIO QUARTA.

Quomodo dies & hebdomada conferantur: & quæ nam sit materia particularis Examinis.

381 TEMPORVM COLLATIONE EXPENSA. Pla-

nè, ex S. Ioanne Climaco, optimus ille Trapezita est, qui quotidie vesperi lucrum & detrimentum omnino computat. Quod scire manifestè non potest, nisi singulis horis in tabulis omnia denotet. Nam cum calculi singulis horis ponuntur, totius diei ratio postmodum clariùs cognoscitur. Sed quia non est satis, ad cognoscendum progressum, excutere gesta vnius diei: etiam collatio temporum adhibenda est. Comparanda est dies instans, inquit S. Bernardus, diei præterita, ut ex eorum collatione, suum deprehendere possit Monachus, vel profectum, vel defectum. Quod S. Basilus ita monuerat: Quæ singulis diebus feceris opera, ea vesperi tecum ipse commemora, & cum ijs quæ feceras pridie conferto, Audiosque operam dato, ut melior in dies magis ac magis existas. Sed quia diei collatio non sufficiet, nisi etiam hebdomadæ conferantur, addit S. Chrysostomus: Scrutemur quisque conscientiam, & rationem examinemus, & consideremus, quidnam in hac hebdomada probe actum sit, quid in alia: & quale augmentum fecerimus ad sequentem, quas in nobis affectiones correxerimus. Imò non tantum dies & hebdomadas, sed, si fieri posset, momenta etiam conferre & excutere deberemus. Audi S. Dorotheum: Perdiscat unusquisque, ubi nam sit, quoue in statu, quot iam milliaria peregerit, quantumque promouerit seu perfecerit: et non modo per singulos dies, verum etiam per singula temporum momenta, per singulos menses & hebdomadas, nos ipsos scrutari, rimarique ac discutere sedulo debemus, & dicere nobis ipsis: Prima hebdomada, summa uehementia, ad talem passionem dilapsus sum; nunc verò quomodo me

S. Bern. in
spec. men.

S. Bas. s. de
abd. rer.

S. Chrys. bo.
11. in breu.

S. Dor. ser. 10

habeo? num quicquam profeci? Pari modo per singula temporum spacia dicendum: Anno præterito hac passione denictus sum, nunc vero quomodo me habeo? atque ad eum modum per singula vitia nos ipsos debemus inspicere, num aliquantum profecerimus, vel in eisdem volutemur, aut certe ad deteriora prolapsi sumus. Hæc S. Dorotheus.

38. Iuuat tamen, ex Ludouico de Palma, vt omnium vsui exhibeatur

MATERIA EXAMINIS PARTICVLARIS

Circa defectus.

GULA. I. Foris aut extra tempora, aut sine licentia non comedere. Palma fol. 221.

II. Deliciora, aut particularia, sine euidenti necessitate, non admittere.

III. Non sinere se abripi gustu & suauitate ciborum, inter comedendum cogitationem ad aliam rem indifferentem diuertendo.

CONCUPISCENTIA. I. Nihil habere, nisi cuius apud omnes communis sit vsus. II. Non habere, nisi præcisè necessaria, quibusque carere nequeas. III. Non esse peruinacem aut importunum in petendo. IV. Nihil eligere, sed acceptare quod datur, paratum ad vilissima.

CASTITAS. I. Oculos, manus, & aures custodire, & abstinere ab omni, quod ad malum incitare potest. II. Silentium seruare, & maxime in verbis mollibus, & illecebris. III. Sibi cauere à conuersatione familiari, secreta, periculosa, amicitij particularibus, & personis suspectis. IV. Sollicitum esse, vt cogitationes sint pura in conspectu Dei.

IRA. I. In verba iniuriosa, & amara non prorumpere. II. Non alte loqui, aut vociferari. III. Non conqueri, aut minari. IV. Ire motus comprimere, non permittendo se abripi suspicionibus, detractionibus, aut vindicta.

BINGVA. I. Non loqui extra tempora, nec de rebus inutilibus, non comprehendere, nec alte loqui. II. Non lachryam absentis. III. Diētis aculeatis non pungere presentes. IV. Non miscere sales, & lepores minis urbanos.

SVPERBIA, & VANAGLORIA. I. Se non laudare, nec de suisque rebus loqui; nec velle innotescere, si caritas, & obedientia hoc non impent. II. Suos defectus non excusare. III. Nec directè, nec indirectè honorifica pretendere, sed sui obliuisci seque committere aliena dispositioni. IV. Sine mora cogitationibus vanis occurrere.

MODESTIA. Non agitare leniter caput; manus seruare quietas; non corrugare frontem aut nasum; in cachinnos non prorumpere; pileum, reliquumque vestitum habere decemter composita.

438 Quom. particulare Examen instituēdū.

Circa Exerētia Spiritualia.

Primum fecisse distributionem temporis in rebus, quæ meo arbitrio relinquuntur, eamque exactē seruare. I. Omnia Exerētia spiritualia, quantum fieri poterit, suis horis facere. II. Seruare, in illis acurate, quæ præscribuntur.

Quoad Ministeria.

I. Ea exactē facere, non se excusando, nec onus in alios reijciendo, nec habendo acceptionem personarum. II. Defectus suos circa suauitatem, maturitatem, rigorem, & negligentiam seu remissionem. Exc. diligenter examinare, & remedio inuigilare.

Quoad Recreationes.

Firmiter statuere, nullam velle sine rei vtilis narratione recreationem transigere, multoque minus, si extra recreationum temporis, cum domesticis aut secularibus sit agendum.

Circa Exerētium Virtutum.

Actiones virtutum aliquæ sunt exteriores, aliæ interiores. & utrarumque producemus exempla, ut do illis examen particulare fieri possit, certas sibi vires præscribendo, quibus tales virtutum actus tam mane quam vesperi erant exercendi.

ACTIONES EXTERNÆ HUMILITATIS sunt: Prima, Demisse de se loqui, vel aliquem suum defectum in medium proferre, vel sua eleuare. II. Primum semper alij locum deferre in honore, idque verbis & re ipsa, ijs in omnibus cedendo, & cum illis tanquam cum superioribus agendo. III. Aliqua officia humilitatis obire.

ACTVS INTERNI HUMILITATIS. Primus, meos defectus agnoscere, & pro ijs veniam petere. II. Multa, in quibus alij me superant, notare, ijsque me subicere. III. Proponere mihi occasiones contemptus, & iniuriarum, quæ inferantur, earumque perpeffione gaudere. In quibus omnibus opus est prudentia, ut non fingamus nobis chm. eras in aeres sed discursum reducamus ad res moraliter possibiles, statui. & officia conuenientes, ad earum lubentem tolerantiam animum disponendo, & utrumque.

ACTVS EXTERIORES OBEDIENTIÆ. Primus, Ad pulsum campanæ, & ad Superioris vocem accuratum esse. II. Prompta, & deu-

ta executio ordinationum, & voluntatis superioris. III. Officialibus subordinatis sine replica & cum humilitate obedire. IV. Aequalibus etiam & inferioribus in quibusdam rebus obedire, ipsorum se iudicio, meo posthabito, & voluntati accommodando.

ACTVS INTERNI OBEDIENTIÆ: Primus, Voluntatem & iudicium meum Superioris iudicio submittere. II. Actū bonam intentionem inter operandum exercere, v.g. hoc facio ut obediam. III. Difficiles mihi obediendi occasiones proponere, & ad illas me disponere; idque cum prudentia de qua supra.

Possunt etiam certo numero exerceri actus Fidei, Spei, & Charitatis, ad rectificandam intentionem, & similes actus pro capacitate & dispositione illius qui se exercet. Sed cum iam multiplex sit examinis particularis materia, sequitur, ut illam eligam quæ mihi maximè conuenit.

383 Id autem, exercitiorum initio, maximè omnium est curandum, ut præter sedulam conscientiæ discussionem, & moderatam corporis castigationem, quam dixi, incusso peccatorum odio, ingentique dolore de ijs sapius excitato, ac firmato penitus proposito Deo in posterum studiosissimè seruiendi, Solitarij animus perpurgetur: quod præsertim fiet, iterato hoc, aut simili actu Contritionis. Domine Iesu Christe, verus Deus & homo, Creator & Redemptor meus, pænitet me ex toto corde, quod offenderim te Dominum meum & Deum meum, quem amo super omnia. Et propono firmiter, ampliùs non peccare, omnesque peccandi occasiones deuigare, confiteri, & implere pœnitentiam, quæ mihi fuerit iniuncta. Et in satisfactionem peccatorum meorum, offero tibi Passionem tuam, merita B. Mariæ semper Virginis, & omnium Sanctorum tuorum, atque omnia opera mea, & totam vitam meam. Et confido in bonitate & misericordia tua infinita, quòd per merita pretiosi sanguinis ac mortis tuæ, mihi remissurus sis omnia delicta mea, & gratiam uberem largiturus, quæ vitam sanctè instituere, tibi quæ perfectè usque ad finem seruire valeam. Qui cum Patre sanctoque Spiritu viuas ac regnas Deus, in secula benedictus, Amen.

(✠)



LIBER XI.

De meditandi materia, & vsu Oratio-
nis Mentalis.

Meditationum pancta & materia, iuxta nostrorum Patrum veterum morem, ex sacris Euangelijis, ac D.N. Iesu Christi vita, frequentius hauriatur, et tamen ordine, quem Director, iuxta cuiusque exigentiam, indicauerit; vel ex probatis Auctoribus peti possunt. Sed Praefecti & Directores, in iunioribus praesertim exercendis, hoc curent, ut omnes probe, in orandi modo, iuxta Ritum nostri Ordinis instruantur.

DISQUISITIO PRIMA.

*De habendo apud nos Euangeliorum Codice, ac Meditatio-
num materia, ex sacris semper eisdem Christi
Euangelijis haurienda.*

384 IUXTA NOSTRORVM PATRVN MOREM. No-

stri Ordinis Conditorum, & in primis sanctissimi Pau-
li Papæ Quarti monitum, & inuentum fuit, ut à nostris meditatio-
num materia, ne dum in recessu, quem ipso fundatæ Congregatio-
nis, & cuiusque domus initio, coluerunt; sed quotidie, ac perpetuo
semper, ex sacris Euangelijis hauriretur: ita tamen, ut quatuor
omnes Euangeliorum historiarum, mensis vnus spatio, percurrantur.
Quæ Euangeliorum sane partitio & ordinatio, B. Andreæ manu ex-
arata extat, ac de ea, & Antonius Caracciolus, & Iosephus Silos,
hæc habent: *Proposuerant nanque sibi (nostræ Congregationis Insti-
tutores,) vel ab ipso Religione exordio, diurna inter pensa, aliquid ex
Euangelijis quotidie legere: factaque ab Episcopo Theatino quotidiani operis
partitione, qua singulis quidem hebdomadis vnum ex ijs interim percurrer-
bant, singulis vero mensibus absoluebant quatergeminum; id impigre per-
ficiebant.* Diuisio autem, ut referunt iidem, hæc erat.

Matthæus.

Dominica. Cap. 1. 2. 3. 4. 5. 6. 7.

Fer. II. Cap. 8. 9. 10. 11. 12.

Fer. III. Cap. 13. 14. 15. 16. 17.

Fer. IV. Cap. 18. 19. 20. 21.

Fer. V. Cap. 22. 23. 24. 25.

Fer. VI. Cap. 26. 27.

Sabb. Cap. 28.

Marcus.

Dominica. Cap. 1. 2. 3.

Lib. II. Disq. 100.

Fer.

Carac. in vi-
ta Paul. IV.
Sil. hist. 10. 1.
lib. 3. fol. 112

Pet de No-
scl. lib. 1. c. 8

B. Bel. Dam.
lib. 6. c. 22.

S. Aug. 10. 7.
in loca.

Idem Ibid.

Sil. bibl. lib. 3
fol. 113.

quem vir Beatus pro sanctitate suā ingerit apud se ferre consueuerat. Inuenio etiam fuisse veterum morem, vt reprimenda concupiscentia causa Euangelium circumferrent: ac si Euangeliorum codex instar fratri esset, quod lasciuientes earum motus comprimeret, & impuras cogitationes inuideret. Exemplum ab Apostolorum duo Petrus de Natalibus prodit: Senex quidam Nicolaus venit ad Apostolum Andream, dicens, septuaginta annis, quibus vixerat, continere se non potuisse; semper luxuria deservisse, & quod aliquando ad carnis concupiscentiam refrinandam Euangelium super se ferebat: & dum lupanem intrasset, oblitus Euangelium deponere; Audiuisti a meretrice, quod videbat mirabilia: quæ etiam se ab illo tangi non permisi. Eandem fratri vim, quæ carnales appetitus coarctat, tribuit S. Euangelio B. Petrus Damiani, cum ait: Per Zachariam dicitur: In die illa erit, quod super fratum equi est, sanctum Domino vocabitur. Fratum equi sanctum est Euangelium. Agros item, & in lecto iacentis capiti, Veteres Euangelium admouisse, colligimus ex S. Augustini verbis: Cum caput tibi dolet, laudamus si Euangelium ad caput ibi posueris, & non ad ligaturas cucurreris. Ad hoc enim est perducta infirmitas hominum, & ita plangendi sunt homines, qui currunt ad ligaturas, vt gaudeamus, quando videmus hominem in lectulo suo constitutum, iactari febribus, & doloribus, nec allicubi spem posuisse, nisi videri Euangelium ad caput ponere. Addit tamen S. Pater vtilius ob animæ sanitatem ad cor poni Euangelium, quàm ad corporis caput: Si ergo, inquit, ad caput ponitur, vt quiescat dolor capitis, ad cor non ponitur, vt sanetur à peccatis. Et iterum: quid si cor ponitur ad cor, sanctetur et cor. Gestari etiam passim à feminis & pueris collo suspensum, tradit S. Chrysostomus: Non cernis, ut mulieres, & parui pueri, præ magna custodia collo Evangelia suspendunt, & ubique circumferunt, quocumque abierint? Quidni ergo & manu passim ab Religiosis & Evangelicis hominibus deferantur? Aut non à primis ecclesiæ personis, & magistris, & doctoribus, & 388 At illud amplius obseruo, parua scilicet vocari Euangelia, quæ à nostratibus gestabantur, hoc est, in libellum coacta, vt commodius, quocumque pergerent, manu haberent. Hæc Silos Clare constat, parua illa Euangeliorum volumina et iussu nostrates, recepto ab ipsa Apostolorum ac veterum Patrum memoria laudabili usu. Et parua olim erant, quæ veteres præco seculo deferabant, vt Iudorus Pellosiora sic ait: Etiam nunc feminæ parua Euangelia gestant. 389 Sed cur Euangeliorum codex nostris assidue in manu fuit, nisi vt inde quotidie discerent, quod orarent, & quæ haurirent Christiani monita, ipsi moribus, ceteratim exprimerent. Porro, Ioannes Rhodæ Societate Iesu, nostri Ordinis Conditorem, & primos eius sodo-

les, de hac Euangeliorum gestatione, meditatione, & imitatione, sic laudat: *Ceterum Paulus (IV.) ita uenerabatur diuinos illos codices, ut & continenter ipse legeret, totisque commoueretur medullis, quasi loquentem audiret Deum: & sodales suos Theatinos, particulis per singulos dies descriptis, diurna uersare atque nocturna uoluerit manu. Opinor, ut sicut olim Serapion interroganti, quid ita nudus ageret., sublato Euangeliorum codice, respondisse fertur: Hic liber me spoliavit; ita ipsi querentibus, quod ita humana omnia in super haberent, ad codicem, cui assueuerant, digitum intendentes, dicerent: Hic nos docuit. Bene ergo secedimus, ut Euāgeliorū verba, hoc est, Christi Domini vocē, quā clariū in solitudine auditur, mēte expendamus, & tamdiu meditemur, quoad cordi omnium altius imprimantur. Qui enim fiat ut verē quispiam Religiosus & Theatinus, hoc est, rerum omnium humanarum contemptor euadat, qui loquentem Christum in Euangelio, cordis auribus, non primū audierit? Vel quis vnquam excepit seridū Christi vocem, qui statim se ipsum, in primis, & mundana omnia non neglexerit? Hæc planē Euangeliorum est ratio, ut siue quis rudis siue doctus, in quouis etiam statu fuerit, ea sibi in illis euoluendis & recolendis statim inueniat, quibus ipse, vel extirpandis vitijs, vel inserendis virtutibus, opus habet. Ludouicus Pontanus, è Societate Iesu, insignis mente orandi Magister, de sacrorum Euangeliorum lectione, ac meditatione, sic censet: Propterea dixit S. Gregorius, in pelago diuinarum scripturarum agnum ambulare, & elephancem natare. Simples enim sicut agni, multas habent ueritates expeditas, quas legant & securē medicentur, transuadentes profunditatem huius pelagi per eius latus: Qui uerō sunt magni ingenij, inueniunt altissima mysteria in tanta profunditate, ut non inueniant ubi pedem figant: non tamen periclitabuntur, si nacent humiliter, subijcientes proprium iudicium, & venerantē arcanū, quæ non assequuntur. Quare utrique, lectione & meditationē, ut oportet, peractis, easdem obtinent proprietates, ita ut, si cupias stabilitatem in diuino seruitio, animi magnitudinem, sanctitatis culmen, & eleuariam contemplationem, ibi sis omnia inuenturus: & si uelis altius radicari in timore Dei, & terribilitate iudiciorū eius, libenterque amplecti crucē Christi, bibere mare amarū laborū eius, tua peccata amara desistere, ad hæc omnia lectio hæc & meditatio (de Christi Euāgelijis loquitur) animū tibi addit. Et iterū ex S. Gregorio, Sicut enim Manna, inquit, vnaserat cibum, omne tamen delectamentū & omnis saporis suauitatem in se habens, ita uoluntati iusti illud comedenti se accommodabat, ut saporē ei afferret, quē ille uellet: ita uerbū Dei, quod est in sacro Euāgelio, audientiū & legentium conditioni se accommodat, dando cuique spiritūalem refectionem, quā eius necessitas bonumque desiderium postulans. Hæc ille.*

Rhō de var.
vir. bist. lib.
3. capit. 12.
num. 1.

S. Greg. in
prol. Moral.
capit. 4.
S. Ber. serm.
6. paru. Lud.
Pontan. in
Duce spirit.
fr. 2. c. 2. S.
1. fol. 67.

Idem ibid.
fol. 472.

S. Greg. lib.
10. moral. c.
9.

DISQUISITIO SECVNDA.

*De serie Meditationum, quæ à nobis haberi poterunt, quatuor
Hebdomadis in singulos dies.*

390 **E**O TAMEN ORDINE ET C. Quis ordo, inquires,
& quanam series, in legendis, ac medicandis Euan-
gelij, est habenda? Hoc planè Directoris est munus, & eius solius
arbitrio disponendum: qui loca cuique apta seliget, & ad medican-
dum in dies singulos indicabit. Verùm ego, iuxta quatuor spirita-
lium Exercitiorum hebdomadas, vt fieri communiter solent, ad pri-
scum nostrorum morem, cùm plures ex iunioribus, in recessu, ver-
santur, scripta hæc loca, & parieti singillatim affixa, quotidie sic
propono.

PRIMÆ HEBDOMADÆ

DIE S. I.

De creati hominis Fine, & Diuinis Beneficijs.
Diliges Dominum Deum tuum ex toto corde tuo, & in tota anima tua,
& in tota mente tua: hoc est maximum & primum mandatum, Mat-
th. 22.
Homo erat paterfamilias, qui plantauit vineam, & septem circūdedit
ei, & fodit in ea torcular, & edificauit turrem. Matth. 21.
Homo peregrè proficiscens vocauit seruos suos, & tradidit illis bona sua, &
uni dedit quinque talenta, alij autem duo, alij verò vnum &c. post mul-
tum verò temporis venit Dominus seruorum illorum, & posuit ratio-
nem cum eis. Matth. 25.

Secundus dies de Peccatis.

Erat autem quidam homo triginta & octo annos habens in infirmitate sua.
Hunc cū vidisset Iesus iacentem, & cognouisset quia idem multum tem-
pus haberet, dicit ei, vis sanus fieri? Io. 5.
Cū ingrederetur quoddam Castellum, occurrerunt ei decem viri leprosi,
qui steterunt à longe, & leuauerunt vocem, dicentes, Iesu præceptor mi-
serere nostri. Quos vtrū vidit, dixit: Ne ostendite vos Sacerdotibus.
Luc. 17.

Publicanus à longe stans, nolebat nec oculos ad cælum leuare, sed percussit pa-
pectus suum, dicens: Deus propitius esto mihi peccatori. Luc. 18.

Tertius dies de Morte.

Eccce defunctus offerebatur filius vnicus matris suæ. Luc. 7.
Nouissimè vero veniunt & reliquæ Virgines dicentes, Domine Domine

Puncta Meditationū pro spir. Exerc. 445

aperi nobis: at ille respondens ait, Amen dico vobis nescio vos: Vigilate itaque quia nescitis diem neque horam. Matth. 25.

Seulce, hac nocte repetent animam tuam à te: quæ autem parasti, cuius erunt? Luc. 12.

Quartus dies de peculiari & vniuersali Iudicio.

Ait autem illi quidam: Domine, si pauci sunt, qui saluantur? Ipse autem dixit ad illos: Contendite intrare per angustam portam; quia multi, dico vobis, querent intrare, & non poterunt. Luc. 13.

Omnis autem cui malum datum est, multum quæretur ab eo: & cui commendauerunt multum, plus petent ab eo. Luc. 11.

Quid enim prodest homini, si vniuersum mundum lucretur, anima verò sua detrimentum patitur? aut quam dabis homo commutationem pro animæ suæ? Filius enim hominis venturus est in gloria Patris sui cum Angelis suis, & tunc reddet unicuique secundum opera eius. Matth. 16.

Quintus dies de Inferno.

Arborem fici habebat quidam plantatam in vinea sua, & venit quærens fructum in illa, & non inuenit; dixit autem ad cultorem vineæ, ecce anni tres sunt ex quo venio quærens fructum in ficulnea hac, & non inuenio; succide ergo illam; ut quid etiam terram occupat? Luc. 13.

Amice, quomodo huc intrasti, non habens vestem nuptialem? At ille obmutuit. Tunc dixit Rex ministris: ligatis manibus & pedibus eius, mittite eum in renebras exteriores; tibi oris fletus & stridor densium: multi enim sunt vocati, pauci verò electi. Matth. 22.

Mortuus est diues, & sepultus est in Inferno: eleuans autem oculos suos, cum esset in tormentis, vidit Abraham à longe, & Lazarum in sinu eius, & ipse clamans dixit: Pater Abraham miserere mei &c. Luc. 16.

Sextus dies de Reditu ad Deum.

Surgam & ibo ad Patrem meum, & dicam ei: Pater, peccavi in cælum & coram te, iam non sum dignus vocari filius tuus &c. Luc. 15.

Et alias oues habeo, quæ non sunt ex hoc ouili, & illas oportet me adducere, & vocem meam audient &c. Ioan. 10.

Et cum inuenerit eam, imponit in humeros suos gaudens, & veniens domum conuocat amicos & vicinos, dicens illis, congratulamini mihi, quia inueni ouem meam, quæ perierat. Dico autem vobis, quod ita gaudium erit in cælo super vno peccatore penitentiam agente. Luc. 15.

Septimus dies de Perfectione Religiosi Homini.

Dico autem vobis, quia nisi abundauerit iustitia vestra plusquam Scribarum, & Phariseorum, non intrabitis in Regnum Cælorum. Matth. 5.

Non mittens manum suam ad aratrum & respiciens retro, aptus est Regno Dei. Luc. 9.

446 Puncta Meditationū pro spīt. Exerc.

Intrate per angustam portam, quia lata porta & speciosa via est, quae ducit ad perditionem, & multi sunt qui intrant per eam. Quam angusta porta & arcta via est, quae ducit ad vitam, & pauci sunt qui inveniunt eam. Matth. 7.

Octauus dies de abijcienda omnium humanarum rerum solitudine & cura. Quidam illi homines videntur. Nolite ergo solliciti esse, dicentes, quid manducabimus, aut quid bibemus, aut quo operiemur: haec enim omnia gentes inquirunt, scit enim Pater vester, quia his omnibus indigeris. Querite ergo primum Regnum Dei & iustitiam eius, & haec omnia adicientur vobis. Matth. 6.

Considerate coruos, quia non seminant neque metunt, quibus non est cellarium neque horreum, & Deus pascit illos. Quanto magis vos pluris estimamini? Quis autem vestrum cogitando potest adijcere ad staturam suam cubitum unum? si ergo neque quod minimum est potestis, quid de ceteris solliciti estis? Considerate lilia agri quomodo crescunt, non laborant, neque nunt, dico autem vobis: neque Salomon in omni gloria sua uestiebatur sicut unum ex illis. Si autem fenum quod hodie est in agro & cras in clibanum mittitur, Deus sic uestis, quanto magis vos pusilla fidei? Luc. 12.

Scit enim Pater vester, quid opus sit vobis, antequam petatis eum. Sic ergo vos orabit: Pater noster qui es in caelis, sanctificetur nomen tuum. Adhuc regnum tuum. Fiat voluntas tua sicut in caelo & in terra. Panem nostrum supersubstantialem da nobis hodie. Et dimitte nobis debita nostra &c. Matth. 6.

SECUNDÆ HEBDOMADÆ

D. I. E. S. I.

De Annuntiata B. Mariæ Virgini Christi Incarnatione, de Visitatione Cognatæ Elisabeth, & de Natiuitate S. Ioannis Baptiste.

Et ingressus Angelus ad eam dixit, Ave gratia plena &c. ecce concipies in utero, & paries Filium &c. Et ecce Elisabeth cognata tua & ipsa concepit filium in senectute sua &c. Ecce Ancilla Domini &c.

Vt audiuit Salutationem Mariæ Elisabeth, exultauit infans in utero eius, & repleta est Spiritu S. Elisabeth, & exclamauit voce magna & dixit: Benedicta tu inter mulieres, & benedictus fructus ventris tui &c. Et ait Maria, Magnificat animam meam Dominum &c.

Elisabeth autem impletum est tempus pariendi, & peperit filium &c. Et Zacharias pater eius repletus est Spiritu S. & prophetauit, dicens: Benedictus Dominus Deus Israel, quia distinxit & fecit redemptionem plebi suæ. Luc. 1.

Puncta Meditationū pro spir. Exerc. 447

Secundus dies de Christi Natiuitate, Angelorum ac Pastorum gaudio, & pueri Iesu Circumcisione.

Et peperit filium suum primogenitum, & pannis eum inuoluit, & reclinauit eum in praesepio, quia non erat ei locus in diuersorio.

Et pastores erant in regione eadem etc. & dixit illis Angelus: Nolite timere, ecce enim euangelizo uobis gaudium magnum, quod erit omni populo etc. & uenerunt festinantes, & inuenerunt Mariam & Ioseph, & infantem positum in praesepio etc. & reuersi sunt Pastores glorificantes, & laudantes Deum.

Et postquam consummati sunt dies octo ut circumcideretur puer, uocatum est nomen eius Iesus, quod uocatum est ab Angelo priusquam in uero conciperetur. Luc. 2.

Tertius dies de Magorum Regum adoratione, mune-

Magi ab Oriente uenerunt Ierosolymam dicentes, Vbi est qui natus est Rex Iudaorum? uidimus enim stellam eius in Oriente, & uenimus adorare eum.

Videntes autem stellam, gauisi sunt gaudio magna ualde. Et intrantes domum, inuenerunt Puerum cum Maria matre eius, & procidentibus adorauerunt eum, & aperitis thesauris suis obtulerunt ei munera, aurum, thus, & myrrham.

Et responso accepto in somnis ne redirent ad Herodem, per aliam uiam reuersi sunt in regionem suam. Matth. 2.

Quartus dies de Purificatione B. Virginis, pueri Iesu Praesentatione, & Simeonis Prophetia.

Et postquam impleti sunt dies purgationis eius secundum legem Moysi, uiderunt illum in Ierusalem, uisitarent eum Dominus, ut daretur hostiam secundum quod dictum est in lege Domini, paritutum aut duos pullos columbarum.

Et ecce homo erat in Ierusalem, cui nomen Simeon etc. & ipse accepit eum in ulnas suas, & benedixit Deum, & dixit, Nunc dimittis etc.

Et benedixit illi Simeon, & dixit ad Mariam matrem eius: Ecce positus est hic in ruinam, & in resurrectionem multorum in Israel. Luc. 2.

Quintus dies de fuga in Aegyptum, Infantum occisione, & pueri Iesu reditu.

Ecce Angelus Domini apparuit in somnis Ioseph, dicens, surge, accipe puerum & Matrem eius, & fuge in Aegyptum: & esto ibi, usque dum dicam tibi; futurum est enim, ut Herodes quaerat puerum ad perdendum eum.

Tunc Herodes uidens, quoniam illusus esset à Magis, iratus est ualde, &

448 Puncta Meditationū pro spir. Exerc.

mittens occidit omnes pueros, qui erant in Bethleem, & in omnibus finibus eius &c.

Defuncto autem Herode, ecce Angelus apparuit in somnis Ioseph in Aegypto dicens: surge, & accipe puerum, & matrem eius, & vade in terram Israel. Matth. 2.

Sextus dies de Pueri gratia, & ipso à parentibus amisso, ac post triduum inter Doctores inuento.

Puer autem crescebat, & confortabatur, plenus sapientia, & gratia Dei erat in illo. Et ibant parentes eius per omnes annos in Ierusalem in die solemnī Pasche.

Et cum factus esset annorum duodecim ascendit illis Ierosolymā &c. cum redirent, remansit puer Iesus in Ierusalem, & non cognoverunt Parentes eius &c. & requirebant eum.

Post triduum inuenerunt illum in templo, sedentem in medio Doctorum, audientem illos, & interrogantem eos. Stupebant autem omnes &c. & descendit cum eis, & venit Nazareth, & erat subdicius illis.

Septimus dies de Ioanne in Iordane, de Christi Baptismo, & de Spiritu sancto in columbæ specie super eum.

Venit Iesus à Galilæa in Iordanem, ad Ioannem: ut baptizaretur ab eo. Ioannes autem prohibebat eum, dicens: Ego à te debeo baptizari, & tu venis ad me?

Iesus dixit ei: sine modo: sic enim decet nos implere omnem iusticiam. Tunc dimisit eum. Baptizatus autem Iesus, confestim ascendit de aqua.

Et ecce aperti sunt ei celi: & vidit Spiritum Dei descendentem sicut Columbam, & venientem super ipsum. Et ecce vox de cælo dicens, Hic est filius meus dilectus in quo mihi bene complacui. Matth. 3.

Octauus dies de Christi ieiunio in Deserto, Diaboli tentationibus, & ministerio Angelorum.

Iesus ductus est in desertum à spiritu, ut tentaretur à Diabolo: & cum ieiunasset quadraginta diebus & quadraginta noctibus, postea esurijt.

Et ascendens tentator dixit ei, si filius Dei es, dic ut lapides isti panes fiant &c. & Minuo deorsum &c. Hæc omnia tibi dabo, si cadens adoraueris me.

Tunc reliquit eum Diabolus: & ecce Angeli acceperunt, & ministrabant ei. Matth. 4. Luc. 4.

TRETIÆ HEBDOMADÆ

D I E S I.

De sanctorum Petri, Andrea, Iacobi, & Ioannis, Apostolorum vocatione.

Stabat Ioannes, & ex discipulis eius duos, & respiciens Iesum ambulante,

Lib. I. Disq. 101.

dicit,

dicit, ecce Agnus Dei, & audierunt eum duo discipuli loquentem, & secuti sunt Iesum &c. Erat autem Andreas &c. inuenit hic primum fratrem suum Simonem &c. & adduxit eum ad Iesum. Intuitus autem eum Iesus dixit: Tu es Simon filius Iona: tu vocaberis Cephas, quod interpretatur Petrus. Ioan. 1.

Duc in altum, & laxate retia vestra in capturam &c. & cum hoc fecissent, concluderunt piscium multitudinem copiosam &c. Quod cum videret Simon Petrus, procidit ad genua Iesu, dicens, Exi a me Domine, quia homo peccator sum. Stupor enim circumdederat eum, & omnes qui cum illo erant &c. Similiter autem Iacobum & Ioannem filios Zebedaei, qui erant socij Simonis. Et ait ad Simonem Iesus: Noli timere, ex hoc iam homines eris capiens. Luc. 5.

Ambulans autem Iesus iuxta mare Galilaeae, vidit duos fratres, Simonem qui vocatur Petrus, & Andream fratrem eius, mittentes rete in mare &c. & ait illis: Venite post me, & faciam vos fieri piscatores hominum. At illi continuo relictiis retibus, secuti sunt eum. Et procedens inde, vidit alios duos fratres, Iacobum Zebedaei, & Ioannem fratrem eius in nauis cum Zebedaeo patre eorum, resicientes retia sua, & vocauit eos. Illi autem statim relictiis retibus & patre secuti sunt eum. Matth. 4.

Secundus dies de aqua in vinum conuersa, de fugatis e templo negotiatoribus, & de sermone habito in monte.

Deficiente vino, dicit Mater Iesu ad eum, vinum non habent &c. Dicit ei Iesus, Implete hydrias aqua, & impleuerunt eas usque ad summum. Et dicit ei Iesus: Haurite nunc, & ferte architriclino. Et tulerunt. Vt autem gustauit architriclinus aquam vinum factam &c. Ioan. 2.

Et ascendit Iesus Ierosolimam, & inuenit in templo vendentes oues, & boues, & columbas, & nummularios sedentes. Et cum fecisset quasi flagellum de funiculis, omnes eiecit de templo, oues & boues, et nummulariorum effudit as, et mensas subuertit. Et his qui columbas vendebant, dixit: Auferte ista hinc, et nolite facere domum Patris mei, domum negotiationis. ibid.

Videns autem Iesus turbas ascendit in montem, et cum sedisset etc. docebat eos dicens: Beati pauperes spiritu etc. Beati mites etc. Beati qui lugent etc. Beati qui esuriunt et sitiunt iustitiam etc. Beati misericordes etc. Beati mundo corde etc. Beati pacifici etc. Beati qui persecutionem patiuntur propter iustitiam quoniam ipsorum est Regnum caelorum. Beati estis cum maledixerint vobis homines, et persecuti vos fuerint, et dixerint omne malum aduersum vos mentientes, propter me; gaudete et exultate quoniam merces vestra copiosa est in caelis. Matth. 5.

450 Puncta Meditationū pro spir. Exerc.

Tertius dies de sedata maris tempestate, de secessu in montem, & de ambulatione super aquas.

Et ascendente eo in nauiculam, secuti sunt eum discipuli eius, & ecce motus magnus factus est in mari, ita ut nauicula operiretur fluctibus, ipse verò dormiebat &c. & dicit eis Iesus, Quid timidi estis modica fidei?

Tunc surgens imperauit veniis & mari. Matth. 8. Et dimissa turba ascendit in montem solus orare. Vespere autem facto solus erat ibi. nauicula autem in medio mari iactabatur fluctibus, erat enim contrarius ventus. Quarta autem vigilia noctis, venit ad eos ambulans super mare &c. statimque Iesus locutus est eis dicens, Habere fiduciam, ego sum, nolite timere.

Respondens autem Petrus dixit, Domine si tu es, iube me venire ad te super aquas. At ipse ait, Veni. Et descendens Petrus de nauicula ambulabat &c. videns verò ventum validum timuit. Et cum cepisset mergi clamauit &c. Et continuo Iesus extendens manū apprehendit eum, & ait illi: Modica fidei quare dubitasti? Matth. 14.

Quartus dies de missis ad prædicandum Apostolis.

Euntes autem prædicare, dicentes, quia appropinquauit regnum celorum. Infirmos curate, moriuos suscitare, leprosos mundate, demones ejcic. Gratis accepistis, gratis date. Nolite possidere aurum, neque argentum, neque pecuniam in Conis vestris, non peram in via, neque duas tunicas, neque calceamenta, neque virgam &c.

Eccē ego mitto vos, sicut oves in medio luporum. Estote ergo prudentes sicut serpentes, & simplices sicut columba. Cauete autem ab hominibus. Matth. 10.

Quintus dies de Mariæ Magdalene conversione ac remissione, & de refectioe quinque milium hominum.

Ingressus domum Pharisei discubuit. Et ecce mulier, qua erat in Ciuitate peccatrix &c. stans retro secus pedes Iesu, lacrymis capitis rigare pedes eius, & capillis capitis sui tergebat, & osculabatur pedes eius, & unguento ungebat &c.

Propter hoc dico tibi, Remittuntur ei peccata multa, quoniam dilexit multum &c. Dixit autem ad illam: Remittuntur tibi peccata, &c. Fides tua te saluam fecit, vade in pace. Luc. 7.

Exiens vidit turbam multam, & misertus est eis &c. & cum iussisset turbam discumbere super fenum, acceptis quinque panibus & duobus piscibus, aspiciens in cælum benedixit & fregit, & dedit discipulis panes, discipuli autem turbis. Et manducauerunt omnes, & saturati sunt. Et tulerunt reliquias duodecim cophinos fragmentorum plenos. Mandu-

canentium autem fuit numerus quinque millia virorum, exceptis mulieribus & paruulis. Matth. 15.

Tertius dies de Christi Transfiguratione.

Assumpsit Iesus Petrum et Iacobum et Iohannem fratrem eius, et duxit illos in Montem excelsum seorsum, et transfiguratus est ante eos, et resplenduit facies eius etc.

Et ecce apparuerunt illis Moyses et Elias cum eo loquentes. Respondens autem Petrus dixit ad Iesum: Domine, bonum est nos hic esse etc.

Et ecce vox de nube dicens, Hic est Filius meus dilectus, in quo mihi bene complacui, ipsum audite. Et audientes discipuli, ceciderunt in faciem suam, et timuerunt valde. Et accessit Iesus, et tetigit eos, dixitque eis: Surgite, et nolite timere. Matth. 17.

Septimas dies de Christi ad Mariam & Martham accessu,

de Lazari suscitatione, & de coena

apud Bethaniam.

Lazarus amicus noster dormit, sed dabo eum a somno excitum etc. Ego sum resurrectio et vita, qui credit in me, etiam si mortuus fuerit, uiuet: et omnis qui uiuit et credit in me non morietur in aeternum.

Lazare ueni foras. Et statim prodijt qui fuerat mortuus, ligatus manus & pedes istis, & facies illius sudario erat ligata. Dixit eis Iesus, Soluite eum & sinite abire. Ioan. 11.

Cum autem Iesus esset in Bethania, accessit ad eum mulier, habens alabastrum unguenti pretiosi, & effudit super caput ipsius recumbens. Videntes autem discipuli, indignati sunt dicentes, ut quid perditio haec? Matth. 26.

Octauus dies de Ingressu in Ierosolymam, de Prædicatione in templo, & de vltima Coena.

Et cum appropinquarent Ierosolymis, misit duos discipulos etc. & adduxerunt asinum & pullum, & imposuerunt super eos uestimenta sua, & eum de super sedere fecerunt. Plurima autem turba strauerunt uestimenta sua in uia: alij autem cedebant ramos de arboribus, & sternerant in uia etc. Matth. 21.

Et erat docens quotidie in templo. Principes autem Sacerdotum & Scribae, & principes plebis querebant illam perdere, & non inueniebant quid facerent illi. Omnis enim populus suspensus erat, audiens illam. Luc. 9. Caput lauare pedes discipulorum etc. Iesus turbatus est spiritu, & prolestatusest, & dixit: Amen amen dico vobis, quia vnus ex vobis tradet me. Aspiciebant ergo ad inuicem discipuli etc. erat ergo recumbens vnus etc. in sinu Iesu, quem diligebat Iesus. Inuit ergo huic Simon Petrus, etc. Respondit Iesus: Ille est cui ego intinctum panem porrexero. Et cum

452 Puncta Meditationū pro spir. Exerc.

intinxisset panem, dedit Iuda Simonis Iſcariora. Et poſt buccellam introiuit in eum ſatanas. Dicit ei Ieſus, Quod facis fac citius. Ioan. 13.

QVARTÆ HEBDOMADÆ

D I E S I.

De Oratione in Horto, Apparitione Angeli, & Chriſti Comprehentione.

Et aſſumit Petrum & Iacobum & Ioannem ſecum; & cæpit pauere & ſedere. Et ait illis: Triftis eſt anima mea uſque ad mortem. Sufſinete hic & uigilate. Et cū proceſſiſſet paululum, procidit ſuper terram: & orabat, ut ſi fieri poſſet tranſiret ab eo hora, & dixit: Abba Pater, omnia tibi poſſibilia ſunt: tranſat calicem hunc à me; ſed non quod ego uolo, ſed quod tu. Matth. 14.

Apparuit autem illi Angelus de cælo confortans eum. Et factus in agonia prolixius orabat. Et factus eſt ſudor eius, ſicut gutta ſanguinis decurrentis in terram. Et cū surrexiſſet ab oratione, & ueniſſet ad diſcipulos ſuos &c. ait illis: Quid dormitis? ſurgite, orate ne intretis in temptationem. Luc. 12.

Athuc eo loquente, ecce Iudas unus de duodecim uenit, & cum eo turba multa cum gladijs & ſuſtibus &c. & conſeſtim accedens ad Ieſum dixit, Aue Rabbi, & oſculatus eſt eum &c. Tunc acceſſerunt, & manus iniecerunt in Ieſum &c. In iſta hora dixit Ieſus turbis: Tanquam ad laronem exiſtis &c. Tunc diſcipuli omnes relicto eo fugerunt. Matth. 26.

Secundus dies de Traductione ad Annæ domum, de

Gefſtis in domo Caiphæ, & de Accuſatione

ſecondæ apud Pilatum.

Comprehenderunt Ieſum, & ligauerunt eum, & adduxerunt eum ad Annam primum &c. Sequebatur autem Ieſum Simon Petrus, & alius diſcipulus &c. Pontifex ergo interrogauit Ieſum de diſcipulis ſuis, & de doctrina eius. Reſpondit ei Ieſus: Ego palam locutus ſum mundo &c. Hac autem cū dixiſſet, unus aſſiſtens miniſtrorum, dedit alapam Ieſu. Ioan. 18.

Ieſum duxerunt ad Caipham &c. Principes autem Sacerdotum et omne concilium quarebans falſum teſtimonium contra Ieſum &c. Princeps ait illi: Adiuro te per Deum uiuum, ut dicas nobis ſi tu es Chriſtus filius Dei. Dicit illi Ieſus, Tu dixiſti. &c. Tunc expuerunt in faciem eius, et colaphiſti eum ceciderunt &c. Et recordatus eſt Petrus uerbi Ieſu, qui dixerat illi, Priuſquam gallus cantet, ter me negabis. Et egreſſus foras, fleuit amare. Matth. 26.

Duxerunt illum ad Pilatum. Ceperunt autem illum accusare, dicentes: Hunc inuenimus subuertentem gentem nostram, et prohibentem tributa dare Caesari, et dicentem se Christum regem esse. Pilatus autem interrogauit eum dicens: Tu es Rex Iudeorum? At ille respondens ait, Tu dicis. Ait autem Pilatus etc. nihil inuenio causa in hoc homine. At illi inualecebant, dicentes, Commouet populum etc. Luc. 23.

Tertius dies de Transmissione ad Herodem, de Reuersione ad Pilatum, & de Condemnatione ac Crucifixione Iesu Christi.

Pilatus autem audiens Galileam etc. ut cognouit quod de Herodis potestate esset, remisit eum ad Herodem etc. Herodes autem uiso Iesu gauisus est ualde, erat enim cupiens ex multo tempore uidere eum, et sperabat signum aliquod uidere etc. interrogabat autem eum multis sermonibus. At ipse nihil respondebat. Stabant autem Principes Sacerdotum et Scribae constanter accusantes eum. Spreuit autem illum Herodes cum exercitu suo, et illi uisus indutum ueste alba, et remisit ad Pilatum. Et facti sunt amici Pilatus et Herodes. Luc. 23.

Vultis ergo dimittam uobis Regem Iudeorum? Clamauerunt rursus omnes dicentes, Non hunc sed Barabam etc. Tunc ergo apprehendit Pilatus Iesum, et flagellauit. Et milites plectentes coronam de spinis, imposuerunt capiti eius, et ueste purpurea circumdederunt eum. Et ueniebant ad eum, et dicebant, Aue Rex Iudeorum, et dabant ei alapas. Exiuit iterum Pilatus, et dicit eis etc. Ecce homo. Cum ergo uidissent eum Pontifices et ministri, clamabant dicentes, Crucifige, crucifige eum. Ioan. 18. & 19.

Querebat Pilatus dimittere eam. Iudei autem clamabant, dicentes: Si hunc dimittis, non es amicus etc. Pilatus autem etc. dicit Iudeis, Ecce Rex uester. Illi autem clamabant: Tolle, tolle, crucifige eum. Dicit eis Pilatus: Regem uestrum crucifigam? Responderunt Pontifices: Non habemus Regem nisi Caesarem. Tunc ergo tradidit eis illum, ut crucifigeretur. Susceperunt autem Iesum, & eduxerunt eum. Et baiulans sibi crucem, exiuit in eum, qui dicitur Caluaria locum etc. Vbi crucifixerunt eum, & cum eo alios duos hinc & hinc, medium autem Iesum. Scripsit autem & titulum Pilatus etc. Ioan. 19.

Quartus dies de septem Christi Domini Verbis in Crucce, & de eius Sepultura.

Iesus autem dicebat, Pater dimitte illis, non enim sciunt quid faciunt. Diuidentes uero uestimenta eius miserunt sortes etc. & deridebant eum etc. dicentes, Alios saluos fecit, se saluum faciat etc. Unus autem de his, qui pendebant latronibus, blasphemabat eum dicens, Si tu es Christus

saluum fac te ipsum & nos. Respondens autem alter increpabat eum
&c. & dicit illi Iesus: Amen dico tibi, hodie mecum eris in Paradiso.
Luc. 23.

Stabant autem iuxta Crucem Iesu Mater eius &c. cum vidisset ergo Iesus
Matrem & Discipulam stantem quem diligebat, dicit Matri suae, Mu-
lier ecce filius tuus. Deinde dicit Discipulo, Ecce mater tua &c. po-
stea &c. dicit, Sitio &c. Cum ergo accepisset Iesus acetum dixit, Con-
summatum est. Ioan. 19.

A sexta autem hora tenebrae factae sunt super vniuersam terram &c. &
circa horam nonam, clamaui Iesus voce magna dicens, Eli Eli, lam-
masabaclhan: hoc est, Deus meus; Deus meus, ut quid dereliquisti me?
&c. Iesus autem clamans voce magna emisit spiritum. Et ecce volum-
templi scissum est &c. & terra mota est, & petrae scissae sunt, & mo-
numenta aperta sunt &c. Cum autem sero factum esset, venit quidam
homo diues ab Arimathaea, nomine Ioseph &c. & accepto corpore &c.
involuit illud in sindone munda: & posuit illud in monumento suo no-
no, quod exciderat in petra &c. Matth. 27.

Quintus dies de Christi Apparitione facta Mulieribus,
Petro, & duobus Discipulis.

Maria Magdalena, & Maria Iacobi & Salome emerunt aromata, ut
venientes ungerent Iesum &c. & respicientes viderunt reuolutum la-
pidem &c. Et ingressae in monumentum, viderunt iuuenem seden-
tem in dextris &c. qui dixit illis: Nolite expauescere. Iesum queritis
Nazarenum, crucifixum? surrexit, non est hic &c. Surgens autem
Iesus mane prima sabbati, apparuit primò Maria Magdalena. Mar.
16.

Et exierant cito de monumento cum timore & gaudio magno, currentes
nunciare Discipulis eius, Et ecce Iesus occurrit illis dicens, Auete. Illi
autem acceperunt, & tenuerunt pedes eius, & adorauerunt eum. Tunc
ait illis Iesus, Nolite timere: ite nunciate fratribus meis, ut eant in Ga-
lilaam, ibi me videbunt. Matth. vlt.

Petrus autem surgens ecurrit ad monumentum: & procumbens vidit lin-
teamina sola posita, & abiit secum mirans quod factum fuerat. Et ec-
ce duo ex illis ibant ipsa die in Castellum &c. & ipse Iesus appropin-
quans, ibat cum illis &c. Et ipse dixit ad eos, o stulti & tardi corde
ad credendum in omnibus quae locuti sunt Prophetae etc. et surgentes ea-
dem hora regressi sunt in Ierusalem, et inuenerunt congregatos unde-
cim, et eos qui cum illis erant, dicentes, quod surrexit Dominus verè,
et apparuit Simoni. Luc. vlt.

Sextus dies de alijs Christi Apparitionibus Discipulis congregatis.

Cum ergo sero esset &c. & fores essent clausæ, ubi erant Discipuli congregati propter metum Iudeorum, venit Iesus, & stetit in medio, & dixit eis, Pax vobis. Et cum hæc dixisset, ostendit eis manus & latus &c. insufflauit & dicit eis: Accipite Spiritum S. quorum remisistis peccata remittuntur eis &c. Et post dies octo, iterum erant Discipuli eius intus, & Thomas cum eis. Venit Iesus &c. Deinde dicit Thomas: Infer digitum tuum huc &c. & noli esse incredulus sed fidelis. Respondit Thomas, & dixit ei, Dominus meus & Deus meus. Dicit ei Iesus, Quia vidisti me Thomas credidisti; beati quoniam viderunt, & crediderunt. Ioan. 20.

Erant simul Simon Petrus & Thomas, qui dicitur Didymus & Nathanael &c. & filij Zebedai, & alij ex discipulis eius duo. Dicit eis Simon Petrus, Vado piscari &c. & illa nocte nihil prebiderunt. Mane autem facto stetit Iesus in littore &c. dixit eis, Mittite in dexteram nauigij rete, & inuenietis. Miserunt ergo, & iam non valebant illud trahere præ multitudine piscium. Dicit ergo Discipulus ille quem diligebat Iesus, Petro, Dominus es. Ioan. vlt.

Vndecim autem Discipuli abierunt in Galileam, in montem ubi constituerat illis Dominus. Et videntes eum adorauerunt, quidam autem dubitauerunt. Et accedens Iesus locutus est eis, dicens: Data est mihi omnis potestas in celo & in terra. Euntes ergo, docete omnes gentes, baptizantes eos in nomine Patris, & Filij, & Spiritus S. docentes eos seruare omnia quaecunque mandauimus vobis. Matth. & Marc. vlt.

Septimus dies de Regno Dei, de Christi Ascensione, & Electione S. Mathiz.

Quibus, & præbuit se ipsum viuum, post passionem suam, in multis argumentis, per dies quadraginta apparens eis, & loquens de Regno Dei &c.

Et cum hæc dixisset, videntibus illis, eleuatus est: & nubes suscepit eum ab oculis eorum. Cumque intuerentur in calum euntem illum, ecce duo viri assiderunt iuxta illos in vestibus albis, qui & dixerunt: Viri Galilei, quid statis aspicientes in Cælum? Hic Iesus, qui assumptus est à vobis in cælum, sic veniet &c.

Tunc reuersi sunt Ierosolymam à monte qui vocatur Oliueti &c. & cum introissent in Carnaculum, ascenderunt ubi manebat Petrus et Ioannes, et Iacobus et Andreas etc. Hi omnes erant perseverantes unanimiter in oratione et obsecratione, cum mulieribus et Maria Matre Iesu, et fratribus eius. In diebus his exurgens Petrus in medio fratrum dixit etc.

456 Puncta Meditationū pro spir. Exerc.

Oportet ergo ex his uiris etc. testem resurrectionis eius nobiscum fieri unum ex istis etc. et cecidit sors super Mathiam, et annumeratus est cum undecim Apostolis. Act. 1.

Octauus dies de Aduentu Spiritus sancti, de varijs linguis Apostolorum, & de Sermonē

S. Petri.

Erant omnes pariter in eodem loco, et factus est repente de cælo sonus tanquam aduenientis spiritus uehementis, et repleuit totam domum ubierant sedentes. Et apparuerunt illis dispersa lingua tanquam ignis, sedisque super singulos eorum.

Et repleti sunt omnes Spiritu sancto: et ceperunt loqui uarijs linguis, prout Spiritus sanctus dabat eloqui illis. Erant autem in Ierusalem habitantes Iudei, uiri religiosi, ex omni natione, quæ sub calo est. Facta autem hac uoce, conuenit multitudo, et mente confusa est, quoniam audiebat unusquisque lingua sua illos loquentes. Stupebant autem omnes, et mirabantur adinuicem etc.

Stans autem Petrus cum undecim leuauit uocem suam, et locutus est eis: Viri Iudei etc. auribus percipite uerba mea, non enim sicut uos aestimatis, hi ebrii sunt, cum sit hora diei tertia: sed hoc est, quod dictum est per Prophetam Joel. Exeris in nouissimis diebus dicit Dominus: Effundam de spiritu meo super omnem carnem etc. Act. 2.

Habes igitur, ut est plurimorum monitum, Viæ Purgatiuæ, Illuminatiuæ, & Vniuitæ Meditationes utcunque dispositas; & qui nostro olim Ordini ritus fuit, Viæ Christi Mysteria, & sacrorum Euangeliorum historias, insigniora saltem, ita digesta, ut mensis vnus spatio, omnia commodè percurrantur. Sacrorum etiam Euangeliorum connexionem plurimum commendamus à Cæsare Becillo Presbytero Congregationis Oratorij luci datam. Mox easdem sacræ Passionis historias in Horologium coactas exhibeamus.

DISQUISITIO TERTIA.

De singulis Passionis Christi Mysterijs, horis singulis ex ordine recolendis.

392 **A**C D.N. IESV CHRISTI VITA. Quoniam, à Venerabili M.N.D. Vrfula Benincasa institutumur, ut in singulas horas, quoad fieri potest, de Passione Domini aliquid

Lib. I. I. Disq. 102.

reco-

recolamus, non abs re fuerit, Horologium huc adijcere, quod D. Mariæ Magdalena Virgine, prima Nostrarum Theatinarum Eremiticorum Antistita, claritate generis, ac cunctis sanè virtutibus ornatissima; ad suarum sodalium documentum, & materiam meditationis horariæ, concinnauit: tamen si à nobis paucis exhibeatur, 10. 1. lib. 3. disq. 4. à fol. 124. usque ad 149. fusiùs explicatum. (393.) Itaque feria. V. Mensis Martij exeuntis Anni XXXIII. & ineuntis XXXIV. ab Hora XXIV. recumbit Iesus cum discipulis suis ad esumagni paschalis: surgit à cœna: & abluit duodecim Apostolis pedes. A prima Hora noctis, in altera Cœna, Corpus & Sanguinem dat in cibum. instituit augustissimum. Eucharistiæ Sacramentum, ac sacrificium: Apostolos initiat Sacerdotio. Hora II. dilectus Ioannes supra pectus Domini requiescit. Iesus intinctum panem porrigit Iudæ, ut innuat à quo sit tradendus: ac benè longam concionem instituit, qua Discipulos suos & blandè solatur, & in fide roborat, eisque pollicetur Spiritum sanctum. Hora III. hymno dicit & dat se in viam, torrentem Cedron versus: & in Horto Gethsemani primùm orat. Hora IV. orat iterum, & ad Apostolos redit, & dicit Patri, Fiat voluntas tua: quæ interdum ori verba, in filij sui Passione, sanctissimam Virginem habuisse, credendum est: eadenque nos frequenter in aduersis omnibus vsurpare debemus. Hora V. inter orandum, sanguis ei copiose è toto Corpore sinit: quo in cruciatu & agonia, solatur cum Angelus Gabriel è Cælo delapsus. Hora VI. media nocte, Iudæorum satellites in eum manus iniiciunt, arde vinciunt ne diffugiat: deferitur à Discipulis: ac Filij captura B. Virgini nuntiatur. Hora VII. ad Annam ducitur, & multis interrogatur de discipulis ac doctrina: & ibi Petrus primùm Dominum negat. Hora VIII. ab Anna ad Caypham raptatur, vbi ferrea manu colaphus ei dirus impingitur: ac Petrus denuò Christum negat. Hora IX. iudicatur in Concilio reus mortis: ac ipsum tertio negat Petrus. Hora X. in atrio ad ficulneam vinctus illuditur, caditur, facies ei velatur, conspuitur: & irrisoriè ab eo quæritur, ut qui se percusserit prophetizet. Hora XI. sextæ feriæ, iterum Concilium cogitur à Principibus Sacerdotum aduersus Iesum: & tradere eum Pilato constituunt. Hora XII. magnis per omnes vias illusionibus ac clamoribus vinctum ad Pilatum adducunt. Hora XIII. apud eum falsò accusatur: ac varia quærit Præses, quibus nihil ipse responderet. Hora XIV. mittitur à Pilato ad Herodem, à quo veste alba ut fatuus induitur & illuditur. Hora XV. post Pilati examen, Barrabæ homini seditioso ac homicidæ posthabitus, exiit vestitus

Vide 10. 1. fol. 126. lit. C. vbi numerus ac pulsus Horarum discrepat, quòd ibi Engelgraniū sim sequens, hic lectissimam M. Vrsinam, Antonium Balingh. Nerberg. & alios.

bus, ac dirissime flagellatur: ac fuisse quidem verbera, vt nostra Mater alebat, 6666. cui voluit numero vt tot nummi aurei responderent, quibus Eremitæ locus est emptus. *Hora XVI.* corona spinæ redimitur: varièque illuditur & affigitur. Producit ac ostendit eum Pilatus populo: & ait, *Eccè homo*, vt eo conspecto tam immaniter dilaniato, hæc pœna satigaretur: sed postulat illum in cruce[m] agi. Tunc morti adiudicatur, & præparatur ei Crux. *Hora XVII.* Crucem Iesus suis humeris baiulat ad supplicij locum: videtque illum Mater inter eundem: myrrhâ vino potatur, ac configitur ligno. *Meridie Hora XVIII.* cum magno populi gaudio sustollitur Crux: ac Iesus impiè blasphematur. *Hora XIX.* orat Patrem, vt dimittat ijs, qui se crucifixerant. Latroni pœnitenti Paradisum eo ipso die pollicetur. Virgini Matri dilectum sibi Discipulum, atque huic vicissim illam commendat. Et dicit, *filio*. *Hora XX.* mirum in modum solis eclipsi, tenebræ operiunt omnem terram: edicit, a se omnia consummata & perfecta, ob quæ in mundum venerat: & spiritum in Patris manus commendat. *Hora XXI.* Exspirat Iesus: velum templi discinditur in duas partes à summo vsque deorsum: tremitt terra: scinduntur petre: monumenta aperiuntur, & multa Sanctorum corpora surgunt. *Hora XXII.* impius ei miles lancea latus aperit, vnde manat sanguis & aqua. Eum facit Centurio Dei Filium. Redit turba à monte Caluariæ Hierusalem percutiens pectora sua. Ioseph adito Pilato petit & impetrat Corpus Iesu. *Hora XXIII.* Ioseph vnâ cum Nicodemus illud de Cruce deponit, reponitque inter B. Virginis brachia. *Hora XXIV.* Inuolutum syndonè atque conditum aromatibus sepelitur. In reditu verò pie credibile est, sanctissimam Virginem Christi Domini Crucem ptimam omnium adorasse.

394 Hæc sacræ Passionis memoria ab ijs sedulo haberi debet, qui in nostra domo Recessus, vt Venerabilis Mater nostra Vrsula instituit, vnus post alium, horis singulis ad Deum laudandum atque placandum incumbunt. Hi autem, & solitarij seorsim meditantes, hoc eurent, vt sanctissimi D.N. Saluatoris Imaginem, ac beatissimæ Virginis Mariæ Deiparæ simulacrum, his salutationum formulis, quæ sequuntur, semel saltē quotidie venerentur.

Salutatio ad singula Iesu Christi Membra.

Salue tremendum cunctis potestatibus Caput Domini Iesu Christi Saluatoris nostri, pro nobis spinis coronatum, & arundine percussum. Salue speciosissima Saluatoris nostri Iesu Christi Facies, pro nobis spuis & alapis cæsa. Salue benignissimi Domini Iesu Christi Saluatoris nostri

Sexta hora, hoc est, meridiana confixus est Iesus: & ab ea (vt scribunt Matthæus et Marcus) tenebra facta sunt: & sol obscuratus est (vt narrat D. Lucas) vsque ad horam nonam, hoc est, tertiam post meridiem, in qua exspirauit.

Oculi, pro nobis lacrymis perfusi. Salve mellissimum Os, Gutturque suavis-
simum Domini nostri Iesu Christi, pro nobis felle & aceto potatum. Sal-
uete Aures nobilissime Domini Iesu Christi Salvatoris nostri, pro nobis con-
tumelijs & opprobrijs affecte. Salve Collum humile Iesu Christi pro nobis
colaphizatum, Dorsumque sanctissimum, pro nobis flagellatum. Saluete
venerabiles Domini nostri Iesu Christi Manus, & Brachia, pro nobis in
cruce extensa. Salve Pectus miissimum Domini Iesu Christi Salvatoris
nostri, pro nobis in passione coniuratum. Salve Latex gloriosum Domini
nostri Iesu Christi, pro nobis lancea militis perforatum. Saluete Domini
nostri Iesu Christi Salvatoris nostri sacra Misericordia Genua, pro nobis in
oratione flexa. Saluete Domini nostri Iesu Christi Salvatoris nostri Pedes
adorandi, pro nobis clavis affixi. Salve totum Corpus Iesu Christi, pro no-
bis in Cruce suspensum, vulneratum, mortuum, & sepultum. Salve
Sanguis pretiosissime, de corpore Domini nostri Iesu Christi Salvatoris no-
stri pro nobis effuse. Salve sanctissima Domini nostri Iesu Christi Anima,
in cruce pro nobis in manus Patris commendata. In eadem commendatio-
ne tibi commendo hodie & quotidie animam meam, vitam meam, cor &
corpus meum, omnes sensus & actus meos, omnes amicos, benefactores, fi-
lios & consanguineos meos, animas parentum, fratrum, sororum, & om-
niam amicorum ac inimicorum meorum, ut nos protegere, liberare, & de-
fendere digneris, ab omnibus insidijs inimicorum nostrorum visibilibus &
invisibilibus, nunc & in perpetuum. Amen.

395 Sed & Ricardus de laudibus B. Virginis, benedicenda sunt,
inquit, quotidie singula membra eius, ut singulis membris nostris reporte-
mus ab ea benedictionem. Ideo hanc ad eam Orationem, siue Aspira-
tionem habebimus.

Rich. 25.
Laur. de
laud. Virg.
12. p. 5.

Loquar ad cor tuum, o Maria, speculum claritatis Angelice. Lo-
quar ad cor tuum mundum, Domina mundi: & adorabo ad tem-
plum sanctum tuum ab interioribus anime mee. Salutabo ex intimis pra-
cordijs meis immaculatum cor tuum: quod primum sub sole fuit dignum su-
scipere egredientem de sinu Patris Unigenitum Dei. Salve Sanctuarium
singulare, quod dedicauit sibi Deus in Spiritu sancto. Salve Sanctum San-
ctorum, quod dedicauit Summus Pontifex exolorum, mirabili & inossabili
introitu suo. Salve arca sanctificationis continens in te scripturam digiti
Dei. Salve vna aurea, habens celeste manna plenum delicijs Angelorum.
In te dulce conuiuium, in te omnes deliciae, in te thesaurarium & sapor om-
nis gratiae. Salve cor virginium, sancto Trinitatis inniolabile Sacramentum,
& nobilissimum receptaculum: in quo diuinitas humanitati unita est per
amoris osculum. Iubilo sempiterno implearis. Tu concha smaragdina, cu-
ius viror nunquam expalluit. Quae superno Regi nostram salutem fuenti

probatissima fidei dulce nect̃ar propinasti in illa hora, qua ad saluationem
 Archangeli eructasti uerbum bonum, dicens: Ecce ancilla Domini, fiat
 mihi secundum uerbum tuum. Magnificet igitur omnis anima te, Maria
 mater dulcedinis, & beatitudinem tui sacratissimi cordis (unde nostra
 profluxit salus). Collaudet omnis lingua per aeterna secula seculorum. Amen.
 Saluete Oculi uirginei, omnium oculorum felicissimi: qui splendorem Pa-
 tris aeterni obumbratum carne meruistis uidere letitia ineffabili, in forma
 paruuli prae filiis hominum speciosi. Saluete Aures uirgineae: quae meruistis
 audire Angelorum choros, laudibus extollescentes infantem, celum terram-
 que regentem: & Patris suauissimum Verbum, carnem factum, uagientis,
 inter arcta praesepia positum, letitiamque plorantem, omnemque lacrymam
 à Sanctorum oculis abstergentem. Saluete Nares uirgineae, haurientes
 diuini status spiramen; quod uaporaue ex ore Deifici Paruuli: O caminus
 ille, in quo ardent Seraphin: O paradysus voluptatis: O diuina pectoris
 amatoris refrigeria. Quantis pulsibus amoris concussus est cor tuum: cum
 uiuificus spiritus Dei tanquam Ausler te perflauit, & spiritum tuum totum
 sibi attraxit: Salue Os uirgineum ad osculandum & ad salutandum Dei
 Filiolum super omnia dignissimum, blandiens diuino Infantulo residenti in
 tuo uirginali gremio, & demulcens ut paruulum Angelorum Dominum,
 adoransque Creatorem omnium, prolem ex proprijs uisceribus genitam.
 Saluete Manus uirgineae, quae meruistis attingere, & vlnis tremantibus
 balnare eum, quem caeli non possunt capere: panemque Angelorum pascere
 in humana esurie. Saluete Vbera uirgineae: quae Rex caelorum (qui pascit
 omnia) suxit de te, ò Virginum pulcherrima. Saluete Pedes uirginei, per-
 fecte sequentes uestigia Filij Dei, in charitate insuperabili. Quia ipsa mor-
 tis calamitas te matrem non disiunxit à Filio: sed transfixa morte vnici pi-
 gnoris, iuxta Crucem stetisti immobilis. Saluete uirginei Corporis Mem-
 bra singula, diuine operationis instrumenta nobilissima, manu sapientiae ex-
 cisa, quae iniuncta sanctae Trinitatis Officia adimplestis cum summa reue-
 rentia. O Virgo beatissima, & omni laude dignissima: Mater Iesu Chri-
 sti carissima, per omnia, quae beatissima Trinitas in sanctissimis membris
 tuis operata est magnalia super omnia eius opera: & per illud ineffabile gau-
 dium, quod in conceptu & in partu Filij Dei in omnibus membris tuis sensi-
 sti: dignare de uisceribus tuis ineffabili dulcedine redundantibus in me
 stillare gratiam tantae efficacia: ut perfundatur cor meum & anima, &
 sanctificentur omnia membra mea. Vnde de cetero nunquam mouantur ad
 praua opera: sed seruiant amoris tuo cum letitia: & per tuam intercessionem
 uiuantur, regantur, & roboentur à diuino spiritu in bonis operibus us-
 que ad finem uiae meae. Amen.

DISQUISITIO QVARTA.

*Quanam Meditationes ab alijs, in Reſſu, certo dierum ſpa-
tio, proponantur.*

396 **V**EL A PROBATIS AVCTORIBVS ETC. San-
cius Generalis Fulienſium ſpiritualium Exercitio-
rum Meditationes, in tres decades, ita diſponit. I. De Creatione
Hominis. II. De Excellentia & dignitate Animæ. III. De Crea-
tione Mundi. IV. De Vocatione ad Religionem. V. De Peccato.
VI. De Morte. VII. De Iudicio peculiari. VIII. De Inferno. IX.
De Paradifo. X. De Confefſione. I. De Excellentia ſtatus Reli-
gioſi, & de obligatione, qua Religioſo viro nitendum, vt ad Vir-
tutis Perfectionem tendat. II. De Neceſſitate, quæ eſt viro Reli-
gioſo, Virtutem acquirendi, & de perfectione vitæ in Religionem.
III. De Mortificatione membrorum ac ſenſuum corporis, ob regulam
modetiæ. IV. De Mortificatione paſſionum. V. De Morti-
ficatione Intellectus & Voluntatis. VI. De Virtute. VII. De Vir-
tutibus Theologalibus. VIII. De Virtutibus Intellectualibus, &
moralibus inſuſis. IX. De Humilitate. X. De Paupertate. XI.
De Caſtitate. XII. De Obedientia. XIII. De Silentio, & vitio
linguæ. XIV. De Oratione. XV. De Obſeruantia Regulari. XVI. De
ſanctiſſimo Eucharistiæ Sacramento, & de reuerentia, deuotione, &
amore, quo à nobis eſt proſequendũ. XVII. De Gloriſſima Virgi-
ne. XVIII. De Angelis & Sanctis. XIX. De Amore Proximi. XX.
De Amore Dei.

397 Hac ipſa prope graditur via Amedeus Comorus ex Cleri-
cis Regularibus ſancti Pauli, qui ſolitudinem decem dierum quo-
tannis obeundam inſtituens, has Meditationes proponit. Scilicet,
pro Purgatiua, de Creatione, de Peccato, & de Morte: pro Illumi-
natiua, de Caſtitate, de Paupertate, & de Obedientia: ac pro Vni-
tatiua, de Amore, quo à Chriſto amamur: de Gratitude, quam
tanto amori debemus: & de Amore proximi. Primò autem, Dire-
ctorium, & aliquot Conſiderationes proponit, vt ritè animus ad
ſolitudinem diſponatur; & ſpiritus ac cor, cunctis rebus creatis oc-
cluſum (tanquam nihil aliud præter Deum & nos ſit in mundo) ipſi
ſolùm aperiamus.

398 Verùm, Chriſti Domini Vita, veluti omnium virtutum
exemplar, & quæ totius contemplationis eſt janua, in Reſſu, non

Romin. Flumina in D. rēll. fol. 58. 94. & 407.

omittenda. Proinde Clerici Regulares Minores, in suo Directo-
rio, tres exercitationes assignant. Primam doloris & compunctio-
nis, ut dixi, in qua deploratis superioris vitæ nequitijs, purgatur
Anima, & ad altiora gratiæ dona disponitur. Et huic exercitati-
oni, quæ etiam dicitur Incipientium, correspondent Meditationes
enormitatis Peccati, trium Nouissimorum, Mortis scilicet, Judi-
cij vniuersalis, & Inferni, ac tandem filij Prodigij. Hoc tempore
induit Solitarius speciem & personam peccatoris, & iterum plangit
tempus superius malè impensum, & peccata præterita. Interim
exercet actus contritionis, execrationis, & detestationis peccati, abo-
minationis sui ipsius, actus inchoatiuos nouæ vitæ, vel similes. Aspi-
ret sapius in die pro remissione peccatorum, pro emendatione vi-
tæ, & spoliatione veteris hominis. Secundam illuminationis, &
Reformationis, in qua instruitur & dirigitur Anima in actionibus
suis, Mysterijs & exemplis Christi Redemptoris. Tempus hoc est
Proficientium: cui correspondet meditatio Infantia, Prædicatio-
nis, & Passionis Christi D. N. In his enim Mysterijs Domini Iesu,
qui factus est nobis viuum exemplar virtutum omnium, & Magister
noster, ne dum Redemptor, discit Solitarius, quid in vita sua cor-
rigere, & quid debeat imitari. Ideò diligenter obseruet sacri tex-
tus verba, & Christi actiones omnes, eaque conferat cum moribus
suis, ut vel corrigat, vel imitetur. Exerceat actus fortitudinis con-
tra passionem, & vitia propria: item obedientiæ, dilectionis Dei &
Proximi, paupertatis, contemptus inferiorum, & sui ipsius, ac si-
milium. Aspiratio quotidiana erit pro ornamentis virtutum, & pro
imitatione Christi: ad cuius prototypum actiones suas conformare
debet. Consideret hoc tempore statum proprium: & maturè pro-
spiciat, quomodo dirigat actiones suas, tam spirituales, quam tem-
porales erga Deum, se ipsum, Superiores, & proximos; iuxta voca-
tionem suam, & conditionem sui status. Tertiam gaudij & exulta-
tionis, in qua perficitur, & eleuatur Anima ad Deum, ut illi iugi-
ter adhæreat, & vnitur. Postremum hoc tempus est perfectorum;
qui possunt dicere: *Osculetur me osculo oris sui*. Cui attribuuntur ad
meditandum gloriosa Christi Domini mysteria. Vbi gloriosam
eius Humanitatem contemplamur: ad instar cuius, cum ea tamen
dissimilitudine, quæ est inter Dominum & seruum, caro nostra re-
surgit. Meditatur etiam gaudia futuræ vitæ, & diuina beneficia.
Quibus allectus animus meditantis, & ad superna suspensus, ope-
diuinæ gratiæ, sine qua nihil boni inchoatur, nec perficitur, sensim
abstrahitur ab imis, & vnitur summis. Actus, qui hoc tempore exer-

Meditationes Monachorū S. Bened. 463

cendi sunt, erunt, contemptus inferiorum, amor superiorum, ab-
stractio à rebus caducis, & huiusmodi. Aspiret in die ad superna,
ad vniōem cum Deo, & ad cognoscendum Deum in cunctis rebus
existentem, operantem, & quodammodò laborantem.

¶ Tres etiam exercitationes proponit Abbas Garcias Cis-
nerus diuisas in tres hebdomadas hunc in modum.

Prima pro Via Purgatiua has Meditationes assignat.

Die Lunæ, de Peccatis, fol. 11.

Die Martis, de Morte, fol. 19.

Die Mercurij, de Inferno, fol. 24.

Die Iouis, de Iudicio, fol. 29.

Die Veneris, de Passione Christi, fol. 33.

Sabbato, de Doloribus B. Virginis, fol. 40.

Dominica, de Paradisi Gloria, fol. 44.

Secunda Hebdomada pro Via illuminatiua Meditatio fiet de

Diuinis Beneficijs sic

Die Lunæ, de Creatione, fol. 58.

Die Martis, de Gratificatione, fol. 63.

Die Mercurij, de Vocatione, fol. 66.

Die Iouis, de Iustificatione, fol. 68.

Die Veneris, de Dotatione, fol. 70.

Sabbato, de Gubernatione fol. 72.

Dominica, de Glorificatione, fol. 74.

Tertia Hebdomada pro Via Vniuiua, Meditatio erit, de Deo.

Die Lunæ, quodd est principium & finis omnium rerum, fol. 85.

Die Martis, quodd est pulchritudo Vniuersi, fol. 90.

Die Mercurij, quodd est mundi Gloria, fol. 93.

Die Iouis, quodd est totus Charitas, fol. 95.

Die Veneris, quodd omnium rerum est Regula, fol. 97.

Sabbato, quodd est quietissimus Gubernator, fol. 99.

Dominica, quodd est sufficientissima Beatitude, fol. 101. Hæc Cis-

nerus, qui addit duas alias Meditationum Hebdomadas de Christi

Vita & Passione, fol. 105. & 140.

¶ Verum S. Ignatius Meditationes suas, in prima Hebdo-

mada, de peccatis; in secunda & tertia, de Incarnatione & Passione

Christi; & in quarta, de eius Resurrectione, disposuit. Aduerit ta-

men, quodd licet Exercitijs assignentur quatuor hebdomadæ, toti-

dem Exercitiorum partibus singulæ singulis respondentes, non ta-

men ita accipiendæ sunt dictæ hebdomadæ, vt necesse sit vnāquā-

que continere septem vel octo dies. Cum enim contingat, alios

alij tardiores vel promptiores tunc ad ad consequendum quod quaerunt; puta in prima hebdomada Contritionem, dolorem, & lacrymas de peccatis suis: aliquos etiam plus aut minus agitari probarique varijs spiritibus: expedit nonnunquam succidi hebdomadam, quamcunque, vel extendi, iuxta materiam subiectae rationem. Imò, plerunque hodie hæc exercitia, decem tantum, aut octo dierum spatio, concluduntur. Sed tunc etiam trium viarum ratio, quam innui superius, est habenda: vt Religio S. Pauli primi Eremitæ constitutione sic monet: *Per quatuor aut quinque dies exerceat se* (Solitarius) *in Via Purgatiua, circa detestationem peccatorum, vitiorum, passionum inordinatarum, amoris proprij, meditando de gravitate peccati, de damnis consequentibus vitia, de breuitate vite, vanitate mundi, morte, iudicio, inferno; & inde colligat affectus dolori, confusionis, odij peccatorum, ac proprij amoris, timoris Dei &c. Tres autem dies assumet ad Viam Illuminatiuam, cogitando de virtutibus Christi in vita & passione; item de excellentia & premio virtutum, de mysterijs Fidei, excitando in se affectus desiderij, spei, amoris &c. Reliquum tempus tribuat Vite Vniuiuersae, recolligendo excellentiam Dei, ac Beneficia illius, tam vniuersalia, quam particularia sibi collata; promatque affectus laudis, gratiarum actionis, dilectionis, oblationis sui penes merita Christi Deo Patri in obsequium sempiternum; auxiliaque petat, per bonitatem, per clementiam, per merita Christi, per merita precesque Virginis & Sanctorum Dei, &c.*

Corb. Rel. 9.
P. pr. Fr. p. 1.
c. 11. n. 3. fol.
18.

Palma in 1.
die fol. 58.
& 56. fol. 68.
71. & 84.
fol. 86. & 97

fol. 118.

fol. 145.

fol. 176.

461 Eandem rationem secutus in sua Praxi Ludouicus de Palma, S. Ignacij Exercitia & Meditationes ita digessit: *I. De Fundamento, hoc est, de creati & Religiosi hominis fine. II. De Examine Generali, siue de peccatis, & præsertim venialibus. III. De Pœnitentia exteriori vel corporis castigatione, & Medit. de peccatorum pœnis. IV. De Regno Christi, ex similitudine Regis terreni subditos suos euocantis ad bellum. V. De duobus Vexillis, vno quidem Iesu Christi Optimi nostri Imperatoris, altero verò Luciferi, hostis hominum capitalissimi. VI. De tribus hominum classibus siue differentijs, vt potissimam partem amplectamur: quarum vnæque decem millia ducatorum alio quam diuini cultus & amoris studio sibi parauerit: nunc autem placatum habere Deum, & salua fieri exoptet, sublato vtcunque noxio affectu rerum, vtapore salutis impedimento. Prima igitur Classis optat quidem acquisita rei exuere affectum, vt conciliari Deo possit; sed media debitaque adminicula toto viæ tempore non admouet. Secunda idem affectum male ordinatum auferre cupit, sed rem interim mordicus tenere, ac Deum potius trahere ad votum proprium, quam, reliquo impedi-*

mento, per conducibiliorem statum ad illud tendere. Tertia postremo, affectum insincerum volens abijcere, rem ipsam vel tollere vel tenere æquè parata est, pro vt ad diuinum cultum commodius fore, vel ex diuino instinctu, vel ex rationis dictamine animaduertit: ac interim omnia relinquens integra, illud tamen versat, & inquit; nec aliam admittit relinquendæ aut retinendæ rei acquisitæ causam, præter rationem ac desiderium diuinæ gloriæ, vt quàm maxima sit. Et forma huius meditationis, nostris hominibus vtilissima, valde similis est parabolæ, quam Christus Saluator exposuit de Seminatore; notando quatuor classes, aut hominum genera, qui idem verbum Dei audiunt, diuersis tamen affectibus: vt animaduerso earum discrimine, singuli conarentur esse de classe meliorum, ac se se disponere ad ferendum fructum quem postremi referunt. Sic Ludovicus; *In hoc exercitio*, inquit, *nobis proponantur tres Classes, siue tria genera hominum, qui omnes temporalia bona possident; & omnes a se eorum affectum, & amorem remouere volunt; & diuersa ad hoc omnes proponunt media, vt, considerantes eam, quæ inter illos est differentiam, optimum eligamus.* Et in hoc exercitio, meditatio est de Christi Passione. VII. De Examine particulari circa defectus, exercitia spiritualia & exercitium virtutum. Et fit Meditatio iterum de Passione Domini, hoc est, de ipsius opprobrijs & doloribus. VIII. De Via vnitui, & Med. de præmio & consolatione lustrorum, vel de Amore Dei.

Palma in declar. huius Exercitij
fol. 221.

fol. 209. 221
223. & 228

fol. 237. &
243. & 252

402 Alij etiam qui recessum octo dierum observant, & mane ac vesperi meditantur; Ludouici Granatensis, ex Ordine Prædicatorum, viri omnium peritissimi, Meditationibus sic vtuntur. *Feria II. Mane.* De pedibus Apostolorum à Christo lotis; de Institutione sanctissimi Sacramenti, & de eius causis, fol. 16. &c. *Vesperi.* De peccatorum propriorum memoria & multitudine; de ijs quæ post Dei cognitionem homo commisit; de accusatione propriæ conscientiæ, & abominando ac despiciendo se ipso, fol. 59. &c. *Feria III. Mane.* De Oratione Saluatoris in horto; de eius captura; & de ijs qui ligant spiritualiter Christo manus, fol. 23. &c. *Vesperi.* De conditione & miseria humanæ vitæ; siue, quàm incerta, quàm fragilis, quàm mutabilis, captiosa, & miserabilis sit, fol. 67. &c. *Feria IV. Mane.* De Præsentatione Christi ante Pontifices & Iudices, de Negatione Petri, & de Domini flagellis, fol. 29. &c. *Vesperi.* De Morte, siue de hora eius incerta; de pœna, quæ ex omnium rerum derelictione & separatione percipitur; de horrore sepulturæ, de timore futuræ sortis, quæ bene aut malè æternum con-

tinget; de erroribus & cæcitate antea vitæ; & de timore reddenda Deo exactissimè rationis; de extrema vñctione; & de mortis agonia; de deformitate corporis mortui, ac sepultura; & de exhalatione animæ, fol. 80. &c. *Feria V. Mane.* De spinea Christi Corona; de verbis, Ecce homo; & de gravi pondere Crucis, quam suis ipse humeris tulit, fol. 35. &c. *Vesper.* De Iudicio Finali, siue de signis; quæ ipsum antecedent; de fine mundi & resurrectione defunctorum; de aduentu Iudicij, de modo iudicandi; de testibus & accusatoribus eius, fol. 93. &c. *Feria VI. Mane.* De Crucis mysterio, de septem Crucifixi Domini Verbis; & de doctrina, quæ ad Christi Crucem addiscitur, fol. 40. &c. *Vesper.* De pœnis Inferni, siue, de cruciatu sensuum & interiorum animæ facultatum; de pœna damni; de pœnis particularibus damnatorum, & de harum omnium pœnarum æternitate, fol. 103. &c. *Sabbato. Mane.* De Christi latere lancea vulnerato; de eius depositione ac sepultura, de B. Virginis lacrymis; & cur ipsa & iusti omnes in hac vita varijs tribulationibus affligantur, fol. 47. &c. *Vesper.* De Paradisi Gloria, siue, de pulchritudine & excellentia Locj; de altera lætitia animæ, quam ex consortio Sanctorum percipiet; de tertia, ob claram Dei visionem; de quarta, ex gloria corporis; & de quinta lætitiæ ex longitudine æternitatis, fol. 112. &c. *Dominica. Mane.* De sanctæ Resurrectionis mysterio, siue descensu Saluatoris ad Inferos, de sacrati ejus corporis resurrectione, & de apparitione primùm facta sanctissimæ Matri, deinde Mariæ Magdalene, tum alijs Discipulis, fol. 54. &c. *Vesper.* De Diuinis Beneficijs, Creationis, Conseruationis, Redemptionis, Vocationis, & Beneficijs particularibus, fol. 126. &c.

403 Alij Diuum Bonauenturam ex Ordine Minorum & eximium Ecclesiæ Doctorem sequuntur, qui totius hebdomadæ Meditationes ita disponit: *Habebis enim*, inquit, *Dominica die* (memoriam) *de regno calorum, Feria II. de extremo Iudicio, Fer. III. de Beneficijs Dei, Fer. IV. de Morte, Fer. V. de pœnis Inferni, Fer. VI. de Passione Domini, Sabbato de Domina nostra, & peccatis proprijs. Passioem tamen Domini in qualibet die, cum materia diei, & cum beneficijs Dei, habebis.* Et in exercitiorum spiritualium fasciculario hæc ait: *Sunt autem quedam generalia circa quæ frequentius exercitia deuoti versantur, videlicet, memoria peccatorum, qua compunguntur ad compunctionem vel dolorem. Memoria mortis, qua vt omnia huius mundi oblectamenta, gloriam & honorem, alium statum vilipendant, accenduntur. Memoria extremi examini, qua inflammantur ad bona opera peragenda, vt sunt cum iustis mereantur accipere premium meritorum. Memoria pœnarum infernalium,*

S. Bonau.
Opusc. tr. 2.
fol. 102. E-
xercitia
quadam spir-
rit.

Idem in pre-
fat.

qua omnia illicita licet dubia respiciunt timore tormentorum. Memoria celestis gloria, ut hic quiescant & exultent in spe, ac ut illic sint digni gloria, nitantur se veris virtutibus adornare. Memoria beneficiorum Dei, & maxime beneficij Incarnationis, ne gratia largitori inueniantur ingrati. Haec unus sanctus Bonaventura.

404 Sed propius in rem nostram, P.D. Petrus Iardina, informandorum animarum institutor egregius, & assiduus exercitiorum spiritualium cultor, trium Viarum Meditationes, ternas vel quaternas in dies singulos, ad decem dierum numerum, omnino disponit. Loca etiam nonnemo schemati adiecit, è Ludouici Pontani Meditationibus, hunc in modum.

P. V. R. G. A. T. I. V. A.

Prima Die. Prima hora, de *Hominiis Fine*. par. 1. medit. fundament. Secunda, de *Granitate Peccati*. par. 1. medit. 2. 3. 4. 5. & 6. Tertia, de *Miserijs & Breuitate vite*.

Secunda Die. Prima hora, de *Mortis*. par. 1. medit. 7. & 8. Secunda, de *Iudicio particulari*. medit. 9. Tertia, de *pænis Inferni*. medit. 10. & 11.

Tertia Die. Prima hora, de *Filio Prodigio*. par. 3. medit. 12. Secunda, de *codem*. medit. 13. pun. 4. 5. Tertia, de *Conuersione Mariæ Magdalene*. medit. 14.

I. L. L. V. M. I. N. A. T. I. V. A.

Quarta Die. Prima hora, de *duobus Vexillis*, uno quidem Christi, altero diaboli. par. 2. medit. fundament. Secunda, de *Apostolorum Vocacione*. par. 3. medit. 6. Tertia, de *ijs Domini verbis*, Qui vult venire post me, abneget semetipsum, & tollat crucem suam, & sequatur me. par. 3. medit. 7. 8.

Quinta Die. Prima hora, de *Annunciatione sanctissimæ Virginis*. par. 2. medit. 6. 7. 8. Secunda, de *Christi Natiuitate*. par. 1. medit. 17. 18. 19. Tertia, de *Magorum Adoratione*. par. 2. medit. 23.

Sexta Die. Prima hora, de *ingressu in Ierusalem*, & de *Christi lacrymis super eam*. par. 4. medit. 2. & 4. Secunda, de *Ablatione pedum*. par. 4. medit. 8. Tertia, de *sanctissimi Eucharistia Sacramenti institutione*. par. 4. medit. 9. 10. 11. & 12.

Septima Die. Prima hora, de *Oratione in Horto*. par. 4. medit. 20. 21. 22. Secunda, de *Christi Comprehensione*. medit. 24. 25. Tertia, de *Negatione Petri*. medit. 28. vel fiet Repetitio.

Octaua Die. Prima hora, de *Comparatione cum Barraba*. medit. 34. Secunda, de *Flagellatione*. medit. 35. Tertia, de *Coronatione*. medit. 36. vel fiet Repet.

468. Meditationes P.D. Petri Iardinae C.R.

Nona Die. Prima hora, de sententia Pilati. medit. 38. Secunda, de Crucis bailatione. medit. 39. Tertia, de Crucifixione, & Morte. medit. 40. 41. vsque ad 51. Quarta, de Sepultura, & lacrymis B. Virginis. medit. 54. 55. 56.

V N I T I V A

Decima Die. Prima hora, de Christi Resurrectione. par. 5. medit. 2. 3. 4. 5. 6. 7. 8. Secunda, de Ascensione. par. 5. medit. 17. 18. 19. Tertia, de Aduentu Spiritus sancti. medit. 22. 23. 24. Quarta, de Paradisi Gloria. par. 6. medit. 51. 52. 53. & 54.

*Pal. in pra-
xi & medit.
instru.*

405. Hic aduerte, quod Orationis semel obita repetitio, etiam S. Ignatio, in vsu fuit. Sed, vt monet Ludouicus de Palma, *Ex punctis propositis, tantum eligenda sunt ea, in quibus maiorem quis percepit consolationem.* Patres Missionis in Gallia, cum secessum instituunt, eadem vtuntur. Nec temere, sed consulto P.D. Petrus, in tertia Meditationis hora, scripsit vt fiat: vt, nimirum, sensa diuina cordi altius imprimantur, & fatigata diu mens, suauius in illorum contemplatione quiescat. De ea idem ille Autor hac habet: *Idem su eorum*

Ibid. fol. 50.

repetitio. Primo, quod, tanquam clauus malleo, fortius insigantur, vt firmius habeant. Secundo, vt quis se magis exerceat in affectibus excitatis; atque ideo sit meditatio de rebus, iam alias in meditatione cogitatis; sicque minus habet laboris intellectus, & facilius multiplicari possunt colloquia. Et hac causa est, quod in exercitijs hic orandi modus accommodetur tertiae hora, postquam primam & secundam meditando transegerimus.

*Scrib. in
breu. ad me-
dit. instru.
fol. 10.*

406. Vniuersa autem, vt cuiusque statui Director, selectis Meditationibus, opportune provideat; Carolus Scribanus docet, tria esse hominum genera, quorum magna ratio sit habenda, in omni exercitiorum ac meditationum delectu. Primi sunt incipientes, qui nullam adhuc virtutum, aut sanctioris vitae experientiam habent, aut qui adhuc omnino mundi voluptatibus irretiti, ac voluptatum coeno infixi haerent. Secundi proficientes, qui vitiorum nexibus expediti, magno conatu, ad virtutem nituntur. Tertij perfecti, qui vitiorum praedijis instructi, in eo toti sunt, vt quam arctissime cum Deo, amoris vinculis, coniungantur.

Primis necessariae sunt ex Meditationes, quae animum vitiorum sordibus expiare possunt, atque ad scelus detestationem, rerumque fluxarum despectum perducere. Cui rei maxime seruiunt haec Meditationes. 1. De ultimo fine, ad quem homo est conditus. 2. De peccato Angelorum. 3. De peccato primorum Parentum Adami & Euae. 4. De Peccatorum grauitate. 5. De proprijs cuiusque peccatis. 6. De mundi vanitate ac fallacia. 7. De Morte. 8. De

Iudicio particulari . 9. De Iudicio vniuersali . 10. De Purgatorio igne . 11. De Pœnis inferorum .

Secundis conueniunt et meditationes , quæ in ipsis virtutis studium promouere possunt , quod fieri solet meditationibus . 1. De Vita , Passione , & Morte Christi . 2. De Vita B. Virginis , & aliorum Sanctorum . 3. De septem petitionibus Orationis Dominicæ . 4. De octo Beatitudinibus . 5. De Salutatione Angelica , *Aue Maria* , *Salue Regina* , *Aue Maris Stella* . Item de insignibus sententijs à Deo , aut Sanctis pronunciatis . Circa quas considerare possumus , si quod ijs præceptum contineatur , quid obtemperantibus promittatur , quo fine quauis mente ab auctore prolata sint , demum ad ea quæ imperantur aut suadentur perficienda , animus conquisitis rationibus concitandus .

Tertijs viles sunt meditationes , quæ mentem cum Deo amoris ac caritatis nexu arctius deuincire possint . Quales sunt . 2. De ijs , quæ post Christi à mortuis Resurrectionem accidere . 3. De sempiterna Gloria , ac præmijs , quæ Deus Sanctis suis in æterna vita præparauit quibus iam complures eorū pro meritorum diuersitate fruuntur . Non tamen hinc sequitur , neminem se primis Meditationibus occupare posse aut debere , nisi qui prima vitæ melioris rudimenta molitur : nec item ijs quas tertio loco recensuimus , neminem præter eos , qui perfectionem virtutum attigerit , nullius enim est tam perfecta omnibusque numeris absoluta virtus , quæ non subinde etiam primis Meditationibus expurgari atque perpoliri debeat . Itaque ex ijs , eas quisque sibi seligere potest , quas ipse , aut eius Director , conditioni suæ , ac profectui , vtiliores existimabit . Sed satis de Meditationum materia . Mox aliquid de meditandi vel orandi modo ac ratione dicendum .

DISQUISITIO QUINTA.

Quid sit Meditatio , quæ nam eius partes , & quomodo ritè à nobis institui , & absolui debeat .

407 **O**MNES IN ORANDI MODO ETC. Vt quæ Granatenfis , Pontanius , Busæus , Scribanus , Scupolus , alijque permulti de Oratione scripserunt , omnia perstringamus hic carptim ; Oratio primum , ex Gregorio Nysseno , est conuersatio sermocinatioque animæ nostræ cum Deo , in negotio no-

S. Gregor.
Nys. lib. de
orat. Domin.
cap. 1.

S. Chrys. lib.
1. de orando
Deum, & ho.
30. in Gen.

stræ saluationis ac perfectionis, miscendo nimirum sermones cum Diuina Maiestate, nunc verbis externis ore prolatis, quæ dicitur Oratio Vocalis; nunc internis solum, quæ ab ipso spiritu siue mente procedunt, & hæc mentis oratio, seu meditatio est dicta. Non tamen existimandum est, huiusmodi colloquium fieri verbis dumtaxat, sed completitur etiam excellentissima interna opera, quæ spectant ad vitam contemplatiuam, & ad id quod in ea est supremum, vniõnem scilicet spiritus nostri cum Deo: conferendo cum ipso, & instando vt ea nobis clargiatur: adhibita quoque ex parte nostra omni industria ad ea obtinenda & possidenda. Et sicut manus ad res capiendas, & peragenda opera sua, quinque habet digitos, licet potissimum eius robur in tribus primis consistat: ita anima nostra ad eas actiones, quinque internis suis facultatibus, sed præsertim tribus spiritualibus vtitur; memoria nimirum, qua rerum reminiscitur; intellectu, quo easdem cognoscit; & voluntate, qua vel diligit, vel odio habet: quibus facultatibus duæ aliæ inferiores subserviunt, vis scilicet imaginandi, qua imagines & figuras rerum, quæ sensibus externis percipiuntur, formamus; quæ vis suo quoque modo fert de illis iudicium; & vis appetitus sensuum, à quibus procedunt actus, amor, odioque sensibili, gaudio, & tristitiæ, desiderio, & timori, & similibus alijs consentanei. Quæ omnes facultates conuenire solent in oratione mentis, eleuantes actus suos ad altissimum & supremum obiectum, quod habere possunt, qui est ipse Deus; innitentes præcipuè virtutibus, quas Theologicas appellamus quia respiciunt Deum, quæ is est summa veritas, cui propterea fit adhibenda fides; suprema beatusitudo; quam debeamus sperare; immensa bonitas, quam debemus diligere; & infinita excellentia, quam adorare, & cui seruire ac obedire debemus: Quare Oratio præsertim innititur viæ fidei rerum, quas Deus reuelauit; spei certæ rerum, quas promissit; & accensæ Caritati eius Domini, qui eas reuelauit, & promissit, simul cum feruenti desiderio eundem honorandi, ac eidem obediendi, in omnibus, quæ præcepit: vt hac viâ ascendamus ad videndum quod credimus, & possidendum quod speramus; vniendo nos, per amorem, Diuinæ illi Bonitati, quam amamus. Quod totum planè obtinetur in cælo, quanuis in terra incipiat delibari.

408 Sed partes huius Mentalis Orationis, siue meditationis, quinque præcipuè numerantur: Præparatio, Representatio, Consideratio, Colloquium siue Petitio, Retractatio.

409 **P** Ræparatio est, qua homo se ad meditandum comparat, ut monet Ecclesiastes: *Anie orationem, præpara animam tuam.* & noli esse quasi homo, qui ventat Deum. Qui enim imparatus ad orationem accedit, non Deum placat, nec ab eo aliquid impetrat, sed eius indignationem & iram prouocat. Si ergo cum Rege, vel Antistite, vel Dynasta al. quo acturus primùm præmeditaris, quibus verbis uti velis, ut ipsum concilies, allicias, flectas; quantò magis id præstes cum Deo, in Meditatione, collocuturus?

Ecclesi. 18.

410 Præparatio autem hæc, triplex, remota, propinqua, & proxima. Remotam præparationem, in puritate vitæ ac conscientia, ponimus; de qua Venerabilis Beda sic ait: *Multam iunat orationis puritatem, si in omni loco vel tempore, nos ab actibus temperemus illicitis: si semper ab ociosis sermotationibus, auditum pariter castigemus & linguam: si in lege Dei ambulare, & testimonia eius assuescamus toto corde scrutari.* Quæcunque enim sapias agere, loqui, vel audire solemus, eadem necesse est sæpius ad animum, quasi ad solitam propriamque recurrant sedem: & sicut Volatabra sitis palustria, columbe limpida frequentare solent fluentia; ita cogitationes impura mentem immundam perturbant, castam spirituales sanctificant.

Beda ho mil.
in Fer. 3.
post Domi-
nic. Quadr.

411 Propinqua Præparatio est, prælegere pridie Meditationis materiam; eam, simulatque mahe euigilas, in mentem reuocare; si minus memoria polles, parum ante meditationem relegeres; cogitationes & curas de studijs, alijsque negotijs temporalibus prorsus excludere omnes, ac tibi finem proponere, quem ab ipsa meditatione, vel consideratione elicere velis. Non enim ad Dei orationem causa eundum est, ut inde quicquid sorte accidat hoc educas. Nam licet toto tempore orationis varij actus incidentes produci & exerceri soleant, iuxta Meditationum materias, & varios influxus Spiritus sancti, ut contritionis, inceptionis nouæ vitæ, confusionis, oblationis, cognitionis sui ipsius, amoris Dei, & similibus; nihilominus præcipuus ac primarius, vnus esse debet, qui ante orationem est præuidendus. Itaque, ante orationis tempus, serio tecum tractes, quæ sit maior necessitas spiritualis animæ tuæ, quæue sit causa proprii profectus impediens, vel quæ magis tibi aduersentur. Hoc enim præuidere debes ante ipsam orationem, siue vnum, siue multiplex fuerit, & ob oculos habere, & eo tempore insillere, ut ab oratione prorsus eliciatur. Si hoc non agas, diuturnam quælibet oratio tibi erit inanis. Non enim aliud ex fortuito

cadente affectu, quàm mollem deuotionem, & eneruam cordis compunctionem experieris. Multi enim valde decipiuntur, cum sibi veluti finem & terminum ipsam orationem proponant; quæ tamen est medium & instrumentum ad acquirendam perfectam mortificationem, & victoriam passionum, ad vitia expugnanda, & comparandas virtutes.

412 Proxima verò est, cum iam iam inchoanda est meditatio, primum aqua benedicta te aspergere, & signo crucis munire. Secundo, vno passu à Meditationis loco, ad spatium Dominicæ Orationis, salutationisque Angelicæ, consistere, & firmiter tibi persuadere, te coram Diuinæ Maiestatis throno, quem omnes Sancti circumstant, vt cum Deo colloquare, compariturum. Tertio, reuerenter in genua velut coram Deo prelabi, & mōx humiliter postulare ab eo veniam peccatorum, & gratiam omnes vires actionesque animi, ad suæ diuinæ Maiestatis gloriam, referendi; & vt eius auxilio, è præsentī Meditatione, singularem aliquem fructum capere possis. Poteris etiam tuam precationem inchoare, ijs Abrahæ verbis: *Loquar ad Dominum, cum sim puluis & cinis*; vel vt exponit S. Chrysostomus: *Ne putes, Domine, me ignorare me ipsum, & transgredi mensuram, & tanta vi fiducia*. Scio enim, quod terra sum, & cinis: sed sicut hoc scio, & manifestè scio, ita neque illud ignoro, quod copiosa est tuæ misericordie magnitudo, & quod diues es in bonitate, & quod vis omnes homines saluos facere. Cogita igitur qui sis, nimirum homo vilissimus, peccator ingrattissimus, re vera puluis & cinis, stercus & fœtor: & hac cogitatione te ipsum humilia. Deinde vide quem sis oraturus, nimirum Deum sapientissimum, optimum, potentissimum, angelicæ naturæ amatorem, humanæ reparatorem, omnium conditorem. Admirare, diuinam Maiestatem intimè præsentem, quæ te ante se sustinet; dilige immensam bonitatem, quæ prona est te exaudire; & benignè tibi fauere; in spem erigere, quod è conspectu tanti Regis, nec vacuus nec desolatus exhibis: Ita in omni Meditatione tibi Deum præsentem constituas: idque vel sensibili imaginatione; v.g. vt infinitum lumen, vnde quaque nos circumambiens, & collustrans: vel vt mare immensum, cui nos velut spongia immergamur: vel vt in throno gloriæ confidentem &c. aut simplici actu fidei, absque alia eius imaginatione, credendo, vti est, illum verè nobis esse præsentem: qui dubio procul melior est modus; & eliciendis actibus supernaturalibus magis proportionatus, minùsque ledens phantasiā, & vim imaginatiuā, atque adeo potius consulendus. Quod non solum fieri debet intellectu; sed necesse est, vt in-

S. Chrys. ho.
42. in Gen.

Trinkellius
in prolog. n.
3.

de resulter in affectum interior erga Deum reuerentia, & adoratio, cum profunda sui demissione, & subiectione. Et quanuis hoc totum, præcipue initio orationis, necessarium sit; tamen eo quoque tempore, quo cum Deo agimus, hoc ipsum, maxime dum colloquia cum illo instituiamus, obseruandum erit; adiungendo etiam externam corporis eam moderationem, & compositionem omnium membrorum, quæ tantæ Maiestati reuerenter adorandæ congruit. Quæ reuerentia maxime crescet, si ante orationem, viuo actu fidei, non solum concipiamus illum præsentem nobis; sed insuper desiderantem, vt modo quodam speciali eum colamus; imò hoc ipsum operantem in nobis, quatenus videlicet communicat nobis quodammodo eum actum, quo ex infinita suæ Maiestatis estimatione & amore se ipsum glorificat; vt possit illum similiter estimare, reuereri, & colere creatura. Ad quod possumus initio orationis apprehendere nos in Deo, vel Deum in nobis, non otiosum, sed operantem; primum circa se ipsum, infinita estimatione & amore, se ipsum in se ipso glorificantem; deinde etiam in nobis excitantem similem actum, quo, vt par est, immensam Maiestatem estimemus, & reueremur, atque ad eum illum se ipsum, quasi per nos, in nobis reuerentem. Sicuti enim erat Deus in Christo, mundum per Christum reconcilians sibi: ita modo quodam est in nobis per Christi gratiam, & merita, per nos se se glorificans. Sic etiam facile intelligemus, qualiter bonitatem suam per participatos eius actus, ad eum sublimes, in nobis diffundat, atque ad eum quomodo ipse in nobis operetur, toto orationis tempore, actus admirationis, gratiarum actionis, laudis, amoris, fiduciæ, petitionis; ac se ipsum glorificet, amet; seque omnium bonorum fontem agnoscat. Vt potè cum non solum nobis sit præsens mortuo quodam modo, & per solam suam substantiam, sed etiã vt operans: primum quidem in se, deinde etiam in nobis efficiens, vt velimus & moueamur ad æternam eius gloriam; sine cuius influxu alioquin essemus immobiles. Quod magne humilitatis nobis ansam præbere debet atque etiam excitare, ne sinamus Dei inanem in nobis operationem; sed ei cooperemur liberè, & quodammodo iuueamus ad laudandum se & glorificandum. Demum aduerte quem è Meditatione sis boni affectum eliciturus, vt ad eum tuas considerationes dirigas; & quid sis petiturus; vt satis perspectum habeas quid dicendum, *Ne temere quid loquaris*. Poteris quoque, si velis, B. Virginis, Angeli Custodis, S. Patris tui, vel Cælituum ad quos affeceris, auxilium implorare: & sub ipsum Meditationis initium, si meditationis puncta memoria exciderint, relegere iterum.

413 Componendum eo situ corpus, quem, ad attentam meditationem instituendam, commodiorem putabis. Itaque & pedibus consistere, & sedere, & ab alijs etiam inambulare, in orando permittitur. Sed tu ora genibus nixus: quod si diu non potes, pedibus insistas, ita tamen ut ad genuflexionem paulò post redeas. Conuenit aliquando ad exemplum Christi, maximè si magnus aliquis motus infurgat, prono etiam corpore ad breue tempus meditari. Nonnemo autem, Meditationis initio, hanc Orationem præmittit: Omnipotens æternæ Deus, ego N. peccator indignus, attamen opus manuum tuarum, venio coram te, ut laudem te, quia tu es Deus, Dominus, Creator, Saluator, ac Conservator meus: quem solum mihi, proximisque, dona ad salutem utilia præstare posse scio, quia summè potens es: & velle non dubito, quia summè bonus es. Quem omnes creatura in calo & in terra laudare debent, & nunquam pro merito laudare sufficiunt. Verùm, miser ego ad laudandum Te, heu, quàm indignus & imparatus venio ob innumera peccata mea! Doleo ex intimo corde meo, quod unquam offenderim Te Deum meum, summè bonum, quem laudare & amare super omnia debueram. Sed tu me fac dignum per misericordiam tuam: & munda me pretioso sanguine Iesu Christi Filij tui Salvatoris mei, ab omnibus iniquitatibus meis. Quin & ab omnibus vanis, noxijs, & alienis cogitationibus, libera cor meum, ut in spiritu & veritate Te adorare & laudare valeam; & qua supplex ab immensa bonitate tua petiturus sum, obtineam; idque secundum beneplacitum elementissimæ voluntatis tuæ, cui per omnia me libens subijcio. At quomodo servus inutilis inuenies gratiam in conspectu tuo? Respice, ò Pater, in faciem Christi tui, in quo tibi bene complacuit: in cuius nomine supplex rogo, ut clementer exaudias me. Ecce ardentissimas eius orationes, pios affectus, & sancta desideria, sanctissimas eius cogitationes, verba, & opera; omniaque Vita, Passionis, ac Mortis illius merita, offero Tibi, ut ex illorum perfectione & unione, suppleantur omnes defectus mei; & per illum velut Mediatorem & Aduocatum nostrum, placeat Tibi, ò Pater æternæ, obsequium hoc seruitutis meæ, Et vinam affectu, zelo, & seruire Beatiſſimæ Matris & Virginis Mariæ, sanctorum Angelorum, & omnium Beatorum, præsertim Patronorum meorum N. & N. Te colere, amare, & laudare valeam. Idque eo fine, ut auferas à me quicquid Tibi displicet in me, in primis N. & N. & quod imperfectum meum vident oculi tui, ò scrutator cordium: gratiam quoque & virtutes mihi magis necessarias, ut in vocatione meâ dignius seruiam Tibi, velut has N. & N. benigne largiaris omnia, ad maiorem Nominis tui gloriam, meam & proximorum salutem, & defunctorum solatium, maximè quibus singulariter obligatus sum. Hoc unum Domine vehementer

De Repræsentat. & Considerat. Orat. 475

*desiderat anima mea, nimirum, seruire, placere, & adherere Tibi, nunc
& in æternum. Tu enim es Deus meus, & omnia. Amen.*

De Repræsentatione.

Repræsentatio vel imaginatio est; qua homo ante punctorum considerationem repræsentat, id est, ob oculos ponit personas, earundenque actiones in mysterio Meditationis expressas. Vt si mediteris de Crucifixione Christi, imagineris te intueri Montem Caluarie, cruci Christum affigi, infinitam hominum turbam circumstare. Similiter, mediteris de morte. Fingas te adspicere te ipsum, vel alium quempiam, in lectulo decumbentem, pallidum, sensibus destitutum, & morti vicinum. Hæcenim repræsentatio valet non solum ad cauendas animi distractiones, sed etiam ad concitandum affectum doloris, compassionis, metus, & similibus. Et si in hac imaginatione diu hærendum non est, sed tantum quamdiu sentis te pie moueri ad amorem, poenitentiam, lætitiæ, vel aliud. Quod si materia Meditationis sit de re, in qua nulla sit circumstantiarum, vt loci, vel personarum repræsentatio, statim à præparatione ad considerationem abibis.

De Consideratione.

414 **C**onsideratio, est operatio intellectus, qua homo secundum expendit quæ in singulis punctis continentur, cum desiderio inde fructum aliquem spirituales exhauriendi. Maxime autem discurrit, & ratiocinatur, circa circumstantias. Vt si meditetur de aliquo puncto Passionis Domini, attendat. Quis sit qui patitur; quid, pro quo, & qua de causa, patiatur. Excursiendum igitur, inspicendumque primum Meditationis præstitutum caput, eique inhærendum, quamdiu in eo inuenitur quod aut intellectum erudiat, aut voluntatem pro sensu afficiat, & quasi gustu quodam detineat, licet in eo solo omne meditationi præfixum tempus impendi contingeret. Primo verò materie puncto sic excussio, transcendendum erit ad secundum, & sic deinceps. Quod si contingat pertractatis excussisque singulis ad meditandum præfixis, nec dum meditationis tempus effluxisse, possunt eadem à principio, aut illa saltem in quibus maior fuerit animi sensus, iteratò retractari. Discurrit igitur intellectus, considerans actiones, & personas cernens, veluti si propriis oculis eas præsens aspiciat. Considerat gestus, motus, circumstantias, & ea omnia, quæ vel expresse in historia ponuntur, vel verisimiliter geri & dici potuerunt. Ponderat verba facti textus non tanquam simpliciter ab homine prolata, sed mysticis plena, grauidâ sensibus, & à Spiritu sancto dictata. Diuersas

affert similitudines, & comparationes; quin etiam figuras & prophetias: & ex alijs similibus varias affert illationes. Et in his omnibus ad praxin descendit, & intuetur, ac si ante oculos ipsas actiones videat aditatas. Ex discursu autem hoc intellectus, voluntas interim velut ignis exardescit, & variè afficitur. Et nunc meditans exclamat, nunc admiratur, quandoque confunditur, vel seipsum reprehendit; suamque erubescit ingratitude & inconsiderationem: nunc despicit inferiora hæc & caduca: nunc aspirat ad superna: & demum, in singulis novis ponderationibus, varios affectus exerceat. Itaque totum Orationis tempus hæc tres sibi consumunt potentia, facto reciproco transitu ab intellectu ad voluntatem: & postea denuò ab hac ad illum redeundo; ut hinc noui motus procreentur, ad alios actus & effectus educendos.

De Petitione aut Colloquio.

415 **V**bi sedulo, quæ in punctis continentur, expendis, & te ad amorem, dolorem, vel alium affectum moueris, & accenderis, facile occurret quod per colloquium à Deo petere debeas. Ordinariè autem poscere potes maius lumen Deum & te ipsum cognoscendi, peccatorum remissionem, dolorem de iisdem, perturbationum animi expugnationem, in literis & pietate progressum, demum virtutes omnes, quæ gratiorem te Deo reddant. Ideoque in Colloquio multi reflexionem suadent accuratam, & diligentem, applicando res meditatas maiori tuæ necessitati, quàm ante meditationem tibi proposuisti. Hoc autem semper obserua, ut proposita, quæ in futurum tempus respiciunt, ne sint generalia, seu vniuersalia tantùm, sed ad particulares necessitates, impedimenta, & occasiones descende. V.G. Propono in tali conuersatione, & in tali loco, hæc & hæc cauere, hæc & hæc agere. Quæ si fideliter opere & executione compleantur, in permanentes habitus immutantur, qui est opus & vltimus finis huius orationis. Tempore verò meditationis prope elapso, concludenda erit oratione ad Deum instituta: quæ aut sola mente, aut verbis etiam exterius prolatis, fieri potest. Hæc autem oratio diuersimodè solet concipi, pro ut diuersarum personarum conditio postulat, quas inter orandum quiuis in se suscipere potest. I. Potest fieri tanquam à facinoroso coram iudice, à quo veniam admissorum perat. II. Tanquam ab inope ad opulentum ac præpotentem Regem, cui suam calamitatem exponat. III. Tanquam à seruo ad Dominum suum, in quem cum omni reuerentia & submissione se gerat. IV. Tanquam ab infirmo ad medicum, à quo ostensis vulneribus, morbisque explicatis, remedia

opperiatur. V. Tanquam à filio ad patrem aut matrem amantissimam, quam vnice diligit. VI. Tanquam à Sponsa ad castissimum animæ suæ Sponsum, quem excipere & complecti desideret. Ad hæc, eiusmodi Colloquia possunt institui non solum in extremo meditationis, verum etiam quoties id affectus inter meditandum suaserit: nec solum ad Deum, vel ad singulas S. Trinitatis personas, vel ad Christum Crucifixum, verum etiam ad Beatissimam Virginem, aliosue sanctos Patronos, imò & ad hos omnes, pro vt in diuersis meditationum subiectis vnicuique animus suggererit.

416. Finita meditatione per colloquium, Deo, seu verbis, seu sola cogitatione, gratiæ pro successu meditationis agendæ, petendumque ab eo præsidium, vt ea quæ inter meditandum sanctè perfecturum te statuisti, re ipsa perficere possis.

417. Circa tamen affectum, in quo vis meditationis consistit, scire debes, hunc ordinariè debere esse leuem, quia diutius continuari potest, & capiti pectorique non nocet. Quem diuina gratia adiutus, faciliè excitabis sedula consideratione personarum sanctissimæ Trinitatis, Christi, B. Virginis, & circumstantiarum, non eos verbis, sed cordis affectu dulciter alloquendo. Quo affectu Angelii, Diuinæ Maiestatis conspectu suspensi, continenter canunt, *Sanctus, sanctus, sanctus.*

418. Si autem Deus aliquando immittat tibi vehementiorem affectum, v.g. vt prorumpant lacrymæ, humiliter cum admittes, & quandiu Deus dederit, continua. Sed hic diurnus esse non debet, maxime si sponte à te concitatus sit, ne labatur caput. Prodest autem plurimum hic affectus in quibusdam casibus. I. Si Confessionem Generalem de tota vita, vel de toto anno facturum, optares te excitare ad contritionem veram & perfectam, quam Theologi dicunt valere ad expiandam omnem culpam & poenam. II. Si quando graui tentatione contra fidem, castitatem, vel vocationem pulsare. III. Quando aduerteres te, in studio pietatis, vel vocationis tuæ, omnino refrixisse. IV. Si quando aggrediendum esset opus magnum ad Dei gloriam multis difficultatibus implicatum.

419. Quod si contingat te inter meditandum omni gustu solatioque destitui: non ideo animum despondeas. Si enim tua culpa id acciderit, quia imparatus in meditationem irruisti humilia te, culpam agnoscendo, & breui sequetur serenitas. Si verò non tua culpa, cogita permissum à Deo, vel vt disceres gustum illum non studio nostro parari, sed dono Dei obtineri, vel vt Deus probaret, an ex puro Dei amore sanctum hoc opus, & non consolationis tuæ

causa, exerceres. Itaque tempore desolationis, dic: *Ego non incēpi hanc meditationem meam propter meum solatium, sed ex vero amore Dei; quare eandem ex eodem amore perficiam.*

410 Si verò multis agiteris distractionibus, nec ideo abrumpe meditationem: sed cogita, si obrepant te invito, nullum peccatum admitti. Tantum ubi aduerteris te distrahi, resiste illis, licet saepius redeant: neque enim minus grata erit ob hunc laborem meditatio tua, quam si cum deuotionis sensu eam perfecisses. Prodest etiam in hac pugna proflire ad colloquia, & submisce agnoscere te tuis viribus nihil posse: vel etiam grauius te accusare, tanquam mortaliū ignauissimum, qui non possis etiam ad breue tempus cum Deo loqui: & auxilium diuinum experieris.

De Retractatione

421 **R**etractatio post meditationem consistit in attentionum exultatione, quæ toto meditationis decursu tibi acciderunt. Cogita nimirum, an te ad orationem præparaueris, & affectum ex meditatione eliciendum præuideris; an dato orandi signo, statim inceperis; aut saltem sine vlla mora ad locum destinatum accurreris; an dormitaueris aliquantulum; an vigil & erectus steteris; an distractus, an verò spiritu collectus astiteris. Cogita quid fueris meditatus, an intellectui plus nimio habenas discurrendi laxaueris, an paruum affectum, an moderatum, an ardentem habueris; an tepide, an verò instanter postulaueris; an cum debita reuerentia, aut potius minus reuerenti & humilis, imò Dominum fueris; an sine causa infirmitatis aut imbecillitatis sufficiens te stans, aut sedens, & non genuflexus oraueris: & denique, an alium defectum admiseris, curiositatis, dissidentia, posillanimitatis, præpostera intentionis, aut similibus. Si te minime defecisse deprehenderis, Dei beneficium agnosce, & pro eo gratias age simul; & quomodo in posterum tibi sit progrediendum addisce. Si verò in aliquo defecisse, non tantum doleas, sed & culpæ causam inquireas, ut postmodum culpam vitare, & quomodo tibi sit defectus emendandus, & rectè procedendum, agnoscas. Et demum reuocanda in memoriam pia desideria, ac proposita, tempore meditationis concepta, & circumspicienda præsidia, ad ea res ipsa perficienda.

422 Præter hunc orandi modum: per tres potentias, alter est dictus; *Repetitio*, quem superius tametsi obiter exposuimus; & tertius, *Applicatio sensuum* imaginariorum absque discursu, cum simplici attentione, audiendo, videndo, amplexando, & osculando loca cum omni reuerentia; gaudendo cum animi attentione, ut solet

quis, quando res amata est præsens; & à sensibus percipitur: quod non tantum vsuuenit in rebus sensibilibus & corporalibus, sed etiam in spiritualibus, gustando nempe suauitatem Dei, & se fragrantia odoreque virtutum recreando. Finis huius orationis est duplex. *I.* In rudioribus, qui intellectu multum discurrere, & materias penetrare non possunt; sed cum simplici affectu in illis exterioribus apparentijs sensuum quiescunt. *II.* In illis qui multum intellectu discurrerunt, & materiam penetrarunt: vt aliquantulum quiescant, & à discursuum labore cessent, magisque accedant ad contemplationem rerum, de quibus meditati sunt, cum affectu & simplici rerum istarum intuitu. Et idè ille orandi modus in vltima diei hora adhibetur, quia, postquam quis in Meditatione tribus animæ potentijs laborauit, maioremque in Repetitione notitiam, & affectum acquisiuit: magis opus est, vt simpliciter in ijsdem punctis notitia & affectu quiescat.

423 Circa discrimina autem, inter affectus ac illustrationes à Deo, à natura, aut à dæmone profectas, hæc habet. Quicquid à dæmone proficiscitur, plerumque ad inconstantiam, inquietitudinem, ac perturbationem animum pertrahit: facit vt altè de nobis rebusque nostris sentiamus; non raro etiam pusillanimitate, quæ ad desperationem pertineat, animum conturbat. Quod si verò quandoque bonas animo affectiones ad virtutem spectantes suggerat, eæ vt plurimum breuissimæ sunt, recedentesque hominem anxium, mœstum, pusillanimum & subinde etiam nimium sibi præfidentem relinquunt; aut denique tempore ac loco importuno, vt maius bonum præpediant, ingeruntur.

424 Affectus qui à natura tantum excitantur, plerumque ipsi suauis quodam sensu, ac quasi gustu consistunt, nec ulterius quidquam spectant, ibique desinunt, vbi suavis illa naturæ concitatio euanesceat: interim hoc efficiunt plerumque, vt nos ipsi nobis, nostraque nimium placere incipiant. Vnde benè dici solet, huiusmodi naturæ affectibus abundantes meditationes, arbores esse, quæ præter flores & folia, fructum nullum ferant.

425 Qui verò à Deo sunt, ij plerumque secum habent. *Primò*, Permanentem animi voluptatem; *Secundò*, Insignem mentis constantiam; *Tertiò*, Magnam animi tranquillitatem; *Quarò*, Incitata desideria, ad multa Dei causa perferenda; *Quinò*, Generosam rerum terrenarum despicientiam; *Sextò*, Ardentem rerum diuinarum sitim; *Septimò*, Magnum sui ipsius, ac proprii iudicii odium, promptitudinemque, ad se, in omnibus, eorum, quibus subest, ar-

birrio submitendum; *Octauo*, Flagrantissimam se emendandi, ac Deo perfecte obsequendi cupiditatem. Hos in te si sentias; fove, & prosequere: illos, statim extirpa.

426 Sed demum, Amoris, in Deum tendentis, actiones interiores, à Theologis plerunque, hæc solent assignari: *Prima*, Deum tanquam summum Bonum, videndum ac fruendum pronissimo affectu desiderare. *Secunda*, Sua Deo omnia velle, nec aliam ob causam, nisi quia bona Dei sunt, uti sunt sapientia, bonitas, potentia, &c. *Tertia*, Impensè gaudere, Deo ab Angelis, Beatis, probis omnibus, serui. *Quarta*, Desiderare vnice, vt res creatæ omnes, gloriæ honorique diuino, sese impendant. *Quinta*, Animo dolere ob omnes in Deum iniurias, & à se, & ab alijs commissas. *Sexta*, Serio constitutare, omnem Dei legem exactè obseruare. *Septima*, Vnicam in omnibus Dei voluntatem sibi sequendam proponere. *Octaua*, Auerfari omnia, quæ quis Deo displicere cognouit. *Nona*, Omnia sua Deo liberalissima submissione offerre. *Decima*, In res aduersas omnes, Dei causa tolerandas, promptum animum obfirmare. *Vndecima*, Diuini regiminis prouidentiam, vbique agnoscere, & extollere. *Duodecima*, Fateri, se diuinis fauoribus minùs respondere, & amoris augmentum poscere. *Tertiadecima*, Beatam in Dei amore perseverantiam, assiduis precibus efflagitare. Quæ omnes hac oratione continentur.

Actus amoris in Deum.
O Mi amantissime Deus, ad te summum bonum, toto cordis affectu, feror. In immensissima bonitate tua exulto, & gaudeo, quod te omnes Angeli adorent. O mi Creator, quàm ego cupio, vt omnes homines te agnoscant, & colant! Ah, quàm me pœnitet omnium peccatorum meorum! Et ideo firmissimè statuo legem tuam posthæc in omnibus obseruare. Omne solatium meum in suauissimo tuo beneplacito quaram. Auerfabor quicquid tibi displicuerit. Mi Deus, omnia mea tua sunt, tibi omnia consecro: propter te, aduersa omnia libentissimè tolerabo: permissione, & dispositione tua semper contentissimus ero. O bonitas, tuum in me amorem adauge. O Caritas te nunquam amare desinam.

427 Cæterum, haud parum iuuat ac refert, actus edere, quos adijcimus.

I. Protestatio operandi purè pro Deo, sine omni commodo amoris, aut obsequij. Omne quodcunque facitis in verbo aut in opere, omnia in nomine D.N. Iesu Christi facite.

Coloss. 3.

I. O sanctissima & indiuidua Trinitas, Pater, Filius, & Spiritus S. ego misera & indigna creatura, firmo & constanti proposito, me totum hodie

Protest. Operandi purè pro Deo. 481

in sanctissimam & iustissimam voluntatem tuam projicio; & abnegando me ipsum ex toto corde pronuncio ac protestor, quòd iocus velim esse tuus; & nec habeam quicquam, nec habere velim unquam aliud, quàm Te solum: Te solum volo quærere, Te solum amare, idque sincere, simpliciter, ac purè sine meo commodo. Et firmiter nunc propono deinceps Tuae Maiestati suprema seruire, & eandem amare, non tam ut effugiam pœnas, carcerem, aut infernum euissem; neque ut mihi des consolationes, aut beatitudinem in altera, aut aliud quidpiam desiderabile in vita presenti: sed precipuè, ut quæram Te solum, velim Te solum, amem Te solum. Et certè solus mihi sufficis, qui es verum unicumque complementum omnium. Quare uni Tibi me do, & dedico in æternum, idque tam firmo & inuiolabili proposito, tam sincero cordis affectu, ut tota anima mea Te amare, Tibique seruire supradicta intentione velim, etiam si viuerem seculis infinitis. Hoc inquam est consilium, hoc decretum, hac enixa voluntas mea. II. Si dare vis mihi dulcedines & consolationes, sis benedictus; facies enim tanquam benignus & amabilis Deus, qualis fuisti semper, es, & eris: & ego vicissim Tibi ago gratias infinitas: sicut etiam si illas mihi dare non velis. Imò, se immittere vis mihi pœnas, arumnas, & vexationes, eque benedico Tibi, & infinitas gratias ago. III. In huius propositi confirmationem, nunc testem appello Beatissimam Virginem Mariam, Reginam Calorum, cum omnibus Angelis & Sanctis in Cælo degentibus: quos omnes rogo, ut intercedant pro me apud Tuam Diuinam Maiestatem: quòd meum hoc propositum Te solum purè in omnibus & nihil aliud quærendi, crescat & impleatur. Quare, ò mi dulcissime Domine, ad Te iterum me conuerto, & obsecro, ut digneris acceptare meum istud propositum, & dare viuis, quibus illud implere valeam; quia sine Te prorsus nihil possum. Et quia me talem agnosco, idè ad Te recurro, Tibi me commendo; eorumque committo, & in visceribus misericordie tue abscondo. Suscipe me igitur, Deus meus: amplectere me, spes mea: immuta & transforma me in Te, per omnia, ò dulcissime Pater. IV. Hæc ipsa intentione & sine statuò me exercere in infrascriptis exercitijs, & actibus virtuosis: quos si interdum ore & opere explicare satis non potero, nihilominus intendo, & nunc propono, corde implere, omni momento temporis, & semper; maxime in hora mortis, conatu affectuque maximo, & modo excellentissimo, quo per me vel aliam quamcunque creaturam fiunt, ac tu ipse nosti fieri posse. Et ecce nunc illos omnes Tibi offero, perinde ac si eos ipse elicerem: simulque toto corde Te rogo, per infinitam tuam bonitatem & misericordiam, ut eos acceptare digneris. Amen.

II. Actus Fidei. Sine fide impossibile est placere Deo.

I. Ego itaque, ò fidelissime & verissime Deus, firmissima & prima Veritas, toto animo amplector fundamentum hoc fidei: idèque humillime in ter-

Hebr. 11.

ram prostratus adoro, & veneror Te, in caelo & in terra: & optimo excellentissimoque modo, quo possum, firmissimè profiteor; & ex nunc & in perpetuum, corde credo, & ore confiteor, omnia quæ dixisti, reuelasti, & proposuisti credenda, mediante S. Ecclesia: præsertim ea, quæ continentur in symbolo Apostolico; affirmans, omnia certissima esse, ut nihil omnino de ipsis possit in dubium reuocari. II. Ideo coram Tua Diuina Maiestate, & tota Curia caelesti, confiteor, & firmissimè protestor, velle me in huius veritatis confessione viuere, & mori. Ah quàm præterea cuperem, ut uniuersus mundus firmissima fide Te cognosceret, & confiteretur: & summo perè doleo, quòd Te non credat, adoret, veneretur, sicut oportet. III. Quare, obsecro Te, per pretiosum sanguinem, vitam, & mortem Domini mei Iesu Christi: per merita sanctissima Matris eius, & intercessionem SS. Apostolorum, Discipulorum, Martyrum, Confessorum, Virginum, omniumque Sanctorum & Electorum tuorum, ut velis in me, & omnibus hominibus, sanctum istud lumen fidei augere, & infidelibus illud accendere: ut eo magis omnes Te agnoscant, confiteantur, adorent, iuxta desiderium S. Prophetæ tui, cum quo exclamo: Confiteantur Tibi populi, Deus; confiteantur Tibi populi omnes: omnis terra adoret Te, & psallat Tibi. Laudate Dominum omnes gentes &c. IV. Sed & lubens offero Tibi, si opus fuerit, vitam & sanguinem meum pro hac fidei veritate, & confessione tuenda. Atque vtiā, ò sanctissima Trinitas, Pater, Fili, & Spiritus sancte, Tibi placeat dare mihi gratiā Marij pro eadem obundi: ego me non modo promptissimè, cum gratia tua, offerem ad omnia dura & aspera: sed etiam pro maximo beneficio reputarem, si multa crudelia, pro tue veritatis amore, daretur perpeti. Exaudi me, dulcissime Deus.

III. Actus Spei & Confidentiae in Deum. Nolite amittere confidentiam vestram, quæ magnam habet remunerationem.

Hebr. 10.

I. Ego itaque, Deus meus omnipotens, totus inclinatus & prostratus, Te adoro & veneror: cui nihil impossibile & difficile est, iuxta verissimum illud effatum, Apud Deum non est impossibile omne verbum. Et quia per eandem omnipotentiam tuam promissisti mihi caelestem gloriam: ideoque etiam me vocasti, ut essem Tui confors & similis, ò Bonitas infinita, per auxilium tuum, & bona opera, quæ cum gratia tua speciali statuo facere, spero, & à Te solo consequi desidero vitam æternam. II. O verè Omnipotens Deus, ecce ego apertissimè cognosco tantum bonum mihi promissum me possidere non posse, nisi Te mediante; Teque desiderare, & velle illud mihi dare: ideo enim Filium tuum pro me in mortem dedisti. III. Gratuler mihi, & exulto, miserrimissime Iesu, bonitas infinita, quòd per Te solum possim beatus fieri: neque aliud nomen sub caelo datum sit nobis, per quod salui fia-

mus. Unde nec placeret mihi Beatitudo, nisi per te illam haberem: quandoquidem omnis spes mea, & fiducia, in te posita est: eamque in te solo fixam ratamque volo; benignissime & dulcissime Iesu, summum & ultimum bonum cordis mei. Et hinc tanto iubilo, tanta consolatione afficior, tantamque sentio fiduciam, ut videar mihi iam tenere ac possidere bonum, quod desidero: quandoquidem scio, quod Filius tuus unigenitus, per quem tantum bonum mihi dare vis, sis Redemptor meus, & in negotio tam arduo fidus Aduocatus. IV. Quare Pater Omnipotens, toto corde firmissimè spero, posse me à te, cum sis liberalissimus, consequi & obtinere omnia, quaecumque mihi ad salutem necessaria fuerint. Ac primò quidem Veniam omnium meorum peccatorum, quantumvis multorum, & enormium: tum etiam vires ad superandas omnes difficultates, in hac vita occurrentes. Ac tandem gratiam perueniendi ad fruendum perpetuò felicissimo tuo aspectu. Et quamquam calum, terra, & omnes creatura, contra me conirarent, & ipse iam in portis Inferorum consisterem, nihilominus, beneuolentissime Pater, semper in te sperare vellem, & confidere, dicendo cum Propheta: In te Domine speraui, non confundar in æternum. In Domino sperans non infirmabor. Amen.

IV. Actus Amoris erga Deum & proximum.

Diliges Dominum Deum tuum ex toto corde tuo.

Luca 10.

I. Ego itaque desiderans exercere hunc excellentissimum actum, amabilissime Deus, ac suauissime Domine, summe gaudeo, mihi complaceo, tibi que congratulor, de tuis infinitis perfectionibus & attributis: quod solus tu sis, qui es, & summum infinitum bonum: sisque Deus inscrutabilis, & immensus, qui comprehendi non possis, neque satis ab ulla creatura cognosci. II. Gratulor tibi tantam tuam super nos, & super omnia potestatem, gloriam, dominationem, imperium: & quod hac habeas à te ipso. Profectò, Domine, si per impossibile, aliquid ego possiderem, quoti careres, illud omne tibi libentissimè cederem, & tribuerem: imò, si possem esse Deus, nollem tantum idè, ut tu solus esses, nec parem haberes. III. Opto quoque & ex intimo cordis mei affectu desidero, ut omnes creature, quæ sunt in calo, terra, & mari, & quicquid uspiam est, aut esse & reperiri potest: omne suum esse tibi acceptum referant, honorem tibi exhibeant & obsequia: te laudent, magnificent, ament omnes, inducti sola tua infinita bonitate, & excellentia tuæ Maiestatis: quia tu solus es omni amore dignissimus. Sed & maximo gaudio me afficit, quod quicquid creature præstare conantur tui amore, id omne tuæ dignitati & magnitudini longè sit impar. IV. Et quia tu ex te ipso longè es amabilis, toto pectore desidero te amare, illa perfectione, qua te amarunt, amant, & in æternum amaturi sunt omnes Beati. Et hac eadem affectione cordis, offero tibi illum feruorem, floremque cari-

tatis, qua tu te ipsum amas, amasti, & in aeternum amaturus es. V. Superabundo gaudio, & infinitas tibi gratias ago, quod tu ipse meus, & omnium creaturarum officium suppleas, in amando te ipso. Et hunc ipsum amorem tui ipsius, offero tibi in gratiarum actionem, pro omni gloria, honore, beatitudine qua frueris: una cum omni illa gloria, honore, laude, quam unanimes consensu omnes beati spiritus, & omnes iusti huius mundi, tibi deferunt. Et in summa, tuum esse, tuam gloriam, & omne tuum bonum, in te ipso cupio, & propter te ipsum. VI. Et hoc tibi de me certum esse velim, o dulcis Amor meus, quod tam firma, tamque constanti voluntate statuerim te diligere, ut, etiam si mihi nihil unquam, neque in hac neque in altera vita, boni velles conferre; imò si in hac vita omnibus arumnis afficerer, & in altera supplicij addicerer aeternis, nihilominus tamen amare te velim, & ex intimis medullis cordis mei tibi servire: ne ad momentum quidem (tua me gratia adiuuante) ab amore tuo desistens, aut quinquam remittens. Quod ut clementissimè confirmare, & acceptare digneris, humiliter peto. VII. Quando verò, piissime Domine, precipis mihi ut amem etiam proximum meum, pro tam dulci praecepto tibi gratias ago: & ideo quantum possum, impello voluntatem meam ad ipsum amandum. Cupio ipsum amare, precorque ipsi à te omne bonum, quo feliciter, & tibi gratior fiat: maxime N. N. à quibus rebellis mea voluntas nonnihil abhorret. Rogo, dimitte illis omnia sua peccata: & concede, ut arripiant remedia necessaria ad vitam aeternam consequendam: quod si noueris expedire, ut ego caream aliquo dono tuo, quod ipsis attribuas; ecce Domine Deus meus, nihil detrecto. Magna me voluptate perfundit amor, quo illos prosequeris: & perfectio, qua illos exornas: pro qua gratias tibi maximas habeo. VIII. Quod si, te permittente, contingeret, me ab aliquo offendi & vexari, nihilominus iam nunc te obsecro, priusquam illud eueniat, ut uelis ipsi dare ueniam & uitam aeternam: & hoc quia tu ipsum amas, egoque desidero tibi in omnibus conformari, ut nihil unquam uelim ego, nisi quod uis tu ipse, Dominus & Deus meus, Amen.

V. Actus Adorationis ad sanctissimam Trinitatem.

Dominum Deum tuum adorabis.

I. Ecce ego, omni illa, qua possum, submissione & humilitate, positus coram tua diuina Maiestate, Deus meus, agnosco me creaturam, & opus manuum tuarum, à te per omnia dependens: te uniuersorum absolutum Dominum: dignissimum qui pro tali ab omnibus habearis & honoreris, infima cordiali submissione humi prostratus, & ex profunda abyso mei nihili, te adoro adoratione latræ: & tanta Maiestati in infinitum me submitto, omnemque reuerentiam & honorem, quem possum, exhibeo. II. Contentus etiam sum, imò contentissimus, me nihil esse, nihilque posse, nisi à te pro-

ueniret; imò nollem esse, nec aliquid posse, nisi dependenter à te. III. Ideò-
que inuio & inuoco sanctissimam Virginem, beatos spiritus, & totam Cu-
riam caelestem, imò creaturas universas, ut mecum adorent, uenerentur,
& agnoscant tantam Maiestatem: & iam nunc unà cum illis te adoro &
agnosco; imò isto meo actu omnes alias adorationes, alios cultus, quibus ha-
tenuis affectus es, & quibus affici te conueniebat; omnes, inquam, eos cul-
tus uno fasciculo comprehensos, & colligatos, tibi offero & dedico. IV. Tan-
dem, ò Deus meus, consecro tibi omnia, qui es absolutus Dominus uniuers-
orum: singulariter autem omnes meas cogitationes, uerba, opera tam in-
terna quam externa tibi offero & deuoueo; illud unum supplicans, ut in me
perfectissime impleatur amabilis tua uoluntas, qua me creasti, & uocasti ad
tibi seruendum. Amen.

VI. Actus Laudis & Gratulationis.

Laudate Dominum omnes gentes.

Psal. 116.

I. Ego itaque, ò Domine, uolo nunc aspirante gratia tua cor meum excitare,
dicèdo, affectu intimo anima mea: Laudabilissime Deus & Dominus meus,
cum iubilo cordis mei pronuncio, proclamo, deprecado, corique mundo pare-
facio, quantum scio & possum, inestimabilem magnitudinem, excellentià,
& magnificentiam tuam; quòd sis infinitus & immensus, immutabilis, &
eternus: potentissimus, sapientissimus, optimus, sanctissimus, & infinita
perfectiois, creator cali & terra, primum principium & ultimus finis om-
nium rerum: qui omnia summa providentia regis & gubernas. Horum
omnium causa gaudeo, & gratulor tibi. II. Et ideò nunc ego, magno ap-
plausu, & toto pectore, te laudo, ex alto, magnifico, ueneror: atque utinam
hoc possim absque cessatione prestare, semper & in omni loco terrarum, tan-
tum quantum te exaltant, magnificant, honorant, honorabunt, honorarunt,
& honorare poterunt simul omnes creatura, & omnes qui fuerunt, sunt,
& futuri sunt. III. Imò, cupio simul reddere tibi omnes illas laudes, quas
potuissent, possunt, poteruntque deferre Beata Virgo, sanctissima Humani-
tas Christi: & tantum quantum possunt adferre innumeri mundi, & in-
finita creatura tam uisibiles quam inuisibiles, quas omnipotens manus tua
creare potest. Et tantas laudes, tantos honores desidero tibi exhibere, quan-
tos nosti exhiberi posse, & quantos mereris. Quia uerò me facultas istud
prestandi deficit, opto saltem tribuere tibi omnes illos honores & laudes,
quas tuo adiutus auxilio offerre possum, & quantis tu te ipsum amoris uiri-
bus amas: quibus nunc istum, qualemcumque meum affectum laudis, uelut
exilem appendicem, adiungo. IV. Congratulor autem tibi, condelector,
& lator, quòd tu Deus meus, tam sis magnus, tamque laudabilis, ut ne-
que vires omnis creatura, uel in terra uel in celo, sufficiant ad te digne
laudandum & magnificandum: sed interim gaudeo, te ipsum, laudabilis-

sime Domine, id, in supplementum illarum omnium, abundè præstare.

VII. Gratiarum Actio. In omnibus gratias agite.

1. Thess. 5.

I. Ego nunc, liberalissime Deus meus, agnosco te omnipotentissimum, misericordissimum, à quo omne bonum procedit: & confiteor à te mihi prouenisse innumera beneficia, & singularissima dona, ab instanti conceptionis meæ, usque ad præseniem diem: qualia sunt, Creatio, Redemptio, Vocatio, Donatio S. Spiritus, Conseruatio, & infinita alia ab istis profluentia, & in ipsa contenta: licet eis fuerim indignissimus: maxime verò beneficio N. N. pro quo nunc, & pro omnibus alijs, tota contentione cordis mei, totisque viribus, infinitas tibi gratias ago, sicut infinitus est amor tuus, & bonitas tua, qua illa mihi largitus es. II. Agnoscens itaque me tibi obligatissimum, ò Bonitas infinita, & nesciens neque ualens referre tibi gratias, quantas deberem, & cuperem, inuoco Iesum Christum, Beatam Virginem, & omnes creaturas, tam uisibiles quam inuisibiles, ad agendas tibi pro me gratias: & illas quas ipse, quocunque gratitudinis genere modoque, tibi reddiderunt, reddunt, & in æternum redditura sunt, ego illas pro me nunc omnes tibi offero: & una cum illis, eodem affectu, recognitione, & gratiarum actione, tibi gratias ago. III. Neque hoc eò facio, quasi mea sint ista bona, sed quia tua sunt. Ego enim promptus & paratus sum illis priuari, quotiescunque illa repetere tibi placuerit: & oro ut id ipsum facias re ipsa, quotiescunque ad maiorem tuam gloriam proficere iudicaueris. IV. Ago etiam gratias diuine Maiestati tuæ, quòd sis quies: & pro omnibus bonis, quæ possides. Præterea, in gratiarum actionem, & gratitudinem pro omnibus donis, & beneficijs concessis, & concedendis mihi, & alijs omnibus creaturis, quæ sunt, fuerunt, uel erunt; specialiter pro his, quæ copiosissime largitus es huc usque sanctis Angelis, & hominibus, Beatissima Virgini, sacrosanctæ Humanitati Filij tui, Domini nostri, eo quo maxime delectaris ritu; modoque, offero tibi, Deus, te ipsum, qui es complementum & perfectio omnium. V. Neque his contentus, in signum gratitudinis ex isto momento, me ipsum tibi dedico, dono, trado; cum desiderio & uoluntate tibi fideliter seruiendi, & cordialiter æternum te amandi: humillimè rogans, ut hoc quale quale munusculum, undequaque tuæ Maiestati indignum, etiam antea mille nominibus tuum, acceptare digneris. Amen.

Ecc. 7.

VIII. Actus Oblationis. Sacrificium sanctificationis offeres Domino.

I. O dignissime Domine Deus meus, Pater, Fili, & Spiritus sancte, agnosco me per omnia tuum: cum quia me creasti, tum quia me redemisti: ut omniam innumera alia beneficia mihi præstata: pro quibus si millies me tibi singulis horis impenderem, nihilominus infinite tibi obstrictus manerem ac debitor. Quare ego iam talis, qualis sum, liberè, & maxima qua possum efficacia, me tibi consecro, offero, & per omnia dono, in plenissimum holocaustum,

stum, anime, & corporis mei: & omnium, que habeo, vel unquam possum acquirere. Hoc autem facere cupio eo modo, quo tu desideras & quo maxime decet, ut me Tibi offeram & consecrem. Ac proinde libentissime & liberalissime submitto me sanctissimis tuis praeceptis & iuribus in perpetuum. Et quia ego iam totus tuus sum, rogo ita me possideas, ut nunquam ipse mihi amplius restituar, aut mei iuris efficiar: sed ut omne meum velle, facere, dicere, non sit aliud quam quod voluntas tua sanctissima & rectissima vult me velle facere, dicere, & meum non velle, non facere, non dicere, sit idem tuum non velle, tuum non facere, tuum non dicere: fiatque pure solum, quando, quomodo, quantum Tibi, dignissime Domine, placet à me fieri, non aliter. II. Præterea offero tibi omnes divitias, & bona spiritualia rerum omnium, tum creaturarum, tum earum, quas habes in thesauris omnipotentia tua: ita ut si omnes mea essent, libentissime vellem Tibi illas cedere: vel saltem ad solum tuum honorem & amorem expendere. III. Offero Tibi omnia bona spiritualia, cogitationes, verba, & opera bona, que fecerunt, faciunt, facturi sunt omnes homines, qui fuerunt, sunt, futuræ sunt unquam in hoc mundo: imò omnes istas cogitationes, verba, & opera bona, que possent habere infiniti homines, quotque creati possunt à tua Omnipotentia: ita ut si possem ex amore tuo eadem facere vellem illa efficacia, qua tu scis maxima fieri posse: & illo modo, qui esset Maiestati tue gratissimus. IV. Offero quoque Tibi omnes penas, dolores, martyria, & omnia mala pœnosa anime & corporis, que passi sunt, patiuntur, & passuri sunt omnes homines, siue in mundo, siue in purgatorio, siue in inferno, in satisfactionem Iustitiæ tuæ, & augmentum gloria tuæ; & omnia, que scis ab omnibus & singulis tolerari posse, non solum in hoc Orbe, sed etiam in centum millibus, & infinitis mundis, purgatorijs & flammis infernalibus: ita ut si Tibi placeret, cum gratia tua, omnia talia libenter propter amorem tuum, salutem meam & proximi, vellem perpeti. V. Præcipue tamen offero Tibi pretiosum sanguinem, & infinita merita Domini mei Iesu Christi; cum meritis B. Virginis, & omnium Sancto- rum, & unâ cum illis omnia supradiçta: sicuti etiam omnes meas cogitationes, verba, opera; studia, occupationes, actus hodiernæ diei, & totius vite meæ. Denique desidero facere hanc Oblationem, illo cordis affectu, quo tanosti fieri posse flagrantissimo; & toties quoties spiritum duco, ut totus in æternum sem tuus, tibiq; addictus. Amen.

IX. Actus Resignationis erga Deum.

Omni sollicitudinem vestram projicientes in eum.

1. Pet. 5.

I. Mispissime Domine, omni affectu cordis mei abnegato per omnia, Tibi me totum resigno; & maximo, quo tu scis fieri posse, desiderio; & quantum per me fieri potest, desidero perfectissime voluntatem meam in tuum divinum

benepiacitum transfundere : in quo solo cupio mihi complacere , quiescere ,
 & in nulla re alia . Quare Te rogo , uelis de me , meisque rebus omnibus
 disponere , quo modo , & quantum Tibi placet , & uideatur conducere ad ma-
 iorem tuam gloriam . Sic igitur totus in Te resignatus , offero me paratum
 ad acceptandum à potentissima tua manu , quicquid mihi acciderit in hac
 uita , siue illud prosperum siue aduersum fuerit . II. Quare si uis me uiuere
 uitam , gratanter accipio : si uis me mori , non recuso : si uis me sanum ,
 accipio sanitatem : si infirmum , infirmitatem : si locupletem , diuitias : si
 pauperem , uolo paupertatem : si honorabilem , placet honor : si inhonoratum ,
 non abhorreo ab ignominia : uis ut habeam consolationem , & illam nolo : si
 desolationem , non absterreo : si me uis esse in gratia apud homines , uolo
 & ego : si uis me esse odio : pro inimicis orabo , & in persecutionibus Te lau-
 dabo . III. Et idè nolo habere oculos , nisi ad Te uidendum : neque aures ,
 nisi ad Te audiendum : neque linguam , nisi ad loquendum de Te : neque cor ,
 nisi ad Te amandum : neque memoriam , nisi ad recordationem tue dulcedi-
 nis : neque intellectum , nisi ad agnitionem tue Maiestatis : neque manus ,
 nisi ad tuum famulatum : neque pedes , nisi ad tuum obsequium : neque cor-
 pus , nisi Tibi ad uictimam : neque uitam , nisi Tibi in sacrificium . IV. In-
 summa , ita sine omni exceptione tuus esse uolo ; ut me ipso expoliato , &
 omni mea proprietate exuto , sanctissima tue Voluntati (quandoquidem
 meam iam Tibi donauit , & irrevocabiliter dono nunc , & in perpetuum)
 omnes meas cogitationes , uerba , & opera , tam interna , quàm externa , &
 omne meum esse , & posse , que gratia tua dignatus es mihi largiri , permit-
 tam , resignem , transcribam . Neque uolo quicquam uelle , aut non uel-
 le , nisi quomodo , quando , & quantum Tu uis , & non uis : ita ut tuum Be-
 neplacitum , sit meum summum & ultimum desiderium , iucunditas , con-
 solatio , omni tempore , & in re qualibet . Quare piissime Domine , assiste
 mihi , tua sanctissima gratia (sine qua scio me nihil posse) ut omnia cedant
 in honorem & gloriam tuam , & perfectissime adimpleatur sanctissima
 tua uoluntas . Amen .

X. Delectatio de Deo .

7. al. 36.

Delectare in Domino , & dabit tibi petitiones cordis tui .

I. O quantasego , iucundissime Domine , causas habeo iubilandi , & exul-
 tandi : quandoquidem Tu es Deus ille , qui est nimirum infinita Potentie ,
 Sapientie , Bonitatis , Pulchritudinis , Misericordie , Iustitie , Fidelitatis ,
 & innumerabilium aliorum Attributorum , tanquam principium & finis
 omnis boni : cumque tantus ac talis esses , dignatus es eòisque extollere na-
 turam humanam , illamque Tibi unire , ut uerè dicatur , Deum esse homi-
 nem , & hominem esse Deum : Deum quidem natura , hominem uerò di-
 gnatione & gratia . Quinimò , præterea promissisti mihi etiam æternam fe-

licitatem, & Beatitudinem: idque innumerabilibus testimonijs ac signis
tam in antiquo, quam in nouo testamento confirmasti. O dignatio: O Boni-
tas infinita Dei ac Domini Nostri. II. Itaque, auidè Domino mi desudero,
& uolo in posterum, adiuuante gratia tua, omnem animi mei delectatio-
nem, esse in Te, ac de Te solo, deque rebus, quæ tuæ sunt, meque ad Te pel-
licioni: sicut de Te becho dixit, qui dixit, Deus meus & omnia. Tu so-
lus es bonitas, thesaurus, paradysus creatura rationalis in hoc & in altero
mundo. III. Contra uero fastidium, prorsusque auersor hunc mundum, &
omnia quæ illius sunt. Neque minus mihi molestum est ea uidere, audire,
& cogitare, quam sordidissimam cloacam, cadaver putrescens, ac sterqui-
linium. Omnia enim præter Te, Domine, arbitror ut stercorea; abominor ut
rem contagiosam. IV. Et cupio tuæ solius dulcedinis gustu affici, tantum-
que tuus è rebus gaudium & voluptatem capere, omnes uero res munda-
nas, & quæcunque cor meum à Te auertunt, respuere, abhorre, detesta-
ri. Ad hoc præstandum, adiuua me Domine, tuâ pietate, ut seruiendo Ti-
bi, cum gaudio & perfectione, in hac uita, possim Te cum Beatissimis
& fruierem in altera. Amen.

XI. Zelus honoris Dei & Salutis Animarum. Zelus Domus tuæ co-

Psal. 68.

medit me; & opprobria exprobrantium tibi ceciderunt super me.
I. Zelosissime Deus meus, qui gloriam tuam alteri non das, & omnes ani-
mas solus creasti: ideoque inter alia tua Nomina, etiam Dominus Zelotes,
& Deus æmulator, vocari uolasti; doleo, & summe crucior nomine om-
nium illorum hominum, qui in suis actionibus relinquentes uerum & re-
ctum finem, qui solus es Tu, summum & unicum bonum; magis res tem-
porales, & caducas huius mundi querunt, & amant, quam Te: & continuo
precumbentes, tradunt se in potestatem traditissimi sui hostis, Diaboli: id quod
sine magno dolore, & pœna, cogitare & loqui non possum. II. Quare,
Deus meus, ego ualissimus peccator, nullius pretij apud Te; offero pro glo-
ria Nominis tui, ac pro salute totius mundi, merita omnium Electorum,
qui fuerunt, sunt, & futuri sunt usque ad finem mundi. Et si ego solus,
ob amorem & honorem tuum, sustinere possem omnes pœnas, omnia tor-
menta, quæ omnes serui tui passi sunt, modo per eiusmodi perpeffionem ef-
ficere possem, ut nullus unquam te amplius offenderet, toto corde roga-
rem, ac supplicarem Tibi pro hac gratia. Quin potius amore tui, integre
(si ita Tibi placet) abdo me omnibus, si quæ forte extant apud te, meritis
meis, & bonis operibus: (si tamen unquam aliqua tibi uere grata præstii)
& offero illa Tibi aeterno Patri, unita cum meritis Filij tui, pro conuer-
sione totius mundi; ut sic ab omnibus honoreris in terra, sicut in celo. Et
si possent omnia flagella, quæ alij debentur, propter sua peccata, meo ro-
go instigi, ut ipsis parceretur, & meritum huius mei supplicij in bonum

ipforum cederet, etiam pro his Te rogarem; & si ita expedit, iam humiliter Te rogo, ut pro hoc qualicunque meo obsequio des omnibus gratiam perficiffime Tibi seruiendi, itaque Te amādi, ut nullus amplius Te offendat: sed perpetuo omnes Te laudent, ac benedicant non minùs, quàm faciunt omnes Angeli, & Sancti in Cælo. III. Præterea, tanti facio honorem & gloriam tuam, ut eligam potius manere æternùm in Inferno, & pati omnia tormenta, quàm ut Tu, vel unico momento priueris tuo honore: cum Tibi omnes honores debeantur, mihi autem omnes pœna, anxietates, & dedecora: & ne defrauderis tuo debito honore, ueniant obsecro super me omnia opprobria, anxietates, & miseria. Et si hoc non sufficiet ad Te honorandum, ueniant super me omnia mala animæ & corporis, absque peccato: eaque ita & tanta, qualia & quanta, tu scis posse inueniri, siue in inferno, siue in terrena hoc mundo; siue in purgatorio: & si qua fieri possunt, ijs adhuc maiora, grauioraque. Sed Tu interim, o Amor meus, ne obliuiscaris mei, sed des mihi gratiam & fortitudinem ad sustinendum illa sicuti ego libenter, pro amore & honore tuo, paratus sum illa accipere.

XII. Actus Timoris Dei. Beati omnes qui timeant Dominum.

Psal. 127.

I. Ego, timende ac tremende Domine, nunc considerans infinitam Maiestatem & magnitudinem tuam, in cuius conspectu tremunt omnes spiritus, cælestes, terrestres, & infernales, totus confusus ob meam monstruosam indignitatem, descendo in abyssum nihili mei; magnopere timens ne Te offendam, & separer à diuina gratia tua: sicuti alijs multis euenit, eò quod in conspectu tuo recte non ambularent. II. Itaque, dum cogito solum quod possum Te offendere peccatis uenialibus, ac mortalibus, horreo, & totis artibus meis conteremiscu, maxime quod agnoscam me omnino debilem & imbecilem, & nihil posse sine gratia tua singulari. III. Agnosco tamen etiam Domine, hunc timorem esse mihi ualde necessarium, & utilem; & ideo instanter illi à Te peto; ipsumque ut in me augere, & anima mea imprimere uelis, rogo, dicendo cū Psalmista: Confige timore tuo carnes meas, à iudicijs enim tuis timui.

Conclusio Amoroſi Pacti cum Deo.

Tandem, dulcissime mi Domine, quia cognosco te esse unicum meū bonum, summam meam felicitatem, & beatitudinem, nullo pacto committere debeo, ut separer à Te: sed magis curandū mihi omni studio, ut Tibi semper artiffime coniunctus permaneam. Quare desidero, & operam dabo, ne momentum ullum temporis prætereat, quo non confirmem ea, quæ hætenus amotaui, & constitui. Et ut hoc assequi possim; cupio nunc, quæ possum reuerentia & humilitate, cum tua diuina Maiestate inire pactum, & perpetuo federe sancire, ut quemadmodum quoad uixero, nunquam cessabo respirare nunquam cessem in Te credere, Te amare, Te laudare, gratias Tibi agere, me offerre, me Tibi resignare, in Te sperare, gaudere, & abhorrere

a mundo velut à peste; habere Zelum honoris tui; & salutis animarum: Te timere, me humiliare, penitentiam agere, sancta proponere, & amare proximum meum. Castitatem, Paupertatem, Obedientiam colere, & petere à Te, quæ supra petiui. Præterea Te cognoscere, adorare, Teque Deum infinitum, immensum, immutabilem, æternum, Omnipotentem, sapientem, bonum, sanctum, benignum, prouidum, misericordem, iustum, & ultimum nostrum finem confiteri. Atque hanc prorsus esse nunc mentem meam, summa cum animi demissione, coram Diuina Tua Maiestate & tota celesti Curia protestor, quod cupiam toto corde, tota illa virtute, puritate intentionis, & efficacia qua maxima possum, omnia ista obseruare, quæ supra notavi & dixi. Idque toties quoties respirauero, & quoties ad aliquem huiusmodi actum Tibi placentem ac gratum mentem conuertero. Accipe, Domine, illum nunc: & pro illo, & pro omni tempore. Atque hoc animi mei desiderium ratum confirmatumque sit, gratiosissimo beneplacito tuo in æternum: Amen.

428. Denum homo pius Deum indefinenter laudare, & modico labore plurimum mereri cupiens, huiusmodi pactum cum Deo inire potest. Nempe, quod ad certa quædam signa v.g. sonitum campanæ, aspectum cæli, tunctionem pectoris &c. (nam signa pro placito assumi & multiplicari possunt) velit & gratum habere quoduis opus bonum & Deo gratum, quod vnquam factum est, seu hodie fit, aut vnquam deinceps futurum est, aut fieri posset. Item, toties se ipsum velle Deo offerre, dolere de peccatis, renouare proposita, vota, Deum adorare, laudare &c. Ac vim & valorem huiusmodi Actus à contrario colligere licet. Si quis statueret secum, quoties audit campanam, cælum respicit &c. toties se velle ratum & gratum habere quicquid vnquam mali actum vel agendum est, optaretque se eius esse participem, quantæ is se culpe obstringeret. Hoc itaque si in malo tam efficax est, quidni idem bono applicatum immensæ virtutis & meriti erit? Sed en formulam huiusmodi pacti,

O benignissime Pater misericordiarum, Deus, Dominus, ac Creator meus: ex quo per quem, & in quo sunt omnia: in te enim viuimus, mouemur, & sumus; proindeque supremi iure Domini omnia seruiunt Tibi. Hinc & tuus sum ego; uti nunc me ipsum ita do Tibi in seruum perpetuum sedere sempiterno; ut omnia vite mee momenta, & omnia quæ intra me, & circa me sunt, benedicant Nomini tuo. Sed quia presentis vite necessitates minis sinunt mentem indefinenter intendere laudibus tuis, hinc tale Pactum tecum, mi Domine, inire cupio. Quoties cælum suspexero, vel pectus percussero, vel piam Imaginem adspexero. Quoties horologium, aut signum

Vide Iacobum Merlum in Paradiso anime Christianæ sect. 4. fol. 227.

Missa, vel elevationis sacratissime Hostia percepero, Rosarium vel librum in manus accepero. Quoties carnem, mundum, vel demonem, me in quacunque materia fidei, spei, caritatis, castitatis, patientie, humilitatis, &c. tentantem sensero &c. Nunc pro tunc declaro, toties me facere & exercere velle, omni meliori, quo fieri potest, modo & forma, Actus hosce sequentes: & si forte pro tunc ad hoc mente minus aduerterem. Toties, inquam, gaudeo, & gratulor Tibi ex animo, ob infinitas perfectiones tuas, quod sis Qui es, idest Deus summè potens, sapiens, bonus, misericors, iustus &c. summum creatura rationalis bonum. Quod nullius egeas, utpotè Tè ipso sat beatus, & sufficiens Tibi nostra autem omnis sufficientia ex Te sit. Gaudeo etiam, Domine, propter opera bona, quæ, unquam facta sunt, hodie sunt, fierique deinceps, propter amorem tui: aliaque omnia, quæ fieri possent ab ijs, quos creasti & creare poruisses: idque ea, quæ possibile est perfectione. Gaudeo ob eam, quæ Dominus noster Iesus Christus, Virgo Maria, SS. Angeli, Patriarchæ, Propheta, Apostoli, Martyres, Confessores, Virgines, omnesque sancti, & fideles omnes egerunt ad gloriam tuam: nec non ob amorem, quo Te æternum prosequuntur, & laudes quas tibi in perpetuum dicunt. Offero Tibi omnia sanctæ Missæ sacrificia, quæ vel hæcenus in Ecclesia peracta, uel deinceps usque ad consummationem sæculi peragenda sunt, idque animo adorandi & laudandi Te, uti Deum supremæ maiestatis, potentie, sapientie, bonitatis &c. Item, gratias Tibi agendi, nec non placandi Te, & bona gratie & glorie impetrandi à Te. Doleo de peccatis meis omnibus & singulis ex animo, propter amorem tui. Spero de infinita misericordia tua veniam. Propono cum gratia tua non amplius offendere Te. Doleo quoque ob tot peccata, à mundi initio, huc usque à quocunque homine commissa, usque Te iam grauius offensum. Opto ex anima, ut compensari aliquatenus meo sanguine possent. Utinam vice cuiusque peccati singulis æternitatis momentis mille Tibi obsequia à SS. Angelis & omnibus Beatis deferantur. Dimitto ex animo amore tui, omnibus, qui me offenderunt, vel quomodocunque laferunt: & opto illis, pro singulis offensis à Te peculiarem aliquam gratiam, seu beneficium. Et utinam nunquam ipsi tuam offensam incurrant. In manus tuas committo me, & omnia mea, præsertim finem vitæ meæ, ut disponas de me uti re maxime tua, in tempore & æternitate, quod Tibi placuerit & visum fuerit fore ad maiorem gloriam tuam. Postremo offero Tibi, quicquid possum melius, & meliori modo, præcipue vero Vitam, Passionem, & Sanguinem D.N.I. Christi, in gratiarum actionem pro beneficijs omnibus corporis & animæ, quæ à Te hæcenus accepi, & deinceps accipiam, præsertim pro caritate, quæ ab æterno dilexisti me, & pro dono perseverantiæ obtinendo, ut Tibi inseparabiliter adhaream. Hunc ipsum Actum, quo ad singula membra, aliaque his implicite inclusa, toties

ratum esse volo, quocirca aliquid è signis præstitis, vel præstituendis edidero: imò tot vicibus, quot creatura productæ sunt à Te, aut produci possunt: quoties spiritum duxero. Denique, possibile vel imaginabile est, id ipsum iterari, ac multiplicari. Atque hoc purè ob amorem Tui, omnesque bonos ac sanctos fines, qui ab illo haberi possent. Domine, quod dixi, dictum, factum, gratum, ratumque volo; affectu, effectu, fructuque, quo ad licet, maximo.

Mane autem cunctas suas actiones & omnia Deo commendet ac Christi meritis vniet, hunc in modum.

Laudo Te ex toto corde meo, & gratias ago Tibi, Domine Deus meus, quòd, cum nihil essem, creaueris me ad imaginem tuam: ita nimirum, vt æterni & summi Boni, idest, tui ipsius capax essem. Et cum iam perditus essem, vixit filius ira, & reus æternæ maledictionis; Tu nihilominus ex vi immensi amoris tui, per tuam sanctissimam Vitam & Passionem, Mortem, & pretiosum Sanguinem tuum, redemisti me. Denique, cum indignus essem omni gratia & beneficio, imò plenus immunditia, & dignus supplicio; tam benignè mihi Spiritum sanctum, vnà cum donis suis, largitus es. Et super hæc omnia, æterna mihi in calis bona & gaudia preparasti. Vnde, sicut omne bonum de tua solius manu recipio: ita hoc quicquid est, & me ipsum totum ad laudem & gloriam supremæ Maiestatis tuæ vicissim lubens in perpetuum offero. Obsecro quoque per immensam bonitatem tuam, o benignissime Saluator Iesu Christe; vt hoc die mea ab omni peccato custodias, ne perdam gratiam tuam, sed cor meum, & omnem intentionem meam, intellectum, & voluntatem, omnes corporis & animi vires, ad tui solius cultum & honorem conuertam; vt cogitationes, verba, & opera mea Tibi per omnia placeant. Sed quia ob summam imperfectionem meam, non sum sufficiens quicquam agere, imò ne cogitare quidem ex me ipso, quod coram oculis diuinæ Maiestatis tuæ gratum, mihi vile, aut meritorium esse possit; ex Te autem est omnis sufficientia nostra; hinc Te supplex & humillimè rogo; vt defectui & inopia mea, ex infinita abundantia charitatis tuæ, & inexhausto meritorum tuorum thesauro, succurrere digneris. Et sic deum offero, & commendo Tibi, Domine Iesu Christe, indignissima & ex se vilissima opera mea; vt Tu vnias ea dignissimis & sanctissimis operibus totius vitæ tuæ, in ardentissima & perfectissima caritate factis, qua Tu omnia ad salutem nostram operatus es, in medio terræ, pro beneplacito & gloria æterni Patrissui. Denique quicquid hodie me agere vel pati necesse fuerit, hoc, precor, non tantum clementer suscipe; sed etiam per tuam sanctissimam Incarnationem, Vitam, Passionem, ac Mortem, meritorium mihi ac salutarum officii; vt per hoc anima meæ salus magis magisque iuuetur, & omnis vita mea, tuæ sanctissima vitæ ac passionis exemplo

perfectius conformetur: utque hoc pacto adiuuandam proximi mei salutem, ad pacem & caritatem cum eo seruandam, magis fiam idoneus: Ante omnia verò, ut diuine Maiestatis tue voluntatem, obsequium, & amorem toto corde promouere, ac perficere valeam. Amen.

Oratio præparatoria ante Confessionem Sacramentalem.

Conditor celi & terra, Rex Regum, & Dominus Dominantium, qui me de nihilo fecisti ad imaginem & similitudinem tuam, & me proprio tuo sanguine redemisti; quem ego peccator non sum dignus nominare, nec inuocare, nec corde cogitare. Te suppliciter deprecor, & humiliter exoro, ut clementer respicias me seruum tuum nequam. Et miserere mei, qui misertus fuisti mulieris Chanaanæ, & Mariae Magdalene: qui pepercisti publicano, & latroni in cruce pendenti. Tibi confiteor, Pater piissime, peccata meaque si volo abscondere non possum, Tibi Domine, parce mihi Christe, quem ego nuper multum offendi cogitando, loquendo, operando, & in omnibus modis, in quibus ego fragilis homo & peccator peccare potui, mea culpa, mea culpa, mea maxima culpa. Ideo, Domine, precor tuam Clementiam, qui de Cælo pro mea salute descendisti: qui David a peccati lapsu crexisti, parce mihi Domine; parce mihi Christe, qui Petro te neganti pepercisti. Tu es Creator meus, & Redemptor meus; Dominus meus, & Saluator meus; Rex meus, & Deus meus. Tu es spes mea, & fiducia mea; gubernatio mea, & auxiliatio mea; consolatio mea, & fortitudo mea; defensio mea, & liberatio mea; vita mea, salus mea, & resurrectio mea; lumen meum, & desiderium meum; adiutorium meum, & patrocinium meum. Te deprecor & rogo, adiua me, & saluus ero; gubernare me, & defende me; conforta me, & consolare me; confirma me & laetifica me; illumina me & visita me. Suscita me mortuum quia factura & opus tuum sum. Domine, ne despicias me, quia famulus & seruus tuus sum, quantus malus, quantus indignus & peccator; sed qualiscunque sim, siue bonus, siue malus, semper tuus sum. Ad quem ergo fugiam nisi ad Te vadam? Si Tu me eijcis, quis me recipiet? Si Tu me despicias, quis me aspiciet? Recognosce me ergo indignum ad Te refugientem, quantus sim vilis & immundus: quia si vilis & immundus sum, potes me mundare: si cæcus sum, potes me illuminare: si infirmus sum, potes me sanare: si mortuus & sepultus sum, potes me resuscitare: quia maior est misericordia tua, quam iniquitas mea: maior est pietas tua quam impietas mea: plus potes dimittere quam ego committere: & plus parcere, quam ego peccator peccare. Non ergo despicias, Domine, neque attendas multitudinem iniquitatum mearum: sed secundum multitudinem miserationum tuarum miserere mei, & propitius esto mihi maxime peccatori. Dic anime mee, salus tua ego sum: qui dixisti, Nolo mortem peccatoris, sed magis ut conuertatur & viuat. Conuerte me Do-

mine ad Te, & noli irasci contra me. Deprecor Te clementissime Pater, propter misericordiam tuam supplico & exoro, ut perducas me ad bonum finem, & ad veram penitentiam, puram confessionem, & dignam satisfactionem omnium peccatorum meorum. Amen.

Formula excitandi pios affectus gratitudinis, contritionis &c.
tum ante tum post Confessionem.

O Iesu Deus cordis mei, infinite misericors & longanimis, infinite suavis, & amabilis, quomodo cum Patre & S. Spiritu multiplicas super me, inter ceteros Electos tuos, inestimabiles diuitias misericordiae, longanimitatis, bonitatis, & caritatis tuae; hucusque toties me tam ingratum cum Petro respiciendo, toties me indignum cum Magdalena longe à te aberrantem in viam salutis reuocando; toties tam immundum in sanguine tuo dealbando; toties tam Prodigum filium, in osculum pacis recipiendo; toties tam infidelem sponsam in intimam familiaritatem inuitando. Verè miserator & misericors es Domine, patiens, & multum misericors. Verè suavis es vniuersis, & miserationes tue super omnia opera tua. Consecrantur Tibi omnia opera tua; maxime opera misericordiae & pietatis; & sancti tui miserationes tuas experti benedicant Tibi; misericordias tuas aeternam cantantes. Agnosco, veneror, amplectorque viscera misericordiae tuae tante erga me, Electosque omnes, comprehensores & viatores, atque illorum, omniumque possibilium creaturarum possibili affectu gratias ago; agamque aeternum pro ineffabili illo aeterna dilectionis excessu, quo me inter illos à tot peccatis, in que incidissem, clementer praeferuasti; in tot quotidie toties labentem tam longanimiter tolerasti; tam misericorditer ad penitentiam lapsum excituisti; tam benignè penitentem in gratiam recepisti; in super mihi tam liberaliter efficacem voluntatem respiscendi; copiosam gratiam sanctius deinceps viuendi, & firmam spem perseuerandi, gloriamque consequendi; communicare hucusque dignatus es. Pro his alijsque innumeris bonitatis tuae beneficijs, utinam tota vita laudarem Te, & gratias egissem; utinam Te infinito amore & honore dignissimum semper amassem & glorificassem; utinam nunquam offendissem, nec offenderem posthac in aeternum: Sed eheu quàm parum agnoui, amavi, glorificaui Te, ò Bonitas infinita; quid retribuisti Tibi pro omnibus, quae retribuisti mihi; prater innumeras offensiones, ingratitude, negligencias? Doleo de his & de omnibus, & singulis totius vitae peccatis, ex animo, non propter supplicij metum, aut gloriae detrimentum; sed purè propter Te Deum meum infinite amabilem, quia Tibi quem diligo, diligamque aeternum, super omnia, displicent. Ardenter desidero, firmiterque propono emendare omnia peccata mea, maxime hæc N. cum gratia tua per hæc media, & nouo seruire me totum tuo impendere seruitio &c. Per eandem benignitatem & caritatem tuam infinitam, qua cum Pa-

ire & Spiritu sancto, ò Bone Iesu, me ingratum peccatorem, & pœnitentes omnes toties oculis misericordie tue tam benignè respexisti, longanimitè tolerasti, in sanguine tuo dealbasti, & nunc respicere, tolerare, & dealbare non desinis, memento & miserere totius Ecclesie tue sancte, eiusque capitulum & membrorum &c. O Regina Sanctorum omnium, Mater Dei & Virgo, S. Angele Custos, SS. Patroni mei N. omnesque Electi benedicite, laudate, & superaxalate Dominum mecum, & pro me, pro hoc alijsque beneficijs mihi, & vobis, omnibusque collatis & conferendis in æternum: gratiamque impetrate, illum nunc perfectè glorificandi in via, olim beate vobiscum in Patria; æternum illi cum Cherubim & Seraphim accinentes: Sanctus, sanctus, sanctus, Dominus Deus sabaoth. Benedictio & claritas &c.

Ex eodem
ibidem.

Alia formula excitandi affectus post Confessionem.

O Iesu, infinite amabilis, unde mihi tam vili terra vermiculo, tam immundo peccatori, tam ingrato seruo, tam Prodigio filio, tam infideli sponsa tanta miseria tanta benignitatis! tanta dignatio tanta Maiestatis! tanta dilectio tanta caritatis! ut me toties à te longè aberrantem oculis misericordie tue respicere, erronem reducere, cæcum illuminare, lapsu erigere, & ad pacis osculum invitare digneris? Sanctus, sanctus, sanctus Dominus Deus sabaoth. Agnoscaris, ameris, & glorificeris infinite, infinites ab omnibus, in omnibus, super omnia, gratis propter te, in æternum & ultra. Quomodo multiplicas super me huc usque misericordiam, caritatem, & bonitatem tuam! Agnosco, veneror, amplector: omniumque creaturarum possibilem possibili affectu gratias ago, agamque in æternum. Quam parum & imperfectè te infinito honore, amore, obsequio, dignissimum redamaui, glorificavi, insuper quoties sic N. offendi? Agnosco, detestor ingratitudinem meam tantam erga Te, atque ex animo doleo propter te. Ignosce, supple per Te. Ex momento hoc Te, tuumque sanctissimum Beneplacitum brachijs dilectionis, & omni possibili pietatis affectu (licet me velles annihilare, aut reprobare, quod infinita bonitas tua non permittet) arctissime constringo, constringamque in æternum. Da ut sciam, velim, possim, id perfectè præstare, sicut scis & vis: & omnes meum per lacrymas, sudorem, & sanguinem tuum. Iesu Deus cordis mei, da gratiam omnia peccata, maxime hoc N. emendandi; in hac N. virtute proficiendi, hoc N. opus reformandi, in sancta vocatione perseverandi. Fac, ut in Te vivam, in Te moriar, in Te perennem: sim obsecro totus tuus, & Tu meus, ò Iesu, in æternum per merita tua, B. Virginis, & omnium SS.

Hic pœnitentiam iniunctam perfolue.

Similem gratiam, indulgentiam, misericordiam omnibus, pro quibus mori dignatus es, & pro quibus maxime orare teneor, & soleo, præsta ò bone Iesu,

De Exercitiorum spirit. Fructu. 497

per infinitam charitatem tuam, per lacrymas, sudorem, & sanguinem tuum, per merita B. Virginis Matris tue, & omnium Sanctorum. Defunctis requiem concedendo, ut à peccatis expiati, & in refrigerium educti, pro me ingrato peccatore, Te perfectissime ament, laudent, & glorificent: Iustos in gratia constitutos conservando, promouendo, adiuuando, ut in sanctitate & iustitia Tibi seruientes omnibus diebus vitæ suæ, eant de virtute in virtutem, donec beatè videaris ab eis in caelesti Sion. Peccatores omnes oculis misericordie tuæ benignè respiciendo, ad agnitionem, timorem, & amorem tui misericorditer conuertendo, ut & ipsi dealbati in sanguine tuo, misericordias tuas nunc in terris, olim in Cælis, cum Beatis omnibus decantent in æternum.

Orationem ante Missæ sacrificium habes fol. 49.

LIBER XII.

De Exercitiorum Spiritualium Fructu.

IN singulis autem Meditationibus, fructum semper exercitiorum initio propositum querant; qui præsertim, in emendatione morum, in minimorum assimilatione, & in vitæ sanctioris ordinatione consistit, & speciatim in medijs prudenter excogitandis, quibus proposita omnino ad praxin reduci queant.

DISQUISITIO PRIMA.

In quo consistat fructus, siue scopus Exercitiorum, in Receptu quærendus.

429 **F**RVCTVM EXERCIT. INITIO PROP. Planè, vt cum viro erudito è Clericis Minoribus loquar, Intendimus his exercitijs maiorem Dei gloriam, & animarum salutem, ac profectum promouere; atque Christianum virum, à mandatorum obseruatione denium, in Dei timore stabilire; vel hominem religiosum ad exteriora deditum, tepidum, proprii instituti ac profectus negligentem, ad sui propriique statû cognitionem reuocare; vel denique virum feruentem & pium reddere feruentiorem. Itaque, quicquid aliquis exercitiorum spiritualium in recessu agit, totum id ea mente moliri debet, vt sibi de-

Dom. Flum.
in Direct. in-
str. na. 1. fol.
49.

Rel. S. P.
const. p. 1.
cap. 11. nu.
7. fol. 20.

num, auulsis radicibus vitij, atque infitis animo virtutibus, sanctiorem viuendi modum præscribat: vt qualis in morte vult inueniri, talis viuere instituat. Ipso ergo secessus & recollectionis initio, & quotidie cum Meditationem obit, ac postremò cum vitæ ratio stabilienda videtur, vt S. Pauli primi Eremitæ religiosi constituunt, *Finem proponat, in illo sancto exercitio, non sola solatia spiritus, sed profectum animi, vt peccata non tantum mortalia, sed etiam venialia super omnia mala, quatenus Dei sunt offensa, maxime detestetur, vitia extirpet, maxime sibi familiariora, passionem, amorem proprium, propriam voluntatem, ac iudiciam prorsus deserat, robur contra tentationes acquirat, virtutes solidas comparet, Deo se uniat, & ex amore Dei exerceat opera heroica virtutum erga Deum, proximum, ac se ipsum; denique vt se totaliter Deo resignet ad facienda illa, que Deo placere perspexerit, & tollenda aduersa ob honorem Dei, sine ulla determinatione, aut limitatione propria voluntatis.*

Lanc. cap. 13
num. 163.

430 Vt autem hanc praxin clariùs exponamus, Fructus exercitiorum omnium, vti & quotidianarum Meditationum præcipuus, ex Nicolao Lancicio, in rebus consistit, partim agendis, partim vitandis, iuxta illud Psalmi; *Declina à malo, & fac bonum.* Et hæc quidem sunt

F A C I E N D A.

- I. Nunquam deinceps deliberatè peccare.
- II. Rarò peccare etiam indeliberatè.
- III. Nunquam peccare in rebus ad diuinum cultum immediatè spectantibus.
- IV. Nunquam incidere in peccata parua periculosa, per quæ facilis est progressio ad grauiores lapsus. Talia sunt, negligentia in cogitationibus impuris repellendis, aspectus feminarum, imaginum turpium.
- V. Nullam Regulam, si Religiosus es, transgredi.
- VI. De rebus spiritualibus, vel saltem Religioso ore dignis, semper colloqui.
- VII. Fugere conuersationem cum ijs, qui sunt causa viuendi laxiùs. Hæc tamen fuga debet esse prudens & non furiosa, nec manifestum contemptum alterius præferens; sed dextrè declinandi sunt tales, adhibito etiam Superioris auxilio, si aliter non poteris te à talibus te prensantibus extricare.
- VIII. Opera ordinaria quotidiana facere diligenter.

IX. A clamoribus, & cachinnis, & iocis irreligiosis, perpetuo cauere.

X. Conuersari cum magis spiritualibus.

XI. De nulla re conqueri.

XII. Nullius mores censurare, sed benè interpretari omnia.

XIII. Omnia quæ Superior iniungit, sine vlla excusatione excui.

XIV. Nullum officium vel gradum eligere aut optare, sed pro vt sancta obedientia disponet.

XV. Non querere speciosa, & promotiones ad altiora.

XVI. Post Communionem diu, saltem per mediam horam, cum Christo Domino colloqui, & postea spirituali lectioni saltem per horam vacare.

XVII. Extra lectionem, vel studium, intercedentia interualla temporis expendere in cogitatione de Deo, & pijs affectibus.

XVIII. Opera singula Deo offerre, & procurare, vt omnia quæ facis, sint meritoria, idque non ob tuum commodum spirituale, sed ob Dei gustum & gloriam.

XIX. Amare, & optare, & pati omnes aduersitates patienter, libenter, hilariter.

XX. Dare operam, vt opera tua respondeant cognitioni, quam tibi Deus dabit de modo illa peragendi.

XXI. Sæpe renouare memoriam rerum æternarum, vt ad illas omnia tua dirigas, non ad humanos applausus vel gratiam hominū.

XXII. Ita saltem curare progressum in virtutibus, sicut curas alia tuo corpori necessaria.

XXIII. Semper nitrad perfectiora, & Deo magis grata, & amori proprio magis insipida.

XXIV. Ob humanos respectus nil mali facere, nil boni omittere.

XXV. Sæpe se reflectere in operibus, vt singula sic facias, quomodo ea faceret aliquis Sanctus, cui præsertim afficeris: vel quomodo faceres ipse, si statim fores post eadem obiturus.

V I T A N D A.

I. Querere occupationes honorificas.

II. Querere mansionem in locis commodis, vrbibus, & cubiculis talibus.

III. Velle sua munia obire in locis honorificis, & frequentibus.

IV. Detrectare occupationes minùs honorificas, & loca incelebria, & minùs commoda.

V. Gradus altos expetere; & affligi, si eos non assequeris.

VI. Prenſare eorum domesticorum gratiam, à quibus promoueri poſſis ad honorifica, & defendi.

VII. Conuerſari cum talibus, eundem ob finem, occultè intentum, vel ſaltem apprehenſum.

VIII. Fugere conuerſationem cum perſonis minùs ſpecioſis & vilibus, & deuotis, ac ſpiritualiter viuentibus.

IX. Conuerſari libenter cum perſonis minùs ſpiritualibus, ſed iuxta mundanum iudicium celebribus & honoratis, & potentibus, idque ob humanum aliquem finem.

X. Viſitare frequenter eos, à quibus promoueri poſſis, & quidem hoc ſine, vt promouearis.

XI. In non neceſſarijs confabulationibus, tempus extrahere, primùm cum ijs, quorum fauor prodeſſe poteſt, ad aliqua iudicio mundi ſpecioſa.

XII. Quærere patronos ad impetrandum optata non neceſſaria.

XIII. Conqueri de Superiorum ordinationibus, circa ſe, & circa ſuos amicos, non ad ſuum guſtum factis.

XIV. Commodiora omnia in victu, veſtitu, habitatione quærere, & labores ſubterfugere.

XV. Frequenter è domo exire ſine neceſſitate, tantùm ad vitandum tædium, & laborem occupationum bonarum.

XVI. In recreationibus nil ſpirituale proferre; ſed iocis, & clamoribus, & cachinnis, etiam per ethnicoſ philoſophos damnatis, eas inquinare.

XVII. Recreationes quærere nimias, idque non ob veram neceſſitatem, ſed ob ſenſualitatem, & inclinationem ac ocium, & ad fugam laborum.

XVIII. Somno pluſquàm ſit opus indulgere.

XIX. Tempus malè expendere.

XX. Carpere, vel irridere alios.

XXI. Aliena dicta, vel facta, vel intentiones cenſurare, & ſiniſtrè interpretari, mente & voce illis detrahere.

XXII. Contendere cum alijs.

XXIII. Exprobrare alteri aliquid contra ſe dictum alibi vel factum. Et his ſimilia.

DISQVISITIO SECVNDA.

*Quàm statueret debeat solitarius, diligenti se opera curaturum, ut tam in
vitijs repellendis, quàm præstandis virtutum actibus, ipse
omninò minima non despiciat.*

431 **I**N MINIMORVM ÆSTIMATIONE. Spiritua-
lium Exercitiorum insignior fructus est, ut qui seces-
sitica accuratè viuat in posterum, ut à peccatis venialibus & minu-
tis (vita dicam) defectibus sibi caueat, B. Laurentij Iustitiani præ-
clarum illud apophtegma sæpe perpendens: Serui Dei non esse à ma-
gis peccatis cauere (id enim esse secularis hominis) sed parua vitæ, ne
charitas refrigesceret. Quod suis ipse Canonicis Regularibus incul-
cabat. Verèque S. Anselmus Cistrensis Monasterij Monachos edo-
cebat, certissimum esse, quod in multis Ecclesijs experimento didicimus,
quia in Monasterio, ubi minima districtè custodiuntur, ibi rigor Mona-
chorum inuisibilis manet: ibi pax inter fratres; & in capitulo proclama-
tiones conquiescunt. Vbi verò minimi excessus negliguntur, ibi totus Ordo
paulatim dissipatur & destruitur. Conuenit itaque nos ipsum rerum
omnium Authorem Deum imitari: qui maximus ac sapientissimus
artifex, adeò minimis delectatur, ut ex Tertulliano, animalia minu-
tiora, de industria ingenijs, & viribus, amplauerit. Quin & Plinius; Re-
rum Naturæ, inquit, nusquam magis, quàm in minimis tota est: nec ob
id à maximis abest. Nihil in studijs paruum, docet Quintilianus. Ni-
hil tuò in hoste despici. Nihil paruum esse ducendum; in quo gloriæ ma-
gne laus est, Magnus Alexander aiebat. Ideòque sapiens clamat:
Qui spernit modica paulatim decidet. Et S. Basilii in 18. capite Regu-
laris inscripto, de Minimis non contemnendis, sed corrigendis, quærit num
superior exigens à subditis pœnas singulorum delictorum paruorù,
carere misericordia censeatur; responderque magna id fieri chari-
tate, illius imitatione, qui venenum infusum latenter morsu serpen-
tis educit è corpore, & inter alia hæc habet: Cum affirmauerit Do-
minus, quia iota vnum, aut vnus apex non transiet à lege, donec omnia
fiant: & rursum definierit, quia de omni sermone otioso, quod locuti fue-
rint homines, reddent de eo rationem in die Iudicij; nihil oportet contemni
tanquam paruum. Qui autem spernit modica, paulatim defluit. Iden-
que habet Autor libri de salutaribus documentis in tomo 4. S. Au-
gustini, nos ad extinguendas prauas cogitationes adhortans, ante-
quam adolescant: Ne quæso permittamus in nobis cogitationes prauas, ne-

Bern. Iustit.
in vita B.
Lau. cap. 9.

S. Ansel. ep.
6. ad Mon.
Cist.

Tertull. lib.
1. aduers.
Marc. c. 14.
Plin. lib. 11.
cap. 2.
Quint. l. 10.
cap. 3.
Q. Curt. l. 6.
& 9.
Eccli. 19.2.

Matth. 5. 18
Matth. 17.
36.

S. Aug. l. de
salut. doctor.
cap. 34.

S. Chrys. ser.
de pet. lev.
pecc. & ho.
8. in 1. Cor.

que tanquam minima negligamus; quia qui minima spernit, paulatim defluit. Similiter Chrysostomus, in homilia de leuium peccatorum periculis, narrata Vxoris Loth historia, quæ quod ad Sodomæ incendium oculos retorfit, in salis statuum est conuersa; Neque, inquit, leue dicendum est, quod hominem contemnendo occidit, aut contemptorem transgrediendo decepit, cum scriptum sit: Qui modica spernit, paulatim decedit. Et alibi hac similitudine est vsus: Quando, inquit, parum deliquerimus aut etiam pigri ac socordes fuerimus, ne illud parum negligamus: cuius enim neglectum sit magnum. Ita etiam vestimentum ab initio ruptum et neglectum, per totum producit scissuram: Et tectum, si cum pauca tegule deciderint, fuerit neglectum, totam domum deiicit. Nos ergo hæc considerantes, parua nunquam despiciamus, ne in magna incidamus. Sed

S. Cypr. l. de
singul. Cle-
ric.

inter Latinos antiquissimus omnium Cyprianus, seu potius Origenes, suadens non esse foeminam Clericis admittendam ad cohabitandum, hæc ait: Omnes ergo rime, ne dicam porte, claudenda sunt, ne per unum foramen castra omnia penetrantur: et uniuersa sunt componenda munimenta, ne per modicum non munitum tota Ciuitas ruat: sicut Salomon repetit dicens: Qui spernit modica paulatim cadet. S. Hieronymus, siue Paulinus Celantiam Matronam instituens; Neque verò, inquit, eorum te seducat error, qui ex arbitrio suo eligunt, quæ potissimum Dei mandata faciunt: quæue quasi vilia et parua despiciant: nec metuant, ne secundum diuinam sententiam, minima contemnendo, paulatim decidant.

S. Aug. l. de
mor. Eccles.
Cath. c. 24.

S. Augustinus idem commendans, dictum Saluatoris expendit de modico fermento totam massam corrumpente; tum ait: Quid autem proferri manifestius de Veteri testamento, contra istam dormitationem animi potest, per quam fit ut non sentiamus quasi minutatim serpente perniciem, quam illud quod à Propheta dictum est: Qui spernit modica paulatim decedit.

S. Gr. g. l. 20.
moral. 9. al.
14. & par. 2
cura post. c.
34.

S. Gregorius Papa in morali expositione Iob propositionem hanc probat: Sicurare parua negligimus, insensibiliter seducti, audenter etiam maiora perpetramus. Et in 3. parte curæ pastoralis hanc ait: Qui peccata minima flere ac deuitare negligit, à statu iustitie, non quidem repente, sed paribus totus cadit. S. Anselmus hanc similitudinem affert: Sicut pisces decurrente aqua, viuarij moriuntur, si clausura ipsius minutatim ac sepe crepant, nec reficiuntur: ita omnis Religio monastici Ordinis funditus perit, si custodia eius per modicarum contemptum culparum, paulatim à seruore suo reperiit: attestante scriptura, quæ dicit: Qui modica spernit, paulatim decedit. Et B. Petrus Damiani alia similitudine

S. Ansel. l. si-
milis. c. 122.

B. Petr. Da-
apolog. c. 7.

vsus in eos Religiosos inuehitur, qui pecuniam veluti rem modicam apud se retinebant. Si tenuissima, inquit, veneni stilla pando oleis aheni diffunditur, nonne totum, esculentius licet, edulium prorsus abo-

minabile iudicatur? Si ergo per exigua mala largissima sepius bona corrumpunt, quo pacto te de lenocinante conscientia iactas, quia minimum est, quod contra professionis tue propositum priuata proprietate possideas. Nam iuxta Apostolum, modicum fermentum totam massam corrumpit; & alibi: Qui modica spernit, paulatim decidit. Deinde aliam similitudinem afferens, ait: Si exiguus mus, vel quodcunque reptantium in quamlibet capacissimam tunnam casu deciderat; nunquid non protinus cum securibus hinc inde concurritur: eorum quicquid, illud erat effunditur; cunctisque execrantibus, vomitum minante stomacho nauseatur &c.

B. Pet. apol. cap. 7.

432 Et primum quidem axioma hac in re ex S. Dorotheo habemus sermone 1. A paruis quidem ac minimis inchoandum est, ut iam summa cum reque, maiora & maxima precipiamus. Et ex S. Gregorio in Ezech. Nemo repente fit summus: sed in bona conuersatione à minimis quisque inchoat, ut ad magna perueniat. Quod monitum in vitis Patrum senex ille solitarius seruabat, qui interrogatus, cur quædam puerorum opilionum contumeliosa verba, sæpius in se iactata non castigaret, respondit: Si parum hoc non porto, quomodo si maior mihi tentatio aduenerit, portabo? Et idem illis nihil dico, ut fiat mihi consuetudo portandi. B. Petrus Damiani & si cupit interdum à Nouitio tentari maiora & difficiliora, ut minora, difficiliorum collatione, illi faciliora reddantur, receptam tamen doctrinam approbans, ait: Neque hoc dicimus, ut non à minimis quis incipere debeat; sed hoc potius, ut dum difficiliora tentantur, collatione quadam, hæc eadem minima leuigentur. Et hanc industriam agnoscit adhibitam ab Apostolis in Concilio primo, in quo quarundam leuiorum rerum abstinentiam præscripserunt, ut porè suffocati & immolati, ut ad maiora præcepta præpararentur. Imponentes, inquit, minima non prohibere maiora, ut qui nouæ doctrine duritia poterant deterri, quandoque ad fortia conualescerent, præceptis minoribus inuitati: & à paruis ac leuibus, velut pueri adhuc lactentes inciperent, ut grauiora legis diuina mandata in perfecta postmodum ætate valenter implerent. Sic S. Dorotheus Dositheum tyro-nem instituit, ut, qui recens è seculo egressus sine vlla mensura capacissimum stomachum vsque ad satietatem explebat, sex comedens panis libras vnico pastu, primum quartam partem panis, quæ libram pendebat, detraheret; qui modicum initio se famescere sentiebat. Post aliquot dies cum Dositheus quinque libris assueuisset, ne esuriret amplius, selibram de dimenso illi demit: nec multo post aliquot uncias item relinquere iubet ex consueto. Qui Dositheus cum similiter fecisset, Deo adiuvante, sensim ac minutatim, ex sex illis panis libris, quas primò comederat, ad octo demum uncias deuenit. Simili-

S. Greg. ho. 15 in Ezech.

Vit. PP. l. 3. §. 91.

B. Petr. Da. ep. 13. de perf. mon. c. 22.

Act. 15. 20. 29.

Vita B. Dosith. apud Dorotheo.

Simpl. c. 17.
in Ep. c. 6.

S. Vinc. tr. de
vita spir. c. 7

Car. Episc. in
vita S. Caro-
li l. 7. c. 1.

Cant. l. 1.

S. Basil. in
reg. Russ. c.
18. & resp. 4
in breuiorib.

S. Greg. N.
carm. 3. ad
Virg. nu. 18.
S. Chrys. ho.
37. in Matth.

ter ex Simplicio habes hoc documentum. Qui enim quater, inquit, in die cibum capit, si statim tota die ieiunare aggrediatur; & corpus subita illa mutatione perturbat, & ipse laboriosè ac molestè iniuncundèque degit. Quocirca periculosa & infirma sit eiusmodi promotio. Quòd si dum prius quater, tum ter cibum capere incipiat, atque ita assuescat, facile, vt bis capiat, fuerit; & multo facilius, vt semel comedat, accommodabitur, tuiusque ac firmius. Idemque de temperantia in potu, docet S. Vincen-
tius: De potu, inquit, nescio tibi regulam ponere, nisi quòd paulatim te restringas de die in diem minùs bibendo: ita tamen quod non sitias nimis die ac nocte. Eadenque industria D. Carolus Thomasius noster, qui nuper cum magna apud omnes sanctitatis opinione in Vrbe decessit, adèd paulatim in potu se temperauit, vt solo cibo contentus, nihil omninò vnquam aut biberet aut sitiret. Et per gradus se restringere in potu, à S. Carolo Cardinali didicerit, cui vt vultu ita moribus simillimus erat. De illo enim Carolus vitæ scriptor hæc habet: Ad aqua vsum annorū cursu ita peruenit, vt vinum paulatim minuendo, aquam uerò addendo, stomachus demum aqua sola contentus esset. Ita in ieiunio, quod multis annis, dierum numerum per hebdomadas paulatim augendo, fecit quotidianum: illudque prandij solius, nihil uesperti prorsus admittens. Ita in omni ferè obsonij genere reiiciendo, ut primò carnem, mox oua, cæteraque sensim dimittens, ad panem solum cum aqua cibus redigeretur: simili usus in Quadragesima ratione, gradatim in angustius se se fsecum aridarum & lupinorum deducere curauit. Eandenque rationem S. Bernardus in ascensu ad vitam vnitiuam suadet. Nolo, inquit, repenit fieri summus; paulatim proficere uolo. Docetque hos gradus in tribus oculis, quorum primum infigitur Christi pedibus cum Maria Magdale-
na, quæ ad Domini pedes lacrymis lota sordes peccatorum dimisit: secundum manibus Saluatoris, per illuminationem & bene viuendi gratiam: & tertium accipitur ab ore Sponsi, cui Sponsa per charitatem vnitur; quod cum postularet, aiebat: *Osculetur me osculo oris sui.*

433 Alterum axioma est, vt nihil paruum aut leue, sed minima promaximis æstimemus. S. Basiliius in Reg. Nihil, inquit, oportet contemni tanquam paruum. Quod in sermone de rerum abdicatione sic explicat: Nullum omninò sit erratum, quod paruipendas: esto quauis illud tenuissima bestiola minutins sit: potiusque eo magis sedulo contende, ut per pænitentiam illud emendes. S. Gregorius Nazianzenus id ipsum docet hoc carmine: Nec uerò in uitijs quicquam paruique leuissque ponderis esse putes. Quod multis similitudinibus illustrauit. Et S. Chrysostomus cum malorum initijs resistendum esse ostendisset; & ne suc-

creſcant, radicem criminum euellendam; pollicitus ſe mirabile
quicquam & inauditum eſſe dicturum, ait: *Solet mihi nonnunquam,*
non tanto ſtudio magna uideri peccata eſſe euitanda, quanto parua & uilia.
Et rationem adiungit: *illa ut auarſemur, ipſa peccati natura efficit; hæc*
autem, hæc ipſa re, quia parua ſunt, deſides reddunt: Et dum contemnuntur,
non poſteſt ad expulſionem eorum animus generoſe inſurgere. Vnde
cito ex paruis maxima ſunt negligentia noſtra. B. Diadochus: *Anima ſi*
ardorem ex cupiditate mundi collectum ſtudioſe reſtinxerit, etiam ualde
parua errata pro grauiffimis ducens, lacrymas multas, cum multa gratia-
rum actione continenter Deo offert. S. Dorotheus: *Ideò fratres uidere*
ne parua ac minima contemnamus: uidere ne ita ea ſpernamus, ut uilia ac
nullas pretij: non enim ſunt parua. Ex Latinis S. Hieronymus de B.
Paula Romana in eius epitaphio hæc ait: *Quod inter ſeculi homines*
uel leue putatur uel nihil, hoc in Monafterijs grauiffimum dicebat eſſe de-
lictum. Tum in epiſtola ad Celantiam docet eſſe utile ad cautionem,
etiam minima pro maximis cauere. S. Iſidorus Hiſpalenſis, *ſi à torpore*
mentis, inquit, euigilaueris, ea que leuia exiſtimabat, conſeſtim quaſi hor-
renda atque atrocia pertimeſcer. S. Cæſarius Monachos Lerinenſes ad
perfectionem exſtimulans, *Scelus eſt, ait, quòd interdum nobis leuia*
ac uilia faciunt peccata noſtra, ipſa conſuetudo peccandi: cum certum ſit nos ſi-
cut de bonis minimis augeri, ita de minimis negligentij debere compungi.
Non eſt enim minimum, uicia in uita hominum negligere minima. Laudat
ſine quibus humana conditio eſſe nequit, quæ nobis leuiora, illi uerò uideban-
tur grauia, ita ſemper præ oculis ſtudebat agnoſcere, ut remiſſionem impio-
ritatis cordis non ambigeret à Deo clementer percipere. Neque dicas, mi-
nima peccata cum magnis numerare, eſſe Stoicorum errorem: Nam
S. Hieronymus hanc calumniam & ſuſpicionem abſterſit. Stoicorum
quidem, inquit, eſt peccatorum tollere differentiam, & delicta omnia pa-
ria iudicare, nec ullum inter ſcelus & erratum diſcrimen facere. Nos ue-
rò eſi multum inter peccata diſtare credimus, quia & legimus: tamen ſatis
prodeſſe ad cautionem dicimus, etiam minima pro maximis cauere. Tan-
tò enim facilius abſtinemus à quocunque delicto, quanto illud magis metui-
mus: nec cito ad maiora progreditur, qui parua formidat.

434 Tertium axioma, ut traditur à Nigronio, eſt quòd à mini-
mis neglectis periculum eſt in maxima prolabendi: quod S. Iſidorus
Hiſpalenſis in uiuendi norma ſic habet: *Minora deuota, & ad maiora*
non deuenies. Ideòque S. Ignatius, ut eſt apud Orlandinum, intelli-
gens laxatam in quodam Collegio diſciplinam, iuſſit Rectorem ad
cuſtodiam legum minutiffimarum aduigilare. *Sentiebat enim, in his*

B. Diad. l. de
perf. ſpir. c.
27.

S. Dorotheus.
ſer. 3.
S. Hier. ep.
27. ad Eufro-
ch.

S. Iſid. l. 2.
ſent. c. 10.

S. Cæſar. bo.
8. ad Mon.

S. Odo l. 2.
uita S. Ger.
c. 16.

S. Hier. ep.
14. ad Celat.

S. Iſid. cap. 6.

Orl. l. 12.
biſh. S. 24.

Sur. in vita.
B. Eg. S. Tri-
duo, 23. Apr.

Metaphrasi
in vita S.
Pach. c. 79.

S. Am. Ab-
bas c. paron.
n. 3.

S. Greg. N.
car. 3. ad
Virg. nu. 18.
S. Chrysost.
Gal. 1. vers.
volunt. sub-
uertere.

S. Dorotheus.
ser. 3.

B. Efa. or. 27
13.
M. Er. c. de
lege spir. n.
127.

S. Ephr. t. 2.
in doctr. de
perf. Mon.

violandis plus plerunque latere periculi, quàm in maximis: ut supra docuimus ex S. Chrysostomo. Et B. Egidius rationem reddens, cur se ab hominum conuersatione subduceret, dicere consueuerat: Parua negligentia & exigua culpa, posse magnam amitti gratiam, qua postea recuperari vix queat. Sed ex Græcis Patribus hoc clariùs explicabimus. S. Pachomius, cum accepisset, relatione Theodori, non fuisse in pistrino seruatum silentium, vti præscriptum erat, zeli plenus idem præceptum inculcans ait: Existimant fratres humanas esse traditiones, non ignorantes, quòd vel pro minimis non parum imminet periculum negligentibus. Similiter S. Ammon Abbas multorum Monachorum in Nitria Magister hæc habet: Omnem turpem concupiscentiam, ac uoluptatem carnalem etiam minimam detestare: cauasque aspectum hominis, nisi necesse sit: ut verè te ipsum obseruans, & in minimis te muniens, in grauiiores molestias non incidas, neque prorsus tentationibus vincaris. S. Gregorius Nazianzenus:

Qui parvis obuius ibit,

Is nunquam præcepta scelera in grauiora feretur.

S. Chrysostomus: Hoc ipsum est omnium malorum causa, quòd ob pusilla non indignamur. Ob id enim maiora scelera subierunt, quòd minoribus debita correctio non adhibetur: Inscriptisque homiliam, De leuium peccatorum periculis, ut maiorum peccatorum perniciēs possit agnosci. S. Dorotheus: Ut enim pernoscatis, quòd ex minimis his, & natura vilibus, ad magna & prae grandia contemnenda perfacile delabamur: cum cæperit quispiam dicere, Quid refert, si verbum hoc dixerò? quid refert, si modicum hoc comedero? quid refert, si in rem hanc intendero, & incubuero? Ex hoc enim, Quid est hoc, & quod est illud; quid refert hoc, quid refert illud, mala ac peruersa & amara consuetudo admittitur, & imbibitur: & datur initium, ut magna & grauiora contemnamus. Similiter suos ab intempestiua comestione Esaias Abbas absterret: Nequicquam, inquit, licet pauxillum sit, comede præter tempus; ne paulatim ex minimis ad deteriora prolabare. Marcus Eremita: Ne dimittas peccatum indeletum, tamen si existat valde modicum; ne te postea ad maius malum & vitium pertrahat. Et S. Ioannes Damascenus: Ob id maiora peccata quotidie ad nos aditum habent, atque in animas nostras imperium obtinent: quoniam ijs, quæ minora esse videntur, consentanea correctio minimè adhibetur.

435. Quartum est, quòd mala magna ferè omnia ex minimis principijs paulatim proueniunt. Et quidem S. Ephræm cohortans Monachos ad diligentiam etiam in minimis adhibendam: Res, inquit, nullius momenti sepe magnorum malorum causa efficitur: & ex parua negligentia, ingentia, atque incurabilia fiunt vulnera. Et exem-

plum culicis minimæ volucris affert, saporem in vino corrumpentis: quemadmodum tradit Ecclesiastes muscas morientes perdere suauitatem vnguenti. Exigui item vulneris similitudinem addit, quod neglectum, & non opportunè diligentèrque curatum, magnum; vel lethale, vel insanabile euadit. Quam similitudinem ita S. Gregorius Nazianzenus adduxit.

Eccles. 10. 1.

Quin & paruo luescit vulnere totum

S. Greg. Nazianzenus. car. 3. ad Vir. nn. 18.

Corpus, & ingentes subeunt, cruciantque dolores.

S. Io. Damascenus. vi. SS. Barl. & Ios. c. 19.

Et Damascenus: *Ut in corporibus, qui parua vulnera negligunt, saniem plerumque ac mortem sibi ipsis accersunt: ad eundem modum etiam in animis, hoc usu venit, ut qui minima vitia ac peccata nihili pendunt, grauiora sibi inuehant.* Et S. Chrysostomus duobus in locis: *Quemadmodum in corporibus, qui vulnera neglexerant, febres gignunt, & putrefactiones, ac mortem denique: itidem & in animis, qui pusilla dissimulant, maiora inuicant.* Quamobrem in explanatione Epistolæ ad Romanos hæc ait: *Exhortor initio ut caueamus, vel pusilla fugientes mala. Nam magna ab his nascuntur. Etenim qui in unoquoque peccato edoctus est dicere, non in hoc positum est salutis momentum, is pedetentim omnia pessumdabit. Hoc igitur vitiositatem ipsam attraxit: hoc ianuas reserauit prædoni: hoc Urbis mania deiecit: nimirum quoties ad unumquodque peccatum dicis, Non hoc magnoperè ad rem pertinet. Et subiiciens exemplum ægroti corporis, ait: Sic & in ipsis corporibus vsu venire videmus, ut magne agri tudines augeantur, quoties paruas negligimus. Quod & tradit hom. 8. 7. in Matth. 27. (Et simile habes ex Seneca ep. 85.) vbi de Iuda differens proditore, quem pecuniarum amor, in minimis numeratus, & non cohibitus, ad prodicionem pertraxit: *Hæc via, inquit, omnia scelera fieri videbis. Nemo enim repente ad extremam improbitatem insubijt. Habet quippè insitum quendam animæ pudorem atque innatum, quem subito calcare atque proycere non potest, sed sensim ac paulatim ex negligentia perit. Quod & S. Gregorius Papa explicat Hypocrite exemplo: Nunquam quippè illic anima quò ceciderit iacet: quia voluntariè semel lapsa ad peiora pondere suæ iniquitatis impellitur; ut in profundum corruens, semper adhuc profundius obruatur. S. Bernardus de gradibus humilitatis & superbix disputans ait: Sicut nemo repente fit summus, sed gradatim quisque ascendit; sic nemo repente fit pessimus, sed paulatim descendit. Et hoc demum Ricardus statua illa mysterijs plena apud Danielelem ostendit. Scatna, inquit, quæ ex auro incipit, in cæstum definit: puta quia nemo repente fit turpissimus: sed qui minima negligit, paulatim decidit. Sicut quibusdam profectuum gradibus ad alta conscenditur, sic rursus gradatim ad ima descenditur. Deindè obiur-**

S. Chrys. in Gal. 1. vers. & volunt subtertere Euang. & ser. de anima.

S. Greg. I. 31. moral. c. 9. al. 12.

Dau. 2. 32. Ric. I. 1. de eru. inter. hom. cap. 23.

gatis ijs, qui in initio conuerſionis ſuæ, opus ſuum inchoant ex auro, & tandem conſumunt luto, ad rem noſtram hæc ait: Nec tamen qui huiusmodi ſunt, ſtatim ſe in infima demergunt: ſed prius de bono in peius; de hinc de minus bono in malum; & demum de malo in deterius corrumpunt.

436 Si huius rei rationem expoſcis: hoc à natura corrupta provenire innuit S. Iſidorus Peluſiota, cum dixit, Natura comparatum eſſe, ut à parvis oriantur magna peccata. Ideoque vel in primo libro de Cælo Ariſtoteles ait: *Modica transgreſſio à veritate diſcedentibus fit longe decies millies maior.* Et: *Quod in principio modicum eſt, in fine fit perquam magnum.* Et in quinto libro Politicorum: *Impoſſibile eſt ex primo errore in principio commiſſo non euenire ad extremum aliquid mali: quia, principium dicitur eſſe dimidium totius.* Et ex Caio Iuriſc. Cuiusque rei poiſſima pars principium eſt. Et S. Chryſoſtomus hoc de riſu exemplum adducit: *Conſideremus ſi nimium quidam ac impoſitè riſit, reprehendus à quopiam eſt: reſpondet alius nihil eſſe id mali. Quid enim eſt riſus, aut quid unquam è riſu mali ſequetur? Oſta tamen ex immoderato riſu pauliſſer ſcurrilitas, à ſcurrilitate turpilogium; à turpilogio operatio turpis profecta eſt.* Et alia poſt exempla concludit: *Sic à minimis ad maxima gradatim Diabolus ducit.* S. Dorotheus hoc in ſuſpicionè & curioſitate demonſtrat: *Ex eo, inquit, quod parum eſſe putamus ſuſpicionem aliquam aduerſus proximum concipere ac fouere: ex eo etiam, quod dicimus, Quid reſert, ſi audiero quid dicat Frater ille? Quid reſert, ſi dixerò verbum hoc? Quid reſert, ſi videro quò Frater ille progrediatur? aut quid hoſtes ille faciat? Incipit mens noſtra propria peccata, & errores proprios dimittere, ac negligere; & contra proximum nugari, ac ſutili loquacitate iocari. Hinc poſtmodum illud naſcitur, nempe quod proximum iudicamus condemnariſque. Proinde S. Auguſtinus Matris ſuæ Nutricem commendat, quæ puellis extraordinarium aquæ potum interdicebat, ne poſtea in domibus Maritorum vinum intemperantiùs biberent: Et S. Carolus reprehendens familiarem Sacerdotem bibentem extra tempus, & excuſantem ſe ſe, quòd os tantum perlucret, dixit, licentiores fieri ſenſus, niſi coerceantur: hoc eſt ab oris ablutione progredi ad aquæ potum, inde ad vinum, & tandem ad ebrietatem.* S. Iacobus; *Ecece, inquit, quantus ignis quàm magnam ſilvam incendit!* Et in Eccleſiaſtico Sapiens, ait: *A ſcintilla una augetur ignis.* Et Vmbertus in epiſtola ad ſuos; *Sepe, inquit, de peccatis minimis venit ad maiora: ſicut ignis validus nonnunquam ſurgit modica de ſcintilla.* Idemque Alexander Macedo in conſecione militum inculcabat. *Sicut in corporibus ægris, inquit, nihil quod nociturum eſt Medici relinquunt; ſic nos quicquid obſtat Imperio recidamus: parua ſepe ſcin-*

S. Iſid. Pel. l.
3. ep. 159.
Ar. l. 2. Celi
r. 3. id. l. 5.
poli. c. 1. 4.
& ſect. 1.
probl. 35.
L. 1. ff. de o
rig. Iuris.

S. Chryſ. ho.
87. in Matth.
27.

S. Dor. ſer. 6.

S. Aug. l. cō
ſeſſ. c. 8.

Iac. 3. 5.
Eccl. 11. 34.

Vmb. p. de
tribus votis
c. 56.

Q. Curt. l. 6.

Minimorum Curæ Similitudines. 509

illa contempta magnum excitauit incendium. Nihil tuò in hoste despici-
tur: quem spreueris, valentiorẽ negligentia facies: Auctor libri de
singularitate Clericorum sub nomine S. Cypriani, thesauros, Ca-
stra, Vrbes, exinaniti, capi, & expugnari docuit, nisi vel minima
rima foramenque obturetur diligentissimè: nec rarò legimus in hi-
storijs munitissimas arces & Vrbes, altissimis septasmœnibus, per
cuniculum, aquæ ductum, angustumque foramen, ab hostibus clan-
culum irrepentibus, occupatas atque direptas. S. Chrysostomus in
conẽsione ad populum Antiochenum tres similitudines habet: Sz-
pius nanque domos edificantes homines, & rectum imponentes, vnius tegu-
la excussa curam non gerentes, totam domum perdididerunt. Et in vesti-
mentis idem euenire quis cernerè possit. Etenim parua in illis facta scissu-
ra, nec refarcita, magnam fecit disruptionem. Hoc & in torrentibus mul-
tories euenit. Etenim & illi si vel minimum ceperint ingressum, totum in-
troducunt fluentum. Itaque & tu, licet te vndique munieris, si tamen ali-
qua pars immunita dimissa est, hanc etiam diabolo obstrue, vt sis ab omni
parte firmatus. Et de prima similitudine Salomon ait: In pigritijs hu-
miliabitur contignatio, & in infirmitate manuum perillabit domus. Quem
Cassianus locum explicat & illustrat. S. Augustinus in psal. 66. con-
siderat in naus sentina minutissimam rimulam, qua neglecta naus
submergitur. Et scribens ad Seleucianam, Quid, inquit, interest ad
nausfragium, virum vno grandi fluctu naus operiatur & obruatur, an pau-
latim subrepens aqua in sentinam, & per negligentiam derelicta atque con-
tempta, impleat nauem atque submergat? Ac retulit in Decreta Gratia-
nus hunc locum. B. Esaias Abbas de rima in dolio hæc ait: Quem-
admodum si qua in dolio rimula existat, defluit vinum, antequam Domi-
nus sciat, si negligens est: sic qualibet res quamuis exigua fructum excutit
hominis negligentis. Idenque S. Anselmus in piscina vel viuario ob-
seruat: quod rima non obstructa exhauritur; & tunc pisces in fun-
do sicco relictæ vitam amittunt: S. Gregorius Nazianzenus; Parua,
inquit, lapide submoto, flumen totam in prouum irabitur: eiusdem autem
impetus firmissimo etiam aggere cohiberi reprimique uix potest: Et in arma-
to milite ferreis armis; si per tenuem aliquam rimulam, inquit S. E-
phraem, telo aditus pateat, strenuo militi mortem affert.

437 Altera ratio periculi; & lapsus in grauiora ex minimis est,
quia minimè ijs remedium adhibetur; vel quòd non cognoscitur
dammum, vel quòd ob paruitatem contemnitur: vt supra diximus;
ex S. Chrysostomo, cui similis est sententia S. Gregorij Papæ mo-
nentis eos, qui in minimis frequenter excedunt: Vt solent con-
siderare, quia nonnunquam in parua deterius, quàm in maiori culpa peccatur.

S. Chrys. ho.
19. ad pop.
Ant.

Cassian. coll.
6. c. 17.
S. Aug. ep.
108.

B. Esai. or. 12.

S. Anselm. l. de
similit. cap.
122.

S. Greg. Na.
or. 1. nu. 24.

S. Ephr. t. 1.
ser. de mor-
bo lin. 11.

S. Greg. p. 3.
past. cura c.
34.

Vbi non grauius peccari dixit, sed deterius, hoc est periculosius & damnosius. Maior enim quò citius, quia sit culpa agnoscitur, eò etiam celerius emendatur. Minor verò dum quasi nulla creditur, eò peius, quò et securius in usu retinetur. Vnde fit plerunque vi mens, assuecra malis leuibus, non grauiora perhorrescat, atque ad quandam auctoritatem nequitie, per culpas nutrita perueniat; et tanto in maioribus contemnat pertimescere, quanto in minimis didiciit non timendo peccare. Quamobrem S. Catharina Senensis à tepidis Religiosis existimat perfectionem interdum difficilius quàm à frigidis comparari: propterea quòd hi, qui grauium peccatorum veneno frige facti sunt, facilius peccatorum suorum grauitatem agnoscunt, cum illis diuinitus oculi aperiuntur: eamque exhorrescunt, & ex horrore concipiunt odium, & propositum emendationis arripiunt. At tepidi, qui peccata grauiora in se minimè deprehendunt, illaqueati venialibus, quæ paruifaciunt, ijsque assuefacti tolerandis, & committendis, nisi vim sibi generoso animo inferant, inueterascunt in suo tepore, nec cogitant de perfectione assequenda. Vide Cassianum coll. 4. cap. 19. vbi illud Apocalypsis pertractat: *Vinum frigidus esses aut calidus &c.* Tertia ratio eruitur ex S. Chrysostomo: *Habet quippè insitum quendam anima pudorem atque innatum, quem subito calcare atque abijcere non potest: sed sensim ac paulatim ex negligentia perit; vt supra diximus.* Leuia ergo peccata, vt Iacobus Aluarus notat, innatam nobis verecundiam tollunt, quæ nos sæpe à peccando reuocat: & hac sublata facilius in grauiora ruimus.

438 Quisquis itaque in Recessu vitæ ordinem sibi statuit ac describit, Thomam Sanchez apud Ioannem Crombetium imitetur, in secundo libro de studio perfectionis, vbi sic habet: Disrumpar potius, quàm aliena referam, aut diuulgem delicta: neque alijs eadem quauis leuia & ioco referentibus aurem præbebo. Si quando congregatos aut circumspectantes videro, non subsistam, nec contuebor, vt quid fiat videam. Per domum ita defixis oculis in terram incedam, vt dumtaxat transeuntium vultus agnoscam, honoris exhibendi gratia; præterea nihil. Refectionis tempore, ne lancem quidem ipsam aspiciam, nisi quando oblata à me sumenda erit. Quicquid mihi oblatum fuerit, eo solo vescar, nullo adiecto, aut oleo, aut aceto, sale, aut condimento. Quoties absque censura nouissimum obtinere locum in Refectorio potero, lubens occasionem caprabo. In obedientia accuratissimus ero, etiam litera inchoata relicta. Folium arboris in hostio non contingam, non decuriam vel vnum persicum: filum vnum absque facultate aut tri-

S. Cath. in
dial. c. 162.

S. Chryf. ho.
87. in Mat.
th. 27.

Cromb. cap.
32. q. 12.

buam, aut accipiam nunquam. Vide alia multa, quæ nos omittimus. His similia sunt exempla leuiorum quorundam tentationum, quarum depulsiōem S. Dorotheus vtilissimam esse docet acquirendæ perfectioni. *Obambulat, inquit, quispiam, & aliquid forte conspiciatur: suadetur actum à cogitatione, ut illud aduertat. At is, si sapit, cogitationi, & suasioni illi repugnat: seque auertit, & dicit, Certè non aduertam, neque id penitus considerabo. Rursus offendit quis aliquos nugis, & varijs rumoribus occupatos, & ait illi cogitatio cordis sui: Dic & tu verbum aliquod, immisce te huic turba. At ille negat id se acturum, & voluntatem suam abrumptit prorsus. Iterum dicit ei cogitatio: Adi coquum, & interroga quid paret obsonij. At ille non adie, nec voluntati illi suæ obtemperat. Item cernit fortasse quidpiam: suadetque illicd cogitatio, ut interroget, quisnam illud auulerit. At ille negat: & voluntatis suæ repugnat, appetitum comprimit, nec percontatur omnino.*

S. Dor. ser. 1.

439. Cæterum vnusquisque leuissima quæque peccata perquirat in se quotidie diligenter: deprehensa excutiat & expendat: tum doleat deleatque. Neque peccata, inquit S. Chrysostomus, quæ nobis videntur parua, contemptim prætereamus: sed quotidie à nobis rationes repetamus, & verborum, & spectationum: & pœnas de nobis ipsis sumamus, ut nos à futuro iudicio liberemus. Audi S. Gregorium: Sancti viri tantò se subtilius in cogitatione constringunt, quantò à superno Iudice districtius considerari conspiciunt. Mentem quippe discutiunt: inuenire si qua deliquerint, querunt: ut tanto fiant irreprehensibiles Iudici, quanto semetipsos quotidie & sine cessatione reprehendunt. Hoc autem diligenter præstandum est: quoniam culpæ ipsæ veniales obscurant animam, ut scripsit Ricardus. Et ut Bernardinus Rosignolius addit: Animam viri iusti sua turpitudine sædant: obscurant conscientie lumen: minuunt charitatis ardorem: tanquam compedes retardant proficiētem in via perfectionis, & quasi vincula retinent, ne ruat in amplexum Christi: sunt denique veluti quidam amari succi, quibus aspergit Satanas cibos mensa Christi, ut ne gustent proficientes, quam suavis est Dominus; & inde in salutem crescant. Ex Ludouico Granatensi, auferunt deuotionem: turbant conscientie pacem: extinguunt feruorem Charitatis: infirmiora faciunt ad bonum corda: mortificant anime vim: remittunt vitæ spiritualis vigorem: & tandem modo suo resistent Spiritui sancto, eiusque actionem in nobis impediunt. Sed & culpa venialis ex Ioanne Bulæo, obligat hominem ad pœnam huius vitæ, vel futuræ in Purgatorio luendæ: animam sordidiorem reddit: imminuit charitatis feruorem: vires animi debilitat: retardat Gloriam eternam: minuit meritum & vitæ eterne gloriam: disponit ad peccatum mortale: obstaculum aliquod ponit augmento gratiæ: impedit deu-

S. Chrys. ho. 60. in Gen.

S. Greg. l. 21. moral. c. 4. al. 5.

Ric. Vill. c. 35. in Cant. Rosign. l. 2. de discipl. c. 5.

Granat. in Duce pecc. l. 2. p. 1. c. 12.

Busæus V. peccat. ven. remed. 6.

tionem in orando; & in vita spirituali progressum: displicet Deo & Angelis: placet Dæmoni. Seruatius Monachus Præmonstratensis in Optica comparat venialia peccata plumbeis calceis, quibus non planè impeditur, sed retardatur progressus. Ve igitur ea perspicere ac corrigere valeamus, perpurgandus est oculus mentis. Nam quemadmodum oculi nostri corporis, inquit B. Diadochus, cum sani sunt, cuncta cernere possunt; etiam culices in aere volitantes: cum verò turbati sunt, aut humore quodam suffuso sepi, si quid in eorum aspectum occurrat grande, hoc tenuiter cernunt: minuta verò non sentiunt; sic anima si ardorem ex cupiditate mundi collectum studiosè restinjerit, etiam valde parua errata, pro grauissimis ducit. Quod Ricardus Victorinus de anima seu sponsa loquens ita declarat: Plus illuminata, plus defectus suos cognoscit, & melior facta plus sibi vilescit. Damnat tunc paruos defectus, quos prius tolerabat: & tam in verbis, quàm in cogitationibus, multa se commississe peccata intelligit, quæ minus mala ante reputabat. Nec S. Bonaventuræ similitudinem prætermittam, id egregiè insinuantis. In domo, inquit, quàm subintrans solis radius illuminat, quantumque licet fuerit præmundata; aiomi nihilominus diligentius inuenerit apparent: sic & cor radijs gratiæ illustratum, etiam minima videt, ac vitiorum laqueos subtili examinatione discernit. Quanto quis fuerit mente purgator, tanto se sordidiorem videbit, & maiores causas humiliationis inueniet. De culpis ergo venialibus plurimum dolere debemus. & cur non displiceat nobis commississe, quod certò scimus Deo displicere? Ideoque definit Angelicus S. Thomas, sine actu poenitentiae peccata venialia non dimitti: quia in his quoque voluntas deordinatur per immoderatam conuersionem ad bonum creatum, quam poenitentia tollit: habituale displicentiam non sufficere, sed saltem virtutalem requiri: illorum detestatione opus esse vel explicita, vel saltem implicita: tum propositum abstinendi à singulis adiungi oportere. Idèd enumeratis modis periculosis quibus nos venialia præparant ad mortalia, clamat Cardinalis Caietanus: Propter quod frequentius contritionibus, non superficie tenus; singula secundum suas species distinguenda sunt. Et vnusquisque, vt S. Thomas inculcat, debet habere propositum se preparandi ad peccata venialia minuenda: alioquin esset ei periculum deficiendi, cum desereret appetitum proficiendi, seu tollendi impedimenta spiritualis profectus, quæ sunt peccata venialia. Demum cum S. Gregorio Papa Disquisitionem concludo: Quando ergo electus quisque maiori sanctitate præminet, tanto magis de his, sine quibus hæc vita non ducitur, venialibus peccatis dolet.

B. Diad. l. de
perfect. spir.
c. 27.

Ric. c. 34. in
Cant.

S. Bon. p. 1.
spec. par. 2.
c. 3.

S. Th. 3. p. 9.
87. ar. 1. &
2.

Caiet. l. 2. q.
88. art. 3. in
fin.
S. Th. 3. p. 9.
87. ar. 1. ad 1.

S. Greg. in
psal. 2. po-
nit.

DISQVISITIO TERTIA.

Quomodò ratio sanctioris vite sit ordinanda.

440 **I**N VITÆ SANCTIORIS ORDINAT. Vbi ad vltimam diem, & exercitiorum finem, peruentum erit; proposita è singulis meditationibus elicitæ relegat iterum Solitarius, & expendat: tum modum aptiorem excogitet, quo illa executioni mandentur: & si videbitur, quæ vigilantiori cura opus habent, ab alijs segregabit. Mox iterum vitæ suæ rationibus, iuxta ea quæ proposuit, ordinatis, tempora singulis quotidianis operibus impendenda, ex æquo distribuat: eo animi robore, ac firmitate, vt statuat omnino, se non passurum, vt nisi magna vigeat necessitas, aut aliter Superior iusserit, disposita semel operum series euertatur. Quæ etiam vitia extirpanda, & virtutes acquirendas sibi esse constituit, sedulò iterum ac distinctè notabit, ex ordine quem Director suaserit, vt singillatim ineat ipsorum certamen. Sed Clericorum Minorum praxin hic audiamus: *Vltimo recessus die, facta super se reflexione, fructum, quem ab exercitijs, & recessu reportauit, considerabit. Auctori omnium bonorum Deo debitas agat gratias, pro tot fauoribus, gratijs, & luminibus ubique, & præsertim in eo loco exhibitis. Ab eodem Patre luminum instantissime efflagitabit, vt quas inspirationes, & gratias sibi infundere dignatus sit, semper conseruet, & in veros & permanentes habitus confermet. Lumina item, & Spiritus sancti influxus colligat, eaque pro futuris temporibus scripta conseruabit. Et qualis deinceps cum Deo, cum Superioribus, proximis, & se ipso futurus sit, cogitabit, & quod vitæ genus tenere debet, cum Instructore conferat diligenter.* De ritu verò hæc stabiliendi secum, probarim à Nicolao Lancicio propositum, hunc in modum. Ne caput diuturniore lætione fatiget, sedendo, vel deambulando, secum veluti colloquatur familiariter, cum summa simplicitate, & candore: Eia anima mea, ego nunc facio exercitia, vt per ea ad sanctitatem excitemur, & post ea, vt sanctè viuamus, & non erubescamus Euangelicam perfectionem: Quid ergo debes facere? quid debes emendare? quod perficere? ò Domine Iesu adiua me: vellem esse bonus, & totus tuus! O Beatissima Virgo, ora pro me. O sancte Angele Custos, succurre mihi. Qualis debet deinceps esse mea ad meditationem præparatio? Qualis meditatio? qualis recreatio? cum quibus conuersatio? Hæc non simul omnia, extra tempus meditationis examinet & scrutetur;

Dom. Flum. in Direct. instr. n. 17. fol. 53.

sed vno die vnam occupationem, altero die alteram. Ita sine tadio, cum fructu, totum tempus transiget. Vltimo tamen die recessus cuncta iterum vigilantiori cura discutiat.

*Barry seu
Michael Cu-
nelier inter-
pres in Trid.
Hagioph. sub
finem paucis
immutatis.*

441 *Proposita autem in eo recessu concepta, si non quotidie* annotauerit, eccum à Paulo de Barry descripta. Fas mihi modo sit assequi diuinando, quid statuerit; aut dicere, quid statuere ipsum oportuisset. Habe ergo, Director; & ea fac solitarius diligenter euoluat, sed opere ipso diligentius exequatur. *I.* Cum gratia dilecti mei Saluatoris, serio volo renouationem meam esse eximiam, & vt hæc complectatur omnia bona desideria atque proposita, quæ vnquam aliàs habui: quare ad successum fortunatiorem, eadem, prima cuiusvis mensis Dominica, à communione mane perlegam, neque hæc solum, verum etiam alia quæcunque, aliquando, in arcanos commentarios à me relata. *II.* Mori malim millies, quàm me minimo peccato lethali obstringere. quoad veniale, illi deliberata voluntate non consentiam: & si contingat in illud aliquando me prolabi, ipse mihi pœnam indicam, aut osculi terræ insigendi, aut legendi brachijs expansis Angelicam salutationem. *III.* Præcipuum meum studium erit & cura, in exercitationibus meis spiritualibus ritè peragendis, & vt Deo dem, quod illi debetur. Quapropter non negligam vnquam Meditationem matutinam, & vespertinam, Chorum, Orationem, Sacrum, Lectionem piam, Examina conscientiar, præsertim particulare, eas quas mihi indixi Venerabilis Sacramenti Visitationes. Hæc, cum tempus aderit, reliquis oninibus anteponom. *IV.* Quicquid temporis erit vacuû liberumque ab occupationibus ratione muneris mei & officij obeûdis, impendâ Orationi siue mentali siue vocali: idque, quantû fieri poterit, coram augustissimo Sacramento. *V.* Quotidie legam, ex Laur. Scupolo, & Thoma Campensi, vnam circiter pagellam, quæ fortuitò occurrerit, & quidem flexis ad Oratorium genibus, vt tanto maiori animi submissione Deû audiam, ex hoc aureo libello, me instruentem. *VI.* Scelera mea, apud Confessarium semper deponam, tanto candore, sinceritate ac contritione, quasi postrema foret Confessio: atque in Confessario meo, personam Iesu Christi, cuius ille vices obit, fidei oculis intuebor. *VII.* Sacram Synaxim etiam sumam ea religione, qua illam, sumerem, si foret vltima: & recipiam Creatorem meum, quàm potero creberrimè, quotiesque id mihi permittetur: nihil ægrius ferendo post offensas quæ in Deum meum committuntur, quàm, vt me docet Chrysostomus, hac esca priuari. *VIII.* Tentationibus maximè molestis à vanitate, ab amore proprio, à passione mihi fa-

miliari, respondebo, occupatum iam esse locum: Iesum cordis possessionem iam adijisse; nolle illum alteri, præterquam sibi patere isthuc aditum: adcoque ad primum occursum similibus ineptarum cogitationum, illico recipiam me, non attendendo illis, neque disputando: contemptu optimè depellentur. IX. Nolo quicquam agere ob respectus humanos, vt placeam creaturis: vni Deo satisfacere volo, & conscientia meæ, nulla habita ratione priorum meorum emolumentorum, aut oblectationum: ita tamen vt quisquis viderit actiones meas, easdem possit approbare, quanuis hinc nullam ego laudem, aut aliud quicquam, præter meram Dei gloriam confectet; ob cuius amorem agam, quicquid agam. X. Nolo amplius curare, quid agant alij, quid rerum in orbe geratur, qui rumores circumferantur; ne de ijs quidem, quæ domi, aut in familia, in qua dego, fiunt: viuere volo exclusa omni curiositate, & solum attendere mihi, munerique meo, & si quid aliundè imperetur. XI. Inter vicissitudines negotiorum, tempestatum, & euentuum, vtcunque fluant; non obstupescam, sed eodem vultu & animi tranquillitate, quicquid acciderit, excipiam, Deo constanter & adorandis eius dispositionibus adhærescens. XII. Vt vbiuis locorum, & in quacunque oblata occupatione, eundem modestior, compositiorque, frequentissimè mihi sistam præsentem Deum: hinc non loquar sine necessitate, nullo pacto me excusabo, in sermone ero suavis; & quicquid aggrediar, erit ex stimulo diuini amoris, & sine anxietate. XIII. Nihili pendam hoc miserum corpus meum, moderatam curam, & rationabilem geram de eius valetudine, vt Deo seruire, eiusque gloriæ promouendæ operari possit, quod ad sensuum oblectationes attinet, eas despiciatui habebō; oblati opportunitatibus, me vincam, subtrahamque oculis, & gustui, & auribus, modicas suas, sed perniciosas delicias: & tum vesperi, sub examen, inibo numerum victoriarum de me relatarum, ad referendas Deo laudes, & gratiarum actiones. XIV. Si Deus mihi immiserit humiliactiones & contemptus, illos de ipsius manu lubens suscipiam; non detrectando opprobria, sed tolerandi facultatem à Deo postulabo. XV. Si labor in vitia paululum grauiora & præter morē meum, grauibz iniurijs me impetam, atroces pœnas mihi comminabor, si fortè recidam, meque admissæ culpæ coram Venerabili, quam citissimè, cum debita demissione & contestationibus accusabo. XVI. Non proferam sensa animi mei, nec iniurias vndeunque acceptas, querendi aut murmurandi studio, sed mihi sufficiet illas obtulisse meo Redemptori; neque tum quidem, cum innocens reprehendar, pro me dicam

aliquid, sed gaudebo, mihi istam à Deo fieri gratiam, quòd culpa sine culpa. XVII. Non mirabor si meas alij actiones in partem deteriore interpretentur, quandoquidem id acciderit operibus mei Iesu, & si sanctissimis & à Deo ipso exercitis: pro fructu erit solatium, quòd illi sim similis. XVIII. Nulla in re vnquam ero singularis, nisi in amore, dando operam, vt plus cæteris Deum amem, & hac in parte nulli concedam. Cæterum sectabor morem & ordinem Communitatis, neque quicquam peculiare mihi procurabo. XIX. Non obsequar inclinationibus meis, & constanter insistam illi proposito, quo decreui omnes priuatas amicitias familiaritatesque deuitare. XX. Si instituti mei ratio exigit, Paupertatem ita colam, vt nulli rei affigam animum; nihil donem aut acceptem, sine moderatorum facultate; neque ad vsus meos, aut in cubiculo, aut alibi, quicquam superfluum patiar. XXI. Ita studebo Castitati, vt nihil sit, de quo me, in hac materia, apud Confessarium accusem; accuratissimè obseruando omnia, quæ ad tuendam hanc Angelicam virtutem ab illius amatoribus præscribuntur atque commendantur. XXII. Tam ero obediens, vt nihil me prætereant eorum, quæ præcipiuntur, quod non promptè iuxta ac hilariter exequar, modò absit peccatum; & præstare conabor voluntatem eius, qui me regit, vt etiam nutus minimus sufficiat: eodemque pacto perficiam omnia, atque si Deus ipse mihi coram & verbis suis imperaret. XXIII. Cum gratia Dei mei, aliam, quàm hætenus, viuendi rationem inire volo; atque immobili constantia vacare meæ saluti atque perfectioni: & vt recentior crebriorque eius rei vigeat apud me memoria, quotidie mane, post salutarum Venerabile Sacramentum, exhibita Saluatori meo reuerentia, priusquam me recipiam, dicam: *Dulcissime mi Iesu, habo hodie illis propositis, quæ in ultimo mea secessu concepi.*

DISQVISITIO QVARTA.

2. *Quomodo è solitudine, post Superioris veniam, exeundum.*

442. **A**D PRAXINETC. Actis Deo ac Deiparæ gratijs: tum Dei ope, ac B. Mariæ Virginis, & Tutelarum Angeli patrocinio iterum imploratis, Solitarius è recessu, ad suum cubiculum vadat: & si id ante non fecerit, ipsum diligenter euoluat, vt tollat superflua, religiosæ paupertatis ac perfe-

tionem non consentanea, & statim ad Præpositum deferat. Nam
communiter, hanc cubiculi excussione, primis exercitiorum diebus
instituentiam suadent: ut cunctis acrius inspectis, quæ nostram pro-
fessionem hand decent, grandia vel leuia, promptiori animo, rescin-
dantur. Ad hæc, monent Carmelitæ Discalceati, ut Seceffurus ad
Exercitia, eis que postmodum absolutis, Cœnobium repetens, Benedictionem
Superioris accipiat. Sed si plures in solitudinem se receperint; laudo
Fr. Antonij Dazæ è Minor. Obseru. monitum in hæc verba: *Absolutis*
exercitijs, congregentur in Exeritorio omnes: & in gratiarum actionem,
sanctissimæ Virginis Conceptioni, recitent Antiphonam, versiculum, &
Orationem quam diximus: mox una omnes ad Superiorem pergent, ut Be-
nedictionem accipiant. Nicolaus tamen Lancicius, post Exercitia, ut
earptim huc exscribam aliquot eius verba, sic monet: *Communica,*
accepta licentia: & eam Communionem offer Diuine Maieftati, in gratia-
rum actionem; proijs, qua faciendæ & vitandæ agnouisti, & ad imperan-
da officia diuinæ grætiæ accipias; quibus fretus, deinceps viuas iuxta bo-
na propofita à te in exercitijs facta, & ne cedas ullis tentationibus internis,
& ne impedimentis externis retraharis à bene inchoata viuendi ratione.
Accepro deinde sanctissimo Sacramento, postquam solitas deuotiones cum Chri-
sto Domino peregeris, offer in vitione meritorum eius, ei, tua propofita: gra-
tias age pro eis factis, pete gratiâ constanter & exequendi semper in occasione
omni. Postea adeas Superiorem tuum, vel Confessarium, eique præcipua
propofita à te facta communica (si hoc ante in recessu non peregisti) prout
tibi sit fratrum quoddam, quo retinearis, ne relabaris in priores defectus,
& sic calcas, quo exstimuleris ad constantem eorum executionem, saltem
metu & pudore adactus, ne tibi exprobet Superior, vel Confessarius incon-
stantiam in bene capitis: nam & talibus mortuis secundario te iuuare debes,
quæ apud tyrones & imperfectos sepe maiorem vim habent, quam alia mo-
tiua purè supernaturalia & præstantiora. Clerici autem Minores exer-
cendorum instructionem hoc modo claudunt: *Postremò, instructor ip-*
se (idem de Superiore dicendum) pro qualitate persone addat monita,
quæ animæ illius salutaria, & proportionata indicabit. Et Religiosis quidem
in genere commendabit vocorum & regularum suarum obseruantiam: exte-
ris verò frequentiam Sacramentorum Pœnitentiæ & Eucharistiæ, Præcep-
torum custodiam, curam domus & domesticorum, orationem mentalem, &
ut quotidie Missæ sacrificio intersint.

Car. Instr. ad
exc. c. 7. nu. 8.
fol. 61.

Dazæ in e-
xerc. S. Frac.
fol. 25.

Lanc. lo. cit.

Flam. in Di-
rect. inst. nu.
18. fol. 54.

Tac. Alu. de
vita relig.
instr. lib. 5.
c. 11.

443 Ex hac ergo spiritali quiete in qua te ipsum inspexisti, de-
sideria sopita excitasti, propofita confirmasti, cum Deo ceu alter
Jacob ad accipiendam Benedictionem pugnasti; Exhibi, ex Aluaro,
ut Moyses facie splendida ex consortio Domini, & anima roborata, ut pos-

S. Chrys. ho.
7. ad pop.

S. Isid. lib. 3.
epist. 287.

Lanc. n. 238.

sis finetui detrimento alijs prodesse, imò & cum virtutum augmento animas generare, & Deo thesauros saluandorum acquirere. Si habuisti tamen aliquos socios, qui tibi antea erant vel causa vel occasio libere viuendi, in primo eum eis congressu, manifestè te illis declara, quòd te resolveris ad mutandam pristinam viuendi irreligiøsè rationem: quòd si non viriliter, sed frigidè facias, semper in vitio claudicabis. At, *Quid faciam, inquit aliquis, apud necessitatem inducens?* (Verba sunt S. Ioannis Chrysostomi) *Qualem necessitatem, ò homo?* Discant omnes, quòd omnia malles pati, quàm legem Dei transgredi; & ab inferenda necessitate desistere. Ideò frangenda est, vt dicitur; prima glacies; & externo etiam corporis habitu, quòd alius euaseris, palam omnibus ostendendum. Vt etiam scripsit S. Isidorus Pelusiota; què admodum pudica mulier, castitatis notas in facie gestans, eorum, qui impudicos in eam oculos conijciunt, expectationes reprimat; eodem modo, pudica anima virtutis tesseras in sensibus ferens, eorum qui ipsius pulchritudinem corrumpere cupiunt, spes excindit. Quisnam enim huiusmodi oculum, suauitate & ingenuitate temperatum, conspiciens, propius accedere audeat? Quisnam autem linguam, quæ honestatis & grauitatis delubrum sit; intuens, non sibi aditum omnem ad congressum illicitum interclusum arbitretur? Quisnam denique reliquos sensus virtutum instrumenta esse animaduertens, præposterum consilium dare non pertimescat?

444 Pergit Lancicius: Ad hæc; quolibet mense, & quidem, (ne pia hæc consuetudo è memoria excidat.) primo die mensis, totam meditationem institue, circa bona proposita præcipua, in exercitijs & alijs facta, repræsentando ea Deo, & innouando, instar renouationis Votorum: & videndo, quomodò ea serues: & acriter inculcando te coram Deo, si aliquid non seruasti: & motiua ad ea, exequenda, siue vetera, siue noua ponderando: & inuocando diuinam opem ardentè, pro eorum constanti executione in posterum. In colloquijs quoque mensuris cum Patre Spirituali, vt bonorum Religiosorum est mos, proderit ei manifestare, quomodò te geras in executione bonorum propositorum. Et valde etiam, prodest, si constituas socios probos, morum tuorum censores, vt te moneant. Hoc nedum Chrysostomus ho. 27. ad pop. sed etiam, Ethnici suadebant. Audi Plautum in Trinummo.

Sed ex amicis certis mihi certissimus.

Si quid me scis fecisse incite aut improbe,

Si id non accusas, tu ipse obiurgandus es, scio.

1. *Igitur tua præcipua studia erunt.*

1. Abnegare te ipsum.

2. Extirpare vitia] tamen te, quam

3. Plantare virtutes] in alijs.

4. Tibi mundoque mori.

5. Amare Deum.

6. Proximo benefacere.

II. Necessaria ad animi tranquillitatem.

1. Infima petere.

2. Silentium custodire

3. Non contradicere.

4. Te ipsum non ingerere.

5. Indifferenter omnia de manu Dei accipere.

III. Assidue te exerceas.

1. In Humilitate, & Charitate.

2. In Patientia, & Mortificatione.

3. In Lectione, & Oratione.

4. In Meditatione vite Christi.

5. In Communicatione cum Deo.

IV. Tibi in primis fugienda.

1. Familiaritas Mulierum.

2. Singularitas, propriumque Iudiciū.

3. Voluntas, Amorque proprius.

4. Otium, venisique studium.

5. Superbia, vanaque gloria.

6. Cupiditas, & abundantia terriorū.

V. Tibi domi agenda.

1. Cogitare Deum presentem, omniaque videntem.

2. Resistere suggestionibus inimici.

3. Legere & studere ad bene agendū.

4. Orare ad te inflammandū.

5. Armare te ad ius utiliterque exēdū.

VI. Si Superior es, studeas.

1. Omnes equaliter amare.

2. Religiosę discipline attendere.

3. Bono exemplo omnibus prælucere.

4. In spiritu lenitatis omnes instruere

& corrigere.

5. Pro omnibus Deum orare.

VII. Si subditus es, erga Superiorem, debes.

1.illum amare, ut Patrem.

2. Honorare ut Dominum.

3. Audire ut Doctorem.

4. Obedire ut Christo.

5. Pro illo Deum orare.

VIII. Erga fratres, debes.

1. Omnes in Domino amare.

2. Omnes tibi Superiores reputare.

3. Illos ex charitate admonere.

4. Patienter supportare.

5. Bono exemplo edificare.

IX. Summo mahe debes.

1. Statio tempore citò surgere.

2. Te mox diuino conspectui & serui-
sistere.

3. Pro custodia noctis gratias agere.

4. Bona proposita concipere.

5. Ad eadem exequenda auxiliū &
gratiam petere.

X. Circa Orationem seu Med-
itationem debes.

1. Prius animum & materiam præ-
parare.

2. Alienas cogitationes expellere.

3. Constante perseverare.

4. Ductum S. Spiritus humili corde
sequi.

5. Pro admissis defectibus dolere, &
pro bono successu gratias agere.

XI. In Oratione tibi frequē-
ter tractanda.

1. Cognitio sui, & dolor de peccatis.

2. Quatuor hominis Nouissima.

3. Beneficia Dei.

4. Vita & Passio Christi.

5. Conuersatio cum Deo, & Sanctis
cius.

XII. Obseruanda circa Confessionem.

1. Conscientiam bene examinare.
2. De peccatis vehementer dolere.
3. De peccatis integrè confiteri.
4. Emendationem seriò proponere.
5. Pœnitentiis iniunctæ mox satisfacere.

XIII. Circa sacrum Missæ Officium, debes.

1. Conscientiam per Confessionem prius purgare.
2. Corde humiliato & contrito accedere.
3. Illud cum reuerentia & deuotione, ad gloriam Dei, pro te & Ecclesia offerre.
4. Cum fame spirituali & charitate communicare.
5. Cum gratiarum actione recedere.

XIV. Post sacrum, debes.

1. In corde cum Christo te abscondere.
2. Te totum Christo offerre.
3. Tuas aliorumque necessitates Christo explicare.
4. Pro te aliisque multa à Christo petere.
5. Ad æternam Beatitudinem aspirare.

XV. In recitatione Diu. Officij debes.

1. Cor ab alijs cogitationibus purgare.
2. Deuotionem procurare.
3. Ad sensum, Deumque attendere.
4. Verba integrè proferre.
5. Ad finem non properare.

XVI. In Choro debes.

1. Manibus pedibusque bene compositis assistere.
2. Oculos ad psalterium habere.
3. Alios non aspicere.

4. Sedili aut parieti non inniti.

5. Quæ tui muneris sunt sollicitè gerere.

6. In voce ac pausa Superiori te attendere.

XVII. In Examine conscientie debes.

1. Lumen à Deo petere.
2. Pro Beneficijs gratias agere.
3. Conscientiam discutere.
4. De peccatis dolere.
5. Emendationem proponere.

XVIII. In eodem Examine attendas.

1. Transgressionibus Votorum.
2. Tepiditati in Dei seruitio.
3. Distractionibus mentis.
4. Prouis animi motibus.
5. Detractioni ac murmurationi, quæ utraque illis familiaris.

XIX. In Refectorio debes.

1. Tacere.
2. Studere mortificationi.
3. Sobriè comedere & bibere.
4. Lectiōi attendere.
5. Animum spirituali cibo reficere.

XX. Extra Domum debes.

1. Portas sensum diligèter custodire.
2. Religiosam granitatem & modestiam seruare.
3. Rebus uanis ac nouis non attendere.
4. De rebus spiritualibus loqui.
5. Breuiter te expedire, citòque Domum redire.
6. De proximi uitijs non inquirere.

XXI. In lecto debes.

1. Deo, Sanctis Patronis, Angeloque Custodi te commendare.
2. De morte & sepulchro cogitare.
3. Contra inimici insidias te munire.

4. Quoties enigilas, ad Deū recurrere. 6. Deuote cum Deo in cella persequere.
 5. Ultra necessitatem in lecto non manere. XXIII. Si ibidem reclusus es, Recessus, debes.
1. Exercitia primò spiritualia, & Confessionem Generalem obire. 1. A carnibus abstinere, & priuatim oleribus vel leguminibus vesci.
 2. Nihil eorum quæ alibi sunt vel inquirere vel referre. 2. Nulli loqui præter Superiorem aut Directorem.
 3. Silentium omnino tenere, & cum 3. Extra Eremitorium non vagari.
 4. Extra Claustrum nunquam exire. 4. Solus statis horis in tuo Oratorio psallere.
 5. Nullas vel dare vel accipere literas. 5. Na cum alijs, nisi ad Capitulum, & Collationem, non conuenire.

445 Cæterum dum viuis,

Annos Æternos in mente habeas. Pl. 76.

O Æternitas, quàm rarò versaris in mentibus hominum!

Iterum dico, quàm rarò versaris in mentibus nostris!

Æternitas. O Æternitas! Heu Æternitas!

Quid dicam, aut quomodo dicam? Quis exprimat? quis concipiat,

Quid sit Æternitas? Cogito mille annos: cogito millies mille annos.

Cogito tot annorum millia, quot sunt momenta in toto tempore, à condito mundo, vsque ad eius consummationem, & de Æternitate adhuc nihil habeo.

O Æternitas! Heu Æternitas!

Quis poterit par esse Æternitati in tormentis?

Volo dicere, & nescio dicere:

Quandiu Deus erit Deus, tamdiu durabunt tormenta.

Quandiu hoc erit? Æternitas! Æternitas! Æternitas!

Non est effari, non est concipere, non est inuenire istud quamdiu.

Æternitas! Heu Æternitas!

O Deus hic vire, hic seca, modò in æternum parcas:

Laudetur SS. Eucharistiæ Sacramentum: & benedicta sit semper ab omnibus B. Mariæ V. Puritas, & Immaculata Conceptio.



F I N I S.



INDEX RERVM.

QUÆ IN PRIMO ET ALTERO VOLVGINE
Continentur.

- A**ctus Adorationis ad SS. Trinit. 484. Amoris in Deum 480. Amoris erga Deum & proximū 483. Contritionis 117. Delectationis 488. Fidei 481. Gratiarum Actionis 486. Laudis & Gratulationis 485. Oblationis 486. Protestationis 480. Resignationis 487. Spei & confidentie in Deum 482.
- Ad quid veneris in Religionem, quàm expendere debeas 377. in solitudine 378.
- D. Alexander Peregrinus C.R. quo secessu ad mortem se preparauerit 92.
- Alphabetum Eucharisticum 149. Marianam 181. Passionis Dominicæ 124. spirituale 355. 356. 357. 358. à Nouitijs addiscendum 8. à Concionatoribus 66. à Sanctimonialibus 25.
- B. Andreas Euangeliorum partitionem transcripsit 440. quid Vinc. Scarpatum edocuit 147.
- D. Antonij Orefice C.R. industria cūm secederet 251.
- Auctoris oratio ad Deiparam 299. epistola ad P.D.F. Carasam Gen. 300.
- Admonitio ad lect. 303. Qualis Auus ac Pater fuerit 241.
- Bartholomæi Magij, Patris Authoris, laus & secessus 241.
- Beneficiati Exercitia spir. obire debent 71.
- D. Bernardini Scotti Card. C.R. secessus 92.
- S. Caietanus Eremiticas Domos quàm adamauit 237. Octonas horas orabat 398. quo ritu ad mortem se compararet 122.
- Caroli de Cedron preparatio ad mortem 122.
- D. Carolus de Thomasi C.R. quid à Clemente IX. impetrauerit 212. eius à potu abstinentia 504. laus & mors pietissimè obita 273.
- D. Catharina Palmeria quid prædixerit 86.
- Cellule Eremitice Carmelitarum Exc. & aliorum Relig. 259.
- Certamen quomodo cum vitijs ineundum 433.
- D. Clementis Alontij laudabilis exitus 112.
- Clerici cur Exercitia spir. obire debeant inter studia literarum 14. & antequam sacris initientur 30.
- Concionator vanus quomodo ad bona frugem adduci queat 65.
- Confessarij Exercitia spir. obire debent 71.
- Confessio Generalis quo die ab solitarijs obeunda 424.
- Confessio spiritualis in preparatione ad mortem habenda 106.

Com-

Index Primi & Secundi Voluminis.

- Confirmatio nostra voluntatis cum Diuina quanti referat* 120. & seq.
Cubicula apta ad Exercitia spir. 238. in *Ordine Prædicatorum* 239. 250.
David Rex Exercitia spir. obibat 211.
Decem dierum Exercitia communis usurpantur 223. *Paulus V. indulgentijs auxit* 397.
Decretum Capituli Gen. de Exercitijs spir. 1.
Diligentiam in nostris operibus quam habebimus 366. quibus in rebus est adhibenda 370. de ea regula aliquot 374.
Director à quo eligendus 312. cur sine eo *Exercitia* nunquam obiri debent 313. an *Directore* omnes indigeant 314. cur eo præsertim indigeant iuniores 316. cur etiam docti & experti viri 319. lucra quæ ex *Directoribus* hauriuntur 322. quàm sui ipsius directio noceat 325. quàm facile sine *directore* decipiamur 329. quomodo pendere ab eo debeamus 334.
Director obiturum Exercitia quomodo ad solitudinem ducet 343. eius ingenium explorabit 345. meditationes quomodo tradet 348. quomodo solitarium instruat 349. qua hora visitabit 352. quod illi alphabetum elargietur 355. quomodo illum Dei præsentiam edocebit 360. ordinem *Exercitiorum* præscribet 397. corporis afflictationes 400.
Electio quomodo facienda 2.
Episcopi quid expendere debeant 67. quanam secessum coluerint 113. 221. 242.
Eremitarum Sanctimonialium institutum quomodo acceptum sit 271. Quomodo ea solennem professionem emittant 272.
Eremitarum aliquot vita & exempla 273. & seq.
Ethnicorum libri non legendi 393.
Examen conscientie quomodo obeundum 427. à cunctis bis saltem quotidie instituendum 429. per particulare examen certamen cum vitijs incundum 433.
Examinis particularis tabella 435. quomodo dies & hebdomada conferantur 436. materia particularis examinis 437.
Exercitia quotidiana horis suis obeunda 395. eorum vicissitudo quàm iuuat 396.
Exercitia spir. cur ita dicantur 208. & 305. quæ ea tradunt quomodo nuncupandi 309. quàm valeant ad hominem colligendum 228. ad hominem componendum 229. ad morum reformationem inducendam 230. ad incendendum animum 231. quàm conducant ad profectum Christi fidelium 232. *Exercitiorum spir.* tempore quot horis orandum sit 397.
Euangeliorum codex cur olim gestaretur à nostris 440. cur idem mos apud veteres esset 441.
Formula emittende Professionis à Virg. Eremitis 272.

Index Primi & Secundi Voluminis.

- D. Francisci Carafa C. R. P. Gen. Ordinatio* 304.
D. Franciscus Olimpius C. R. quomodo Gregorium XV. adierit 85.
Gentilium libri legi non debent 393.
P. Gregorij Arelzæ Ord. Pradic. laus 250.
D. Gregorij à Siratis C. R. in secessu industria 251.
Hieronymi Vellyj laus 109. *secessus* 241.
Horologium Dominicae Passionis 457.
D. Iacobi de Stephano Letitia in morte 121.
D. Iacobi Torni iunioris exitus admirabilis 109.
Ieiunium sextæ feriæ quàm colendum 147.
S. Ignatius Soc. Iesu Auct̃or quàm secessum coluerit 86. *quàm propagauerit* 236. *eius Meditationes* 468.
D. Ioannes Marinonius C. R. inflicta Christo alapa ictum quomodo expertus 128. *eius adoratio ad Christi vulnera* 148.
D. Ioannes Petrus Carafa Theatini Ord. Confund. Euangeliorum partitionem edidit 440. *Eremiticas Domos quàm adamauit* 237.
D. Iosephi Caraccioli C. R. latitia in morte 121.
Iosephi Perronij Laici laudabilis exitus 105. *dum animam ageret; quid auctori contigerit ib.*
Isaac secedebat meditandi gratia in agrum 210.
Iter longum habituri Exercitia spir. obire debent 83.
Libri à solitarijs legendi 409. *quomodo illarum lectio usurpanda* 411. *pro-fani legi non debent* 393.
D. Mariæ Magdalene Virsine Antistite Theatina Horologium Pass. 457.
Meditatio quid sit 469. *quæ eius partes* 470. *quid preparatio remota & propinqua* 471. *quid proxima* 472. *quid representatio & consideratio* 473. *quid petitio aut colloquium* 476. *quid retractatio* 478.
Meditationes habendæ à Theatinis in solitudine 444. 467. *à Fuliensibus* 461. *à Benedictinis* 463. *à PP. Societatis Iesu* 463. *à Clericis RR. S. Pauli* 461. *à Clericis Minoribus* 462. *à Dominicanis* 465. *pro secularibus & Nouitijs* 6.
Mortis tempore quæ obeunda sit recolectio 118.
Necessitas petendæ solitudinis 305.
Negotium in secessu obeundum 83.
Nouitij spir. Exerc. obire debent ante quàm admittantur 2. *ante susceptionem Habitûs* 6. *ante Professionem* 12. *tempore Aduentus & Quadrag.* 114. *quæ distributione temporis uti debent* 10.
Oblatio Deo quotidie faciendâ 367. *in spir. exercitijs* 270.
Officium Diu. quomodo à solitarijs persoluendum 419.
Operandi perfectæ modus 365.

Oratio

Index Primi & Secundi Voluminis.

- Oratio ante Missam habenda 49. ad singula Iesu C. membra 468. ad B. Virg. 459.
- Oratio Latina habenda in Capitulo Gen. 62. 63.
- Ordinatio P. D. Caroli Pign. P. G. 1. 257. 304.
- Ostio clauso quomodo orandum 252.
- Parochi quid perpendant 67. Pastores ib.
- Paulus III. hortatur ad Exerc. spir. 1.
- Paulus IV. secessu ad mortem se preparavit 92. promouit aliorum Ordinū secessum 89. Cardinalis exoptat 90.
- Paulus V. hortatur Religiosos ad Exerc. spir. 1. 2.
- Persecutionum tempore secedendum 90.
- Peccati venialis damna § 11. de eo quā dolendum § 12.
- P. Petri Algaris C. R. mors 119.
- P. Petri Auitabilis C. R. ad Urb. VIII. aditio 85. secessus ante mortem 92.
- P. Petri Iardina meditationes pro secessu 467. fenestris clausis orabat 252.
- P. Placidus à S. Teresa nostram Eremiticam Domū quā exoptarit 248. pretiosa eius mors 249.
- Poenitentia ab solitarijs obeunda 400. sine Directoris approbatione non licet 404.
- Predicatores secedere debent 58. & cum Missionem Apostolicā obeunt 60.
- Preparatio multorum ad mortem 122. per secessum instituenda 91. quomodo obiri debeat 94. quomodo in Recessu Domo habeatur 95.
- Præsentia Dei quomodo cogitanda 360.
- Præx recolenda Dominica Passionis 146. Deum glorificandi 20. adoranda sacratissima Eucharistie 180. B. Maria V. 206.
- Procuratores secedere debent 71.
- Questores secedere debent 71.
- Recessus Domus PP. Theatinorum à Clem. X. approbata 244. à P. D. Carolo Pignatello laudata 246. Messana desiderata 247. Neapoli prædicta 248. in eam obiturus exercitia quomodo excipiantur 267. quod Votum edere potest 271.
- Reclusio quomodo instituenda 259.
- Reclusi quomodo vescantur 421.
- Recollectio unius horæ quadrantis 212. unius diei 213. tridui 215. quatriidui 217. quinque sex septem dierum 219. octo ib. & 220. octo vel decem 220. 221. 222. quindecim 222. 224. quadraginta dierum ib. cur communis decem dies in illa impendantur 223. cur non omittenda 224.
- Regule electionis habende. 2. Diligentie 374.
- Religiosi ad aliud Monasterium secedant 243.
- Sacerdotes cum secessu hebdomadarij munus obeant 41. ab ipsa V. Eucharistia

Index Primi & Secundi Voluminis.

- ſua Religioſa vita modum perdiſcant* 43. quos in *Miſſe* celebratione ſi-
nes ſibi præſigunt 46. quomodo *Miſſe* ſacrificium obibunt 54. quomodo
Deo gratias referre debeant 57. cur *Exercitia ſpiritualia* obire 29. in
que præſertim incumbunt 40.
- Salutatio ad Ieſu C. membra* 458. ad membra *B. Virginis* 459.
- Sanctimoniales Exercitia ſpir.* obire debent 17. *Romana Monialis* que
nam obierit 17. 18. an deceat adeas, que lecto decumbunt, quotidie
Confeſſarium ingredi 226. *Antiftita* quomodo ſubditas adhortabitur
ſpir. Exercitia obituras 342.
- Scholaſtici Exercitia ſpir.* obire debent 15. quem in ijs ſibi ſcopum præſigere
32. quam modeſtiam obſervabunt 32. quam libertatem cauebunt 33. ri-
ſus parum modeſtos 34. emulationem 35. loqui debent de rebus ſpir. 36.
37. curam minimorum non omitiant 37.
- Secceſſus* quàm neceſſarius 207. quotannis inſtituendus 112. tempore *Ad-
vent. & Quadrag.* 113. tempore mortis 118.
- Seculares viri* quomodo ſecedere debent 241. quomodo à *Religioſis* excipian-
tur 242. que nam exercitia obibunt 399.
- Solitudo* quomodo iniri debeat 307.
- Solitarij* quomodo in *Eremitorium* includantur 259. tempore *Quadrag.*
260. quàm ibi vitam inſtituant 261. quomodo ſoluant *Diuini Officij*
penſum 262. quomodo veſcantur 262. viſitentur 263. an poſſint ali-
quid lucubrare 264. 407. quando una cum alijs conueniant 265. quid
quotidie ſcribere debeant 416. quomodo debeant veſci 420. num alicui
loqui poſſint 422. an ſcholaſticiſ lectionibus intereſſe 423. quo die *Confeſ-
ſionem Gen.* obire debeant 424. & quo ritu 425.
- Studia literarum* quem reporem ingenerent 15.
- Superior ſubditos* adhortetur in ſolitudinem abituros 341. quomodo eos ad
ſolitudinem ducet 343. *ſpir. Exercitia* obire debet 71. quotidieque ſecede-
re 73. quid conſiderare debet 74. quod alphabetum diſcere 78.
- Teſtamentum hominis Chriſtiani* in morte obeundum 123.
- Teſtamentum ſpir.* in præparatione ad mortem 103. breue aliud quotidie
inſtituendum 106.
- Theatini Ordinis Conditores* quàm ſecceſſum coluerint 86. quàm in alijs pro-
bauerint 89.
- Vaticinium de Paſtore Angelico* 87.
- B. Virginis Mariæ* ſub auſpicio ſecedendum 253. in eius *Puritatis* honorem
255. & *Pròvidentiæ* 256.
- Virtutum ſtudium ad literarum ſtudium adiungendum* 379. multe hoc ſi-
militudines probant 380.
- M. Vrſula Benincæſa* quid de *Domo Receſſus* prænuntiauerit 86.

CELEBERRIMA DEIPARÆ EFFIGIES,

Quæ Panormi in Templo sancti Ioseph est dicta,

S. MARIA PROVIDENTIÆ,

ET IN COEMETERIO PP. CLERIC. REGVLARIVM

Quarta quaque feria frequentissimè colitur,

NEAPOLITANÆ ILLI, CUI NOMEN AB ARCÆ,

Perquamssimillima;

Aliquot Scriptorum Elogijs Illustrata.

Sanctissimo Patriarchæ Ioseph, B. Virginis Deiparæ Sponso,
& Iconis (vt piè creditur) S. Mariæ Pro-
videntiæ Autori,

Huiusce Opellæ Auctor se humillimè D. D.

ECce Tibi, Beatissime Ioseph, Potentissima Mundi Domine, Glorio-
sissima hominum & Angelorum Regina, Purissima Dei Matris Ef-
figiem: ecce speciosam Imaginem Pulherrimæ Sponsa tuæ; quam Tu ipse
ad nos attulisti, nunc à me aliorum Elogijs illustratam. Porro hæc vt à no-
bis in Templo, tuo Nomini sacro, adorari maluit; sic licetis & elogijs ex-
pressa, etiam (vt coniicio & spero) gaudet opusculo, Tibi tuoque Numini
nuncupato, quem amat, aliorum oculis exhiberi. Age ergo Tuncipse, qui
olim Imaginem manu dederas, fove & tuere Libellum; & Fidem
adstrue Historiæ, quam narramus. Planè vt id ego olim à puero ab ipso
etiam Vincentio, sene candidissimo, didici: ita me post reditum in Patriam,
à multis fide dignis, & iuratis testibus accepisse, qui ab ipso iam Vincentio
audierant, S. Mariæ Providentiæ simulacrum, tua ipsi olim manu
delatum, etiam Sacramento contestor: & Te, sanctissime Ioseph, & can-
dem Providentiæ Dominam, Sponsam tuam, humillimè appello:
vt tua ope peccatorum meorum a Deo veniam exorem, &
gratiam: vt mores corrigam; vt ad religiosam perfe-
ctionem euadam: vt in morte, per Christi San-
guinem, & merita, per tue Sponsæ inter-
cessionem, ac per tuum iuge patro-
cinium & auxilium, sal-
uus fiam.



ELO-

ELOGIVM PRIMVM.

De Origine celeberrimæ Imaginis Glorioſe Deiparæ Mariæ Virginis, Panormum miro modo delatæ ; quæ Neapolitanæ illi, ab Arcu dictæ, quàmſimillima eſt.

Ioseph Silvestro. 2. Histor. lib. 6. An. 1610. fol. 268.

INter hæc, quæ de Vincentio Scarpato hætenus memoravi, illud præstantius, cuius grãtia maturare, atque anticipare eius vitæ descriptionem volui. Dixi, Salvatorem Ferrarium in eo totum esse, ut Mariano Scruorum Sodalitio, quod tanto cum populorum fructu instituerat, insignis quædam Magæ Matris Imago contingeret: ea nimirum artis excellentia, ut inflammarent sodalium studia pulcherrimi, spirantesque ab accurato lineamentorum ductu vultus. Interea temporis hoc ipsum agitabat Vincentius. Nam, qui Beatissimæ Virginis clientelæ addictus intimè erat, in id curas animumque adiecerat, ut eximius aliquis pictor inclytæ Reginæ Effigiem, quanta maximè venustate gratiaque posset, sibi efformaret; curabatque præcipuè, ut illi omninò similém exprimeret, quæ Nolanò in agro prope Neapolim, insigni gentium concursatione, ac pietate colitur, cui ab Arcu nomen. Imaginem non mediocri planè studio plerique delinearunt: sed cùm longiùs, à pulcherrima, quàm is Ideam conceperat, distarent, gratificando bono seni, aggredi opus celebrioris famæ pictor voluit: qui quidem, excitato supra communem modum ingenio, cælestem quandam Marianæ pulchritudinis formam sibi proposuit; expressitque ad vnguem argutus color, plantè, ut nihil effingi formosius, ac concinnius potuisse videretur. Verùm, ut cæteræ, ita & hæc etiam Effigies, Vincentij votis, minimè respondit. Ergo, quem peracre eius rei desiderium vellicabat, periclitari & alterius artem in animum induxit suum. Dum iret clemente, dat sese illi in conspectum honestissimo vultu, ac præclara quadam specie, Senex. Quò pergeret? interrogat. cùmque consilium votumque aperuisset Vincentius, explicato ille pallio, hilari quadam fronte, Deiparæ Imaginem, cuius in complexu diuinus Puer, ac similem omninò Virgini ab Arcu, depromit: & Habe, inquit, hanc tibi Effigiem, Vincenti. Ea est, quæ beneficia, nec quidem parçè, mortalibus depluet, excitabitque populorum venerationem, ac famam: proindeque præcipuo illam studio cole, ac serua. Planè ea erat ab Deiparæ vultu tabula, ut nihil delineare pul-

chrius

chrius quesitissimæ artificum curæ potuissent, spirabatque à diuino quodam penicillo incredibilis Virginea in fronte maiestas, ac dignitas; quam dum attentius contemplatur, sibi quæ intimè gratulatur Vincentius, euanuit, qui deprompserat, Senex. Quo monitus est, non quempiam è mortalibus, sed è Diuorum numero aliquem; nem illum fuisse: ac persuasum habuit, ab oris specie, à peculiari sui patrocinio, ab alijs item ab ea manu beneficijs; *Beatum Iosephum Augustæ Virginis Sponsum*, id muneris attulisse. Quo quidem, quæ eius erat humilitas, indignum se putans, ea statim Centurionis verba intimo cordis affectu protulit: Domina, non sum dignus, ut intres sub tectum meum. Scilicet, supra sui, suæque cellulæ conditionem, excellentem, ac diuinam Imaginem ratus; nobiliore quidem in loco, ac bono in lumine collocari oportere, existimabat. Itaque, cum probè sciret, Saluatorem Ferrarium tum quidem in id maxime intendere, ut in *initiatis Mariano seruitio* Sodalibus, Dei Matris Icon quam pulcherrima contingeret; optimum factum putauit, hanc illis cedere. Fore namque, ut in consertissima pientissimaque eius Sodalitij celebritate suæ statet Virgini obseruantia, ac veneratio. Ferrario, vt illam arcæno cœli ac *Diui Iosephi* munere accepisset, quò sibi commendata studio fuerit, quid subindè beneficiorum sperandum ab ea esset; aperuit: tum locum pretiosiore illo quauis genima donario locupletauit, ingenti eum Sodalitatis gratulatione, splendoreque, ac fructu. Neque verò facile dictum est, quantus illic in præclaram Effigiem pietatis ardor fuerit exortatus; & quo statim gratiarum affluxu præsto fuerit opem implorantibus Virgo. Curata persæpe pertinax morborum vis; sedatæ pelagi minæ, explicati claudicantium gressus, exturbati ab humanis corporibus rebelles genij, aliaque id genus prope infinita: vti beneficiorum testes, ac indices pro parietibus tabellæ testabantur, quarum deinde pars maior excidit, quo tempore transferri opportunior in locum Sodalitium contigit. Huiusce verò *Marianæ Imaginis* dignitatem, celestemque Originem, non modò Saluatori Ferrario Vincentius, sed prout augendæ in Virginem pietati opportunum sibi videbatur, & alijs etiam cum nostratibus tum exteris significauit: ea tamen conditione, ut quoad ipse superstes esset; tacerent. Inter quos fuit Hieronymus Pilus, egregia virtute Sacerdos ex nostris, qui dum supremo spiritu laboraret, afferri sibi *Diux Virginis Effigiem* voluit, expirauitque in eius conspectu, postquam eiusdem Deiparæ præsentia complexuque frui meruit. Ex his postea plerique, elato Vincentio, cum Panormitanæ Ciuitatis Vicarij nutu de Icone ipsa,

eiusque admirabilitate ritè inquireretur, protestimonio dixere; accessitque momentum planè ingens, ac firmitudo, communi pietati, ac famæ, quæ per aurium traduces propagabatur. Atque hæc de Sodalitio Seruorum Virginis, quod à retencuncupant, à Salvatore Ferrario excitato, ac de sacra ibi imagine non manufacta.

Narrat hoc ipsum, in suis Beniaminis Marianis, ubi de Vincentio Scarpato agit, P. Hippolytus Marracius, è Congr. Cler. Regularium Marris Dei, vir, non minus eruditione, quàm pietate, & studio præsertim in Virginem, adeò insignis, ut quicquid lateat in omnium Religiosorum Ordinibus, & cuncto penè Orbe dispersum, quod tamen ad excitandam in Deiparam fidelium deuotionem conducit, ipse vnus studiosissimè exploret, è tenebris eruat, stylo excipiat; & magna omnium utilitate, emittat in lucem. De eadem scripsimus & nos.

In mirac. Deip. Prouid. cap. 1. 2. 3. à fol. 4.

In 1. 10. de sacris carem. opusc. 1. diq. 8. fol. 51.

In Vit. F. Alipij August. Disc. cap. 1. fol. 9.

In ferm. S. Caiet. ser. 10. cap. 2. fol. 388.

In secessu ad Exerc. spir. fol. 308.

In Crucifixo Panorm. cap. 4. fol. 87.

Neque mirum videri debet, seni illi Vincentio, erga Deiparam ab Arcu, flagrans adeò studium exarsisse: cum idem P. Silos, de altero socio B. Andreae, etiam sene Laico, cui Nomen Vbalduſ Pellizariuſ erat, post descriptam vitæ innocentiam ac pietatem, hæc habeat: Qui in omni pietatis, atque innocentie laude vixit, mortuus deinde est piissimè. Instare iam transitum ea quidem constantia affirmabat, veluti superiore quadam luce collustratus sciuisset. Adire omnes, petere, veluti mox abiturus, demissè veniam; eaque potissimum pronuntiabat: Venit hora mea. Adire hac item viciniore fati persuasione ædem Deiparæ ab Arcu, sex circiter mille ab Vrbe Neapoli passus, voluit: idque pedes profundi virsenij: nempe vt dimissionem à Deipara impetraret. Quibus peractis decubuit. Redemptoris Crucis pendens imaginem eius vitæ comitem postulat: tum ad demones abigendos lustralis aquæ vas apponi iussit, ac librum afferri ad laborantis animæ subsidium. Nec mora: expiatus ritè sacris, ea, quæ diximus, animi securitate ac quiete, spiritum posuit. Hæc ille. Et mihi facile persuadeo, quòd ab ipso B. Andrea, quem imitari studebant, Vbalduſ & Vincentius eius socij, erga B. Virginem ab Arcu, eximiam pietatem acceperint. Testes verò, qui cum iureiurando calitis Vincentio datam Deiparæ imaginem affirmarunt, quamplurimi numerantur, quorum verba alibi cum fide retulimus. Sed de B. Virgine ab Arcu, nostro primùm Or-

Silos par. 2.
hist. lib. 7.
fol. 346.

Vide lib. de
Deip. Prouid.
cap. 1.
fol. 12. 13.
& 14.

dini

*dini a Clemente VIII. Pontifice destinata, qui consultò curam hanc recu-
savit, scripsit Episcopus Acerarum in hist. cap. 67. fol. 262. Ioseph
Silos par. 2. hist. lib. 1. fol. 40. 41. & 42. Ludovicus Marracius in vita
Ven. Servi Dei Ioannis Leonardi lib. 2. cap. 4. fol. 155.*

ELOGIVM SECVNDVM.

*DE PROVIDENTIAE Nomine, quod eidem Beatissima Virgini,
in magna populi frequentia, solennissime
inditum fuit.*

*Vener. Dei Servus, D. Carolus Thomafus, in Exercit. presentia Diva MARIAE,
Domina PVRTATIS, & PROVIDENTIAE, fol. 22.*

EXtat Panormi, in Aedibus S. Iosepho sacris, celeberrima &
verè cælestis Imago Mariæ V. Deiparæ, quâ Vincentius Scar-
patus, B. Andreæ Auellini socius, sanctæ vitæ ac mortis fama lon-
gè clarissimus, Sodalitati Seruorum B. Virginis dono dedit; annis
elapsis, à P. D. Francisco Maria Maggio, qui Sodalitio præerat,
propter ipsam (insperatò acceptæ) Iconis originem, & ob innu-
mera admiranda quibus inclaruit, cum magna celebritate, quam
illusterrimus & Reuerendissimus D. D. Didacus Garzia de Trasmie-
ra, Apostolicus Inquisitor, sacris ibi solenniter operatus, & con-
cionatus, adauxit: dum plerique Urbis Dynastæ, & multa Proce-
rum capita, ac magna vis populi circumstarent: S. MARIA PRO-
VIDENTIAE, nuncupata est: eoque titulo, ab omnibus, nomen,
& venerationem accepit; quæ aded excreuit, vt, quarta quaque
feria, ad eam passim populi supplicationem instituunt; & mul-
tæ etiam nudis pedibus, atque cum lacrymis accurrant;
Confessionis, & Communionis obeant Sacramen-
ta; argentea deferant vota, & alias eleemo-
synas offerant: eam vicissim Beatissima
Virgo, & ipsa non dedignetur,
iuxta cuiusque necessitatem,
prospicere omnibus
affluenter.



*Idem Prouidentia Nomen, Vlyssipone, Mariane
Ædi excitatæ, nostri etiam homines indiderunt.*

ELOGIVM TERTIVM.

De sanctæ Mariæ Prouidentia festo die, altera post Epiphaniam Dominica, non humano consilio, celebrato.

Sodalitas servorum B. Mariæ Virginis lib. de Orig. Iconis S. Mariæ Prou. cap. 4.

INstante igitur Aragoniæ Principe, viro cum paucis natalium luce atque animi dotibus comparando, à Reuerendissimo D. D. Francisco Salerno, qui illustrissimi & Reuerendissimi Domini D. Ferdinandi de Andrada, Archiepiscopi, Panormo absentis, vices gerebat; D. Franciscus Romanus, Vtriusque Iuris, & S. Theologiæ Doctor, ac Panormitanæ Cathedralis Ecclesiæ Canonicus deputatus, vna cum alijs ministris, venit in sancti Iosephi Templum, ac Cæmeterium: vbi inspecta primùm Icone, eiusque pulchritudinem demiratus, his statim vocibus exclamauit; Quid opus testibus? Ipsa mihi rei veritas satis constat: Tantam huius Virginis Deiparæ speciem, ob ingentem eius in ore decorem ac maiestatem, caeleste opus dixerim, non humanum. Et sensim, qui aderant, in sententiam eandem iuere. Mox quæstione ritè instituta, plures acciti, & ad examen vocati, testimonium de Iconis origine, non sine magna omnium admiratione, dixerunt. Ita res, complurium fide dignissimorum testimonium Sacramento comprobata, Illustrissimis & Reuerendissimis violatæ fidei in Regno Siciliæ Quæstitoribus est exposita, vt, ad eam benè firmandam, ipsorum pondus & auctoritas accessisset. Interim rei rumor, & antiqua in eam Virginis Imaginem pietas, iterum ac vehementius excitata, omnium corda, & ora compleuerat: præsertim, quòd ipsa Icon à miris, quæ continuò eadem in Vrbe patrauerat, sancta Maria Prouidentia, est appellata; ideòque, per octo dierum spatium, insignis solennitas est indicta; annuente ipso Aedium Præposito, D. Francisco Marchesio, viro docto; qui desperata à Medicis vita, hoc voto à Deipara salutem acceperat, vt permitteret, ab eo, qui sodaliticum temperabat, omnem operam poni, in Prouidentia Domina quàm solenniter celebranda. Illud autem admiratione, & omnium seculorum memoria, in hoc Prouidentia titulo, dignum obigit, quòd indicta illius dici festi celebritate, vel in Christi Natali, vel in Magorum aduentu; nunquam tamen, per Illustrissimi & Reuerendissimi Domini D. Didaci Garziæ de Trasmiera, Apostolici Inquisitoris, tum

facris

facris operaturi, & concionaturi, occupationes & negotia licuit, nisi secunda post Epiphaniam Dominica, festum agi. Sed quod agrè admodum ferebamus, præter omnium opinionem, & vora, veluti importunum, & insolens, ac minus tempori congruum, accidisse; porro diuinitus, & mysterio insigniori dilatum fuit: ea quipè die, quod nemo nostrum aduerterat, sanctæ Mariæ Prouidentiae ritè olim solennitas instituta: cùm nimirum conuiuis, Dei Mater, in Canæ Galilææ Nuptijs, vino carentibus, insperatè abundè prouidit. Sic totam hebdomadam, cum magna ad Deiparam populorum frequentia, & Urbis lætitia, celebrauimus. Ipse verò Quæstitor, primo die festo, post sacrum solennissimè actum, & sermonem disertissimè habitum, sua manu Procures ac Nobiles Matronas, ad Virginis Aram, cunctos in Deiparæ famulos, & seruas adscripsit. Itaque, post Octauas de more actas, cùm populorum frequentia non deesset, & omnes aditum ad Virginem postularent: conuenit inter nos, vt semel in singulas hebdomadas, omnibus ad expositam Prouidentiae Dominam pateret accessus. Sic, quarta quaque feria, statim ad eam à deuotis viris, ac feminis, supplicationes indiçæ, quæ, à summo mane, ad vsque primam noctem, nisi factò à ianitoribus quandòque strepitu & impetu, non cessabant. Ex planè, D. Hieronymus Clodinius, qui, inter Quadagesimæ Conciones, eodem in Templo habitas, quarta quaque feria, de ea Deiparæ Imagine studiosissimè differebat, populorum pietatem in Virginem mirificè adauxit: excolustque diutius D. Petrus Platanobilis, vir sacra & insigni etiam eloquentia præditus; qui, collato piorum ære, Deiparæ Aram nobiliorem, & augustiorem extruxit.

ELOGIUM QVARTVM.

De Aqua saluberrima, qua Panormi, sub Ara ipsa, S. Maria Prouidentie scatur.

Ex lib. S. M. Prouid. cap. 3. fol. 43.

QVI Prouidentie titulum, ac nomenclationem Iconi illi Panormitanæ impertierat, institit plures annos, enixè rogans quotquot Sodalitio præerant, vt sub Aram Diuæ Virginis telurem effoderent: nam spem animo suo conceperat, quod manantem inde saluiferum Laticem inuenirent. Sed nemini hoc arde-

bat:

bat: imò omnes veluti piaculum audirent auerfabantur. & multa passim obijciebant. Accidit tamen, vt, è viuus illo sublato, qui sodalitium temperabat, & aquę perscrutationem non approbauerat, ipse rogaretur & à sodalibus, & à Patribus, vt hanc omninò curam susciperet: adeoque precibus vel à Pręposito ipso coactus fuit, vt prouinciam minimè detrectauerit. Sed primò omnium, cùm Sodalitium est ingressus, humillimè se Deiparę mancipauit, sermonemque habuit ad sodales, ipsos exstimulans, & inflammandus, ad Diuę Prouidentię aquam cum lætitia perquirendam, quę facillè cum Deo ope morbos expelleret, ac curaret. Et quanuis plurimi à demone excitati vehementer obstarent, vicit tamen Patris autoritas & constantia, lapicida euocato, qui sub Aram rupem ipsam scalpro excideret ac cauaret. Anno itaque 1668. Sabbato die 7. Ianuarij mensis, non sine magno labore, rupes intimè ad vndecim ferè palmos excisa est: & cùm fortassè omnes exitum desperarent, statim ac vespertinum Angelicę Salutationis signum insonuit, è rupe ferro percussa, ingens sanè fluius emanauit &c. Aquę verò conditiones ac mira libellus, qui tunc Panormi typis impressus est, & hoc Distichon indicabat:

*Huc agri, huc inopes: scatur, vndæ en Virginis Ara;
Qua facillè morbos, & mala cuncta fugat.*

ELOGIUM QUINTVM.

De S. Mariæ Prouidentia Imagine, Syracusis exposita; & de Equitum Columbe Societate, sub eius auspicio solenniter instituta.

Ex Diario M. S. Domus S. Andrea Syrac. an. 1650. 51. & 52.

CVM S. Mariæ de Prouidentia Simulacrum, Panormi, in Templi S. Iosepho sacri cœmeterio expositum, quarta quaque feria, magno omnium ordinum concursu, ac frequentia coleretur; mira, quæ ab eo, crebris populorum votis, ac supplicationibus implorato, longè fama latèque diffusa patrari audiebantur in dies, Patrum hinc degentium animos excitant, vt præter S. Mariæ Puritatis Iconem, cui sacellum, ex Comitiorum Decreto, dicatum erat; anno Iubilei, ad principem Templi aram, vetustam alteram B. Mariæ Virginis Effigiem exposuerint: vt nimirum fideles, Dominica

qua-

quaque die, eiusdem Providentiæ titulo, & auspicio illæti, ad poscendum ab ea præsidium & opem accurrerent. Neque rei euentus Patrum spem ac pietatem fefellit: cum subinde Deipara, ipsorum votis, ac piorum hominum precibus, annuere videretur. Itaque, ut Virginis Providentia, & Patres iterum vrgeret, & Proceres, in procurandum Dei cultum, morum emendationem, Sacramentorum frequentiam, patriæ opem, & pauperum leuamen, incumbere; anno insequenti, celebris Sodalitas, ante eandem S. Mariæ de Providentia Iconem, ipso S. Caietani peruigilio, sollemnissimè est instituta. Et ritus institutionis hic fuit. Sodalitatis necessitate, Excellentissimo Domino, qui totius Regni administrationem faustè sanctèque susceperat, per literas iteratas exposita: & venia, ut tanti Præfulis, imò & Principis, autoritas non deesset, à Patribus exorata; Templum S. Andree, plurimo lumine auctum, aulæis, peristromatis, & stragulo conpositum, ingens populi ac nobilium matronarum turba compleuerat. Cum eò Proceres, ex Aula Pontificia, ad vnum omnes, longa serie celeberrimè deduxerunt illustrissimum & Reuerendissimum D. Ioannem Antonium Capiblaneum, Episcopum. Hic, ante Deiparæ Virginis Aram, & Beati etiam Caietani, Patrum Fundatoris, Effigiem, Hymno *Veni Creator Spiritus*, pijsque alijs precibus decantatis, ut Diuinum Numen, maturius imploratum, præsens operi annueret; surrexit Pontifex, & illustri paludamento ac syrmate quo erat indutus, Clericis atque Proceribus hinc inde dispositis, ante Aram assedit. Tum, è pyxidicula argentea, ubi omnium nobilium Nomina, descripta in schedis, asseruebantur, confulsis primùm pro more sortibus, ut fortuitò obtingerent, viginti Procerum siue secularium, siue Sacerdotum Nomina & Cognomina extraxit: quæ, post explicatas, & lectas publicè schedas; & tubarum clangore, & ahenis tinnitibus, & explosis tormentis, vniuersa penè Vrbs, in lætitiâ & plausum effusa, consalutauit. Itaque, hi omnes, & Pontifex, in Aediculam quæ Templo adiacet, submota hominum multitudine, conuenerunt. Vbi lectis & expositis Institutis, rogauit Antistes, an liberet in posterum ea simul omnia constantissimè profiteri? Et cum nemo non annuisset (edita etiam Deo Deiparæque Providentiæ Oblatione à Sodalibus) Præsul primùm, mox Præpositus, & omnes qui aderant, super Virginis Aram, ex ordine Codici subscripserunt. Instituta, quæ pollicebantur, hæc erant. Posthac, impensius Deum amare: tueri vel vsque ad effusionem sanguinis eius fidem: Dei cultum, venerationem sanctissimi Sacramenti, ac fidelium deuotionem in Virginem,

omni

omni opera & conatu quo poterant, excitare: aliquot verò Sanctorum celebritates, tenuiter haberi solitas, exaugere: ita colere Sacramentorum frequentiam, ut quotidie ipsorum aliquot, vicissim, Communionem obirent: sic addictos esse Deipare, ut eam sibi Dominam & Patronam adsciscerent: percolerent eius festa; eam, singulis horarum ictibus aduociti, salutarent. Ita verò perpetuè orationi studere omnes, ut horis diei singulis, aliquot ipsorum mente, vel ore, siue longioribus, siue breuibus, & iaculatorijs precibus, assidue saltem ingeminatis, à Deo, peccatorum remissionem, emendationem morum, Fidei propagationem, & Mundi Innouationem, exposcerent. Ad hæc, Sodalitij Sacerdotes, cum suaderet opportunitas, varias Missiones obire; Confessionem & Communionem. Generalem, præsertim ad portum appulsi striremibus, & rudioribus in villis, indicere; Christianam Catechesin pueros edocere; publicè per Tempia & plateas sermonem ad populum instituere; & passim omnes, ad vitiorum odium, ad studium virtutum, ad Deiparæ affectum, ad Dei amorem & obsequium incitare. Equites verò, ad quodcunque publicum Urbis malum, præsertim Incendium, Famem, Pestem, Seditionem, Bellum, vel periculum Fidei (quod Deus auertat) propulsandum arcendumque, accurrere omnes, ut Patriam, etiam cum vitæ discrimine, liberarent. Interim quotidie omnes, ternos, quaternos, aut quinos, dare operam in Xenodochio decumbentibus; binos saltem inuisere carceres; singulos domi certatim peregrinos excipere: semel etiam in hebdomada à duobus cum linteo pecuniam corrogari, ad pauperum inopiam subleuandam: & cuius Urbis calamitati, semper opportunè in diem prospicere omnes. Sed Sacerdotes & Equites, quotannis, secedere ad spiritualia seorsim Exercitia minimùm quinque dies: ab Ascensione verò Domini, usque ad Pentecosten, per eos decem, solito feruentius in orationem incumbere; & arctissimo Sacramento, per sancta Dei Evangelia edito, in manu Antistitis, ante omnia, Fidem suam, in Deum, & in Catholicum Hispaniarum Regem, obstringere tenebantur. Quamobrem, in sodalium & Equitum censu, Regium Ministrum D. Albertum Iordanum Armorum Ducem, ut aiunt, præcipuè numerarunt; virum, quem ob morum integritatem, animi modestiam, & prudentiam singularem, nemo non eximie commendabat. Sodalitas, à Diuino Amore appellata: ut, nimirum, instaurari ea nunc ipsa denuò videretur; quam, olim Romæ, in SS. Siluestri & Dorotheæ Templo, primi Clericorum Regularium excitauerant. Sodalitij stemma, Columba candidissima erat, & quæ

alis hinc inde auolans explicatis, Crucis cornua referebat; vt vno hoc insigni, & Diuini Amoris titulum, & Ducem Christum, & Patronam Deiparam, & prouidam pietatem in proximum, & sinceram Sodalium fidem, tum in Deum, cum in Catholicum Regem Hispaniarum, quotquot adscripti erant, exprimerent; *Columba Equites* etiam imitati, quos Ioannes, primus Castellæ Rex, anno 1390. inter Hispaniæ Proceres, & Aulicos, instituerat. Verùm, ad alterius cuiusdam Sodalitatis discrimen, quæ Columbam inter lilia gestat, stemmati Oleam addiderunt: vt etiam, hac tessera, & symbolo, verberem misericordiam ac prouidentiam ostentarent; & nouam, Orbis, vel suæ saltem ipsorum Vrbi, morum Reformationem auspicarentur. His & similibus Institutis à singulis, vt iam dixi, subscriptis, monuit Pontifex, vt aliquis ipsorum, omnium caput & Princeps eligeretur: & in D. Marium Aretium, Targiæ Dynastam, (Propaginis Magni Cardinalis Aretij dignum ramum) cui facile primas, & generis & opum splendore, ac robore animi, concedebant; singulorum suffragia conuenerunt. Porro, mirum admodum fuit, quod gentilitium eius stemma, à nemine ante consideratum, cum Columba & Oleæ Ramusculo sit inuentum, addita subscriptione, *Merentibus*. Quod, vt casu accidit, præter omnem opinionem sodalium; sic euulgatum, nemini admirationem non excitauit. Illi proximè adiuncti sunt D. Pompeius Columna, Cathedralis Ecclesiæ Archidiaconus, & D. Nicolaus Danielius, Baro Canigatinensis, qui genus & indolem, mira morum suauitate, humanitateque, atque alijs animi dotibus, cumularunt. Mox reliquis Officijs, iterum omnium sefragio distributis, sua cuique Orationis hora, dies Communionis & inuisendi carceris, dies ægris in Nosocomio ministrandi, omnisque obeundi muneris, à Pontifice per schedulas, est indicta. Itaque, vidisses Equites, miro omnibus exemplo, solito crebrius expiari noxarum confessione animas, vt Christi epulo pascere; pauperumque inopiam explorare, vt opportune leuarent. Vidisses nobiles ac delicatos, sine pallio, sine galero, sed solo ense præcinctos, vilium famulorum in morem, quotidie Xenodochij ægrotis cubilia sternere; languentium ori, manu sua cibum ac potum admo- uere, & omnibus quam poterant opem ferre. Vidisses ipsum Hispanum Armorū Ducem, imò Antistitem ipsum, statâ hora primum omnium ad ægris ministrandum accurrere; & omnia Equitum munia, mira animi alacritate sedulitateque, subire. Vidisses qui ade- rant, obtantam Episcopi & Procerum humilitate attonitos, cohibere vix lacrymas; & statim pallio & galero proiectis, eadem pie-

tatis officia studiosissimè amplecti. Vidisses feminas nobiles, aut Patrum monitis, aut virorum suorum exemplo excitas, ita se in hebdomadas singulas ex ordine distribuere, ut quotidie inuisendis ægrotis mulieribus, leuandæque pauperum certatim puellarum inopiæ, non deessent. Sed proh hominum infelicitatem, rerumque inconstantiam! Hæc, dum sedulò gererentur, ut Dei cultum ac gloriam plurimum exaugebant, sic Dæmonis aded inuidiam incitarunt, ut per satellites suos funditus Sodalitatem euertere, ac cunctos perdere, cogitauerit: eò sua fraude collimans, ut non Sodalitas modò, sed ipsa fermè Nobilitas, vno icu concideret vniuersa. Syracusana Ciuitas, ut perantiquo elogio ac titulo audit, *Deo ac Regi suo fidelissima*, sic auiti decoris tenax, non facilè nouos aut externos nobiles in syllabum suorum adscribit; suis contenta dumtaxat Aretijs (serie alphabetica loquor) A Valle, Bonannijs, Bonaiutis, Borgijs, Celestrijs, Danielijs, Deamantijs, Falconijs, Grauinis, Grimaldis, Landolinis, Montaltis, Platamonijs, Requesenijs, Romæis, Salonijs, Scamachijs, & alijs eiusdem notæ familijs, quæ, ut Syracosum nomen, sic satis Sodalitium illustrabant. Id ergo negotium facessuit, ut ex suis ipsa, quos alii, sæpe æmulos & inuidos sic experta: qui, nimirum, ut liuori litarent, ipsam turpissimè insimularunt. Cùm itaque per leges Sodalitij non liceret, exceptis Sacerdotibus, quos, dum probitate & doctrina pollerent, ex omni genere hominum admittebant, ut in album Sodalium nisi nobilissimi referrentur: nonnemo hoc numero exclusus, & à Diabolo præstigiatore deceptus, scripsit Panormum, ut vigilantissimo Principi insusurrarent, ad hoc Syracusis Sodalitatem inuentam, ut eius rei architecti flagitiosissimum aliquod facinus ausu impio adorirentur. Porro, ea est temporis huius acerbitas, ut inter summa scelera hominum, etiam in piorum gestis, si aliquid Sycophantæ deserant, facile suspicio oboriatur. Et cùm malorum initia præcidere, & illicò vires opprimere doceamur; dum Sodalium fama longè latèque manaret, & miris omnium laudibus inclarescerent; Princeps, ingenti hac criminatione coactus, quæ erat eius prudentia, statim Sodalitium interdixit: reique serie, quam Panormi acceperant, ad Catholicum Hispaniarum Regem delata, extrema omnia plurium capitibus imminerent. Ut rei rumor in dies de more percrebuit, facile obloquentibus fuit, alias calumnias & fabulas serere; quas cordatus quisque non audiebat, cuius statim in Syracusanos iræ non exardescerent, dignosque eos nobiles putarent, qui, vel supplicio, vel saltem exilio, punirentur. Interim Sodalitatis Autores, qui suam

ipsi

ipsi fidem, & conscientiam nouerant, nihil minis, nihil ipsi Dæmonum commentis exterriti, ad commune asyllum adeuntes, S. Mariæ Prouidentiae auxilium implorarunt: vt quæ operi præerat, tueretur ipsa quæ poterat Sodalium innocentiam. Audiuit Deipara has preces, & suo ipsa præsidio statim adfuit. Cùm vis enim persecutionis ingrueret, & eidem qui cœperat integrum esset, mala in sodales officia ingeminare; Excellentissimus Dux Infantadus, B. Virgini addictissimus cliens, qui nouus Roma Prorex aduenerat, fausta omnium acclamatione, totius Siciliae Regni administrationem inuit: & vt Regiam stirpem, quam trahit, mira sapientia & prudentia exornat, facile à se nouit merissimam imposturam. Ergo nostrum Antistitem, qui Panormum, gratulationis ergò ad ipsum accesserat; mira humanissimi animi significatione, ac beneuolentia excepit; illumque, & proceres, nouo semper in dies amoris indicio, ac beneficio, cumulauit. Nec post multò, cùm nequissimorum hominum calumnia, Regis adhuc offensio timeretur; Dominica die, qua S. Mariæ de Victoria festum agitur, omnes insignem victoriam reportarunt: Regio Diplomate, nostro ab Antistite, Syracusis, accepto, quo nimirum, Catholica Maiestas, & institutam ab illo *Spiritus sancti*, vt nominat, Sodalitatem probaret; & Sodales, *Equites* diceret; & eius zelum ac fidem, quam diu ante penitissimè nouerat, nunc efferret. Regias verò literas, Regis ipsius manu subscriptas, Petrus *Columbus*, Regi à secretis, fausto sui cognominis auspicio, dederat. Nec ludimus, sed verum narramus: Cæli etiam plaudentis indicium, huic Regio Diplomati, affulsit. Visus quippè, luce decima octaua Mensis Decembris, eiusdem anni 1652. præsertim in Sicilia, & Romæ, Cometes fuit, siue, vt alij malunt, insignis astrorum nexus; qui, vt D. Io. Baptista Hodierna, Palmæ Archipresbyter, Astronomiæ scientissimus, scripsit, *albedine & magnitudine, Columba speciem referebat*. Idem etiam de eodem Comete discursum edidit, *Columba volans* inscriptum; quem cùm Autor inspexisset, statim ad Pontificem nostrum misit, & hoc Distichon addidit.

Nata Syracusis, te authore, micantibus alis,

Ecce ubi conspicitur nostra COLVMBA VOLANS!

Eandemque P. Hippolytus Marraccius Equitum institutionem (originem eius referens ad Ioannem I. Castellæ Regem) ita describit: Ioannes Primus Castellæ Rex, paulò ante vitæ finem, in honorem Deiparæ Virginis, quæ Columba est immaculata, Ordinem Militarem instituit: & Columbæ effigie ex torque aureo Equites insigniuit. Quorum.

F. M. M.
C. R.

P. Hippolit.
Marrac. in
Regib. Ma-
rianis cap. 9.
§. 6. fol. 143.

fidem, religionem, & cultum, erga Deiparam, Syracusani aliquot Proceres, & Equites imitati, Columbam candidissimam exhibent: vt hoc insigni Virginem Dei Matrem Societatis Patronam, & Tutelarem ostendent. Nec solum contra Pestem, Famem, Bellum, Incendium, ac Hæresim vigilant: sed sancitis, iuratisque legibus obligantur, ad singula Horarum signa, Deiparam, aperto omnes capite, venerari: celebrare insigniter eius festa: Communionem Generalem ad eius honorem pluries instituere: inuifere carceres: peregrinos excipere: alere inopes: & vicissim quotidie in Xenodochio decumbentibus, cubilia sternere, ac fercula ministrare. Catholicam verò Fidem, ac sanctissimam Christi Matrem semper immaculatā, contra omnem Paganorum nequitiam, & Hæreticam prauitatem, quoties opus sit, vsque ad sanguinis effusionem tuentur. Et quasi spirituales Ciuitatis Excubiæ, quotidie per horam in orbem, omnes orationi, aut mentali, aut vocali, aut iaculatoriæ sic insistent, vt nulla sit diei omnino particula, quæ Marianos alumnos, vicissim saltem, vt dixi, ad obsequium, cultumque Deiparæ non inflammet. Quam porro Equitum Sodalitatem, ab Aretijs, à Valle, Bonannijs, Bonaiutis, Borgijs, Bouuijs, Cælestrij, Columnijs, Danielijs, Demantijs, Grimaldijs, Landolinis, Platamonijs, Seamachijs, & his similibus clarissimis, ac Deiparæ studio addictissimis Familijs illustratam, Ioannes-Antonius Capiblanus, Syracusarum Antistes, sexta die mensis Augusti Anni 1651. in *Ædibus S. Andreæ Apostolo sacris*, ante Aram sanctissimæ Virginis Mariæ de Prouidentia erexit: & Philippus IV. Hispaniarum Rex, datis Literis die 1. Augusti Mensis Anni 1652. amplissimè comprobauit. Regium verò Diploma, à Petro Columbo Regi à secretis conscriptum, & subscriptum à Rege, post varias dæmonum oppugnationes, ac penè desperato iam exitu, Syracusas, die S. Mariæ de Victoria sacro, perlatum est. Et interim Cælo Cometes, omnium oculis spectabilis emicuerat; quem ab albedine ac figura, quam placidè referebat, COLUMBAM VOLANTEM Astronomi appellitarunt: vt hoc Deipara indicio, erga Fidei vel Columbæ Equites, felix omen, ac susceptam protectionem ostenderet. Mortalem autem sarcinam, deposuit Ioannes Rex, primus Ordinis Equitum Columbæ in honorem B. Virginis institutor, Anno Sal. 1390. *Hactenus P. Marzaccius. Eadenque scripsit, ac luci dedit Franciscus à Longobardis in Cent. fol. 123. Et nos fusi in libro, cui titulus, COLUMBA VOLANS, Romæ impresso Anno 1657.*

ELOGIVM SEXTVM.

*De virtutibus Venerabilis Vincentij Laici, à quo prima olim Effgies
S. Maria Providentia accepta est.*

Iof. Silos par. 2. hiflor. lib. 6. fol. 264.

CVrabat Ferrarius, vt (in præclaro feruorum Deiparæ Soda-
litis) insignis quædam Augustæ Reginæ Effgies communem
obferuantiam exaugeret. Dum hæc ipse cogitat, allata ex inspera-
to, ac cælesti manu Icon Fratri cuidam ex nostris Laicis, viro in-
signiter probo, cuius vitam, ac mores, attingendos hic breui duci-
mus, vt noscat lætor, eiusmodi fuisse hominem, qui meruerit diui-
na hac beneficentia, gratiaque honestari. Vincentius Scarpatus,
hoc illi nomen, in Vico Aequensi natus, educatusque à modicis
pijsque parentibus. Pudicitiz præsertim à prima ipsa ætate adeo
studiosus fuit, vt eorum testimonio, qui eius diutius conscientiam
temperarunt, delibari pulcherrimam virtutem, nunquam permise-
rit. Id illi in feruentiori ætate accidit. Nam cum acrius aliquando
admorderet sensus, repellendam vim vi duxit: arreptoque ferro,
secretiore sui partes ita præcidit, vt Beatissimæ Virgini adscripse-
rit, quod non illico concidisset exanimis. Nempe rudis adhuc Chri-
stiani officij, persuasum habuit, licitum esse, vel cum corporis vi-
tæque dispendio, Virginitatis florem tueri: ostenditque nihilomi-
nùs errore illo præclarum quendam ad virtutis honestatem impe-
tum. Religiosi deinde instituti mentem cum concepisset; Neapo-
li, in Paulina domo, exceptus à B. Andrea Auellino fuit, cui desti-
natus postea socius: & qui pronior ad omnem disciplinam erat, ab
assidua tanti viri consuetudine, nimium quantum expolire suæ vitæ
rationes, atque inflammare eximia in Deum caritate pectus, visus
fuerit: planè vt cum in re domestica, tum in interna sui exercita-
tione, admirationi exemploque esset omnibus. Constituendæ Pa-
normitanæ coloniz, cum primis destinatus Vincentius, agente
præsertim Auellino, qui nouerat peridoneum præclaræ domus ru-
dimentis virum. Is verò ita Panormum velificauit, vt incredibili
quodam animi sensu auelli ab sanctissimo senec significaret: quanuis
ea spes tristitiam lenirer, qua in digressu animos fecerat Andreas,
fore nempe, vt receptus olim cælo, ac Deo propior, ipsius effect
potissimum memor. Nec sefellit promissum. Exutus namque mor-
tali-

tali-

talitatem Auellinus, vt ostenderet, non excidisse animo Vincentium, illi se se non semel obiecit inspiciendum, ea quidem gloria, ac luce, vt ardere tergemino sole vultus videretur. Quibus ille ostentis, atque amantissimi Patris illecebris, admoueri sibi peracres ad perfectionem stimulos sentiebat. Quæ duo pugnare secum videntur; nempe externus labor, atque interioris hominis mentisque recollectio, innexuit ipse egregiè. Opsonatorem diu egit; quo quidem officio nihil operosius: inuolabatque simul in alia domi opera, incredibili quadam spiritus ac virium alacritate: vt nullis vnquam fractum laboribus, ac nunquam feriari virum, mirarentur plerique omnes. Planè, cùm aliequi comis, vt vultu, ita & moribus esset, subirasce nihilominus, atque inflammari videbatur, quoties interquiescere ex fratribus Laicis aliquem, aut optare curarum intercapedinem aduerteret: scilicet, laborum tolerantissimos perinde & amantissimos, hoc est, sui similes sodales cupiebat. Illud omnino ab Auellino expressum: nempe, vel implicitum morbo, occupationes atque officij sui munus pergere. Visus non semel, cùm maximè sciret malum, surgere, adesse coquo, domo egredi: veluti laxamentum aliquod, aut remedium morbi esset labor. Accidit aliquando, vt laboriosum quoddam opus perfecturus cùm esset, fatisceret à presenti valetudine corpus; nihil tum illi molestius, quàm ea imbecillitas. Numen ex animo implorat. Mirum planè dictum; ita confestim vegetari confirmarique vires sensit, vt perindè quasi nulla diuexaret morbi vis, ad multas horas conficiendo operi desudauerit: quo deinde expleto, redijt imbecillitas ac languor. Cum hac verò externorum operum assiduitate, affixa semper Deo mens erat. Quicquid à domesticis ministerijs supererat temporis, precibus dabat. Vnica illi ac iucundior à corporis defatigatione quies, oratio. Nunquam deprehendere illum in cellula erat, nisi genibus nixum, orantemque. Noctu præsertim, precibus prolixius incumbere: compensabatque diurnas curas, nocturna mentis exercitatione. Nec sine diuinorum sensu, supernisque illustrationibus, preces erant. Quasi pse illustrationes ac sensus referre quotidie in commentaria, accuratè solitus erat: vt alloquentis Dei monita ac impulsus, opere subinde exequeretur. Porro, ab orandi assiduitate, callum genibus ea quidem magnitudine obdlexerat, vt conspici post eius mortem sine ingenti omnium admiratione minimè potuerit. Hinc frequens ac familiaris sermo de Deo, quem ob oculos semper habebat. In foro, in officinis, cum omni mortalium genere, adhortationes ac monita salutis serere; vt iam in summa omnium veneratio-

ne ac laude esset. Nec mediocris sanè à forensibus eiusmodi allocationibus prouenire in dies fructus cernebatur: præsertim, quòd correctionibus, cum zelo opus esset; non parceret. Feminam ita iræ obnoxiam, ut indigna Christiano ore verba erumperent, monuit aliquando peracerbè, comminatus insuper diuinam vindictam, ac fore, nisi blasphemijs furorique temperaret, ut mulctaret acriter linguam læsum Numen. Non paruit fœmina. Nec mora: vsque adèd illi intumuit lingua, ut horrendum in modum exerta, fœdum visu spectaculum exhiberet. Adfuit Vincentius, qui pœnam denunciauera; cùmque pœnituiſſet iam illam, eoque supplicio reuocatam ad frugem agnosceret, fusa ipse ad Deum prece, linguæ incolumitatem ac vsum impetrauit. Non viatum longinquitas, non temporum iniuria, non imber æstusque absterrebat, quominus fratrum commoda accuraret. Atque huic quidem caritati comprobandæ non defuere ostenta ac mira. Semel pisces communi mensæ frustra in foro quæsiuerat. Vellicabat proinde caritas, dolebatque vehementius, deesse annonam Patribus: cum ecce tibi graui quodam aspectu Senex, qui cum de nomine compellans: Ecquid, inquit, petis, Vincenti? tùm ex insperato lætissimi piscis cistam protulit; ac dum soluere Vincentius pretium parat, euauit bonus Senex, quem fuisse D. Iosephum, cui ipse cum primis addictus, persuasum habuit. Aliàs, domo egredi prouecta iam nocte oportuit, sæuiente hyeme, ac cœlo fœdis imbribus. Non hæc illum incommoda morantur. It, redit, cadente nimirum vberius pluuiâ. Sed dum putant profundè immauiſſe, aduertunt, intactum omnino imbribus... Accidit præcipuè, ut illum grauiter aliquando ægrotantem Carolus Thomasius, Sacerdos ex nostris spectatæ virtutis inuiferet, piaque adhortatione consolaretur. Quæ ille verba auidè excepit; sed mox vultu quidem quem egregius ardor animi accendere videbatur, ea ipse vi ac facultate dicendi de diuini Amoris excellentia loqui cœpit, ut materiam hanc omnem, & quæ præcipua in ea sunt capita, insigni quadam facultate, ac supra vulgarem hominis conditionem doctrina explicauerit, versaueritque, admirante vehementius Thomasio, qui à vultu ac dictione flagrantissimum quendam à Seraphico Ordine spiritum intueri, atque audire, sibi videbatur. At sensa hæc nullus planè expreſſerit, nisi qui intimè conceperit, vsuque prius didicerit: probatque sanè in Vincentio cordis flammam linguæ ardor. Hinc illi in Christi Domini supplicia, quæ præcipua quædam ipsi diuini Amoris monumenta videbatur, peculiare quoddam studium. Adhortari alios solitus erat, ut

quo-

quotidie patientis Dei amorem, aliqua ærumnarum perpeſſione, compenſarent. Quo ipſe in exercitio aſſiduus erat: ita vt perdidiffe diem reputaret, quo non aliquid aſperi pro Deo toleraſſet. Hinc depoſcere præcarique ſibi pœnas, coatra quàm plerique mortalium faciunt, conſueuerat: impetrabatque à Deo facilè, vti tunc poſſiſſimùm accidit. Nam cùm nocte ante cubitum preces de more in templo funderet, animumque ac curſum diei recognoſceret, aduertit, nihil duri ea die tuliffe pro Domino. Quo circa ne veluti ignauus ac inglorius miles, ſine præclara aliqua tolerantia laude, tranſegiffe diem, videretur; è veſtigio ſe in Redemptoris è Cruce pendentis ſacellum contulit: ibique certis precibus recitatis, id ex animo orauit, vt tum quidem, antequàm ſomno ſe daret, aliquo pœnarum genere dignaretur. Cellam deinde petijt: quo tempore Præpoſitus impetu quodam propelli ſe diuinitus ſenſit, ad Vincentij patientiam periclitandam. Itaque ex improuiſo illum conuenit: adductoque ſuperciliò, ac prætextu quodam adornato, ea verborum acerbitate ac vehementia increpare illum cœpit, ac ſi grauiffimam amiſiſſet noxam; factoque eo periculo, abiit. Verùm, cùm re ad examen reuocata, durius æquo egiffe cum illo, ſibi videretur; compenſare illicò intempeſtiuam acerrimamque verborum aſperitatem, comitate, ac blanditijs, voluit. Redijt: nec quidem ſubita ea procella percuſum ac ſubtriſtem ſed veluti à proſperiore quodam ſucceſſu lætum reperit: agnouitque lætitiæ cauſam; quòd orata præſenti vexatione, voti compoſ in veſtigio temporis fuerit. Nempe vt diuinæ caritati par pari referret, nihil opportuniuſ ac iucundiùs reputabat, quàm pati fortia. Quò etiam reſpiciebant quotidianæ ſui corporis afflictationes: adpreſſa nempe membris cilicia, repetita sæpiùs diuerberationes, ſomni meſura infra naturæ neceſſitatem, ieiunia, ciborumque cùm parſimonia tum vilitas. Nam & hoc etiam Andreæ Auellini documentis didicerat, vt menſe reliquias, aliorumque reiectionem, delicias putaret. Vinum item proſcripſerat: vt libaſſe, piaculum duceret. Humilitas in aſpectu ipſo, cultaque, ac geſtu omni elucebat. Adduci nunquam potuit, vt coram Sacerdotibus caput operiret. Inter fratres Laicos vltimum ſe putare: quæ inter domus officia viliora erant, veluti ſibi vni deberentur, mira quadam alacritate obire. Quendam ex Sodalibus affectatam, quadam mundicie coquinæ inſtrumenta ac vaſa attrectantem, veluti miniſterium dedignaretur, reſugeretque ſœdare veſtes, ac manus; contineri minimè potuit, quin peracri quodam zelo ardoreque corripere: Ecquid, inquit, metuiſ? ne iſthæc iniquent? an

igno-

ignoras, idem esse, hic fordescere, ac fulgere cœlo, nostrasque maculas abire in stellas? Ea propter dicere solitus erat, ex Laicis cum quidem esse legitimam veramque Religionis Sobolem, qui à pulvere, & à sordibus squaleat; contra verò mundiciæ studiosos, adulterinos, ac spurios; ita vt non quidem ad lucem, sed ad fordes probet filios suos Religio. Hinc vrgere ad vilissima quæque fratres: & quos destinatos aut Ecclesiæ, aut sacrarij ministerio nouerat, conuenire consueuerat, ac monere: putarent, se specioso muneri commodatos; eoque ita se gererent, vt meminerint, repetituros postliminio, quæ propria sui status essent, nempe fullonicam, panificiũ. . . Et Vincentius quidem, cum apud nostrates, tum apud externos, in summa existimatione erat. Panormitani illum hilari semper vultu, aut pia recitantem, aut monentem obuios quosque officij cum offenderent, virum quidem sanctum videre sibi videbantur, eiusque sese certatim precibus commendabant. Piscatores præsertim, cum ad mare pergeret, vt cymbis, retibus, ac sibi ipsis benè precaretur, rogabant: fore namque largiorem à mari prædam sperabant, si eius preces accederent. Semel quis plusculas horas, ac patientiam ipsam, infeliciter piscando, consumpserat; fortè illac pertransijt Vincentius, quem vt ille inspexit, prolixius rogare, vt fausta prece hamum fortunaret; pollicitus, fore, vt si quid caperet prædæ, ex æquo vna diuiderent. Comiter de more bonus Senex lineam benedicit: & dum abit, ecce tibi correptus hamo piscis, ea quidem magnitudine, vt laboraret vehementer à pondere ac mole arundo. Compellare confestim ille Vincentium: accurreret, impetraretque precibus, ne longè maior ac fortior tenui filo piscis euaderet. Oratum. Nec mora: educta è mari ingens præda, non minus pondo triginta planè vt excederet oculorum fidem, potuisse tantum piscem exiguo hamo trahi. Ipse in primis piscator propiorem miraculo rem oblitusque periculum, partem eius rei sibi arrogare, quam pijs Vincentij precibus cerneiet diuinitus tributam, integrum piscem dono illi dedit; bona spe fractus, fore, vt reliquus dies, eiusdem scilicet oratione ac ope, opportuna item sustentandæ familiæ à mari commodà afferret. Hæc autem hominum opinio, ac passim honor, molestissimus viro modestissimo erat; declinabatque veluti excitatà à dæmone machinas; vt egregiam animi virtutem ac humilitatem gustu quodam inanis gloriæ corrumpere. Nouerat quippè inferni veteratoris artes Vincentius, cui assidua ac familiaris cum eo lucta. Impetere siquidem illum mali generis consueuerant, vt à solidæ mentis statu dimouerent, ac transuer-

lum agerent. Hinc formas longè turpissimas, vultusq; horribiles per-
 sæpe induere, eoque aspectu obijcere se se illi ad horrorem. Int erdū,
 quæ res ob oculos erant, præsertim pecunias, quarū tunc vsu opo-
 nator indigebat, ex improviso auferre, vt patientiam excuteret. Mi-
 scere aliquādo cellulam. Semel dū noctu quiesceret, ceu defuncti cu-
 iusdam cadauer in lectum, perturbando viri animo, immittere; aliaq;
 id genus plura cū molirentur, præclaro quodā cū animi tum oris
 habitu, ille excipiebat, triumphabatq; æquanimitate, ac precibus. At-
 que hoc quidem tenore vitæ hisque virtutū exercitamentis, ad sum-
 mam vsque sanctitatem peruenit Vincentius, emensus ætatis annos
 octo supra octuaginta, æquauitque æuo, vtī sapius prænantiauerat,
 Magistrum suum, nempe Andream Auellinū, quē castimonie lau-
 de, laborum tolerantia, vitæ asperitate, regularis obseruantie zelo,
 precandi studio, religiosaque paupertate fuerat imitatus; migravitq;
 in cælum anno voluentis seculi sexto & quadragesimo, exeunte Au-
 gusto mense, cū excellentis virtutis opinione: vt sint, qui impetrasse
 à Deo beneficia, inuocato eius nomine, ingenuè testentur.

Ceterū ad Te, S. Maria Providentia, meam orationem conuerto: &
 vt finiam, hic iterum cano, quos Tibi olim versus subscripsi, cū Tuam
 Sodalitatem administrarem.

Me puerum Genitor semel haud deduxit ad Aram:

Munus vt offerrem, Prouida Virgo Tibi.

Carui & is præerat, curamque hanc sepe gerebas,

Cū genuit, cū me & tradidit ipse Tibi.

Heu recolo, & miror lacrymas & gaudia fratrum;

Cū Tibi in ade darent, ore canente, preces.

Tuncque decennis eram: nunc me grauat ægra senectus.

Tunc suberam, nunc sum præses, & iugmen ago.

Ipse Tuam Effigiem tuleris quod ab Arce Iosephus

Ætherea exposui, nec sine orte, typis

A me Tu scitulum, quo Prouida prospicis Orbis;


Ac sacrum Laticem, quo hauris & ager opem.

A me ritè preces, vtī plebs Tibi poplite flexo

Concinat, ac offert munera, Mater habes.

Qui malè at ipsa dies duxi, à Te posco dolorem

Cunctorum scelerum, & at ritè pieque mori.



ILLVSTRISSIMO ET REVERENDISSIMO D.

D. MARCO ANTONIO

VICENTINO,

FVLGINATI EPISCOPO,

SANCTISSIMI D. N. CLEMENTIS PAPAE X.

Neapolitano hoc in Regno Apostolico Nuntio,

FRANCISCVS MARIA MAGIVS,

C. R. felicitatem.



ILLVSTRISSE ANTIISTES.



ANTA sapientia, & prudentia, ac integritate animi polles: eoque decore ac zelo, ne dum sacri Præfulis & Antistitis, sed & Apostolici Nuntij munus obis, vt & Romanæ Ecclesiæ Maiestatem, Dignitatemque, quam præfers, insigniter ac peregrinè tuearis: & magna apud omnes existimatione, siue dotibus animi, siue virtutum radijs, sic effulges, vt Te quotquot experiuntur ac norunt, passim deprædicent, & extollant, sperentque breui, ad altiores gradus & apices, pro virtutum merito, euectum iri, inter Romanos Patres, non sine Beatissimi Pontificis laude, ac plausu, conspiciendum. Cum satis igitur tua Benignitate omnino considerem, & acerrimum quo præstas Iudicium magnoperè demirarer; Tibi primò omnium exhibenda mea hæc Volumina existimaui; vt palam ostenderem, quanti faciam sapientiam tuam, meamque erga Te reuerentiam publicè omnibus indicarem: & Tu de ipso hoc Opere, quo soles animi candore, statueres: veluti rude & incomptum, blattis ne ac tinea addicendum, num aliqua saltem luce donandum esset. Idque arbitratus sum eò te libentiùs inspicendum, quòd spiritualibus in secessu Exercitijs (vti mos est ho-

die

dic tui similibus Antistitum) plurimū oblectaris: & depromptas ex sanctis Patribus, vel ex probatis, hīc, Autoribus, Institutiones expositas, iucundissimē (vt arbitror) intueberis. Præsertim, cū hīc sermo passim occurrat de sacris Pastoribus & Episcopis, & de sacris Monialibus ac Virginibus; quarum Afecteria ac Gynæcea, insigni vigilantia & cura, per Reuerendis. Tui Vicarium D. Ioannem Vernuccium, Virum quidem ornatissimum & integerrimum, administras. Et quanuis Tibi nullum penē otium sit, græuissimis curis, horis singulis, occupato; pro studio tamen, quo erga Eminentissimum Card. Palutium Alterium flagras, & erga proximum, cuius vtilitati semper inuigilas; quicquid hoc est oneris haud ægrē subibis, ne quid illi per incitiam indignum exhibeatur. Ceterū, si cognouero meum abs tē qualecunque hoc Opus non improbari, alterum, quod in lucem quamprimū edam, si Numen annuat, tuo amplissimo Nomini nuncupabo. Ipsumque Deum Optimum, Maximum impensē precabor, vt Tibi Gratiam suam, & omnem incolumitatem & felicitatem elargiatur.

AUTORIS ADMONITIO.

Lector aduerte, in Elogijs Virorum illustrium, quos hoc libro complexus sum, nonnulla me obiter attingere, quæ sanctitatē ipsis videantur ascribere: perstringo nonnunquam aliqua ab ijs gesta, quæ cū vires humanas superent, miracula videri possunt, præsagia futurorum, arcanorum manifestationes, reuelationes, illustrationes, & si quæ sunt alia huiusmodi: beneficia itē in miseros mortales eorum intercessione diuinitus collata; demum, nonnullis, sanctimonix videor appellationē tribuere. Verū hæc omnia ita meis lectoribus propono, vt nolim ab illis accipi tanquam ab Apostolica Sede examinata, atque approbata, sed tanquam quæ à sola suorum Autorum fide pondus obtineant, atque adeo non alienā hūmānam historiam. Proinde Apostolicum S. Congregationis S. R. & Vniuersalis Inquisitionis Decretum Anno 1625. editum, & anno 1634. confirmatum, integre, atque inuiolatē, iuxta declarationē eiusdē Decreti à Sanctissimo D. N. D. Urbano PP. VIII. Anno 1631. factam, seruari à me omnes intelligant, nec velle me, vel cultum, aut venerationem aliquam per has meas narrationes ulli arrogare, vel famam, & opinionem sanctitatis inducere, seu augere, nec quicquam eius existimationi adiungere, nullumque gradum facere ad futuram aliquando ullius Beatificationem, vel Canonizationem, aut miraculi comprobationem, sed omnia in eo statū à me relinquī, quem seculsa hæc mea lucubratione obtinerent, non obstante quocūq; longissimi temporis cursu. Hoc tam sanctē profiteor, quā decet eū, qui S. Sedis Apostolicæ obediētissimus haberi filius cupit, & ab ea in omni sua scriptione & actione dirigi. Ego D. Franc. Maria Maggio C. R.

